



6

4-D

9

6

5

I


32

50

E  
1961

G. 4. D. 9







DE PRIMA  
SCRIBENDI  
ORIGINE

ET VNIVERSA  
REI LITERARIÆ  
ANTIQVITATE,

Ad Reuerendum Patrem  
CAROLVM SCRIBANI  
SOC. IESV PRÆPOS. PROVINC.

in Prouincia Flandro-Belgica,

Scribebat HERMANNVS HVG  
cuiusdem Societatis.



*Coll. Rom.*

*Ex Leg.*



*Soc. Iesu*

*Card. Pallau.*

ANTVERPIÆ,  
EX OFFICINA PLANTINIANA,  
Apud Balthasarem & Ioannem Moretos.

M. DC. XVII. †






A D

R. P. CAROLVM  
SCRIBANI

Præpositum Prouincialem  
SOCIETATIS IESV  
*in Prouinciâ Flandro-Belgicâ.*

VM Antuerpiæ politiores literas docerem, Reuerende Pater, non semel cùm exemplis tum verbis me es adhortatus, vti sedulò me in ea studia abderem, simùlque incumberem in scriptionem argumenti alicuius, quod posteritati aliquando commendari mereatur. Ego dicto audiens, circum-

A 2 spice-

spicere cœpi quam ad rem præci-  
 puè me darem, quando tot iam de  
 re ferè qualibet extrusi essent libri,  
 ne vel actum agerem, vel minùs  
 etiam agerem quàm esset actum.  
 Igitur cùm inter legendum, vti  
 fieri amat, adnotarem frequenter,  
 literarum scriptionísque, veluti  
 per transennam, mentionem in-  
 cidere; meminissémque nihil esse  
 hucusque eâ de re accuratè abso-  
 lutéque perscriptum: & verò et-  
 iam interiisse omnia, quæ plurima  
 de Scriptura scripsisse Nigidium,  
 scripsit Gellius: adieci scilicet ani-  
 mum ad hoc vnum, vt rem ob-  
 scuram, nec parvam extraherem  
 in lucem. Cœpi primùm magno  
 impetu excutere & vestigare mul-  
 ta quæ huc facere putabam: sed  
 quòd

quòd pleraque essent à Scriptori-  
bus præterita , à paucis verò etiam  
contacta, tantæ mihi vnde quaque  
obiectæ sunt tenebræ, vt despera-  
rem me esse exitum aliquem re-  
perturum. Subinde tamen abiectum  
animum collegi , & Fabij  
Cunctatoris patientiâ rem tentan-  
lam esse duxi, donec longâ mul-  
tâque lectione assequerer , quod  
breui tempore aut paucorum li-  
rorum volutatione videbam per-  
ici non posse. Ergo inter studia a-  
liâsque exercitationes ludibundus  
veluti conieci in chartas quasdam  
itinerarias quidquid de scriptione  
ut literis veniret in manus; & en-  
es excreuit in librum, eo ferè in-  
teruallo quo Antuerpię te Rectore  
coësin & Rhetoricâ sum professus.

A 3 Non

Non nemo fortè existimabit tot bonas horas à me malè esse collocatas in rem tam exilem & Grammaticam : at ego semper existi-  
maui neminem ita esse iudicaturum qui vel paucas libri huius pagellas vel etiàm titulum rectè æstimabit . Non enim de literis tantùm scribo (qui fuisset vnus alteriùsve horæ labor) sed de iis omnibus quæ attinent ad totius *Literariæ rei Antiquitatem* ; quæ non Grammatica , sed Philologica est tractatio ; literæ verò minima sunt huius libri pars : de quibus tamen folis si scripsissem, defenderem me Coruini Messallæ exemplo, qui librum totum de literâ S conscripsit ; Passeratij, qui opusculum de cognatione literarum ; Probi, Ma-  
gno-

gnonis, & à Porta, qui libros magnos de Notis; Trithemij, qui volumen de Polygraphiâ: Nicanois, Diomedis, & viri amplissimi Erycij Puteani, qui libellos de Interpunctione; Manutij, aliorumque, qui de Orthographiâ. *Neque enim, ut Quintiliānus ait lib. I. c. VII. obstant hæc disciplina per illas euntibus, sed circa illas hærentibus.* Quamquam ut à ronchis illis & nasismnino tutus sim, in sinum tuum, & de Pater, coniicio hunc libellum neum. Ecquis enim mihi succedere audeat, paucula de Scriptione me scripta esse ad SCRIBANVM? Hoc solo nomine vindicatus victor, etiamsi multis præterea nominibus hæc meas primitias dedeo R<sup>x</sup> V<sup>x</sup>. Consule igitur æqui

boni, R<sup>de</sup> Pater, hoc quantulum-  
cumque affectus & obseruantia  
pignus tuo instinctu cœptum &  
affectum; diuque Prouinciæ tuæ  
Flandro-Belgicę, quam gerendam  
administrandamque accepisti, vi-  
ue incolumis. ita voueo. Bruxel-  
læ, Kalendis Iunij, M. D C. XVI.

R. V.

Seruus in Christo

*Hermannus Hugo.*

ERY.



ERYCI PVTEANI  
IN  
R.P.HERMANNI HVGONIS  
doctissimum  
DE ORIGINE LITTERARVM  
Commentarium  
CARMEN.

**H**VGO, *delicium piæ Camænae,*  
*Neëtar deliciumq;* LITTERARVM,  
*Qui fontem, laticemque* LITTERARVM  
*A primo liquidum recludis ævo:*  
 Hoc tu nunc latice, atque fonte, magnum  
 Priscorum mare colligis Librorum,  
 Novorum mare colligis Librorum,  
 Et pulchri pretium obtines laboris,  
 Laboris pretium perenne nomen:  
 Fructum nos capimus tui laboris.  
 Namque scire datur tuo labore,  
 Quis doctos apices, notasque primus  
 Signavit, tacitâ loquens liturâ:

A 5 Primus

Primus quis calamos fudit tenellos,  
 Et chartæ niveum inquinavit æquor,  
 Chartæ virgineum inquinavit æquor:  
 Quis loligine scripsit, & nigella  
 Sparsit semina, signa LITTERARVM.  
 Atque scire datur tuo labore,  
 Quis lignum, lapidesque, quis metalla,  
 Docto quis graphio lutum exaravit:  
 Quis ceram docuit loqui subactam  
 Stili cuspide, spongiamque mellis,  
 Sed pressam, domitamque, mortuamque,  
 Inclusam brevis alveo tabella,  
 Verba sugere, mella LITTERARVM,  
 Verba reddere, mella LITTERARVM.  
 Demum scire datur tuo labore,  
 Ut malvæ foliis libri remotis  
 Inducti, Philyræque, codicesque,  
 Membranae tenues, schedæ, papyrus,  
 Album, fasciculi que, pagina que,  
 Pugillar bipatens, tomi, cylindri,  
 Et volumina vasta LITTERARVM.

His

*His in omnibus, Erudite Scriptor,*  
*Tu Cadmum loqueris, sed ipse Cadmus:*  
*Phœnices loqueris, sed ipse Phœnix;*  
*Phœnix ipse, sed alter ille PHOENIX,*  
*Ales Assyrius, sibi superstes.*  
*Ac dum sic loqueris, stilumque doctum*  
*Versas, hoc agis Erudite Scriptor;*  
*Vnus ut videaris Eruditus:*  
*Dum jungis genus omne LITTERARVM,*  
*Vnus ut videare Litteratus.*  
*Crede, crede: erit hic Liber Librorum,*  
*Et lumen dabit hoc tibi Volumen.*

D E  
 L I T T E R A R V M  
 N O M I N E .

*Fecit LITTERVLIS LITVRA nomen:*  
*Sed nunc LITTERVLÆ carent LITVRA.*

In

In doctissimum  
DE  
SCRIPTIONIS  
LITTERARVMQ.  
ORIGINE  
Commentarium

R. P. HERMANNI HVGONIS  
E SOCIETATE IESV  
Bernardi Bauhusij eiusdem Societatis  
EPIGRAMMA.

**P**AVCA Philetæo meditabar scribere metro,  
Versiculis claudis, impariliq; pede;  
Poscebam PHOE BV M' calamos, unâmque  
Sororum,  
Quæ bifidum culmen, Musicaq; antra colunt.  
Poscenti PHOEBVS calamos, Virgoq; negavit;  
Fregerat ille suos, fregerat illa suos.  
Ite mei Vates, dixit Deus, & Dea dixit,  
Ite, dabit calamos iam meus HVG O novos:  
Ite, novas meus HVG O dabit tabulasq; notasq;  
Ite, dabit ceras iam meus HVG O novas:  
Ite

*Ite, nouum meus HVGO dabit graphiũmque  
stilũmque,*

*Ite, & Litterulas iam dabit HVGO nouas.*

*Ille HVGO, quo Gorgonei de fonte Caballi*

*Plusq; è virgineo flumine nemo bibit:*

*Ille HVGO, quo purpurei de vulnere CHRISTI,*

*Plus MARIE casto ex ubere nemo bibit:*

*Ille pius, simul ille HVGO doctissimus: ille,*

*Ars nulla, & nulla est cui peregrina schola,*

*Hippocrenisatarum grande decus Musarum,*

*Grande decus Sophia, grande Olea q; decus.*

*Testis adest non grãde Liber densumq; volumen,*

*Sed qui vel parua est sarcina parua manus:*

*Et tamen ex illo nemo non doctior ibit,*

*VARRO licet redeat, Panthoïdesq; senex.*

*Discere vt Indoctus queat hinc, dediscere*

*Doctus:*

*Is, malè quæ didicit, hic, malè quæ docuit.*

APPRO-

## APPROBATIO SUPERIORVM.

**C**AROLVS SCRIBANI Præpositus Prouincialis Societatis I E S V per Flandro-Belgicam : Cùm opus De primâ scribendi origine, eiusque vniuersâ antiquitate, à P. Hermannò Hugonè Societatis I E S V sacerdote conscriptum , designati eiusdem Societatis Patres legèrint , probarintque ; potestate ab admodum R. P. N. Generali MVTIO VITELLESco ad hoc mihi factâ, vt typis excudatur, permitto: in quorum fidem has litteras manu meâ subscriptas officij mei sigillo muniui. Antuerpiæ, xxvii. Iulij, M. DC. XVI.

*Carolus Scribani.*

## APPROBATIO CENSORIS.

**L**IBRI hi de Origine scribendi, & totâ Literariæ rei antiquitate, R. P. Hermannii Hugonis è Societate I E S V industriâ & accuratâ disquisitione compositi, digni sunt, qui in Literatorum omnium manibus versentur. Datum Antuerpiæ, xxvii. Iulij, Anno M. D C. X V I.

*Egbertus Spitholdius Plebanus  
Antuerpiensis.*

PRÆ-

# P R Æ F A T I O <sup>15</sup>

A D

## LECTOREM,

De admirabilitate vtilitateque  
scribendi.



**I**NDOS quosdam auo nostro us-  
que adeò demiratos fuisse scri-  
bendi inuentionem, refert ex  
Scriptoribus rerum Indicarum  
Lalins noster Bisciola libro VI.  
Subcisu. cap. XII. ut audito primùm Scripturæ  
nomine accurrerent ad papyrum loquentem au-  
diendam, ut ipsi arbitrabantur. Adcoq; narrat  
Petrus Cieza Tom. II. Histor. Peruana, c. XXXIV.  
America incolas ab Hispanis subactos, cùm  
literarum vsum vidissent primùm, putasse id  
esse certissimum Diuinitatis argumentum, quòd  
chartis scriptis occulta vox inesse posset. Planè  
sicut apud Athenæum lib. X. cap. XVII. Poëta  
quidam scriptionem ita admirabundus descri-  
bit, ut Epistolam vocet naturâ feminam; Lite-  
ras illius filias, mutas eas quidem, sed quæ ta-  
men etiam loquantur absentibus; & à legente, si  
velit, non audiantur, etiâ si intelligantur. Illud  
verò longè est facetissimum, quod narratum sibi  
à viro quodam Religioso, qui anno M. D. LXXII.  
è Bra-

è Brasilia redierat, scribit noster Ludovicus Ri-  
 cheome in libello quem inscripsit l'Adieu de  
 l'Ame : Mancipium quoddam Peruanum ab  
 Europeo Nobili, qui in Brasilia tum habitabat,  
 ablegatum est ad familiarem heri sui, Nobilem  
 item Europaum, cum fiscinulâ ficuum & literis.  
 In viâ seruus hic hero suo scilicet monosyllabus,  
 fructuum nouitate & dulcedine pellectus, bo-  
 nam eorum partem abliguriuit, literarum sua-  
 rum securus. Nobilis literis acceptis, hominem  
 verbis accipere; ille admirari, ecquid id sciret,  
 & verò etiam abiurare factum. Nobilis contrà  
 adferre testes literas; alter contrà testari, lite-  
 ras mentiri, & esse intestabiles. Ergo manci-  
 pium cum indicibus literis remittitur ad herum  
 suum. Herus dissimulat factum. Paucis post die-  
 bus seruum remittit cum ficibus & literis, no-  
 mero adscripto. Hic ratus sibi abunde cautum  
 ab indicio fore, literas sub saxum abdit in quo  
 sessum ibat: & Iam, litera, inquebat, etiamsi  
 Argi aut Lyncei sitis, non videbitis delicias  
 meas. Cum hoc dicto exinanit fiscinam, & totum  
 sibi de ficibus instruit epulum, relictis paucis-  
 lis. Quod supererat, cum literis desert ad Nobi-  
 lem: ille numerum in literis quidem integrum,  
 at in fiscinâ dimidiatum tantum reperit. Tum  
 denuò adoriri seruum, manus ambas excutere  
 & marsupium, literarum adferre testimonium  
 de numero ficuum: contrà seruus purgare se, &  
 saccu-



*sacculorum ostendere inanias, literarum fidem eleuare, quas certum sciret, nihil vel per rimas potuisse arbitrari, quando eas in saxa abdiderat: neq; antè doceri potuit illiteratum mancipium, quid possent literæ, quàm ab hero suo tergum eius totum conscriberetur stylis vlineis.*

*Ridendæ quidem opiniones, at certè tamen non abs re in rudibus illis incultisq; animis excitata; quando & Hebræi, scriptionis admiratione capti, artem Scriptoriam appellarūt דִּקְדּוּק Dikduk, hoc est subtile inuentum, ut obseruat Pet. Gregor. lib. 16. Artis mirabil. cap. 11. & gentes plurimæ aliæ (ratæ non potuisse ab homine aliquo tam admirandum artificium excogitari) Deo id assignarint. Ita enim Mercurium literarum auctorem apud Aegyptios, facit Plutarchus lib. IX. Conuiual. quæst. Saturnum apud Latinos pro earum inuentore habitum scribit D. Cyprianus Martyr Tractatu 14. De idolorum vanitate. Parcis id tribuit Hyginus lib. De fab. cap. CCLXXVII. Et nos ipsi si scriptionis admirandam vim æstimemus, nescio an quid aliud maiori admiratione dignum facile in creatis rebus simus inuenturi.*

*Quid enim magis mirum, quàm tam pauculis literis, quæ omnes omnino sunt viginti tres, tot tam varia in omnibus linguis nomina constare, quæ sibi singula sunt dissimillima? Esse autem vocabula adhuc ferè infinita, nōdum exco-*

B

gitata

gitata vel audita quæ quilibet potest sibi fabricare. Illud autem facit hanc rem ferè incredibilem, nisi oculis ipsis usurparemus, tot & facta & ficta esse vocabula, tantum ex consonantibus vocalium interiectu seiunctis; quæ si pronuntiari possent ex solis consonantibus facta, sicut possunt scribi, DEVS bone! quanta, quàm incredibilis nouorum verborum vis indies conflare posset! Vna hac res est quam inter naturæ arcana præcipuè demirantur Clauius noster & Richomus, & olim admiratus est Tullius Tusculanâ 1. sic exclamans: Quis sonos vocis, qui infiniti videbantur, paucis literarum notis terminauit?

Iam verò illud etiam quàm mirum, literis visis & lectis nos mentem capere absentium quantocumque temporum & locorum intervallo? Hac namque vnâ in re litera superant quidquid signorum esse potest aut excogitari. Voces enim quæ mentem alioqui aperiunt maximè, non tamen nisi breuissimo tempore existunt, nec ad absentes longè pertingunt: neque ferè pronuntiari possunt, nisi ab adstante audiantur, quem sapè nollemus audire. Imagines item, quæ coloribus ferè vitam rerum ipsam nobis ob oculos ponunt, non tamen interiora nobis indicare valent: imò absque literis esset, nec sciremus ferè qui ñ essent quos nobis imagines proponunt: vnde & nummorum imagines literis fuère

fuere circumscripta; ut ea nempe posteritati id significarent, quod imagines proloqui non possent. Magna sanè literarum vis; ut ferè miseratione digni sint Cabalistsæ, qui ob hæc res, ut scribit Franciscus Venetus, maiora etiam mysteria inesse literis putarent, dicerentq; iis contineri XXXII. semitas quibus DEVS creauit mundum. quod fabulatur Rabbi Abraham libro Zepher Ietzira, hoc est, de Creatione. Numquam tamen condonauerim Marco & Colarbaso hæreticis, qui teste Tertulliano lib. De præscript. docebant non posse veniri ad veritatis cognitionem nisi per vim literarum Alphabeti Græci: quod Christus ipse vocasset se Alpha & O mega. Digna Alphabetariorum ferulis capita! aut literariis nominibus qualia fecit Martialis: Alpha penulatum & Beta togatorum.

Sed ut de admirabilitate utilitatēque scriptionis semel omnia dicam, non alio utar argumento quàm testimoniis sapientum.

Ac primùm inter Græcos D. Basilus ita in illius rei laudes excurrit, Epist. LV. ad Ambrosium: Magna, inquit, semper quidem & multa sunt Domini nostri dona, &c. vnum verò quod inter maxima reputari potest, hoc est, quod quàm longissimè propter locorum distantiam seiunctis per literarum alloquium mutuò coalescere dedit. Largitus est autem

duplicem cognoscendi modum, vnum per præsentem conuietum & congressum, alterum per consuetudinem literariam.

*Theodoretus quoque Cyrensis Orat. iv. De Providentiâ non absimiliter est locutus: Cum absentibus, inquit, versamur, & qui longissimè à nobis distant: & cum lingua taceat præcipuum sermonis instrumentum, eius loco inseruit manus calamo arrepto; quod agendum nobis cum amico, inscribit chartæ; & sermonis fit vehiculum non iam lingua, sed manus.*

*Diodorus Siculus verò libro XII. Bibliothecæ ita copiosè differt de laudibus scriptioris, agens de legibus Charondæ: Cui tanta ingenij facultas suppetit, ut dignis laudibus literarum disciplinam institutionemque se prosequi posse confidat? quibus solis vitâ defuncti viventibus commemorantur: tum quos longissima procul terrarum intervalla separatos tenent, hi literarum sese mutuis velut internuntiis salutant, visunt, cum absentibus amicis tamquam præsentis consuetudine, mutuis colloquiis perfruuntur: tum ad bella, siue inter gentes quascumque, seu inter Reges sedanda, quid idoneum, quid magis accommodatum literarum munere posset excogitari? Fœderibus commendandis, pactis, conuentis, promissis, testes primi accersuntur,*  
cete-

ceteraque omnia quibus seruandis summâ opus est fide, ipsis tutò commendantur; illæ commendata quæcumq; excipientes, æternâ integritate & inconcussâ fide custodiunt. Postremò sapientissimorum virorum sanctissimas sententias, oracula Deûm, Philosophorum inuenta, disciplinarum deniq; omnium præcepta ac monumenta humanarum diuinarumque rerum, solæ literarum ædes reposita conseruant, atque à vetustatis & temporis voracitate defensa veluti quadam diuinâ vi tuendo posteris ex ordine deinceps per succedentia sæcula demum æternitati commendant.

*At inter Latinos Quinctilianus lib. I. cap. VII. sub finem:* Hic vsus est literarum, ait, vt custodiant voces, & velut depositum reddant legentibus, itaque id exprimere debent quod dicturi sumus.

*Plinius libro XII. cap. XI.* Huius vnus rei vsu scimus maximè constare humanitatem vitæ, memoriam, ac hominum immortalitatem.

*Tertullianus lib. De corona militis:* Literas necessarias confitebor & commercij rebus, & nostris erga Deum studiis.

*Cassiodorus libro XI. Variarum:* Scripturâ humanorum actuum seruatur fidele testimonium.



*Petrus Gregorius Tolosan. lib. xvi. De Repub. cap. ii.* Diuinum miraculum certè, vt ex xxi v. notis, & interdum apud aliquas nationes paucioribus, infinita vocabula, mentes diuersæ, contrariæ, actus omnium hominum & ipsæ cogitationes possint efficacius & perfectius quàm ipsâ picturâ representari: fiuntque scripturæ ad perpetuam rei memoriam; conseruat enim scriptura quæ hominis memoria non potest complecti.

*Calius Rhodiginus lib. i v. cap. i i i.* Quid illa scribendi maiestas, quæ tantarum rerum scientiam nobis comparat, vetustatem propagat, nil finit interire; & quod omnia conterit, tempus cogitur nostris manibus succumbere? Quid hoc magnificentius? quid æquè mirandum? id esse homini datum, in quod ne mortis quidemuida rapacitas ius vllum habeat?

*Guilielmus Postellus De literis Phœnicum Prefatione ad Carolum Cardinalem Lotharing.* Literis tamquam rei immortalitati proximæ hoc debemus, quòd consulere aliis possumus, ceterisque tam prudentiæ quàm sapiètiq; muneribus vt & posteritati prospicere.

*Denique omnium argutissimè ERYCIUS PUTEANVS (vt ingeniosa semper venustaque est eius omnis oratio) Oratione xiii. De Palestrâ Bonæ mentis, commendat scriptionis*  
por-

*partentum*: Sed quos limites solertia humani patitur ingenij? Postquam primum siue naturæ siue industriæ miraculum euiluit, locui; tentauit quisque etiam sine voce loqui. Lingux orisque vices ad manum translatae sunt, & sermonis picturam niueum papyri æquor excepit. Parum erat, indicium animi ministerio formare vocis, nisi & absentes posterique audirent. Prorsus imperfectum lingux ingenium mortales censuerunt, nisi & calami vsus accederet. Quàm verò id arduum, loqui, etiam cum non loqueris; imò quàm laboriosum, nisi longâ exercitatione scriptionis ager subactus sit, is iudicet, qui æternitatis agere negotium consuevit. Stilius profectò nisi manum exarantis quotidie lassauerit, tabellamque literarum impleuerit sulcis, enitescere non potest. Scribendum est, vt scribas: & iugi exercitatione opus, vt fructum ingenij colligas. Ab agro nemo expectat semina, sed exigit: minimum est, quod seris. Sic arborem plantare, satis non est: rigare debes, putare debes, & pertinaci cultu, quidquid speras, vigere.

*Verissimè omnia, neque quidquam supra iustam laudem.*

*Vnum tamen alterumque video mihi contra scriptura utilitatem opponi posse. In primis, literarum ferè tot posse mala existere quot lin-*

guæ, quam Iacobus appellat vniuersitatem iniquitatis, cap. 111. eaq; re *Thamum Aegypti Regem noluisse vt Theutus literariam artem inueheret vnâ cum Geometriâ, Arithmeticâ & Astrologiâ, quemadmodum refert Calius libro XXII. cap. XV. ex Platone.* Imò gentes quasdã, vt narrat *Sabellicus Enneadum Tom. I. penitus scriptionis usu abstinuiffe. Et literas à Licinio Imperatore vocatas esse virus, & publicam pestem, vt de eo prodidit S. Aurelius Victor.* Denique videri etiam memoria allatum esse ingens desidiæ periculum ansamque otianti, quando literis chartisque committimus quæ memoria eramus mandaturi; vt non iniuriâ admonuerit *Plato in Phædro: Literas debere esse non memoriæ, sed admonitionis medicamina.*

*Ad hæc omnia ita respondebo, vt prius de singulis dicam quid sit opinandum. Fateor igitur, posse literarum maxima esse damna & incommoda, si quis iis abutatur; adeoq; id esse nobis à maioribus argutè indicatum fabellâ illâ Segetis Cadmeæ, è quâ effloruerunt subitò acies due gladiis hastisque armatæ; quæ mutuis sese vulneribus confecere. Cadmus enim cùm existimatus fuerit literarum inuentor, & sexdecim primùm elementa tradidisse Græcis; hinc iactatus est vulgò seminasse dentes serpentium, qui sexdecim tantum habent omnino dentes; ex quibus*



quibus nata tot pugna, quot modò ardere non inter doctos, verum etiam inter Principes videmus frequenter; propter literas aut libellos. Sed quid? eone dicemus exterminandas esse ex orbe literas tot malorum & pugnarum causas? Non profectò magis quàm exsecandas hominibus linguas ob maledicentiam. Vites ebrietatem attulere, non tamen exscindenda, sed aqua iis propius admonenda fuit, inquebat ille; id quod ego lubens Thamo Regi & Licinio Imperatori Barbaris illis *μωτορραμνα* *Τις* respondero, in causâ literarum.

Lascium aliquod scriptum est? agatur Lacedæmonum lege, qui Archilochi libros propter obscenitatem condemnarunt. Hæreticum scriptum est? agatur legibus Valentiniani & Valentis de comburendis libris hæreticorum: agatur legibus Pontificum & Conciliorum, quibus vetitum est sine Censurâ libros excudere; & malo facilis medicina, neque ampliùs erunt literæ virus aut publica pestis. Atque ita literarum patrocinium egregiè suscepit Bibliander lib. De ratione communi ling. cap. De stylo & pennâ: An non stylus acuminatus, inquit; pugionis more menti suggerit, providendum esse ne quis innocens appetatur stylo, ne stringatur neu infigatur bonis civibus, sed adhibeatur ut gladius auctoritati militis, qui ex imperio Ducis in hostes stringitur ad tuendam Rem.

publicam? Proferatur igitur stylus, stringatur in perditos homines, & ad defensionem bonorum, &c. Neque verò Plato (qui, uti & Pythagoras & Cicero, literarum originem ad caelestem naturam retulit) scriptionis usum contempsit, postquam tam præclaros posteritati scriptos libros reliquit: illud tantum voluit, ne memoriam facile segnescere sineremus, præsidio otiosarum chartarum; ne doctiores nos esse censeremus à maiori librorum copiâ, quàm librorum rerumque in iis scriptarum scientiâ & memoriâ.

Certum enim est, nullius omnino tantam esse memoriae amplitudinem, qui omnia ita possit tenere ut scripto complecti. Et ut tantam quis facultatem haberet, aliis tamen iisq. quamplurimis utilitatibus hominum inseruit scriptura, quibus facile tantillum labefactanda memoria discrimen possit compensari. Quanam enim sine literis essent significandorum secretorum præsidia seu bello seu pace? Qua commercia exterorum, aut amicorum absentium consuetudo? Quanam essent mercimoniorum commutationes? qua urbium, provinciarum, regnorum societates? Qua denique præteritorum temporum certa memoria? qua spes nominis ad posteros propagandi per impressa vestigia virtutis?

Vixere fortes ante Agamemnona

Multi.

Multi. sed omnes illacrymabiles  
 Vrgentur, ignotique longâ  
 Nocte, carent quia Vate sacro.  
 Paulùm sepultæ distat inertiae  
 Celata virtus. —

*Illud, illud, unius scriptiois beneficio polliceri  
 potuit Flaccus: — non ego te meis*

Chartis inornatum fileri,  
 Tôtve tuos patiar labores  
 Impunè, Lolli, carpere liuidas  
 Obliuiones.

*Scriptioi ergo illud debemus (quo uno Deum  
 proximè imitamur) immortalitatem.*

*Sed dicet aliquis; hoc tamen esse insigne scrip-  
 tionis vitium, quòd, quæ semel scripseris, si  
 pæniteat, ea abs te scripta esse negare non potes.  
 & eam ob rem M. Antonium Oratorem nul-  
 lam umquam orationem suam literis commen-  
 dasse, ut si quid pænitendum dixisset, id dixisse  
 se posset facile inficiari. At ego contrà dico il-  
 lud unum maximum esse scriptiois ornamen-  
 tum ac bonum, quòd si quæ dicere vis, scribas,  
 non facile ea dicturus es quorum pæniteat; eaq;  
 gratiâ Augustum Casarem, ut de eo scribit Sue-  
 tonius cap. LXXXIV. neque in Senatu, neque  
 apud populum, neque apud milites locutum  
 esse umquam, nisi meditatâ & compositâ  
 oratione: sermones quoque cum singulis, at-  
 que etiam cum Liniâ suâ grauiores non nisi  
 in*

in scriptis & è libello habuisse. *Quo more legatos ferè ac indices loqui solitos, ne exerrarent, scribunt Linius, Tertullianus, & Cicero.*

*Linius lib. III. Decad. III. de Fabio Pictore. Tertullianus Apologet. c. II. Cicero Philipp. X. aliique complures, quos laudat Ianus Gruterus in Notis ad Apocolocynt. Seneca. Ostendunt igitur hac omnia, nihil esse de summâ scribendi utilitate admirabilitatêque ambigendum.*



DE

DE PRIMA  
 SCRIBENDI  
 ORIGINE  
 ET VNIVERSA  
 REI LITERARIÆ  
 ANTIQVITATE.

CAPVT I.

*Quid scribere? unde dictum? varia item eiusdem vocabuli significationes; & voces nonnulla contrarium significantes.*

**S**CRIBERE, est vocem aut vocis partes ob oculos ponere per literas. ita ferè Goropius Becanus libro 3. Hieroglyphicôn. Etymologia vocis SCRIBO vnde fluxerit, incertum. Aut nomen est primigenium ( vt sunt in quaque linguâ plurima ) aut fortè à Græcorum *γράφω* ducit familiam; non enim abhorret omnino affinitas literarum, vt de *γράφω* fiat Scribo. Certè neque mirum esset, nèque etiam inusitatum, mutari γ in sc, α in i, φ in b; quo facto fecisti de *γράφω* Scribo. Ita enim potestate conueniunt hæ literæ vt facillimus sit earum traiectus: nam Latini olim

olim non habuerunt G, vsq; ad Carbiliij tempora, auctore Plutarcho; eius verò loco utebatur C, unde dicebāt Secobrica, Cneius & Caius, pro Segobriga, Gneius & Gaius. Ab A item in I, frequentissimus transitus: vt pater in omnibus compositis verborum Taeo & Iacio. Similiter & Græcum, in B, mutant semper Macedones, vt scribit in Lexico suo Græco Arias Montanus: & Græcum ἀμφο, Latini scribunt Ambo. His ita transumptis literis, de χαρῶ habebis cribo; si S adieceris ad vehementiam, Scribo. Iam verò Græcorum χαρῶ, Ioannes Auenarius Germanus in Lexico suo Hebræo Wittembergæ edito deriuat ab Hebræo כתב charaf, mutato ת in כ vt sit כרב charaf, unde nullo negotio confeceris χαρῶ. Igitur sic originem suam Scribo ducet à χαρῶ; & rursus χαρῶ à כרב charaf. denique כרב à כתב charaf, quod significat Hebraicè scribo. quem Auenarij locum indicari mihi curauit R. Pater Cornelius à Lapide, meus nuper in sacrae Scripturae prælectionibus Louanij Magister, vir Hebræarum rerum admodum peritus, & totius Scripturae proditoris breuî Commentariis futurus immortalis. Non affirmo tamen hanc originem; sed pronuntio, Non liquere: magis verò adducor vt credam, quàm cum Goropio faciam, qui nimis argutè eius vocis natales arcessit à Cymbris.

Γράφω Græcorum, Scribo Latinorum, imò & כתב Hebræorum, inquit lib. 11. Hieroglyph. sub finem, natales suos Cymbrico nostro sermoni acceptos ferre debent. Grab enim Cymbris omnem fossam significat. Voci Grab ordine literarum & significatione contrarium est Barg, quod montem notat. Nos iam Graf pro Grab dicimus,

mus, mutato B in F. Ab hoc posteriore Graf, quod significat sodio, Græci retinuerunt γραφω, mutato F in φ, ut vis literæ postulabat, vnde grammata pro literis, &c. Iam Latino- rum Scribo manauit à Germanorum Scrib, quod Belga dicunt Scrif; cuius verbi ratio petenda est à Scrab, & huius rursus à Crab, quod idem est ac frico, &c. Qui verd tant à vi fricat, ut ductus sui signū impressum relinquat, is Scrabben dicitur, sibi vebementiam addente. Hinc denique venit Scrib Germanicum, & Scref Belgicum vocali longa quod lineam designat. Hebraeorum autem חָתַף chataf quo scribere designant, longius ab origine recessit, &c. חָתַף enim à Bocck-teken (quod est librum signare seu scribere) deriuari non dubito, solo N reiecto, & verbo præpostere pronuntiato.

Ingeniosa quidem Goropij diuination, sed quam plures, scio, ridebunt quā veram esse credent. Nos potius existimemus vocem esse de Aboriginum genere, quando apud nullam gentem certa exstant eius familiæ vestigia; vel certè, quod vero videtur esse proximum, à γραφω & חָתַף chataf deducamus. Sed hoc iam agamus, quibus præterea rebus significandis sit imposita vox Scribo: ne qui fortè sæpè aliās legerint, multa solita esse scribi, sed non tamen literis scribi, existiment declinatione laboris aut obscuritatis, præcipua quæque scriptionis mysteria à me esse præterita, qui persequi omnia pro libri huius instituto debebam.

Igitur, fata scribere & fata scribunda aduocare, est de recens nati infantis felicitate benè ominari; id quod fiebat die Lustrico seu Nominalium, ut Ter- tullianus loquitur. vide Scalig. ad illa Ausonij verba: *Dixisti fati verba notanda meis.* lib. 11. Obseruat. cap. XXI 1.

Dicam

*Dicam scribere*, est nomen alicuius pro instituendâ accusatione ad Iudicem deferre. Cic. Verr. iv.

*Seruo libertatem scribere*, est dare. Quintil. declamat. 380. & alibi Vlpianus

*Tutorem scribere*, est constituere. Cic. pro Cluent.

*Scribere* pro pingere apud Plin. lib. xxxv. cap. x. *Scriptis Apollinem*, &c.

*Scribere digitis*, est nutibus loqui. Ovidius:

—— in digitis litera nulla fuit.

Ennius de quadam impudicâ: *Alis dat digito literas*, quod Salomon dixit Prouerb. vi. *Annuis oculo, terit pede, digito loquitur.*

*Scribere* pro arare apud Ennodium in Paneg.

*Cum benè molitos incurui dente ligonis*

*Scribit agros.* ——

Alibi: *Nisi edomitam terram ter quaterq, agricola ligonibus scripserint.* Item Sidonius Apollin. carm. xi. ver. 412. —— in descriptosq, per agros

*Fragrat odor.* ——

*Scripturarius ager*, pro quo depascendo, *Scriptura*, hoc est, certum vectigal soluitur publicano.

*Conscribere* est colligere seu adlegere; hinc *Patres conscripti*. est & vibicibus verberum notare: Plautus Pseudolo: *Stylis me totum vsque vlmeis conscribito.*

*Subscribere* est post accusatorem secundo aut tertio loco dicere contra reum: vnde *subscriptores*. vide Budæum Annot. poster. in Pandectas, & Sigon. de Iudic. lib. i i. cap. x.

*Præscribere*, longâ annorum consuetudine ius acquirere; apud Iureconsultos.

Hæc pauca, sed ferè præcipua scribendi vocabula suffecerit explicasse; quæ alienæ significatio-

nis



nis quadam veluti præscriptione irreperant in  
ius aliorum verborum: sed & ab aliis vocabulis  
verbum ipsum Scribo, veluti talionis lege inuicem  
fundo suo subinde depulsum est non inicitâ Me-  
taphoræ tralatione. Ita *Pingere* pro *Scribere* posuit  
Martial. lib. ix. Epig. xiv.

*Nomen Acidaliâ meruit quod arundine pingi.*

*Arare & exarare.* Isid. ex Atta Satyr.

*Mucronéque aremus offeo.*

in ceratâ nempe tabellâ. Ouid. i i i. de Ponto:

*Ad fratrem scriptas exarat illa notas.*

*Effodere.* Petron. Satyr. *Verba atroci stylo effoderent.*

*Sulcare.* Ennod.

*Otia Niliacis non passus carmina biblis*

*Sulcati.*

*Illudere.* Horatius lib. i. Sat. iv.

—— *Si quid datur otii*

*Illudo chartis.*

*Illinere.* Idem ibidem:

*Et quodcumque semel chartis illeuerit.* ——

*Ducere.* Ouid. i. Trist. Eleg. x.

—— *tamen ipse trementi*

*Carmina ducebam qualicumque manu.*

*Lineare.* Marcianus Capella lib. i i i. *Literarum  
formas lineare.*

Iam contrariû quæ voces significauerint, viden-  
dû est; nã & ex ad scribendi argumentû pertineant.

*Liturare* apud Sidonium est epist. ix. lib. vi i i.

*Liturâ coërcere* apud Flaccum epist. ad Pisones:

—— *Carmen reprehendite, quod non*

*Multa dies & multa litura coërcuit.*

Vnde urbanissimus ille iocus de liturâ in Ver-  
rem Aëtione i i. *Videtis extremam partem nominis; cau-*

C

*danz*

*dam illam Verris, tamquã in luto demersam esse in liturã?*

*In spongiã incumbere.* De suã Aiace, deletã scilicet, dixit Augustus Cæsar apud Suetonium capite LXXXV. Scribentibus enim, ad castiganda scripta, semper spongia erat ad manum; quam totam atramento imbuebant, vt ita literas liturã nigrã inducerent: quod Ausonius expressit carmine ad Theonem: *Aut cunctis pariter versibus oblinat*

*Fuluam lacticolor spongia sapiam.*

Vnde est illud Martialis Epigr. x. lib. i v.

—— *instructum comitetur pumice librum*

*Spongia; muneribus conuenit illa meis.*

*Non possunt multa nostros, Faustine, litura*

*Emendare iocos; vna litura potest.*

E quibus locis apparet, talem fuisse spongię vsum, non ita multis obseruatum. Alioqui spongiã solã sine atramento deleri poterant literæ è pugillaribus & gypso, vt hodieque facimus ad spersã saliuã; de quo ita Varro:

*Sin displicebit tam tibi latum mare,*

*Tantum parato spongiã deletilem.*

Adnotauit autem Cuiacius, ab optimis quibusque scriptoribus pro *delere* dictum esse *spongiã effingere*. ita Cicero pro Sestio: *Spongiã sanguinem effingi*. Cato: *Fiscinas spongiã effingat*. Apuleius i. *Vulnus spongiã effingens*. Liuius lib. xxxix. *In domo spongiis effingi solent*. Hæc ille lib. xii. Obseru. cap. xii.

*Delere.* Cicero pro Cluent. *Digito legata deleuit*. è cerã vel è chartã, opinor, deletitiã, qualis est flaua illa nostrorum pugillarium; nam digito alioqui deleri nequissent. Spongiã enim deletili (vt Varro eam vocat) fulci cerei obduci non possunt; sed tantum literæ vel cretã, vel atramento, vel carbone,

ne, vel rubricâ, aut etiam stylo in chartâ deletitiâ ductâ; vt patet ex illo Augusti responso, dicentis, suam Aiacem incubuisse in spongiâ, hoc est deletili spongiâ deletam.

*Stylum vertere.* Horat. Sat. x. lib. i.

*Sepè stylum vertas, iterùm qua digna legi sint  
Scripturus.* —

Cicero II. Verrinâ: *Vertit stylum in tabulis suis.* Diuus Hieronymus epist. ad Dompnionem: *Stultus ego qui meliorem styli partem eam legerim qua deleret, quàm qua scriberet.*

*Abolere peremptoriis rubricis.* Sidonius Apollinarius libro VII I.

*Cancellare.* Transuersariis lineis sicut cancellis inducere, inquit Nebrissenfis. Vnde fortè Cancellarius dictus, quòd responsa & rescripta Principum malè scripta cancellet.

*Inducere.* Cicero lib. I. ad Att. epist. xv. lib. XII. epist. XI I. lib. XII I. epist. CC LXX I I. vide Forensia Budæi.

*Expungere.* Plautus Cistellar.

— *vt expungatur nomen ne quid debeam.*

Ita, milites expuncti; &, stipendius militem expungere, apud Paul. lib. pēnult. De re militari, est militem, ære diruere.

*Dispungere.* Seneca lib. I v. Benef. cap. XXX I. *Apud me ista expensorum acceptorūque rationes dispungentur.* Hic finem facio; & copiam dispungendi, si fui longior.

## CAPVT II.

*Quid Literæ, & unde dicta?*

**Q**VONIAM suprâ diximus scriptionem omnem fieri per literas, hîc fuit ante alia de iis agendum. Igitur literas definit Isidorus libro 1. cap. 111. *Indices rerum, signa verborum.* Gregorius Tolofas lib. xvi. Syntax. cap. 111. *signa pronuntiationis.* meliùs sanè quàm Scaliger lib. 1. De causis ling. Lat. cap. v. qui eas vocat *minimam partem dictionis.* meliùs quàm Goropius lib. 111. Hermath. qui cum veteribus quibusdam contra Scaligerum, appellat eas *minimam partem vocis.* Neque enim literæ seu scriptæ seu non scriptæ, possunt partes esse vocis aut dictionis quâ vox aut dictio est, nisi quâ scripta vox aut dictio est; quando omnis vox aut dictio, quâ tales sunt, soni sunt: litera autem quâ litera est, obiectum visus est (neque enim litera auditur, sed sonus literæ pronuntiata; neque quamdiu scripta nō est, litera est: ) ecquî igitur res visibilis pars erit soni? Rectè ergo literæ signa pronuntiationis: etiãsi enim pronuntiatio in sono consistat, potest tamen eius signum aliquod sub visum cadere. Sic Hebræi literas *ותיות* Othioth, id est, signa, vocant, inquit Greg. Tolofas lib. xvi. c. 111. De arte mirab. Sed propriè ea vox significat signa signorum; id quod clariùs literarum indicat naturam: sunt enim literæ signa vocum, voces autem signa rerum; sunt ergo literæ, signa signorum. Atque hinc confirmatur Isidori sententia definientis literas esse *indices rerum, signa verborum.* primò enim literæ signa sunt vocum, deinde

deinde signa rerum per voces. Loquor de literis non hieroglyphicis: quarum nonnullę signa sunt vocum simul & rerum; plurimę autem signa tantum ipsarum rerum, vt apparet in Notis hieroglyphicis Astronomorum & Arithmeticorum. Certę non possunt mihi probari quorundam veterum Grammaticorum, vt Prisciani, Diomedis & Marij Victorini opiniones, qui literam definiunt vocem aut minimam partem vocis. Illud autem miror præcipuę, neque illos ipsos sibi satis constitisse in literā definiendā; nam Diomedes libro 11. & Priscianus lib. 1. dicunt *vim ipsam seu potestatem vocari elementum; literam autem esse figuram tantum illius potestatis*; ex Scauro, qui literam appellat *vocis quę scribi potest figuram*. quomodo igitur litera erit vox, aut vocis pars, si est ipsius elementi nota quædam & imago, vt loquitur Priscianus. Sic Gręci *σημεία, σήματα*, id est signa, teste Herodoto: item *τύποι*, id est formas: *εἰκόνες, χαράγματα*, id est, sculpturas: proprię autem verò *γραμματα* vocant, id est lineaturas, quia *γραμμαῖς*, hoc est, lineis constāt. Sic denique Latini, inquit Scaliger loco citato, *quia litera omnes lineis constant, à lineando, eas primum dixere lineaturas, deinde literas*. In quam sententiam pridem etiam scripsit Bibliander in Commentar. *literarum: Denominantur litera, inquit, à lino, vnde linea & lineamentum etiam dicitur*. Vera, nisi fallor, Bibliandri & Scaligeri sententia; nam & Marcianus confirmat libro 111. vbi sic loqui facit Grammaticam: *Mihi attributum literarum formas lineare*. Oculi ergo obiectum sunt literę, sicut & omnes lineę, non aurium; quare pars vocis aut dictionis, hoc est soni, qui erunt? Hinc apparet etiam Prisciani er-

ror, qui literas à lituris, quòd delerentur, deriuat : priùs enim facta quàm deleta, inquit Scaliger. sed occupat his verbis Scaligerum Goropius : *Benè fortassis, nisi mortales quoque homines vocarentur.* At meo quidem iudicio frustrà est illa Goropij similitudo, neque Scaligeri ratiocinationem infringit : non enim rectè homines vocarentur mortui, vt mortales vocantur. Sic literę sanè, non rectè lituræ, etsi fortè possent liturabiles dici. Insurgit denuò Goropius : *Litura non solum deletionem, sed etiam teetorium seu incrustationem significat apud Columellam ; ab hac liturâ, litera dici videtur ; cum nempe tabulis primum cerâ illinebatur ad scribendum ; quæ cera instar crustæ alicuius seu lituræ erat, quando tabulis erat allita.* Abit in hanc sententiam cum Goropio Neapolitanus A porta lib. De not. furt. cap. xi i. Ego tamen ab eo in alia omnia : nam quia si à liturâ tali litera dicta est, quomodo igitur literam primâ syllabâ omnes Poëtæ producunt, lituram primâ syllabâ corripunt? *Bella res, inquit Goropius, quasi non omnes veteres duplici et litteram scriberent, non autem literam, vt in Orthographiâ suâ adnotauit Manutius.* Tamen Goropi, plurima veterum exempla faciunt, vt Manutio vix credam ; & certè ratio facit ; quia non scribitur *littura*, vnde tamen vis ita scribi *litteram*. Denique cur non credam, literas apud Latinos dictas esse à lineâ ; quando Græci à *γραμμή*, id est linea, eas appellant *γράμματα* ? quando tu ipse Goropi, lib. secundo Hieroglyphicôn sub finem ; verbum Scribo deriuas à Cymbricâ voce *Screff* ; quæ lineam notat, vt ipse interpretaris ? Fateor tamen, ingeniosum est tuum de literæ etymologiâ commentum ; adeoque dignum visum quod huic loco

loco

loco intexerem, ne quid de literæ etymo desiderari posset: *Let membrum significat: qua vox à delicatioribus Lit effertur. apud Cymmerios, Em, vocem notat. vnde Aelēm, halitus, qui est eīca vocis, Ael-em. Ter, vel Der, articulus est. quamobrem Let-ter-em notabit, membrum ipsius vocis. Sed quia Let dicimus & Lit; ex litterem, Latinus fecit litteram; qua nobis iam breuitatis causā, in singulari est letter, in plurali letteren. Non abnuo, ut alius quis Goropio hoc credat; sed vereor id esse vnum de paradoxis illis de quibus ipsemet Goropius dicit initio libri 111. Hieroglyphicōn, Auduisse se frequenter à viris Latina, Græca, Hebraica lingua peritissimis, dogmata sua plurima rationibus niti admodum firmis, & talibus ut eas vel reuicere vel frangere nequeant; sed tamen adduci non posse ut ea probent aut vera esse fateantur.*

Iam verò nec probare possum Isidori & Seruij opinionem, qui *literam* quasi *legiteram* appellant, quòd legentibus præbeat iter, aut legendo iteretur. Multo verò minùs stomacho meo facit frigidū illud Marij Victorini figmentū: *Quidam dixerunt leuiterā, quia leuat ut iteretur, id est, delectat iterū ut scribatur.* Illud autem omnino certum habeo, *literas* esse *elementa* dictas, ut Iul. Scaliger & Tolofas docent, quòd ex illis componantur dictiones, sicut ex his corpora mista: quod affirmant item Priscianus & Tertullianus lib. v. contra Marcionem. clarissimè autem his versibus Lucretius docuit, libro 11.  
De rebus naturalibus:

*Quin etiam passim nostris in versibus ipsis  
Multa elementa vides, multis communia verbis,  
Cum tamen inter se versus & verba, necesse est  
Consistere alia ex aliis constare elementis.*

C 4

Vnde

Vnde admiror Diomedem Grammaticum, qui ita literam diuidit ab elemento, vt litera sit id quod scribitur, elementum autem vis ipsa & potestas literæ.

## CAPVT III.

*Qua litera, à quibus, & quando  
scriptio inuenta.*

**N**ON alia res est, in quâ plures magisque pugnant sententiæ reperiuntur, atque hæc tractatio de primâ literarum & scriptiois origine. videas dissipatû Penthei corpus. Quod verò huic disputationi tenebras densissimas adfert, est ipsa scriptorum nimia multitudo. Vnde profectum, vt neoterici maximè in tam diuersas sententias discesserint, non animaduertentes scilicet Gentium totarum & Regionum nomina fuisse interuallis temporum mutata, in quibus repertæ & excogitate primùm literæ; & easdem Regiones ac Gentes diuersis nominibus apud veteres appellatas subinde fuisse; imò & literas mutatas à quibusdam, seruata tamen sartam tectam linguam; vt de Hebræis nemo ambiguum habere potest. Et verò ab aliis retentas literas, mutatum loquendi genus; vt certum est de Italis & Hispanis, de Gallis, Belgis, Germanis, & Anglis. Hinc enim vsu venit, vt qui nescierunt, Hebræos exempli gratiâ ante tempora Noë vsque ad Adamum fuisse gentem sine nomine Hebræorum; post verò eandem vel ab Heber filio Sale, vel ab habitatione trans, seu עבר *heber*, flumen, Hebræam esse dictam: deinde à temporibus Iacob eandem appellatam esse Israëliticam; deni-



denique vocatam Iudaicam : subinde verò ab Affyriâ in quâ habitauit , Affyrios ; à Phœniciâ , quam coluerūt, Phœnices; sicut Chananæos, Aramæos & Syros : hinc inquam factum vt inter se adeò digladiati sint , non obseruantes tamen se rixari de nomine , conuenire de loco & gente.

Vult enim Philo literas ab Abrahamo primùm inuentas: Iosephus Iudæus, & ex eo Polydor. Virgilius , Opmerius , Gregor. Tolofas, Ludouicus Viues , Ioannes Annius Berosi interpres, excogitatas eas esse ab Enoch filio Seth, diu ante tempora Abrahami; Bibliander, ab Adamo; Eupolemus, Eusebius , Clemens Rom. Cornelius Agrippa, Crinitus, Textor, Giraldus, à Moyse; Clemens & Cyrillus Alexandrini, Herodotus, Pompon. Mella, Herodianus, Rufus, Festus, Zopyrion, Phor-nutus , Plinius , Lucanus , Iosephus Scaliger , à Phœnicibus ; D. Cyprianus, à Saturno ; Tacitus, ab Ægyptiis; nonnulli in Bibliothecâ Diodori, ab Æthiopibus : alij ab aliis, vsque ad nauseam. Igitur ne deinceps in hisce Cymmeriis tenebris errabundi vagemur , hoc primùm statuendum est; Primam gentem illam quæ ab Adamo per filium eius Seth, per Noë, per Heber, per Abraham deinde descendit ad Israëlitas, seu posteros Iacob, primâ ætate, quæ fuit inter Adamum & Noë, nullum certum habuisse gentis nomen, sed toto orbe fuisse dispersam aliisque permistam, vnoque cum Caini posteris idiomate vsam : *Erat terra Labij viuius & sermonum eorumdem*, inquit Scriptura Gen. xi. capite. Post Noë item vsque ad Heber LXVI. annis à diluuiio; vel tantùm vsque ad habitationem Arphaxat vltra flumen , eadem gens adhuc anonyma

fuit. sed postea, vel ab *הֶבֶר* *heber*, quod trans significat; vel ab Heber filio Sale, vocata est Hebræa: quod vnum nomen retinuit, donec Iacob vocatus est Israël; ac tum cœpit præterea vocari Israëliticus populus. Eadem autem gens à posteris Scriptoribus vocata est Assyrij, Syri, Phœnices, Aramæi & Iudæi, ob loca quæ inhabitauit, vt scribunt Guilielmus Postellus ad Cardinalem Carolum, Ioan. Annius in Not. Berosi, Sigon. de Repub. Hebr. lib. 1. cap. 1. Polydorus Virgil. libro 1. cap. vi. Bibliander De ratione linguarum, Iosephus Scalig. in Notat. Eusebij, in posthumâ item epistolâ quadam ad Christoph. Puteanum, & in Explicat. nummi cuiusdam Constantini, vbi sic ait: *Chananeis, id est, Phœnicibus, tempore Abrahami lingua Hebraica fuit in vsu.*

Hæc porrò gens Hebræa sola retinuit proprium idioma (quo antea omnes omnino homines fuerant locuti, Adam, Sem, Noë, eorumque posterii) post Babylonicam confusionem, inquit Sigonius loco citato, Opmerius, Viues, & complures alij, de quibus pòst. Mutauit autem literas, auctore Hieronymo, cum iis quas hodie ab Esdrâ habemus, vt scribunt præterea plurimi. Eæ enim fuere veteres, quas postea adferam Adamo adsignatas in Bibliothecâ Vaticanâ, immò iis fortè priores sunt illæ decem quas Irenæus vocat Sacerdotales.

His constitutis, arbitror omnino certum esse, primas literas fuisse Hebraicas: nam prima lingua fuit Hebraica, vt constat ex nominibus primis *Adam* & *Eua*. Omnes autem ferè gentes, ait Ammonius Philosophus à Giraldo laudatus, *quemadmodum propria sibi voce, ita singularibus ac propriis quoque*  
*vsæ*

*vsq̃ literis*; neque literarum figuræ antè cœperunt esse diuersæ, quàm diuersitas idiomatum nata est in confusione Babel. Numquam enim vnus aliquis linguæ aut gentis literas legimus fuisse diuersas; nisi fortè capitales seu initiales, medias & finales, vt apud Arabes; vel solas initiales & finales, vt apud Hebræos; vel solas capitales, vt apud Latinos: aut certè quando gens aliqua in alterius venit potestatem; à quâ cum legibus etiam literas acciperet.

Atque vt auctoritatibus Scriptorum eam opinionem confirmem: est in primis Plinij hæc sententia lib. vii. cap. lvi. ita loquentis: *Literas arbitror semper fuisse Assyrias*; id est Hebræas, vt ego interpretor, quia Assyria ab Hebræis primùm habitata fuit, vt nemo ignorat, etiam secundâ ætate, à Noë vsque ad Abrahamum; & antè item quàm ipsi Hebræi vocabantur, à primis hominibus primâ ætate, qui omnes Hebraicè loquebantur.

Deindè est eorum omnium sententia, qui, vt idem Plinius scribit: *Literas apud Syros repertas volunt, & apud Phœnices*. Syria enim, vt ex Plinio notauit Polydorus lib. i. cap. vi. dicta fuit & Assyria, & Phœnicia, & Palæstina, & Iudæa, & Babylonia. Verba Plinij lib. v. cap. xii. sunt huiusmodi: *Syria quondam terrarum maxima & plurimis distincta nominibus: namque Palæstina vocabatur, quâ contingit Arabes, & Iudæa, & Cœle, dein Phœnice, &c. ac magis etiam meridiana, Babylonia; & vltra Armeniam, Adiabene, Assyria antè dicta*. Cum Plinio stat Xenophon libello de Æquiuocis; capite de Æquiuoco Proteos; his verbis: *Tota regio quæ est à Sydona ad Iamneum portum cum antè Assyria diceretur, è Phœnice nomen*

*nomen accepit*, &c. In quæ verba ita commentatur Ioan. Annius: Nini proprium nomen Assyrius; is subegit Asiam totam & Africam vsque ad Libya terminos; hinc omnes ille regiones à victore dicta Assyria; sicut postmodum inferior hac regio, à Syro victore, dicta Syria. Eusebius autem & in Notis suis Scaliger dicunt Syros degenerasse ex Chananæis seu Phœnicibus, qui omnes loquebantur Hebraicè. Idem obseruat Postellus ad Carolum Cardinalem, Phœnices eosdem esse qui dicebantur Hebræi, esseque easdem Phœnicum & Hebræorum literas.

Est item eorum ( qui plurimi sunt ) sententia; qui nempe literas primas faciunt esse Phœnicias, hoc est Hebraicas, seu Chananæas, vt deinceps interpretabimur cum Theod. Bibliandro De origine literarum, & cum Ioan. Annio interprete Berosi, qui in Berosi Præfatione easdem facit literas Chaldæas, Phœnicias, & Assyrias. ij autem ferè sunt: Timo Syllographus apud Sextum Pyrrhonium:

Φοινικὰ σήματα Κάδμου.

Lucanus:

*Phœnices primi (fama si credimus) ausi*

*Mansuram rudibus vocem signare figuris.*

Plinius lib. v. cap. xii. Ipsa gens Phœnicum in gloriâ magnâ est literarum inuentionis. Clemens Alexandrinus lib. i. Stromat. Cadmus erat Phœnix qui fuit Græcis literarum inuentor, vt ait Euphorus: alij autem dicunt Phœnices & Syros primos excogitasse literas. Nec absimiliter sentit Cyrillus Alexandrinus lib. vii. contra Iulianum Apostatam. Laurentius Valla ad lib. Tusc. Ciceronis, laudat eius sententiæ testes, Herodotum, Herodianum, Tacitum, Rufum, Festum. Gyraldus Dialog. i. De Poët. adfert prætereâ

tereà Pompon. Melam, Zopyrionem, Phornutum, Suidam; ipseque mox addit: *Sunt inter Auctores qui Phœnicias & Hebræas easdem panè fuisse literas tradunt, atque ab Hebræis Phœnicias accepisse; non ab Aegyptiis, vt Tacitus credidisse videtur; quæ vera est opinio.* Theodorus Bibliander lib. De rat. ling. cap. De orig. literarum: *Plutarchus Phœnicibus, vt plerique alij, adscribit hoc inuentum. Phœnices autem Hebræos intelligere videtur. Cùm enim quæstio mota esset cur Alpha primum locum obtineret inter literas; respondet, Quia Alpha bouem significat Phœnicibus, quem ipsi primum æstimant inter res necessarias: Aluph autem bouem significat apud Hebræos, ergo iidem sunt Phœnices & Hebræi.* Guiljelmus Postellus de Phœnicum literis Præfat. ad Carolum Cardinalem Lotharingiæ; & cap. De prisco Phœnicum charactere: *Græcos habuisse vsum literarum ab Hebræis, qui iidem sunt Phœnices, Eusebius ex nominum ratione testatur. Sed more Chaldaico, addito ferè vbiuis ad vocabuli finem elemento A, vocabula protulerunt; verbigratiâ, Alfa pro Alef, Beta pro Beth, Gamma pro Gamel seu Gimel, Delta pro Dalet. Deniq; Iosephus Scaliger epistolâ postumâ ad Christophorum Puteanum, & in Explic. nûmi Constant. Ex numismatis inquit, quæ quotidie effodiuntur in partibus Tyri & Sidonis, in quibus characteres illi (Phœnicij) extant sine vllâ mutatione; nam lingua Hebræica est quæ in vsu fuit Chananeis, hoc est Phœnicibus, tempore Abrahami.* In Notis item Eusebij circa annum orbis conditi M. DC. XV II. Phœniciis olim omnes & Chananei & Hebræi vsi sunt, adhucq; Samaritani vtuntur; neque illæ in vsu fuerunt à temporibus Moysis, vsq; ad excidium templi.

Sed ne longum faciam, adferendo auctoritates non omnino clarissimas; clarissimis verbis

bis eandem sententiam tradidêre, Ioannes Annius, initio libri primi Not. Berosi: *Quod, inquit, ab Adamo cœperint literæ & disciplina infusæ, non est ex fide tantum, sed etiam historiâ Gentilium, & traditione Chaldæorum, qui se Astronomiam & literas habuisse ante Alexandri monarchiam, tribus millibus & DCXXXIV. annis asserunt. Erant igitur in usu literæ & ars fusilis, mille annis ante inundationem. Porro viuente Adamo & agente annum DCXXII. natus est Enoch Genes. v. Quare coniectura est & firum argumentum, eundem Enoch ab ipso atquo suo primo Adamo suscepisse literas. Item Petrus Gregorius Tolofas lib. xv. Reipub. cap. i. his verbis: Constat antiquissimam esse literarum inuentionem, eamque traxisse originem primam & characteres ab Hebræis, non à Chaldæis vel Græcis. Paulò verò superiùs: Ab Hebraicis characteribus aliarum linguarum & nationum characteres efformati & tracti videntur; paulum pro mōre, & antiquitate, & usu variati, & à rectitudine in aliam delineationem vel imperitiâ scribingentium vel alio casu declinantes. Item sub finem: Fuêre tamen aliæ gentes, quæ vel aliquas addiderunt, vel alias figuras adinueniunt ex consensu receptas. Theodorus Bibliander Commentario De literis, cap. De Grammaticâ & literis: Primus homo, inquit, & Patriarcha totius humani generis literas diuinâ inductione reperit. Polydorus Virgilius lib. i. cap. vi. Reperimus ante diluuium Noë apud eos omnino usum fuisse literarum. Iosephus enim in i. Antiq. cap. iv. tradit filios Seth (qui fuit filius Adæ) in duabus columnis disciplinam celestium rerum à se primò inuentam conscripsisse. quo apparet iam tum literas fuisse; quas, fieri potuit, vi aquarum deletas Moysen dein adinuenisse, &c. quapropter rectiùs, meâ quidem sententiâ, Philo primam literarum inuentionē tribuit Abrahamo qui Moyse an-*

*se antiquior est. Nisi hoc sit potius filiis Seth attribuendum, qui ipsum etiam Abrahamum multis annis precesserunt. Angelus Roccha à Camerino Commentariis in Biblioth. Vatic. In Bibliothecâ Vaticanâ è regione primæ columnæ parastaticæ à tergo introitus Bibliothecæ pictus est Adam, &c. Supra huius caput litera Hebraica antiquæ leguntur: ad eiusdem pedes inscriptio Latina in hanc legitur verborum formam: Adam diuinitus edoctus primus scientiarum & literarum inuentor. Ratio autem ipsa persuadet, Adamum, &c. characteres aliis præmonstrasse, &c.*

Vero simillima, vt ego quidem censeo, Polydori, Bibliandri, Tolosatis, Annij, & Angeli sententia; quam tenuerunt præterea Ludouicus Viues in cap. xxxix. lib. xvi. De ciuit. Ioannes Tzetzes Chiliad. xi. Opmerius Chronici sui fol. xvi. Neque aliud, opinor, dicere voluit Plinius, cum scripsit lib. vii. cap. lvi. *Aeternum sibi videri esse literarum vsum. & ex Platonis Tymæo Iustinus Martyr, apud Aegyptios multorum annorum millium vsum literarum fuisse proditum; quæ nempe ab omni hominum memoriâ, etiam initio conditi orbis vsum fuisse literarum. Benè ergo ait Opmerius loco citato, Non Esaram primas inuenisse literas, vt Hieronymus putauit Præfat. in lib. Regum, & Agrippa lib. i. Occulta Philosoph. sed ab eo potius (postquam patriis sedibus fuerant depulse) iure quasi postlimini vindicatas & Iudeis restitutas, vt scripsit Augustinus lib. xvi. De ciu. cap. xxxix. in hæc verba: Non est credendum quod nonnulli arbitrantur, &c. Hebraas literas solum à lege cœpisse, quæ data est per Moysen, sed potius per illam successionem Patrum, memoratam linguam cum suis literis custoditam; nam Moyses in populo Dei constituit qui docendis literis præessent, priusquam di-*  
uine

uina Legis vllas literas nossent : hos appellat Scriptura, Grammaton isagogos. Similia sunt Augustini verba Quæst. LIX. Exodi, disputantis qui sunt *ἡμετέριον εἰσαγωγῆς*. Hic sanè significatur quòd autè Legem datam habuerint Hebræi literas, &c. Nonnullis enim videtur à primis hominibus eas cœpisse, & perductas esse ad Noë, atque inde ad parentes Abrahæ, & inde ad populum Israël. Omnino autem clara sunt Suidæ verba, voce Adam : Adam, inquit, primus homo Dei manu effictus, &c. Huius sunt artes & literæ, huius scientiæ rationales, & non astrictæ legibus rationis; huius, prophetia, sacri ritus, purgationes, leges scriptæ pariter & non scriptæ; huius denique sunt omnia inuenta & disciplina, & quacumque ad vitam atque conuictum vtilia sunt & necessaria. Et certè credibilis omnino est illa Opmerij aliorumque coniectura; nam eodem prorsus inodo Diodorus Siculus demonstrat errasse Græcos in laudando Cadmo, vt primo Græcarum literarum auctore, qui tantum fuit earum instaurator, postquam Græcæ literæ omnes ingenti diluuiione fuissent extinctæ. Adeoque simili errore narrat Ludouicus Viues lapsos esse Eupolemum, Artapanum, aliosque profanos scriptores, qui Moysem de Hebraicarum literarum vindice, fecerunt etiam primum auctorem. & Guilielmus Postellus De literis Phœnicum, ad Carolum Cardinalem scribit, singulas ferè gentes ( vt homines semper ambitiosi sunt ) sibi inuentarum literarum gloriam vindicasse; Arabes autem, vt id posteris persuaderent, literarum suarum (quas ab Hebræis habuere) nomen, figuram & ordinem ferè conturbasse, ne internosci possent, aut similitudinem cum iis habere viderentur. Igitur rationibus & testibus nunc videor



videor satis probasse, primas literas fuisse Hebraicas, primamque scribendi artem ab Hebræis esse inuentam, auctore Setho, vel eius patre Adamo. Quamquam illud verissimum est, non adeò frequentem fuisse primis illis temporibus literarum vsum; cum quòd paucis adhuc essent notæ, vt fieri amat primis ferè rerum omnium exordiis; tum quòd rara essent studiorum negotiorumque commercia: vnde Chaldæi, Pythagoræi item ac Druidæ, pleraque mysteria sua *ἄγρα* per manus propagabant ad posteros, vt annotauit Iulius Scaliger lib. 1. Poët. cap. 11. quod Latinos etiam initio fecisse narrat ita Liuius lib. vi. *Tum quòd rara & parua per ea tempora litera fuere; vna custodia fidelis rerum gestarum, memoria.*

Iam illud videndum, ad quos primùm ab Hebræis literæ velut in colonias deductæ sunt; quibus item auctoribus noue apud singulas ferè gentes, pro diuersitate linguarum sunt excogitatæ. Ad risum vsque Scriptores hîc secum pugnant, & cum aliis, vt in hanc rem Lilius Gyraldus scripsit Dialog. 1. De Poëtis; cuius hîc verba subnectam: *Numquid vetustiores ceteris Atticorum litera? minimè, inquam, puto. Vetus tamen est Græcorum prouerbium, vt Atticis literis aliquid factum affirmant, quod sit vetustissimè factum. Scribit Val. Harpocration, id quod etiam aliquà ex parte Suidas, quòd scribendi ratio apud Græcos per vīgintiquatuor literas scro est ab Ionibus reperta. Theopompus quoque xxv. Philippicarum, fœdera ait aduersus Barbaros, non Atticis literis, sed Ionicis sancita fuisse; quasi, vt puto, dicat literis recentioribus. Sunt tamen qui hoc in Cecropem Atheniensem Regem & legistatorem vetustissimum referunt; qui vel eas apud Athenienses inuenerit primus, vel*

obsoletas renouauerit; cum fortè in omni Graciâ litera deperdita fuissent, aquarum, ut creditur, alluione; ut est apud Diodorum Siculum. Cornelius autem Tacitus, Per figuras, ait, animalium Aegyptij sensus mentis effingebant, & antiquissima monumenta memoria humana, impressa saxi cernuntur, & literarum se inuentores perhibent; ut hinc facilius illa Lucani verba pateant:

Nondum fluminea Memphis contexere biblos  
 Nouerat; in saxi tantum volucresque ferae,  
 Sculptaque seruabant magica animalia linguae.

Subiungit Tacitus: Inde Phœnices, quia matri prepollebant, literas intulisse Gracia, gloriâque adeptos, tamquam repererint qua acceperant. quippe fama est, Cadmum classe Phœnicum vectum rudibus adhuc Gracorum populis, artis eius auctorem fuisse. Alij Danaum prodiderunt; quidam Cecropem Atheniensem, vel Linum Thebanum; & temporibus Troianis Palamedem Argium memorant xvi. literarum formas, mox alios, ac præcipuè Simonidem ceteras reperisse. Literas quidem nos (verba sunt Liliij) in Musarum libello doctumus à Musis inuentas fuisse; sed enimuero Aristophanes Aeschylj versus quosdam commemorat, in quibus videtur asserere Prometheus inuenisse literarum compositionem. Plato insuper, & ab eo Cicero, item Diodorus & Lactantius à Mercurio Aegypcio, quem Thoyth vel Thoth (Theus, Teuthatem vel Thautum alij vocauerunt) literas inuentas prodidisse apud Aegyptios; alij ab Iside Deâ; nonnulli ab Anubi. Sunt qui Rhadamanthum asserunt, apud Assyrios. Phrygiarum verò literarum sunt qui Herculem eum, qui Aegyptius fuit, inuentorem faciant. Plinius ait arbitrari se, literas semper fuisse Assyrias. Alij apud Syros repertas volunt, quod Eusebius adstruit ex antiquis. Addit Plinius, utique in Graciam attulisse à Phœnice Cadmum sexdecim numero; quibus Traiano

iano bello Palamedem adiecisse has quatuor Θ, Ξ, Φ, Χ. Totidem item postea Simonidem Melicum Ψ, Ζ, Η, Ω. quarum omnium vis in nostris recognoscitur, Aristoteles decem & octo priscas fuisse, & duas ab Epicharmo additas Θ & Ψ, quam a Palamede mauult. Anticlidēs quemdam in Aegypto inuenisse literas nomine Menmona tradit, annis quindecim ante Phoroneum antiquissimum Græciæ Regem. Epigenes è diuerso, apud Babylonios D C C. & X X. annorum obseruationes fiderum cœtilibus laterculis inscriptas docet, grauis auctor in primis: qui verò minimum, vt Berosus & Critodemus, aunt quadringentorum & octuaginta annorum; ex quo apparet, vt idem ait Plinius, æternus literarum vsus, vel, vt ego interpretor, vetustissimus. In Latium literas attulere Pelasgi; pleriq; Carmentiam aunt, qua & Nicostрата dicta est, Euandri mater: atque ideo ab initio sexdecim tantummodo Latinerum litere fuerunt, sicut Græcorum, vt ostendimus. & panē easdem fuisse idem Plinius asserit. At verò Tacitus scribit, in Italiā Hetruscos literas a Corinthio Damaratho, Aborigines ab Euandro Arcade didicisse. Scribit Socrates, Wilphilam (quem Gulphilam etiam vocatum video) Gothorum Præsulem Gothicas literas excogitasse. De quibus omnibus extant & hi versus apud Crinitum ex Biblioth. Septimanâ, lib. xvi. De honestâ disciplinâ:

Moses Hebræas primus exarauit literas,  
 Mense Phœnices sagaci condiderunt Atticas,  
 Quas Latini scriptitamus, edidit Nicostрата:  
 Abram Syras, & idem repperit Chaldaicas;  
 Ipsi arte non minore protulit Aegyptias,  
 Gulphila prompsit Getarum quas videmus vltimas.  
 Simplicius scribit Isidorus lib. i. cap. i. i. i. Litera Latina & Græca ab Hebræis videntur exorta. Ad Latinas autem postea addita F, ex duplici Gamma conflata hoc modo F. &



hinc illi nomen digamma, ita addita H spiritus nota, ex duobus ut putatur Græcis accentibus (Ἠ & ἤ) H, tum etiam OC antisigma à Claudio, pro Græco Ψ. Scribit Eustathius literas longas, id est, Η & Ω, itémque duplices, primum Simonidem intulisse; cuiusmodi sunt Ζ, Ξ, Ψ. Philostratus in Heroicis, inuentionem literæ Υ Palamedis tribuit, quod subindicat etiam Martialis:

Turbabis versus, nec litera tota volabit,

Vnam perdideris si Palamedis auem.

Ex Græcis tamen quidam prodiderunt, sexdecim illis antiquis Cadmum Milesium addidisse has tres, Θ, Φ, Χ. Post hæc Simonides Cæius, duas addidit vocales longas Η & Ω. Syracusius verò alter Simonides, vel ut alij opinantur Epicharmus, tres superaddidit, Ζ, Ξ, Ψ. Sanè in Samo quatuor & viginti literæ Græcorum primum reperta produntur à Callistrato, ut Andron in Tripode: idem verò Ionum literas tradidit Atheniensibus, &c. Homerus autem Meonius (ut ex quodam Archilochi fragmento apparet) Olympiade XXI I. Græcas literas & earum formas emendauit. Quas enim Cadmus illius nominis quintus è Phœniciâ attulerat in Græciam, rudes erant, inquit Xenophon lib. De Aequiuocis, non Phœnicie, sed Galatarum & Meonum characteribus persimiles. Sanè hoc loco missa facio, quæ Annii Vetuloni commentus est, multa & curiosa ad fastidium vsque: Gallorum enim & Hispanorum literas Græcis vetustiores asserere non dubitauit, quin & ab illis Græcos accepisse. Hucusque carptim accepta verba Lilij Gyraldi ex Dialog. I. Histor. Poët. sed reuerà tamen non ita leues sunt rationes Annij illius Vetulonij seu Viterbienensis, è Dominicanâ familiâ insignis Theologi; quibus ita de Gallis & Hispanis loquitur in libell. Xenoph. cap. de Aequiuocatione temporum: Quòd circa initium Nini fuerint literæ atq;

leges

leges non solum Hispanis, verum etiam Gallis & Germanis, auctor est Berosus. Is in v. Antiq. sic dicit: Anno 1v. Nini literis & legibus Germanos format Tuiskon gigas; Celtas verò Samothēs, & Celtriberos Tubal. Hinc ita ratiocinatur Anniius: Iberi igitur, Samothēs & Tuiskonēs, patres literarum inveniuntur ante Gracos, plus quam mille annis; vt Aristoteles in Magico & Zenon verē asserunt; & non Graci, vt Ephorus mendax, &c. Item in lib. v. Berosi sic habet Anniius: Strabo qui Octauiani tempore floruit, scribit in 1v. libro Geographia Batice, quod asserabant Hispani se habuisse literas iam ante sex millia annorum Ibericorum, qui efficiunt duo millia Solarium. Si verò ab Octauiano supputes retrò duo millia annorum, peruenies ad vigesimum annum Nini, &c. Quare. consentiunt serē Berosus & traditio Strabonis de origine literarum apud Hispanos: quales autem Hispanorum characteres essent, opinio mihi est, quod quales & Sagi & Tusci.

En quantæ Scriptorum rixæ, quantæ sententiarum pugnæ? Quid credas? quid non credas? Quid iterum dicas de Agrippa, qui lib. 1. occult. Philof. cap. 2. Gothicarum literarum auctorem facit Cordanum Episcopum? Francicarum, quemdam Doracum seu Hiētium? Quid de Auentino, qui lib. 4. Annal. Boior. scribit Slauicas inuentas à Philosopho Methodio? Quid de Aimonio, qui lib. 3. cap. 42. narrat, Gallos à Childerico Rege iussos recipere has quatuor Græcas, α, x, φ, θ. quod idem scribit D. Gregorius Turon. lib. 5. Histor. Francic. cap. 44. Lis est, quæ fatiget omnia tribunalia; etiam illud Luciani vrbaniſſimum, in quo Vocales ipse iudicant; Sigma accusatur furatrinę, Tau agit injuriarum cum Simate; in quod illos

ambulare iubeo, quibus hæc non sufficiunt. Ego hic quod verius esse iudico, ex Guiljelmo Postello, Angelo Roccha, Annio, Petro Gregorio, Isidoro, Bibliandro, aliisque, quid sentiam, adscribam: videri nempe primas literas esse Hebraicas; ex his proximè natas esse Chaldaicas quæ vix extant; deinde Assyrias, seu-Babylonicas, seu Syriacas, seu Arameas, auctore Abrahamo, ut constat ex inscriptione Bibliothecæ Vaticanæ. Chaldaicæ enim literæ eadem nunc omnes sunt (olim aliæ) quæ Hebrææ, neque aliud est Chaldaica lingua quam dialectus Hebraicæ, ut scribit in Grammaticâ suâ Chaldaicâ Guido Fabricius Boderianus. Iterum ex Syriacis seu Arameis natæ sunt Ismaëliticæ seu Arabicæ, quibus hodieque utuntur Turcæ, Tartari & Saraceni, auctore Volaterrano lib. xxxi i i. cap. i i. Ex Syriacis, Samaritanæ item, quæ ad eas propius quam ad Arabicas accedunt. Et fortè ex iisdem Gothicæ, non multum his absimiles, quas Ioannes & Olaus Magni, Archiepiscopi Upsalenses, ubi, aiunt diu ante Latinas literas inuentas, fuisse Aquilonaribus usurpatas. Ex Hebræis etiam natæ sunt Ionicæ seu Atticæ apud Græcos antiquissimæ, & Græcorum item modernæ. Post Græcas Latinæ etiam ex Hebræis. Aethiopicæ & Aegyptiæ non ex Hebræis natæ sunt, sed è rerum figuris; neque enim tam sunt literæ, quam imagines & compendia sententiarum aut vocum. Aliarum gentium literæ non liquet quando sint, aut à quibus deductæ. Nam de Cimbris quæ scribunt Goropius & Scribeckius, de Gallis Postellus, de Hispanis Annus Viterbiensis, difficulter sanè mihi videntur credibilia.

De

De prioribus autem quæ dixi, vera esse ostendam capitibus v. vi. & vii. vbi ex literarum nominibus apud eos omnes iisdem, iisdem item figuris propè ac potestate id declarabo.

## CAPVT IV.

*De numero literarum.*

**N**IHIL ferè simul natum & perfectum est;  
*Cruda puerperia & viridis puer excidit alno.*  
 Facile inuentis aliquid additur: vnde & quæ rudiora paucioraque sunt, priora esse non ineptè coniiicimus: vrsa catulos lambendo refingit. Igitur hinc nouo argumento confirmo superioris capitis sententiam; nempe, videri omnium omnino antiquissimos characteres esse Hebraicos: nam hi, Irenæo teste, primùm tantùm decem fuère; quàm pauci in nullâ omnino linguâ aliâ fuisse primùm vsurpati, à nullo auctore memorantur. Quomodo igitur à Phœniciis literis vult Scaliger descendisse Chaldæos, Hebræos, & Græcos characteres? cùm illæ (vt ipsemet numerat) semper fuerint numero x x i i. Hebræi characteres primùm solummodò decem: Græci vel sexdecim, vt Plinius; vel octodecim, vt Aristoteles; Latini non plures. Quid? an qui à Phœnicibus ad Chaldæos, ad Hebræos, ad Græcos, ad Latinos, Phœnicias literas transtulit, in itinere reliquarum est oblitus quas hi Phœnicibus habuère pauciores? Vnde igitur alias tradidit, alias prætermisit? An fortè Θ, & ϕ, & ρ, Palamedææ aues, quæ instar volucrum alatae sunt, homini de manibus euolarunt? Sed

redeo ad institutum : *Inconstans est sententia*, inquit Gyraldus Dialog. 1. De hist. Poëtarum, non apud Latinos modo & Græcos, sed aliarum quoque gentium scriptores de ipsarum literarum numero : nam & Græcorum quidam tredecim tantum literas esse voluerunt, quod totidem sint vocis elementa, ut scribit *Halicarnass.* in Rhetoricis ; alij serè voluere esse innumerabiles, ut *Pyrhronius* colligit. In quâ re & apud Latinos variatum. Sed & hodie pleraq; Orientales & Meridionales nationes in literarum numero variant : alij enim viginti sex sibi literas adscribere ; alij sex etiam ultra iis addidere vsque ad triginta duas. Alij multo plures, ut *Nubæ* *Africa* populi, qui quadraginta septem literarum notæ vii produntur. Imò *P.* noster *Nicolaus Trigaultius* histor. Sinensis lib. 1. cap. v. ita de iis scribit : *Apud Sinas, non pauciores literæ quàm voces numerantur ; eas tamen inter se ita componunt, ut LXX, aut LXXX. millia non excedant.* Chaldæi verò & Syri seu Aramæi, quantum coniectere licet, inagis stabiles fuisse videntur. At verò Hebræi ipsi, ut & Aegyptij varij fuere, si *Irenæo* credimus, ita scribenti lib. 11. cap. 41. aduers. hæreses : *Antiquæ & primæ Hebræorum literæ, quæ Sacerdotales nuncupatae, decem quidem fuere numero. Scribuntur autem quæque per quindecim, nouissimâ literâ copulatâ primæ, &c.* Sanè ut Hebræorum literæ sunt viginti duæ, ita & Syrorum & Chaldeorum ; Hebrææ tamen ad viginti septem excreuerunt, cum iis videlicet, quæ duplices, seu bifformes, & finales vocantur. Quin & vigintiduæ illæ, vetustiores æstimantur, ut ex *Dauidis* *Psalmis* quibusdam & *Ieremiæ* *Threnis*, *Salomonis*q; *Prouerbiorum* fine.

Hic omnino numerus literarum Hebraicarum : sed quæ fuerint primæ illæ decem Sacerdotales apud



apud Ireneum, non satis scio. quis item ceterarum auctor, quis duplicium inuentor? aqua mihi heret.

De auctoribus auctarij apud Græcos & Latinos aliquanto sæpius & clariùs loquuntur Scriptores, sed variè; ita vt hallucinari videantur, quod notatum suprâ. Vel enim Palamedes, vt vult Plinius; vel Pherecydes, vt scribit Apuleius, inuenit has quatuor, Θ, Ξ, Φ, Χ: vel sanè Palamedes intulit primas sexdecim, vt scribit Tacitus, quem in Notis suis ad Suetonium, fortiter contra Lipsium asserit Casaubonus: vel ad has octodecim, Α, Β, Γ, Δ, Ε, Ζ, Ι, Κ, Λ, Μ, Ν, Ο, Π, Ρ, Σ, Τ, Υ, Φ, duas adiecit Epicharmus Θ, & Ψ: longas verò vocales Η & Ω, Simonides: γ fortè Palamedes, vt Martialis & Philostratus, vel Pythagoras, vt inscriptio Bibliothecę Vaticanę. Duplices, Ζ, Ξ, Ψ, fortè Simonides, vt Eustathius; fortè Epicharmus, vt alij.

*Latini verò, inquit Polyd. lib. 1. cap. vi. Græcorum imitatione, literas sex ad prisca suas duodecim addiderunt, F, K, Q, X, Y, Z.*

Considerandum autem à quibus acceperint: F digammon ab Æolibus acceperunt; quod, Prisciano teste, apud antiquissimos Latinorum eandem vim atque apud Æoles habuit: sed deinde Claudius Cæsar, vt Tacitus scribit lib. xi. F pro V consonante recipiendum constituit; vt Fulgus pro Vulgo. Vnde Quintilianus lib. 1. cap. vii. *Non inutiliter Claudius Æolicam illam ad hęc vsus F litteram adiecerat.* In quę verba Torrentius apud Suetonium cap. xli. Claudij, monet legendū esse γ digammon, pro V. Sic Octavia, &c. Et rectè: nam ita etiam Priscianus: *Apud Æoles olim F digamma, id est Vau, ab ipsius voce profectum, teste Varrone & Didymo,*

qui id ei nomen esse ostendunt; pro quo *Casar* hanc figuram ꝥ scribere voluit. Plura in hanc rem vide apud Angelum Roccha in Biblioth. Vaticanâ, Lipsium in Tacito, & Iulium Scalig. lib. 1. De causis ling. Latin. cap. vii. Illud tamen prætereâ hîc observandum est, apud Latinos F poni cœptû pro PH, ut *Fama* pro PHama. Vnde cum *Sueton.* cap. xli. ita dicit de Claudio: *Novas etiam tres commentus est literas.* ita intelligendus est, ut velit literam F, tantum quoad novum pronuntiationis modum ab eo esse inventam; atque ita unam de tribus Claudij literis fuisse novum illud digamma ꝥ: nam figura eius non à Claudio, sed ab Æolibus primum ficta est. Altera autem litera (auctore Prisciano & Marciano Capellâ) fuit Ꝙ *Carthyua*; pro literâ Ψ. Tertia quæ fuerit, non satis constat; nisi quod *Vertranius Maurus* in ea verba Taciti, ubi de hoc Claudij invento loquitur, scribat, se legisse Romæ apud *Velium Longum* in libro De orthographiâ manuscr. apud *Strossium* literam novam à Claudio excogitatam, similem ei notæ quam pro adspiratione Græci ponunt: de quo videndus *Quintilian.* lib. 1. Institut. cap. xv. & vii. Sunt tamen qui volunt tertiam illam Claudij literam fuisse X, pro literis SS, vel GS. quod *Lipſio* in Tacit. non probatur; sed omnes tres, viuo adhuc Claudio, fuere tandem sepultæ, ut refert *Tacitus*.

K Latini à Græcis sumpsere, sine necessitate. primus id fecit *Salustius Iudimagister*, ut narrat *Isidorus* libro 1.

Q visa est esse pinguioris soni quàm C; quo auctore, nescitur. Sunt qui *Licinio Caluo* tribuunt: Biblioth. Vaticana, *Euandro*.

X, ix,

X, ix, vt pronuntiamus pro CS, vel GS; ideoq; iis ambabus carere poteramus, inquit Quinctilianus & Isidorus; inuentum Claudij Imperatoris.

Y & Z à Græcis accepta sunt. eorum vsus tantum est in iis vocibus quas è Græciâ integras Latini in linguam suam intulerunt.

G pro C primus apud Latinos substituit Sp. Carbilus Grammat. auctore Plutarcho, qui mos hucusque inueterauit. At non ita feliciter euenit res Claudio Centiniano, qui (vt Pomponius refert, Dig. de Orig. Iuris, titul. 11.) literam S pro R inuexit; vt nempe Fusios & Valesios diceremus, pro Valeriis & Furiis. Dulcis palati & oris hominem, qui literulæ vnius asperitatem non fertet. Nec verò meliùs cecidère conatus Arrio illi Catulliano, qui nimium adspirationibus delectatus, passim eam vocalibus præfigebat:

*Chommoda dicebat, sequando commoda vellet*

*Dicere; & hinfidias Arrius infidias.*

Dignissimus autem exitus consecutus est commentum illud Flori, volentis Augusto persuadere, pro O passim scribendum dicendumque esse AV, vt Aula & Plaustrum, pro Ollâ & Plostro. Augustus enim vt bellè hominem erudiret, postridie ad se aduentantem, non Florum, vt solebat, sed Flaurum appellauit; quo risu homo ridiculus notitatibus deinceps abstinuit.

Porro etiamsi portenti instar haberi debet, tam paruo è literarû numero, tantum tam diuersorum in omni lingua vocabulorum numerum constari posse; illud tamen longè admirabilius est, effici posse, vt omnes omnino totius Orbis gætes, etiamsi distinctissimis vtantur sermonibus, sese intelligant,

gant, non quidem locutione, sed scriptione. Adeoque, si cui tam sagax fuisset ingenium tempore Babylonica permixtionis, potuisset is omnes homines locutione dissidentes, vna literarum societate vincire, & in turris exedificandæ officio continere. Lucunda dignaque hæc res est, quam eruditi expendant; quemadmodum nempe non obstante sermonum dissimilitudine, solæ literæ sarcire possint dilaceratam tot gentium societatem.

Si singulæ literæ impositæ essent, non vocibus, sed rebus ipsis significandis, eæque essent hominibus omnibus communes; omnes omnino homines, etiamsi gentes singulæ res singulas diuersis nominibus appellent, singularum gentium scripturam intelligerent. Apparet ea res in literis Astronomorum hieroglyphicis. Hi Taurum, verbi gratiâ, scribunt hoc signo  $\text{♉}$ , Geminos isto  $\text{♊}$ . quibus iisdem signis visis, Taurum & Geminos esse faciliè intelligent omnes & Hebræi, & Græci, & Latini, & Galli, & Itali, & Hispani, & Angli, & Poloni, & Germani, & Belgæ, &c. si tamen locutione easdem res exprimant singuli, nulli intelligent se mutuò: *Taurum* enim appellant Latini; *Schor*, Hebræi; *Ταύρον*, Græci; *Toro*, Itali & Hispani, *Taureau*, Galli; *Verre*, Belgæ; *Stier*, Germani; *Beick*, Poloni; Angli, *A bulle*. Ita *Geminos*, Latini; *Theomin*, Hebræi; *Διδύμους*, Græci; *Gemeaux*, Galli; *Doppj*, Itali; *Zwyllingen*, Germani; *Tweelinghen*, Belgæ; *Doblados*, Hispani; *Dwoistj*, Poloni; Angli, *Twoo*. Atque ita Sinenses & Iapones, qui linguis tam sunt dissimiles quàm Hebræi & Belgæ, mutuos tamen libros & scripturam legunt atque intelligunt, quia earumdem rerum significatiuis

tiuis literis iisdem vtuntur, vt scribit Nicolaus Trigaultius noster in Sinensi Expeditione.

Est autem huius arcani hæc, vt puto, ratio; quod res & earum conceptus in omnium hominum animis sint iisdem (neque enim Hebræi aliter concipiunt canem aut equum; atque Hispani & Galli) vnde & signa earundem rerum significatiua, si omnibus fuerint communia, suggerent quoque omnibus eisdem rerum conceptus. At si signa fuerint non rerum, sed vocum significatiua, voces quidem illas facile legent omnes ij, quibus fuerint ea vocum signa communia; at certè (quia apud singulos ferè diuersæ sunt eiusdem rei voces, vt patet in Tauro & Geminis) non intelligent quid illæ voces significant. non enim Græcus intelliget librum Gallicum Græcis literis scriptum, etsi eum facile leget. Ergo vt & legere & intelligere quiuisset quælibet scripta, necesse esset omnibus communis esse literas aliquas, non vocum, sed rerum proximè aut conceptuum significatiuas. Sic nempe coire possent denuò homines omnes, veterem illam primi orbis societatem tanto olim sermonum diuortio dissipatam: sic nullo vspiam opus esset interprete; nulla hominum librorumve esset inaccessa sapientia.

Sed fortè obiiciet quispiam, rem esse omnino fastidiosissimam ac desperandi laboris, tot literas facere & discere quot sunt voces: atque aded nec ita satis fore octoginta literarum millia, quot Sinenses habere narrantur. Huic ego respondeo: Fac esse centum literarum millia, fac esse plura; cedo, an non in quolibet cuiuscunq; gentis idiomate, tot vocabula sunt & plura; an non ea omnia

nia discit & memoriâ tenet quivis opilio & subulcus? An non suas omnes literas callent Sineses, qui totidem habent quot voces? Cur ergo difficilius esset nos etiam & quosvis alios totidem literas discere ac voces? Velim æstimetur hæc res, neque difficilior opinione esse credatur.

## CAPUT V.

*De ordine literarum.*

**I**DEM ferè ordo literarum servatus est à gentibus omnibus qui ab Hebræis, extra Arabes solos, qui plus nimio gloriæ cupidi, literarum suarum ordinem, ut & figuras noluerunt videri ab aliis accepisse. Græci & Latini veteribus literis, novas suas tantum inseruerunt vel subiunxerunt. Inspice penitiùs & non dubitabis. γ Vau Hebraicum quod sexto loco ponitur, à Latinis tantum inuersum est Γ, eodemque loco cum eadem potestate retentum. Græci verò eius loco substituerunt epīsemon ϵ formâ non multum ab simile; eadem cum γ potestate numerandi: notat enim ϵ Græcis, sex; sicut γ Vau Hebræis: ipsum autem γ mutarunt in Υ, & reiecerunt in calcem.

Iterum Græci reiecerunt Hebraicum ρ Coph, eiusque loco sumpserunt inuersum ϣ Tlad pro ψ, quasi Psade. quibus solis ex punctis ex Alphabeto Græco & Latino, habebis eundem ferè ordinem cum Hebræis, sed suis & novis literis auctiorem; uti observavit Guilielmus Postellus Commentariolo De literis Phœnicum, ad Cardinalem Lotharing. Porro ordinem quem hodieque habet-

habemus, partem natura, partem error induxit. Græci suum à Palamede Nauplio ferunt inuentum, vel à Simonide, vt apud Lucianum est in Iudicio vocalium.

A apud omnes gentes literarum agmen ducit; Aufonius:

*Dux elementorum studiis viget in Latius A.*

Est enim A, inquit Scaliger lib. 1. De caus. ling. Lat. c. xxxviii. prima notissimaq; infantis vox, cum quâ vita huius spiritum primum hausimus; neque re vllâ eget aliâ quàm biatu oris solo, sine vllô ceterorum motu instrumentorum, &c. Primores consonantium autem sunt B, G, M, quare Arabes atq; Hebræi Græciq; longè quàm Latini sapientiùs, qui statim post A ponerent B, post quâ G, non C, vt nostri: faciliùs enim G quàm C pronuntiatur.







L quoque facillima fuit atque inter primas reponenda; lactentis enim etatis est, itaque vdam Græci appellarunt.

R iudico postremâ in sede recensendam, sed ante duplices tamen; quarum vnaquaque eo loco statuetur quo eius origo fuit; vt Ψ prima sit, quia B; at Ξ vltima, quia C; media Z, quia D; Q nouum inuentum Latino- rum aut statim post C, aut omnium vltima collocaretur. N autem post L. Neque verò idem ordo apud omnes nationes esse debet, sed vt cuique frequentior est litera, ita prior aliâ esse debet. Hæc Scaliger, vt ego quidem iudico, iudicio non malo. Mihi tamen magis ar- ruderet, literas hoc ordine censerî saltem apud Latinos. Primùm vocales A, E, I, O, V. Deinde consonantes mutas, quæ ante se cum vocali pronuntiantur, L, M, N, R, S. Deinde quæ pronuntiantur cum vocali post se, vt sunt, B, C, D, G, P, T. Deinde eas quæ nouæ quidem sunt, sed non necessariæ, F, H, K, Q. Denique duplices, vt X, pro

pro SS, vel pro CS, P S, Y, Z. Videtur enim hic ordo magis esse ex naturâ pronuntiationis; quæ etiam si ad scriptionem non faciat (cùm scriptu literæ omnes sint æquè faciles, licet nonnullæ pronuntiatæ difficiles) tamen dedit originem scriptioni: prius enim pronuntiatæ sunt literæ quàm scriptæ; & earum etiam formæ pronuntiationi accommodatæ factæ sunt. Nolim tamen ego iam auctor esse veteris ordinis immutandi: qui id faceret, nã ille pueris Alphabetariis grande adferret negotium. Per me licet ut priscas suas stationes teneant literæ; nisi fortè saltando velint loca sua permutare, quod ingeniosè finxit de literis Sophocles in Amphiarao Satyrico, ut refert libro x. Athenæus.

## CAPVT VI.

*De figuris literarum.*

**H**EBRAICOS characteres omnes compositos esse ex solâ literâ, sed variè colligatâ, ingeniosè obseruauit Guilielmus Postellus libro De Phœnicum literis ad Cardinalem Lotharing. verbi gratiâ: Aleph ex quatuor Iodim ita connexis ; Gimel, ex tribus ; Vau, ex duobus ; Mem & Sin, ex quinque  . De Latinis verò non malè Scaliger libro i. De causis ling. Latin. cap. xxxix. *Figura, inquit, literis accidit per lineas: omnis autem linea aut obliqua aut recta est. Litera autem omnes aut lineâ aut lineis constant: item aut rectâ, ut I; aut rectis, ut H; aut obliquâ, ut O; aut obliquis, ut Q; aut rectâ & obliquâ, ut P; aut obliquâ* 



*& rectâ, vt G; aut rectâ & obliquis, vt R, B, K. Hæc diuifio est à substantiâ. Ab accidenti autem talis: Perpendicularis vna, I; duæ, H; eaq; iugata. Dua angulares ad medium perpendiculum, A. Vna perpendicularis cum vnâ iugatâ, L; cum duabus, F; cum tribus, E. Dua perpendiculares, diametro quadrati iugata, N; & iacente fitu huic aduerfâ, Z. Dua diametrales, X. Sunt & curuæ inordinatæ, S; nam Græca ex aquo refpondet fibi, Σ; cui ftans aduerfatur M.*

Item aliter literæ diuidi poffunt; in fimplices & compofitas, quales funt v & F; prior ex v & o; posterior componitur ex Γ Γ.

Figuræ autem funt apud varias gentes, variæ; de quibus Guilielmus Poftellus, Ioannes Baptifta Palatinus, Bibliander, & Angelus Roccha de Camerino, Ioannes & Theodorus de Bry.

## C A P V T V I L

*De nominibus literarum, & eorum fignificatione ac cauffis.*

**N**ON opus fuerit Delio aliquo natatore ad diuinandam nominum ( quæ literis fuis variæ gentes impofuere ) originem & cauffam: conftat enim inter omnes, ab Hebraicorum charaâterum nominibus, gentium omnium literas effe appellatas, vel ex folâ vocabulorum affinitate.

Pronuntiant Hebræi:

Aleph, Beth, Gimel, Daleth, He, Vau, Zaijn, Cheth, Teth, Iod, Caph, Lamed, Mem, Nun, Samech, Aiin, Pe, Tfade, Coph, Refc, Scin, Tau.

E

Pro-

Pronuntiarunt olim Chaldæi, vt docet Ioannes Potkenius Agrippinas in Psalterio Chaldaico, & Munsterus in Grammaticâ Chaldaicâ; vel, vt alij malunt, Indiæ populi:

Ha, La, Ha, Ma, Sa, Za, Sa, Ka, Ba, Ta, Ha, Na, A, Cha, Vua, A, Za, Ta, Da, Gha, Tha, Pa, Za, Za, Fa, Pa. Sed veriùs Chaldæi sic pronuntiarunt, auctõribus Theodoro & Ioanne de Bry: Elpha, Vath, Gau, Dau, Zau, Vt, Zec, Vu, To, Hit, Caccar, Harar, Lendin, Neta, Pu, Fu, Puso, Sam, An, Sagiuu, Kal, Rab, Siui, Reb, Ten.

Pronuntiant Syri veteres, auctore Scaligero in Eusebio:

Alpha, Beta, Gamla, Delta, He, Wau, Zeta, Heta, Theta, Iota, Kappa, Lambda, Me, Nun, Simcha, Oe, Phe, Tzode, Kophe, Roe, Scin, Thau.

Syri recentiores, eodem auctore, & aliis:

Olaph, Beth, Gomal, Dolath, He, Wau, Zoe, Heth, Teth, Iud, Chuph, Lomad, Mim, Nun, Semchath, E, Phe, Tzode, Kuph, Resch, Schin, Thau. Aliter verò auctõribus Ioanne & Theodoro Bry: Alyn, Bem, Gem, Dein, Ethimi, Fetin, Gich, Iothin, Kami, Kamin, Latim, Moin, Michoin, Olip, Phifai, Quinin, Rofi, Schith, Thoth, Vi, Xit, Yn, Ziph.

Arabes, Turcæ, & Persæ:

Aliph, Be, Te, The, Gim, Hha, Cha, Dal, Dhal, Re, Zain, Sin, Scin, Sad, Dhad, Ta, Thda, Ain, Ghain, Phe, Caph, Kaph, Lam, Mim, Nun, He, Faff, Ie, Lam-aliph.

Phœ-

Phœnices, Samaritani, Iones, & Græci:

Alpha, <sup>Beta</sup> Vita, Gamma, Delta, Epsilon, <sup>Zeta</sup> Ita, Eta,  
Theta, Iota, Kappa, Lamda, My, Ny, Xi,  
Thita, O micron, Pi, Rho, Sigma, Tau, Ypsilon, Phi,  
Chi, Psi, Omega.

Ægyptij, auctoribus Theodoro & Ioanne  
Israële de Bry:

Athomus, Biniithyn, Chinoth, Dinaim, Eni, Fin,  
Gomor, Helertha, loquum, Kayta, Luzamin, Mi-  
the, Nayn, Obelat, Pilon, Quin, Iron, Sichen,  
Tela, Vt, Xiron, Ip-ph, Zaim, Thou.

Æthiopes, iisdem auctoribus:

Alph, Berh, Geml, Dent, Hoi, Vaue, Zaj, Haut,  
Harm, Thait, Iaman, Caph, Laui, Maj, Nahas,  
Saut, Hain, Pais, Aph, Pfa, Zadai, Zxappa,  
Kaph, Res, Saat, Tauj.

Iacobitani, iisdem auctoribus:

Alpha, Veda, Gamma, Delda, E, Tzo, Zieda,  
Eta, Theta, Ioda, Cabba, Lambda, My, Ny, Exi,  
O, Pbi, Rou, Sigma, Ta, Ye, Fi, Chi, Ebsi,  
O mega, Scei, Vei, Hach, Hori, Sima, Tj.

Latini, Hispani, Galli, Itali, Germani,  
Angli, Belgæ, &c.

A, Be, Ce, De, E, eF, Ge, Ha, I, Ka, eL, eM,  
eN, O, Pe, Qu, eR, eS, Te, V, iX.

Illyrij, vt est in Bibliothecâ Vaticanâ:

As, Buck, Viede, Glagoglie, Dobro, Iest, Sgiuiete,  
E 2 Sielo,

Sielo, Semglie, Iſge, I, Iu, Kako, Liude, Miſ-  
lete, Naſc, On, Pokoi, Erzi, Slouo, Turde,  
Vk, Hir, Fi, Zi, Ciaru, Od, Scai, Sctai, Ier, Iar,  
Iuſt, Ierieſt.

Armeni in Bibliothecâ Vaticanâ:

Aip, Pien, Chiim, Da, Icc, Za, Ae, Iet, Tho,  
Bien, Giem, Ta,

|                      |      |        |          |
|----------------------|------|--------|----------|
| Ge,                  | Zza, | Chien, | Tza,     |
| Ze, Inni, Liün, Hhe, | Dha, | Gien,  | Ho, Ssa, |
| Xe,                  | Tza, | Kien,  | Xa,      |
|                      |      | Quien, |          |

|                           |       |           |
|---------------------------|-------|-----------|
| Chat, Ie,                 |       | Zca,      |
| Glal, Hie, Mien, Chi, Nu, | Scha, | Vua, Zia, |
| Gal, Gie,                 | Sa,   |           |

Be, Zche, Rha, Se, Vieu, Dun, Re, Zzo,  
Pe, Sche, Rra,  
Yun, Aipiun.

Sclauī, auctōribus Ioanne &

Theodoro de Bry:

Ac, Buc, Cothno, Dobro, Feiu, Gagloſe, Hy,  
Ilſouo, Ieſti, Miſalre, Nam, On, Pochi, Teurus,  
Reti, Sier, Te, Vlo, Xnie.

Saraceni, auctōribus Ioanne &

Theodoro de Bry:

Alemoxi, Bendi, Cati, Delphin, Ephoti, Foithi,  
Gaipoi, Hethini, Ioithi, Karthi, Lechimi, Me-  
latil, Nabelot, Oithi, Corizeth, Inthoath, Rati,  
Salaty, Tothin, Azóthoth, Hirconi, Aronithi,  
Zozim.

Moscouitæ, auctōribus Ioanne &

Theodoro de Bry:

As, Buki, Vide, Glahol, Dobre, Ieſt, Selo,  
Ziemla, I, Y, Ie, Kako, Lude, Miſſiti, Nas,  
On,

On, Pokoy, Rezi, Szlouo, Tuuerdo, Vk, Pher,  
Her, Or, Cha, Cza, Tza, Scha.

Porro vt ad significationem veniam:

Α, Aleph, quasi Aluph, id est Princeps, Hebræis dicta, inquit Bellarminus noster in Grammaticâ Hebræâ. Cur autem Princeps? Quia prima nascentium vox, vt Iulius Scaliger. Angelus Caninius Anglarensis, in Institut ling. Syriacæ αλφ, Bouem interpretatur. ita etiam Iosephus Scaliger in Eusebij Noris. Bouem autem animalium principem æstimabant, ob vtilitatem. Græci αλφα vocant; quod Tyrius bouem significat; ideò inquit Plutarchus in Sympof. *Quia bos Cadmo occurrit, dum urbem in Bæotiâ condere vellet, ideòque Alpha omnibus literis præire voluit.* Accedit Plutarcho Hesychius: Αλφα, ὁδὸς κεφαλῆ.

Β, Beth, id est domus, ab imitatione. Cheualerus, Caninius, Bellarminus. Græci, βῆτα; Latini, priore tantum syllabâ, Be. Hinc Aufonius:

*Diuiduum Beta; monosyllabon italicum B.*

Sunt qui eius sonum ab ouium balatu docent acceptum. vnde Cratini versus est in Διονύσου λαξάτρου:

*Et tolidus tamquam ouis, bebe dicens ambulat.*

Γ, Gimel quasi Gamal, id est Camelus, à gibbo, inquiunt Cheualerus, Caninius, Bellarminus. Græci Γάμμα ὄψα τὸ ἀμῶν, à metendo, quòd similis sit falci. Latini Ge. apud quos noua hæc litera, Sp. Carbilij commento; antè enim pro eâ utebantur C, vt Caius, Cneius, pro Gaio, Gneio, Aufonius:

*Praualuit postquam Gamma vice functa prius C.*

nec aliâ fuit opus mutatione, quàm rectum pedunculum adiicere hemicyclo G, quæ figura Græ-

cis pridem nota non quidem inter literas, sed inter numerorū formas, auctore Mario Victorino; qui ait, Latinorum G esse idem quod Græcorum epísemon. de quo Beda egregiè lib. De indigitatione: *Græci*, inquit, *tres numeros, notis propriis quæ ex Alphabeti non sunt, depingunt. Prima est*  $\Xi$ , *nota numeri v i. Altera*  $\Gamma$ , *quæ vocatur Cophe, & valet inter numeros x c. Tertia est*  $\Theta$  *enneacosia; quæ valet* D C C C C.

$\Upsilon$ , Daleth, quasi Deleth, id est porta, à similitudine. Choualerus, Caninius, Bellarminus. Græci,  $\Delta$ έλτα; Latini D. Hinc Aufonius malè, vt obseruat Scaliger:

*Non formam, at nomen Delta gero Romuleum D.*  
Romuleum enim D, est verum & vetus Delta Ionicum, non verò  $\Delta$ , Græcorum.

$\eta$ , He, nomen à sono fictum, inquit Bellarminus. Caninius vermem punici interpretatur. Latini Ha. Aufonius:

*Spiritus hic flatus tenuissima viuificans H.*

$\upsilon$ , Vau, id est vncinus, à formâ. pro hac vnâ, duabus vtuntur Græci,  $\phi$  &  $\psi$ ; Latini eF, vel V consonante. Arabes pronuntiant Vau vel Gau.

$\zeta$ , Zaijn, quasi Zen, id est arm; exprimit enim clauam. Zeta apud Græcos & Latinos. pro quo hi antiquitus utebantur G. Marcianus; *setum dicebant quem nunc Zetum.* vocata est apud Marcianum Capellam Sepulchralis litera, quòd morientium dentes ita distringantur in modum Z. De hac facetus ludus est Bauhusij nostri, vt sunt argutissima eius omnia Epigrammata:

O ZETA felix! ô beata littera!

Qua dulce, croceum, mite, florem, verum,

Blan-

*Blandumq; Zephyri blanda nomen inclioas!  
 Sed nec beata es tota, tota nec felix;  
 Nam triste & horridum, & pice nigrius nigrâ,  
 Fimoq; olentium olentius capellatum,  
 Etiam scelesti, ZETA, scribis Zoili  
 Misella nomen: mitte ZETA, vah, mitte  
 Ferale nomen: quid tibi cum Zoilo?  
 Nam voce in istâ litera innocens nulla est;  
 Tu nomen orbis optimum, tu pessimum  
 Eadem figures? non feremus hoc vates;  
 Numquam feremus. Sit supremum hoc: Zoilum  
 Aut mitte ZETA, aut te vocabimus THETA.*

Π, Cheth, à sono inquit Bellarminus. Caninius quadrupedem interpretatur. Chi Græcis. Aufonius:

*In Latio numerus denarius, Argolicum X.*

Υ, Teth, à sono, ait Bellarminus. Caninius inuolucrum vocat. Tau Græcis & Thita: Latinis Te. De utroque Aufonius:

*Malus ut antennam fert vertice; sic ego sum T.*

*Ansæ cincta duabus erit cum Iota, leges Θ.*

Ι, Iod, manus, inquit Caninius. sed Bellarminus & Cheualerus quasi Iad, hoc est spatium, quod ob exilitatem suam vacuum relinquit. Græcis Iota, Latinis I. Aufonius:

*Litera sum Iota similis, vox plena iubens I.*

Quò egregiè allusit Epigrammatophorus noster, quem Italis etiam audio esse admirationi:

*Hunc esse verè Iesuitam dixeris,*

*Quem per rubentem & Sole & auro Peruam,*

*Crispum per Afrum, perq; Memnonias domos,*

*Et horridam Arcton, vna mittit litera.*

Ϛ, Caph, palmam interpretatur Caninius: Bel-

larminus à Caphaph, incuruare. est enim tota curua. Græci K & X; Latini C: nam & Latinum C, olim sic pingebatur ζ. vnde apparet fluxisse à Græco K; recto tantum pede amputato; vt notat Iulius Scaliger, & Aufonius confirmat:

*Cappa fuit primum Bæotia; nunc Latium K.*

λ, Lamed, à Malmad, id est stimulo, seu veru. Græci Lambda. Latini eL.

μ, Mem, macula Caninio; vel, vt Bellarminus, à sono, vt in aliis linguis. My Græci, Latini eM vocant. Aufonius:

*Vocibus in Græcis numquam vltima conspicior M.*

ν, Nun, piscem interpretatur Caninius; Bellarminus à sono format. Græci Ny, Latini eN. Aufonius:

*Zeta iacens si surgat, erit nota qua legitur N.*

ο, Samech, basis, inquit Caninius. continuatum & in se ductum, ait Bellarminus. Græci Sigma; olim San, donec ζ admissum: Latini eS. à vetustissimâ autem Sigmatis figurâ, quæ talis erat, C, stibadium seu mensula vocata est Sigma. Martialis:

*Accipe lunatâ scriptum testudine Sigma.*

Item alibi:

*Septem Sigma capit. sex sumus, adde lupum.*

ϕ, Aijn, fons Caninio; Bellarmino interprete, oculus. aspiratio est solis Hebræis nota. Arabes pronuntiant Hain & Gain.

π, Pe, os seu vultus. Græcis Pi, Latinis Pe, Aufonius:

*Hostilis qua forma iugi est, hanc efficiet π.*

Scribit Halicarnasseus, veteres diu pro π vfos esse Δ.

Υ, Tfa-



Υ, Tfade, venabulum seu hamus. propria Hebræis litera. Arabibus Tzad & Thad.

Ϙ, Coph, à Cuph circulo. vel, vt Caninius vult, significat simium. Græci K, Latini C, & Q: quæ vltima ex semicirculo literæ C concreuit in circulum, caudâ appensâ, hoc modo, Q, ad distinctionem literæ O, vt Scaliger adnotauit: eius autem loco primùm utebantur C, teste Aufonio:

*Præualuit postquam Gamma vice functa prius C,*

*Atque alium pro se titulum replicata dedit Q.*

quamquam & apud Græcos hæc figura erat epimon, seu numeri nota, valens nonaginta, vt scribit Marius Victorihus: *Nec Q inuexit Latinus sermo; sed apud Græcos fuisse, cognoscere potestis, si Pontificum libros legeritis; & seruire numero, & significare nonaginta.*

ῤ, Resc, quasi Ros, id est caput. Græci Rho; Latini eR. Aufonius:

*Aufonium si Pe scribas, ero Cecropium P,*

*Et Rho quod Græco, mutabitur in Latium P.*

Caninam literam vocat Persius:

—— *Sonat hîc de nare canina*

*Litera* ——

Lucilium credo imitatus illo versu:

*Irritata canes quòd R R quamplurima dicat.*

non scriptu, sed pronúriatu difficilis litera, quam Demosthenes didicisse fertur, catellam irritando. Est scrupus insignis apud Epigrammatographum nostrum Bauhulium de tribus hîc eiusdem literæ nominibus ER, RO, RES:

*Sesquipedalis sum, Iudaica, Graia, Latina,*

*Inq, pedis medio pars mihi pulchra rosæ est.*

E 5

Tres

*Tres habeo dentes, Graecum vnum, vnumq; Latinū,  
Tertius Hebrai de canis ore venit.*

*Si me non dicis, dicis. si dixeris, erras:*

*Cuncta Deus faciat, qua queat; ista nequit.*

Ψ, Scin, quasi Scen, id est dens, à formâ; propria Hebraeis litera. Arabes dicunt SSin.

Τ, Tau, signum siue terminus; quia claudit Alphabetum, sicut Aleph inchoat. Græci Tau, Latini Te. Harum porrò literarum significationes, alias longè adfert Eusebius lib. ix. & x. De præpar. Euang. & ex eo D. Hieronymus Commentariis ad Threnos, & Epistolâ ad Paulam; quos aberrasse quidem, demonstrat egregiè Goropius Hieroglyph. lib. i. sed ipse multò certè miserabiliùs lapsus, cùm totius Alphabeti Hebraici literis omnibus, miram quamdam orationem ad Spiritum sanctum docet contineri; secutus, ut opinor, Martini Gilberti commentum, qui Hebraicum Alphabetum in septem sententias literis Hebraicis significatas dispertit; de quibus nihil habeo dicere simplicius, quàm quòd

*Turpe est difficiles habere nugas.*

Sed ut ad priorem literarum significationem reuertar; mirari satis non possum causas, ut mihi quidem videre videor, ita longè quasitas. verbi gratiâ, ב Beth' significare domum. Quæ enim similitudo illius figuræ cum domo? ג Gimel, significare camelum, cùm sit simihior muscæ? ד Daleth, portam potius significare quàm vncū? ו Tsade, venabulum potius quàm trullam? Et cur, oro, literæ his nominibus appellatæ sunt, ut faciamus eas rebus dictis esse similes. Quid scriptioni cum domo, camelo, portâ, venabulo, &c.

Fateor

Fateor mihi hîc aquam hæere; nec legere memini vsquam, quâ causâ inditæ literis fuerint hæ appellationes.

Iam de vocalibus obiter dicendum. Veteres Hebræi, inquit Bellarminus cap. 11. quod propriè vocales non haberent, utebantur earum loco quatuor consonantibus, Aleph, He, Vau, Iod. Per Aleph & He exprimebant A; per Vau, O & V. Per Iod, E & I. Præter quas, Græci habuerunt E longum, seu Η, & Ω, & Υ.

E, Εΐιδν, olim scribebatur hoc modo Ε̄, inquit Iosephus Scaliger ad Eusebium. tribus autem obelis iugulatur, medio, summo, & imo; ut distinguatur à Ε̄ spiritu, à Γ, γάμμα, à Λ, Lambda, à Λ, C veteri. ita Scaliger Iulius lib. 1. De ling. Lat. cap. XL. Aufonius:

*Præsto quod E Latium semper breue Dorica vox E.*

H, Η̄τα apud Iones erat nota spiritus, sicut hodieque apud Latinos, D. Hieronymus libro De nominibus Hebraicis vocat eam extensam vocalem; hoc est ἀντίστοιχον τῷ Ε̄. Sic Aufonius:

*Ita quod Aeolidum, quodq; E valet, hoc Latiale E.*

Ο μικρόν, figuram habet ab oris rotunditate quâ os componimus dum O pronuntiamus. Olim autem pronuntiabatur planè ut u, Aufonio teste:

*Vna fuit quondam quâ respondere Lacones*

*Litera, & irato Regi placuere negantes.*

u autem post scribi cœptum est pro O. Aufonius:

*Hoc tereti argutoq; sono negat Attica gens, u.*

quam literam, quia Philoxenus rescripsit Dionysio se reuocanti, vocarunt Φιλοξένειον γράμμα.

Ω μέγα opponitur Ο μικρόν. Aufonius:

*Et suprema notis adscribitur Argolicis Ω.*

His

His ambebus respondet O Latinorum. Aufonius:

*Ω quod & OY Græcum, compensat Romulæ vox O.*

Y *Ἰσθμ.* Pythagoræ biuium dicta, à ramosis brachiis. Aufonius:

*Pythagora biuium ramis pateo ambiguus Y.*

V, Latinis propria litera; vt Aufonius notauit:

*Cecropiis ignota notis ferale sonans V.*

De hac Priscianus: V loco consonantis posita, eandem prorsus in omnibus vim habuit apud Latinos quam apud Aeoles Digamma F.

## CAPVT VIII.

*De quadruplici scribendi modo. Primo, à dextrâ ad laeuam in latum. Secundo, à laeuâ ad dextram in latum. Tertio, à laeuâ ad dextram, & rursus contrâ per versus. Quarto, à summo sinistro latere charta in imum versus dextram sine regressu.*

**I**N planâ tabellâ aut chartâ per lineas rectas, modi scribendi fingi possunt omnino vigintiquatuor: octo in latum, octo in longum, octo in diametrum.

Primus, à summo dextro ad laeuum in latum, qui est vetus Hebræorum. Secundus, à laeuo summo ad dextrum in latum, qui iam est ferè omnium, præterquam Hebræorum & Sinensium. Tertius, ex utroque mistus, sed à laeuâ incipiendo; qui fuit recentior Hebræorum, & antiquus Græcorum ac Latinorum. Quartus, ex utroque item mistus, sed à dextrâ incipiendo. Quintus, ab imo dextro ad laeuum, in latum. Sextus, ab imo

imo sinistro ad dextrum in latum. Septimus, ex utroque mistus, sed à læuâ incipiendo. Octauus, ex utroque item mistus, sed à dextrâ inchoando. Nonus, à summo latere dextro in imum: Decimus, à summo sinistro in imum; sed hi ambo lineis perpendicularibus; qui postremus est Indorum, Sinarum, & Æthiopum. Undecimus, à summo latere dextro in imum, & rursus ab imo ad summum. Duodecimus, à summo sinistro latere in imum, & rursus ab imo in summum versus, qui est Gothorum. Decimus tertius, ab imo dextro ad summum: Decimus quartus, ab imo sinistro ad summum; & hi ambo per lineas perpendiculares. Decimus quintus, ab imo dextro in summum, & rursus à summo in imum per versus. Decimus sextus, ab imo sinistro in summum, & rursus à summo in imum per versus. Decimus septimus, ab angulo dextro summo in imum sinistrum, lineâ diametrali. Decimus octauus, ab angulo summo sinistro in imum dextrum, lineâ item diametrali. Decimus nonus, ab angulo dextro in imum, & ab imo in summum rursus per versus. Vigessimus, ab angulo sinistro in imum, & rursus ab imo in summum. Vigessimus primus, ab imo angulo dextro in summum sinistrum, lineâ diametrali. Vigessimus secundus, ab imo angulo læuo in summum dextrum, lineâ diametrali. Vigessimus tertius, ab imo dextro in summum sinistrum, & rursus à sinistro diametraliter in summum dextrum. Vigessimus quartus, ab imo sinistro in summum dextrum, & à dextro rursus in imum sinistrum diametraliter.

Ex his viginti quatuor reperio quatuor tantum fuisse

fuisse vſurpatos ; primum, ſecundum, tertium, & decimum : & ſunt ſanè inter hos etiam modos aliqui valdè incommodi, vt mirer vel quatuor diuerſos potuiſſe placere gentibus diuerſis.

Primus omnium & antiquiſſimus eſt, Hebræorum vetus à dextrâ ad ſeuam lineâ rectâ in latum. horum enim cùm primæ ſint literæ, oportet & ſcribendi modum eſſe primum : quod eò faciliùs credendum eſt, quòd modus ille incommodior atque imperfectior eſt ; & prima quæque ſolent eſſe incultiſſima maximeque rudia. Etiamſi enim Hebræorum Rabbini glorientur, ſe imitari cælorum motum ſcribendo à dextro in ſiniſtrum ; non tamen eâ gratiâ efficiant, modum illum ſcriptionis eſſe laudandum ; quando & ita literæ ſcriptæ calamo ac manu leguntur, quæ nobis ob oculos contemplandæ relinquuntur, cùm à læuo ordimur ſcriptionem ; & omnium animantium item primus ac naturalis motus extrorſum explicatur, & cetera opera quoque extento brachio, non retracto inchoantur ; quando denique Hebræi ipſi ſingulas literas inter ſcribendum inchoant à latere læuo in dextrum, etiamſi adiunctionem literarum ad literas ducant à dextro in ſiniſtrū, vt acutè obſeruarunt Angelus Roccha in Biblioth. Vatic. & Iul. Scaliger li. i. De cauſſ. ling. Lat. c. XLVI. qui tamen illud ſuoſte ingenio ridiculè aſſingit Hebræis, eò ita eos ſcribere cœpiſſe, quòd priùs texturam inuenerint quàm ſcripturam : textores verò primum tramẽ ſilum introrſum iaciant, coacti, nō naturâ ; quoniam dextrâ manu cùm incipiunt, & ſiniſtræ operam viciffim petunt, ſic motus fuit auſpicandus. Cedò enim Scaliger, ſi coacti ita tra-

tramam iaciunt, quia sinistrâ eam reiaculari debent, cur quando sinistrâ ad scribendum opus non est, manum liberè non explicant extrorsum à læuo in dextrum? Insignis etiam hac in re est Goropij fabella, qui libro tertio extremo Hieroglyphicôn, ait, à Cadmo Hebræos ita primùm doctos esse præposterè scribere, eâ causâ, vt disce- rent aliquando hac suâ scribendi incommodissimâ ratione, Cimbros (à quibus, literas nempe acceperant) in literarum quoque scribendarum modo esse imitandos. Egregiam, ita me Deus amet, diuinationem!

*Nec pueri credent, nisi qui nondum asse lauantur.*

Porro hanc scribendi rationem Ægyptij ab Hebræis accepere, vt Herodotus testatur lib. 11.

Hebræorum modo veteri proximè, nisi fallor, successit modus quem suprâ numerauimus tertium: is nempe qui à læuâ in dextram, & rursum à dextrâ in læuam tendit per versus; quem Naclerus volumine primo, generatione LIV. scribit Hebræis traditum esse ab Esdrâ scribâ, quem Græci, auctore Pausaniâ libro v. vocarunt *βαστραφένδον*, eâ re, quòd boues inter arandum ab extrenio sulco conuertantur in proximum ab eodem latere: atque hinc, vt id credam, etiam vehementiùs adducor, quòd Cadmo literarum apud Græcos inuentori, dum Bœotiam conderet, bos occurrerit, quem Græci *ἄλφα* appellant, à quo primæ literæ nomen *ἄλφα* imposuit: ergo & à boum in arando more morem induxerit scriptio- nis, quæ stylo velut aratro fiebat in cerâ: hic autem modus à Græcis deinde venerit ad priscos Latinos; de quibus ita Isidorus libro vi. cap. xlv.

*Versus*

*Versus vulgò vocati sunt: quia sic scribebant antiqui sicut aratur terra; à sinistrâ enim ad dextram primum deducebant stylum, deinde conuertebantur ab inferiore, & rursum ad dextram versus; quos & hodie rustici versus vocant.*

Tertius scribendi modus est à laeuâ in dextram, sine retrogressionem ad laeuam. Hic iam communis est plurimarum gentium, quia commodissimus & decentissimus: cùm enim omnem litterarum, etiam apud Hebræos, virgule ita inchoentur, decet totam scriptionem ita perfici, vt eadem sit ratio totius & partium.

Quartus scribendi modus est Syrorum, Indorum, Æthiopum, & Sinenfium. De Syris Andreas Mafius in Grammat. Syriacâ: *Syri non à dextrâ ad sinistram versus ducunt manum, vt Iudæi faciunt, cùm scribunt: sed eam ex aduerso positam reducunt sensim ad se per chartam transuerso situ collocatam; propterea quòd sic commodius aptiusq; ipsorum litera formetur; ceteroqui legendi ratio prorsus eadem est quam Hebræi tenent.* Igitur Syri lectionem incipiunt à literâ quæ in scriptione erat summa; eamque faciunt esse in latere dextro, vertendo chartam dum legunt. De Indis ita Poggius lib. iv. De fortunæ varietate: *Scribunt Indi, non vt nos aut Hebræi, in latus dextrum aut sinistrum, sed à summo ad imum ducentes calamus, lineâ nempe perpendiculari.* Non explicat Poggius in quod latus faciant linearum ad lineas adiunctionem; at certum quòd versus dextrum: nam id de Sinenfibus apertè scribit Nicolaus Trigaultius Belga è Societate nostrâ, Sinicæ Expedition. lib. i. cap. v. *Sinica scriptionis situs, inquit, è diametro nostra aduersarius*



farius est; n. in ad dextram à summo in imum ducunt manum, nos à sinistra ad dextram in latum progredimur. Denique de Æthiopibus circa Meridionales insulas narrat Diodorus Siculus libro 1111. cap. x111. Non scribunt per latum, vt nos, sed à superiori parte lineâ rectâ ad inferiorem. Hunc scribendi modum Græci appellarunt Tapocon, auctore Festo: Tapocon, inquit, Græci soliti sunt appellare genus scribendi deorsum versus, vt nunc dextrorsum scribimus. Sed quid verbi sit Tapocon, non miror vel à doctioribus ignorari, & præteriri à Tiraquello in Notis Alexandri Neapolitan. lib. 11. cap. xxx. quando ita variè legitur in diuersis exemplis apud Festum, vt monet Dionysius Gothofredus: Tahenpocon, Temperon, Tempoccon, Taempoton, Tampercon, Taencopon, Taenpton. Quis nõ rideat hæc monstra verborum?

Quintus scribendi modus falsò tribuitur Gothis à Theodoro Zvvingero lib. 1. volum. 1 v. vbi sic scribit ex Olao Magno: Secundum longitudinem à summo ad imum, & hinc rursus ascendendo, veluti per spiras (quales sol annuo motu per Zodiacum facere dicitur) scripserunt Gothi veteres in saxis vetustissimis, quæ etiamnum extant. Sed nusquam hoc scribit Olaus. Sunt enim tantum hæc eius verba lib. 1. cap. xxxv 1. ex Ioannis Magni De Gothis lib. primo cap. vii 1. Longè ante inuentas literas Latinas, Aquilonaria regna suas literas habuerunt. cuius rei indicium præstant eximia magnitudinis saxa, veterum bustis ac specubus apud Gothos affixa. His itaque (vt in historia charissimi fratris mei Ioannis Magni antecessoris Archiepiscopi Vpsalensis libro 1. cap. 7. habetur) apicibus res gestas lapidibus imprimentes, sempiterna memoria tradiderunt. Ioanne

verò Magnus tantum hæc ampliùs addit : *Hæc saxa literarum formis inscripta , persuadere possint , quòd ante vniuersale diluuium , vel paullo pòst ibi erecta fuissent . neque toto reliquo opere de Gothis , mentionem facit literarum . Certissimò autem lapsum esse Zvvingerum ostendit Bonauentura Vulcanius libello De literis Getarum seu Gothorum , vbi omnes eorum inscriptiones scriptæ sunt à læuâ ad dextram in latum , more nostro vulgari ; nulla omnino à summo in imum per versus . Quamquam non miror hîc hallucinatum esse Zvvingerum , qui eodem loco grauissimè etiam aberrauit in voce Tapocon , asserens eum esse modum quo Hebræi scribunt à dextrâ ad læuam .*

Tabulam hîc appendo , quòd faciliùs variè illæ scribendi rationes capiantur .



A SVMMO SINISTRO AD DEXTRAM IN LATVM.

A SVMMO SINISTRO AD DEXTRAM ET PER REVER-  
SVM QVATVOR MODIS.

MVTAL NI MVTETINIS QA QVITXEQ OMVVS A  
SVS AD DEXTRAM.

# VIGINTI QVATVOR SCRIBENDI MODI.

A SVMMO SINISTRO AD DEXTRAM ET PER REVER-  
SVM QVATVOR MODIS.

A SVMMO SINISTRO AD DEXTRAM ET PER REVER-  
SVM QVATVOR MODIS.

A SVMMO SINISTRO AD DEXTRAM ET PER REVER-  
SVM QVATVOR MODIS.

AB IMO SINISTRO AD DEXTRAM IN LATVM.

MVTAL NI MVTETINIS QA QVITXEQ OMVVS A  
SVS AD DEXTRAM.

## CAPVT IX.

*Quibus instrumentis scriptum.*

**V**T res quæque simpliciores ac rudiores sunt, ita paucioribus egent adminiculis ad sui constructionem. Igitur cum recens nata atque adhuc impolita erat scriptio, duabus omnino rebus perficiebatur, stylo seu instrumento quo scribebatur, & materiâ in quâ scribebatur. At mox, ubi poliri excolique ea ars cœpit, cœpit etiam præter stylum & materiâ in quâ, egere materiâ ex quâ literæ scilicet fingerentur, de quibus singulis tractatio instituenda proximis tribus capitibus.

Instrumentum quo primùm scriptæ fuere literæ, fuit *stylus ferreus*. Ducem habeo rationem; quia primæ Hebræorum literæ saxis & laterculis incise, ut monstrauimus ex Iosepho Iudæo; igitur ferreo stylo. Ligno enim, aut saxo, aut osse, aut re aliâ, quid pote? Ferreum autem hunc stylum vulgata lectio cap. x i x. Iob vocat *Caltem*: *Quis mihi tribuat ut scribantur sermones mei? Quis mihi det ut exarentur in libro stylo ferreo, aut plumbi laminâ, vel calte sculpantur in silice.* Quam lectionem vindicat Pater noster Molina in primâ parte D. Thomæ. q. 26. art. 1. disp. secundâ, contra Titelmannum, & Biblia Regia, ubi pro *calte*, scribitur *certe*. Est enim *cætes*, ut ipse ex Lexicis & Orthographiâ Manutij docet, ferrum sculptorium; sic dictum à cælo, vel antiquo verbo cællo, quod significat cædo. quem locum nullus, quod sciam, accuratius expli-

explicauit; nam & Pinada noster silentio præterit, cùm tamen retineat priscam cum Molinâ lectionem. Styli forma huiusmodi fuit, vt altera eius pars ad scribendum esset acuta, altera ad delendum obtusa. Expressit eam egregiè Prudentius Hymno ix. de S. Cassiano Martyre:


*Inde alij stimulos & acumina ferrea vibrant,*

*Quâ parte aratis cera sulcis scribitur:*

*Et quâ secti apices abolentur, & aquoris hirti,*

*Rursus nitescens inuenitur ærea.*

Ego verò vt clariùs eam exprimam, hîc eius imaginem subiicio, quam incidi curauî ad exemplum styli veteris, quem mihi Bruxellis ostendit Cl. D. Hopperus.



Stylus æreus est, instar ligunculi, incuruâ palâ, vt nempe imposito indice, firmiùs ceræ sulci complanentur; caudâ seu cuspide inter reliquos digitos inclusâ, quare qui hunc stylum verterit ad inducendas literas, non eo vtetur planè erecto, sed obliquato; omnino sicut paruo ligunculo, non sicut typo epistolari quo signantur epistolæ, cuspis quadrilatera est, latior tamen quàm densior. Latera autem seu potiùs anguli laterum, sunt limâ rasi. Id factum opinor vt stylus certiùs teneatur, & non fallat manum.

Confirmat ferri vsum de postera ætate Isidorus lib. vi. cap. ix. *Græci, inquit, & Tusci primum ferro in ceris scripserunt.*

Successit ferro stylus ossæus. Tit. Quintil. *Acta in Satyrâ: Verramus vomerem in ceram, mucro-*

*neq; aremus osseo.* Iusserunt enim Romani ne graphium ferreum esset : vnde & apud scribas dicebatur , *Ceram ferro ne cadito* ; ait ibidem Isidorus. sed non fuit perlata ea Lex, aut certè abrogata est : nam de ferreis cultellis suo adhuc ævo Martialis scribit lib. xv. Epigr. xxi.

*Hæc tibi erunt armata suo graphiaria ferro :*

*Si puero dones , non leue munus erit.*

vbi graphiaria , thecæ seu vaginæ sunt ipsius graphij , vt notat Raderus noster ; non ipsi styli ferrei , quod volunt Beroaldus & Domitius. Porro styli ossei meminit præterea Laërtius , qui refert Cleanthem solitum osseo stylo in tegulâ excipere documenta Zenonis.

*Saxeo stylo* vtuntur vulgò Arithmetici , dum in lamellâ saxeâ , seu scindulâ , numerorum zifras sculpunt.

*Adamantinâ cuspide* vitra inscribuntur.

*Carneo stylo*, hoc est digito suo, Christus paupmentum inscripsit : Ioan. cap. viii. & quisquis ille fuit, qui Baltassari epulanti mortis sententiam digito scribebat in muro, Mane, Thecel, Phares : cap. v. Danielis.

Narratum mihi est à Sacerdote quodam nostro, cuius in iuuando hoc opere studium sensi omnino singulare, captiuum quemdam , cui vngues in longo carceris padore excreuerant , vngue suo in cuspidem aptato , & in crenam fisso , atramentoque ex saliuâ aut vrinâ & carbone temperato, epistolam scripsisse ad suos. id quod ipse à viris fide dignissimis accepisse se mihi affirmavit.

Horum omnium ferè vsus exoleuit, postquam inuētus est calamus, penna, & penicillus; de quorum

rum origine nihil constat certius, quàm quòd recentior sit inuentione chartæ & membranę: neque enim pennâ, quæ caua est; neque calamo, qui pulposam medullam habet, scire arari potest cetera; aut vlllo modo celari possunt tabellæ aut saxa: deinde penne & calami nisi coloribus intincti, non valent ad scripturam, vt Quintilianus li. x. cap. 111. in ceris autem, & saxis, & tabellis, sufficiebat incisio sine affusione coloris, quæ necessaria tamen ad inscribendam chartam aut membranam. Est hæc de earundem rerum origine sententia Opmelij initio Chronicôn; vbi sic loquitur: *In pugillares scribebant stylis ferreis: in papyros autem arundineis calamis, & postmodum etiam auum pennis.* & Petri Gregorij lib. xv. De repub. cap. 111. *Calamo, inquit, scriptum in chartis, Martiale teste:*

*Dat chartis habiles calamos, &c.*

Iam de singulis adfero aliquot auctoritates.

De Calamo. David Psalmo XLIV. *Lingua mea calamus scribe.* vbi Aquila vertit, *Iuncus scribe*, quod idem est; sunt enim calami, iunci seu arundines quædam aquatice; quæ copiosissimè prope Memphim, Gnidum, & ad Nilum crescunt: (vnde Orus Apollo scribit, literas fuisse ab Ægyptiis significatas per cynocephalum appposito atramento & iunco; quòd iunco scriberetur, & cynocephalus facilè scripturam disceret, sicut Ælianus ait, elephantos fuisse qui nossent scribere.) & Plinius lib. xv. cap. xxxv. *Calami, inquit, Ægyptij maximè & Gnidij chartis seruiunt.* & Martialis lib. xiv. Epigr. xxxviii.

*Dat chartis habiles calamos Memphitica tellus,*

Vocatur autem Niloticus calamus ab Apuleio initio

lib. 1. De Asin. *Chartarius*, initio lib. 11. Florid. sicut & à Celso *Scriptorius*, lib. v. cap. xxviii. ab Aufonio *Fisipes* argutè, propter crenam cuspidi incisam. Passum verò apud Pœtas pro calamo inuenies *arundinem*. vt apud Persium; quem solum adfero, quia solus elegantissimè calamū descripsit:

*Inq; manus charta, nodosaq; venit arundo.*

*Tum querimur crassus calamo quòd pendeat humor.*

*Nigra quòd infusa vaneſcat ſepia lymphâ:*

*Dilutas querimur geminos quòd fistula guttas.*

De Pennâ. Iuuenalis :

— *præcipiti venisset epistola pennâ.*

quamquam sunt qui hoc interpretentur, non de stylo graphiario, sed de columbâ, seu alio quouis alite vectore literarum.

De Penicillo. Scribit P. Nicolaus Trigaultius Expedit. Sinicæ lib. 1. cap. 1v. *Sina, penicillo è pilis leporinis (quo ad scribendum vtuntur) atramentum excipiunt.* Apud nos verò nullo alio ad scribendum instrumento, quàm penicillo, vtuntur pictores.

Præter hæc instrumenta, quæ vicem obeunt solius styli, sunt quædam etiam subinde vsurpata, quæ faciunt pro stylo & simul pro materiâ ex quâ literæ fiunt. Huiusmodi sunt, rubrica, creta, carbo, plumbum; quæ etiam priscæ fuere consuetudinis. vt patet ex Persio de *Rubricâ*:

— *Oculo rubricam dirigit vno.*

ex eodem, de *Cretâ*:

*Nuper in hanc urbem pedibus qui venerat albis.*

mancipiorum enim venalium pedes cretâ inscribebantur, vt auctor est Plinius, & Propertius. Asiaticam verò cretam vocat Cicero oratione pro Flacco, eam quâ Publicani utebantur, fortè ad



rè ad signandas merces quæ soluto portorio exportabantur.

De Carbone, Plautus in Mercatore;

*Impleantur mea fores elogiorum carbonibus.*

De Plumbo Catullus:

*Membrana directa plumbo.*

Imò fullatis præterea coloribus scribere solitos Brachmanes in findonibus, narrat Neapolitanus Alexander lib. II. cap. xxx.

## C A P V T X.

*De materiâ in quâ scriptum antiquissimè.*

**P**RIMA materia in quâ exceptæ literæ, fuere saxa & lateres. ita enim de primâ scriptione Iosephus lib. I. Antiquitatum cap. IV. Seth imitatores sui filios habuit, &c. qui facientes columnas duas, alteram ex lateribus, alteram ex lapidibus; in ambabus quæ inuenerant, conscripserunt. ut, si constructa lateribus exterminaretur ab imbris, lapidea permanens præberet hominibus scripta cognoscere. Hic mos deinde venit ad Babylonios & Phœnices; quorum illi, auctore Plinio lib. VII. cap. LVI. coctilibus laterculis mores, leges, & instituta conscripta tradiderunt; hi verò lapidibus. Romani, ceteræque gentes ferè omnes, eundem morem sunt amplexi; unde tot passim visuntur antiqua marmora, cippi, & stelæ, literis inscripta, ad memoriam æternam rerum gestarum, ut Horatius lib. IV. Od. VII.

—— *incisa notis marmora publicis.*

Et Danos solitos inscribere cautibus maiorum suorum gesta scribit Saxo Grammaticus in Præfat. Historiæ Daniæ.

*Folia arborum*, proximè, vt opinor, successère lapidibus. à quibus nos hodieque membranas & chartas folia ( Græci *τέλα* ) appellamus. Plinius testatur lib. xiiii. cap. ii. in *palmarum foliis fuisse primò scriptitatum*; apud Ægyptios nempe, de quibus eo loco loquitur, non apud Hebræos. Henricus Salmuth in Notis Pancirolli, auctoritate Guilandini ductus, legit *maluarum pro palmarum*. Sed Isidorus aperte lib. vi. cap. xii. affirmat scribi solitum in *maluarum foliis atque palmarum*. quam lectionem asserit quoque Scaliger libello contra Guilandinū. Et cur, oro, non æquè in foliis palmæ ac maluæ? Certè affirmat id Oforius lib. ii. De rebus Emman. *Indi*, inquit, *neque charta vtuntur, neque papyro; sed stylo in foliis arborum siluestrium, quas propter similitudinem, palmas appellant, literas exarant*. Imò Virgilius omnino amplè loquitur de cuiusvis arboris folio, lib. iii. *Æneid*.

— *folijsq; notas & carmina mandat.*

*Quæcumque in foliis descripsit nomina virgo, &c.*

Ergo in foliis palmæ scriptum.

De *Maluâ*, C. Heluius Cinna apud Isidorum:

*Hæc tibi Aratais multum inuigilata lucernis*

*Carmina, quæ ignes nouimus ætherios,*

*Leuis in aridulo malua descripta libello*

*Prusiæ vixi munera nauiculâ.*

Hinc & folium *μαλάχης* sanctissimum Pythagoræ appellatum, apud Ælium lib. iv. cap. xvi. Sic & Hesiodo dictum:

*Ὅσον τ' ἐν μαλάχῃ τε καὶ ἀσφοδέλῳ μέγ' ὄνειαρ.*

Imò & in foliis oleæ Syracusanos ludices solitos exulum nomina scribere refert Diodorus Siculus lib. ii. adeoque capitales sortes fuisse foliis frequen-

frequenter inſcriptas etiam apud Græcos, argumento eſt, quòd condemnatio dicta ſit ἐπευλοφίας, vt Iunius obſeruat lib. 11. Animadu. cap. v. Fungo autem Burri inſcripſerunt ad Traianum, apud Xiphilinum; & pomo Acontius, apud Ouid.

*Florum folia* ſubinde inſcribi ſolita, reperi apud Ouidium v. Faſtorum De Floralibus :

*Prima Thrapneo ſeci de ſanguine ſtorem,*

*Et manet in folio ſcripta querela ſuo.*

apud Virgilium Eclogâ 111.

*Dic quibus in terris inſcripti nomina Regum*

*Nascentur flores.*

quod multi de Telamone in Hyacinthum verſo accipiunt. cui flori duæ hæc literæ AI inſcriptæ videntur ſignificantes AIacem. quâ de re Ouidius lib. x111. Metamorphoſ.

*Litera communis mediis, pueroq; viroq;*

*Inſcripta eſt foliis; hac nominis, illa querela.*

vbi literam communem vocet AI, vel YA. à quâ & HYAcinthis & AIacis nomina inchoantur. eodemque alludit Poëta lib. x. Metamorph.

*Ipe ſuos gemitus foliis inſcribit; & Hya*

*Flos habet inſcriptum, ſuneſtaq; litera ducta eſt.*

Formoſorum verò nomina iis inculpi, hiſce formulis, Ὁ δὴ καλὸς, Ille formoſus eſt, Pulchra Paſi-compoſa, &c. notauit Petrus Viſtorius lib. xvi. Variar. cap. v. Vide Crinitum libro 111. De honeſtâ diſciplinâ cap. 111.

*Libri arborum*, hoc eſt tunicæ interiores corticis, ſuffecti in locum foliorum. Plinius lib. x111. c. xi. *In foliis primò ſcriptitatum; deinde quarundam arborum libris.* Arborum autem huiusmodi tres ſpecies enumerat Vlpianus Leg. Librorum. in princ. ff. De Leg.

Leg. III. tiliam, philyram, & papyrus. Scribit Q. Septimin. in Præfatione Diætys Cretensis, vidisse se opera Diætys omnia, in talibus librorum tunicis scripta. In viuarum corticibus arborum subinde, sed rariùs scriptum legimus; de quo ritu postea agetur longiùs.

*Tabella lignea*, quia magis ferunt ætatem, mox libris substitutæ; eodem fortè tempore quo inuenti libri lintei & plumbei. Quia enim in arborum libris hucusque fuerat scriptum, faciliùs nempe cogitarunt de ligneis tabellis, quàm de linteis aut plumbo quæ minùs ad manum sunt; vt videor posse non malè suspicari. Porro hæ tabellæ codices diætæ, & codicilli; à caudice arborum, è quibus in scindulàs sectæ. Fuisse autem ante chartæ & membranæ vsum inuentos, Isidorus libro VI. cap. VIII. scribit his verbis: *Ante vsum chartæ & membranarum, in doluis ex ligno codicillis epistolarum colloquia scribebantur.* imò ante pugillares cereos, non dubitem asserere: quia simpliciores tabellæ nudæ quàm ceratæ; & Plinius indicat libro XIII. cap. XI. *privata monumenta linteis confici cæpta aut schedis.* ita enim legendum esse pro *ceris*, monet Scaliger contra Guilandinum ex omnibus manuscriptis. Sunt aut schedæ aut schedulæ Græcis eadem quæ nobis tabellæ nudæ: *Aliud*, inquit Scaliger, *est cera, aliud scheda. scheda non est deletilis; erat enim pagella lignea.* Ex huiusmodi verò assellis seu tabellis, librum Hebraicis & Latinis characteribus scriptum, inuentum esse prope Toletum temporibus Regis cuiusdam Ferdinandi, narrat Rodericus Sanctius Episc. Palentinus, 3. part. historia Hispanicæ cap. I V. & Baronius in Martyrolo-

rologio Romano, Codicem Euangelij diui Matthæi in huiusmodi schedulis Hebraicè scripti, inuentum refert in monumento D. Barnabæ Apostoli: *Libri huius tabella*, ait auctor Vitæ apud Suerium Tomo III. *erant thymis lignis composita.*

Solebant autem in huiusmodi tabellis discere primò scriptionem analphabeti; a quo etiam Plauti ut ipse significat Bacchid. Scenâ *Nunc experiar:*

*Exemplò puer pædagogo tabulâ dirumpit caput.*

si enim cerata fuisset tabella, & non nuda, ac satis etiam crassula; quomodo puer eâ caput dirumperet pædagogo? non, si vel cucurbita esset eius caput aut pepo. Deinde fiebant hæ tabellæ è solo ligno, ut pueri intra excisos characterum sulcos exercerent manum, quam nempe oræ ligni duriores, ne exerrarent, cohibebant; ut ita etiam ad ceram sensim firmaretur; quale ludi genus tirunculis præscribit Quintilianus libro primo cap. I. Denique eedem tabellæ, à pungendo, dictæ pugillares, pugillar & pugillaria (ut loquuntur Gellius & Aufonius) & varia facta sunt earum genera.

*Cerei pugillares*, à ceræ crustâ vel malchæ; hanc enim etiam tabellis illitam scribit Pollux lib. x. c. xiv. ex Aristoph. & Cratino. Idem quincuplices. à numero foliorum dicti Martiali lib. xiv. Epig. iv.

*Quincuplici cerâ cum datur altus honos.*

materiâ quidem vilissimi, sed officio summi; quando illis solis scribebatur ad Imperatores, qui qualisve eis honores decreti pro triumphis, ut indicat ille citatus versus.

*Citrei pugillares*, è citri ligno. Martialis lib. xiv.

*Secta nisi in tennes essemus ligna tabellas;*

*Essemus Libyci nobile dentis opus.*

Ebur-

*Eburnei, ibidem Epigram.v.*

*Languida ne tristes obscurent lumina cera,*

*Nigra tibi niueum litera pingat ebur.*

Hi verò eburnei pugillares iidem sunt quos Vo-  
piscus in Tacito, & alibi, vocat libros elephanti-  
nos; vt rectè opinantur Turnebus & Pancirollus.

*Membranei, ibidem Epigram. vii.*

*Esse puta ceras, licet hac membrana vocetur:*

*Delebis, quoties scripta nouare voles.*

Liturantur enim chartæ illæ deletiles è gypso aug-  
cretâ, digito in saliuâ intincto. de qualibus men-  
tio fit Leg. Si quis, in quod. 7. De Iurisdic. omni-  
iud. P. & alibi lib. 50. tit. 3. cum similibus. De-  
nique vt paucis omnia complectar quæ ad pu-  
gillares faciunt; lubet hîc adscribere Raderi no-  
stri verba è Commentariis illius doctissimis in  
Martialem: *Pugillares sunt Græcis δὺπλωχα, σαρῖδες,*  
*παραῖδες. Homerus lib. v. Iliad. μυχτὸν πῖναρα* appel-  
lat, vnde apparet antiquissimus pugillarum vsus. *Forma*  
*eorum quadrata; olim etiam trigona. vnde δακτυλῶν δὺπλω-*  
*χῶν* Herodoto dictum. *Materia varia; è buxo, vnde πωξὸν;*  
*è citro; è lapide atro in laminas tenues sc̄cto, quem arde-*  
*siam appellant; è laminis membraneis; ex ebore. A nume-*  
*ro paginarum, duplices, Græcis διπλωχα; triplices, τριπλω-*  
*χα; quincuplices, πεντάπλωχα. Triplices & quincuplices*  
*vulgò erant pugillares è cerâ, tiliâ, philyrâ, buxo, membra-*  
*nâ; quia viliores. Duplices tantùm, quia pretiosiores, citrei*  
*& eburnei; vt Carrio obseruat lib. ii. Emendat. cap. vi.*  
*Hucusque Raderus, sanè accuratè & eruditè.*

*Plumbeis voluminibus monumenta publica confici cœpta*  
*sunt (nempe post pugillares) verba sunt Plinij li-*  
*bro xii. cap. xi. Sed è plumbo volumen diu-*  
*turnum nullum fieri potest; plumbum enim, se-*  
*mel,*

mel, iterum, tertiumque conuolutum & euolutum, facillimè rumpitur. inde enim nomen volumini datum à crebrâ conuolutione, vt refert Isidorus lib. vi. c. xii. Igitur per volumen Plinius laminam intellexerit: sicut Sueton. Neron. c. xx. *chartam plumbeam* vocat; quam eandem Plinius libro xxxi y. cap. xviii. (referens de Nerone eandem rem cum Suetonio) appellat *plumbi laminam*. & certum omnino videtur, cum publica monumenta, quæ vulgò publicè spectanda proponuntur, nihil opus sit instar voluminum posse conuolui. Vnde Gallorum publica monumenta, argentea fuisse scribit Trithem. lib. i. breuiarij Annal. Franc. & Romani ea non è flexili plumbo, sed æternaturo ære confecerunt; vt multis constat ex locis apud Dionysium Halicarnasseum libro x. Tranquillum in Cæsare, Machab. lib. i. c. viii. aliosque scriptores, pro quibus omnibus illud vnum Horatij satis esse debet:

*Exegi monumentum ære perennius.*

tum etiã quòd alij auctores omnes semper plumbi laminas appellent, nusquam volumina. Ita Frontinus lib. iii. cap. xiii. literas *lamellis plumbeis* inscriptas, per vrinatorem sub aquâ missas refert. Interpretes Pausaniæ in Bæoticis, Hesiodi librum *plumbeis laminis* confectum fuisse in Bæotiâ. Interpretes cap. 19. Iobi Prophetæ: *Quis mihi det vt sermones mei exarentur in libro, & stylo ferreo in plumbi laminâ.*

*Linteis priuata monumenta confici cæpta sunt.* pergit dicere Plinius loco citato. Neque hîc repugno; è linteo enim, quod volubile semper est, facile fit volumen. Porrò de libris linteis Liuius libro i.

Decad.

Decad. I v. & Vopiscus in Aureliano; vt mirari haud satis queam quid Turnebø viro doctissimo venerit in mentem, rescribere lib. XXI. cap. XX. pro *luteis*, *luteos*, in Aureliano Vopisci. maximè quando eisdem Marcianus Capella in Proœmio Grammat. vocet *carbasinos*: de iisdem scribat Claudianus bello Gethico:

—— *Romani carbasus aui.*

eisdem Philostratus in Vitâ Apollonij appellet *Sindones*, in quibus nempe Indis scribere mos fuit: denique Suidas scribat in *πένδο* Mineruę, hoc est velo nauis Panathenaicę, quinquenniis singulis solita scribi eorum omnium nomina, qui fortes bello se præstiterant.

Membranę inuentę ante chartas; vt benè notarunt Dalecampius in Notis Plinianis, & Pancirollus lib. I I. tit. XII. Charta enim Alexandri temporibus primùm nata est: membranceos autem antiquissimos libros ab Eleazaro Pontifice Iudæorum ad Ptolomæum Philadelphum missos esse scribit Iosephus libro XI. I. Antiquit. & argumento est illud, Græcis pro re antiquissimâ vsurpatum prouerbum; *Diphtherâ* (id est, membranâ) *antiquior*; membranę quàm chartę vsum esse longè priorem. Igitur quod ex Varrone Plinius scribit lib. XII. cap. XI. *Pergami ab Eumene rege inuentas esse membranas, suppressente chartas rege Ptolomæo*; ita dictum esse cogitandum est, quasi Eumenes primus summam copiam fieri iussêrit membranarum ob inopiam chartę, & hinc membranas dictas esse pergamenum seu pergamenam. Membranę autem vocatę sunt, quòd sint pelles, pecudum membris deglubitę, vt Isidorus



dorus lib. vi. cap. x i. addit denique, eas varij fuisse coloris, aut candidas, aut alterâ ex parte luteas seti croceas, aut purpureas. Atque huc spectat illud Persij:

*Iam liber & positus bicolor membrana capillis.*

Membranis denique accensenda sunt pecudum intestina, in quibus item scriptum fuisse legimus; qualia sunt elephantorum omentâ, de quibus Isidorus lib. vi. cap. x i i. & illud draconis intestinum, in quo Zonaras lib. i i i. Annal. narrat scriptam fuisse Iliadem totam Homeri & Odyssæam. Ita quoque Attalus Rex manui suæ inscriptas literas (more Hebræo, hoc est, à dextro versus sinistrum scriptas) continentem hanc sententiam, *Regis victoria*, impressit calido victimæ cæcæ intestino (iam scriptas scilicet ordine recto à sinistro in dextrum) ut eo veluti bono omine & præfagio militem suum excitaret in Gallos & Galatas hostes, auctore Polyæno lib. i v. Stratagem. Præter hanc omnem tam variam materiem, reperio subinde, sed rariùs, scriptum in aliâ ignotiore. In corio à Lacedæmonibus scytale. In pulvere à militibus condentibus testamentum; quod valere scribit Constantinus in Leg. Milites. x v. De testamentis militâr. lib. v i. C. tit. x x i. In pulvere item seu cinere scribunt Episcopi, dum templa consecrant, omnes literas Alphabeti Græci & Latini, auctore Guilielmo Durando libro i. Rational. diuin. Offic. num. 6. In vestibus: de quo infrâ cap. x i i. extremo. In terrâ Seruator noster scripsit, Ioannis v i i i. & Suidas meminisse τὸ φαν γράφειν, cineri inscribere. In vino & aquâ, quod dicetur capite sequenti. In humanâ

G

cute,

cute, de quo cap. x i x. vbi de notis seruilibus; quamquam & Epimenidis demortui cutis tota inuenta est literis conscripta, sine inuisione, vt Suidas in Epimenide. à quo natum Prouerbiū: *Ἐπιμενίδειος δίσμα*. Imò D. Ignatij Martyris cor aureo IESV nomine legimus diuinitus fuisse inscriptum. Omnis denique materia quæ picturæ aut calaturæ est apta, versâ ad scripturam, lapis, lignum, plumbum, æs, aurum, argentum, gemma, vitrum, &c.

## CAPVT XI.

*De primo vsu chartæ, eiusq; variis generibus & appellatione.*

**C**HARTARVM tractatio singulare sibi hoc caput visa est vindicasse, cum ob rerum amplitudinem, tum etiam vtilitatem ac nouitatem.

Chartam, ætas nostra; sed prisca illa Lucilij Auruncani, chartum masculino genere appellauit, auctore Nonio. De causâ nominis contestata lis inter multos est; sed nulli etiamnum adiudicata. Guilandinus lib. De chartâ, & Pancirolus lib. i i. tit. x i i i. chartam ita dictam volunt à Chartâ Tyri vrbe, prope quam primùm inuenta sit papyri arbor, è quâ mox facta charta.

Isidorus lib. vi. cap. x. *chartam dictam esse putat, quòd carptim papyri tegmen decerptum glutinetur.* Contrà Scaliger docet, decerptas illas papyri tunicas, semper esse papyros vocatas, donec ad scribendas epistolas earum cœpit esse vsus; *tum verò non iam amplius papyros, sed chartas esse dictas à verbo χαρτεν, quod omnibus epistolis suis pro fronte inscribere solebant Graci;*

Graci; sicut Latini verbum *suo*, vel  *suis* , de quo Martialis lib. xiv. Epigr. ii.

*Omnes ista solet charta vocare suos.*

Epistolares ergo bybli, à χαρτεν, chartæ dicti. quare non abs re Martialis chartam epistolatam salutatricem vocat, lib. ix. epist. ci.

*Charta salutatrix si modo vera refert.*

Atq; ab hoc tempore chartæ appellatæ sunt chartæ nouæ; vt à pugillaribus è gypso factis, seu palimpsesto, vt Catullus, Cicero & Plutarchus nominant, iam pridem inuentis (qui vocabantur chartæ deletitiæ) distinguerentur. Nouæ autem & deletitiæ chartæ mentio fit apud Vlpianum libro 1. Digest. De bonor. possel. secund. tab.

Iam de chartæ primâ inuentione ita Plinius scribit lib. xiiii. cap. xi. *Chartam Alexandri Magni victoriâ repertam, auctor est Marcus Varro, conditâ in Ægypto Alexandria; antea non fuisse chartarum vsum.* Sed Guilandinus libello De papyro, demonstrat longè ante hæc tempora chartam ex papyro esse factam; quamquam de certo aliquo tempore certum nihil statuat; neque sanè facillè quisquam alius id possit, cum de nullâ re ferè scriptum sit minùs atque de origine scriptionis.

Chartarum autem confectio, quia non tam est considerationis critica, quàm artificij cuiusdam meehanici, visa est non facere operis huius instituto, eâque re prætermittenda. De variis tamen chartarum nominibus duxi non esse silendum. Nomina porrò omnia quadruplici ex capite orta esse, videre mihi videor. A locis, auctoribus, materiâ aut formâ, denique ab officiis.

A locis nomen inuenerunt, auctore Plinio li-

bro xlii. cap. xi. Saitica, Tæneotica, seu Tæneotica, seu Tanitica, Libyana, ad honorem provinciae Libyæ, auctore Isid. lib. vi. cap. x. *Chartæ Thebaïcæ*, *Caricæ*, apud Statium lib. iv. Siluarum. *Aegyptia*, apud Apuleium. *Memphitica*, apud Turnebum lib. v. cap. ii. quod displicet tamen Henrico Salmuth in Not. Pancitrolli. *Amphitheatica* apud Plinium; ab Alexandrino quodam Amphitheatro, ut suspicatur Scaliger; non *Athribitica*, ut contendit Guilandinus. *Melloni pagma*, id est, Nili, apud Ausonium; sicut *Niliacæ papyri* apud Martialem.

Ab auctoribus. Augustæ (quæ Catullo est Regia) Liuia, Fanniana, apud Plinium lib. xlii. c. xii. Cornelianæ, apud Isidorum lib. vi. cap. x.

A formâ. *μακροκωλα*, à *κόλα* schedâ, quasi longa scheda; melius, inquit Scaliger, quàm à *κόλλη*, glutine, seu tergo bouino. Vnde Martiali talis inscriptio lib. xiv. Apophoreto x. *Chartæ maiores*, quales longissimæ sunt chartæ Sinenses, subinde quatuor vlnarum, ut ipsemet vidi.

A materiâ. Charta plumbea, Suetonio; delectitia & noua, Vlpiano.

Ab officio. Salutatrix, Martiali; Emporetica, Plinio; item Hieratica, quod solis sacris literis seruiret; sicut barbarè vocamus chartam Postarum, quam rectius cursoriam diceremus, quod ea seruiat literis per Cursorem mittendis. His adiungi potest *dentata* charta, ut Cicero ad Qu. Fratrem scribit lib. ii. ep. xvi. ab officio reprehendendi.

Denique ut caput hoc absoluiam, lubet attexere iucundas quorundam auctorum metaphoras, quibus in re scriptoriâ eleganter iuxta & ingeniosè quan-

quandoque vſi ſunt; vt ſint hæc pauſcula veluti pro epicithariſmate, ad præteritorum nauſeam condiendam.

*Arare*, apud Qu. Attam eſt ſcribere. *Vomer* & *muſcro offeſus*, ſunt ſtylus. *Stadium charteum*, Varroni apud Nonium eſt charta.

*Effodere*, apud Ennodium eſt ſcribere. *Acumina ferrea*, apud Prudentium, ſunt ſtyli: *Cerata buxa*, & *aquoris hirti area*, ſunt tabellæ: *Arati ſulci*, ſunt literæ: lib. *de ſepâron*, de Caſſiano Mart.

*Aequor pagine*, apud Boëtium. *Aequor cercum*, apud Auſonium. *Campus papyrinus*, apud Scaligerum.

*Alba melonis filia*, pro chartâ apud Auſonium, vt legit Mariangel. *Fiſſipes calamus*, pro pennâ.

*Cadmi nigella filia*, *Notaq; ſurua ſepia*, apud eundem pro literis.

*Charta virgo*, Martiali, alba: Vlpianus *puram* vocat. *Charta anus*, Catullo eſt vetuſta. Auſonio, *opica*. *Sepia* & *lolligo*, Horatio & Perſio ſunt atramentum. *Fiſtula*, calamus eſt Perſio.

## CAPVT XII.

*Quâ materiâ ſcriptum, ſiue ex quâ literæ?*

**E**x quo calami, pennæ, & penicilli adhibiti ſcriptioni, ex eo etiam literæ diſtinctam habuere materiam ſuam ex quâ, ſeu quâ pingeretur.

Sermo hîc mihi erit de eâ materiâ quæ literas ob oculos ponit; non autem de eâ quæ commento clauſtino ſubducit & celat; vt ſunt lac, cepa, ſal Ammoniacum, &c. de quibus poſtea, vbi de literis clauſtinis.

Communis maximeque vulgata materia, est *atramentum*, *μελασθηρία*, ab atro colore dictum, cuius faciendi artificium tradunt Isidorus lib. xix. cap. xvii. & Vitruvius lib. vii. cap. x.

Inuenta deinde ad scriptionem, *millum*, *minium*, *cinnabaris* & *finopis*, quæ omnia rubri sunt coloris, auctore Plinio, lib. xxxiii. cap. vii. Serue-  
runt autem maximè ad scripturam Imperatoriam & titulorum.

*Encaustum* verò ex muricis seu conchilij cruore compositum, pretiosissimum fuit, & solis Imperatoribus ad scriptiones usitatum, ut Brissonus in Append. De signif. verborum. Eo usus est Pallaologus in syngraphâ quâ Romanæ Ecclesiæ obedientiam iuravit, quæ hodieq; Romæ visitur in eade Spiritus sancti, ut refertur in Epitome quadam Chronic. Werueronis monachi Leodiensis.

Imò Leo Imperator lib. vi. C. De diu. rescr. *Sacræscripta alio colore quam purpureâ in scriptione lustrari vetat.* ut Brissonus lib. i. De form. observat. qui mos servatus quoque ab Imperatoribus Constantinopolitanis, teste Constantino Manasse, cuius hæc sunt verba in Annalib. *Nam si quis ei chartam, rubris in eâ literis nomen Imperatorum subscribat, &c. Imperator precibus sororis annuit; mox calamum prendit manu, & exaratis purpurei coloris literis, chartam confirmat.* Denique adeò familiare fuit Imperatoribus encausto scribere, ut hinc ferè omnia Iuris capita sint iniata, & Rubricæ sint appellata. id quod fiebat cum maiestatis, tum etiam terroris causâ; ut nempe legibus sinopide aut cinnabari notatis, & sanguineum quiddam ac cruentum minantibus, maiestas accresceret; quod  
infi-

ET REI LITERARIÆ ANTIQVIT. 103  
insinuat Prudentius lib. 11. contra Symmachum:

— *Dicant cur condita sit Lex*

*Bis sex in tabulis? aut cur Rubrica minetur,*

*Qua prohibet peccare reos?*

Atque hinc apud Iureconsultos Rubrum, ut loquuntur, æqualis auctoritatis est cum Nigro, quando huic illud non repugnat. Rubrum enim seu Rubricæ, ab ipsis etiam Imperatoribus scriptæ sunt, sicut ipsæ Leges perscriptæ nigro, seu atramento. Exemplum autem est in Authenticâ, *Vt facta noua Constitutiones.* cuius nigrum agens de solis Legibus testam. propter Rubricam accipitur de omnibus.

Affine huic scriptitio legum terrori fertur Draconis factum, leges suas sanguine scribentis, ut Pluarchus narrat in vitâ Solonis; quamquam hoc alij de eo iactatum velint, quod omnes eius leges pœnâ sanguinis & mortis essent obseruanda, ut Demades explicabat. At saltem sanguine scribere non inauditum est iis qui meminerunt dæmoni subarrhatam fidem dato sanguineo scripto fuisse à quibusdam, quales non paucæ historiæ circumferuntur. Et miles quidam apud Silium Italicum lib. 1x. clypeum suum ita sanguine inscribit: — *Fuge prælia Varro.*

Imò inter magicos ritus, auctore Suidâ, sanguinea scriptura est. Sunt hæc eius verba, voce *Θερπὰν γυνή*: Est *Pythigis*, ludicrum per speculum, huiusmodi: *Lunâ plenâ si quis speculo sanguine quantum voluerit inscripserit, & obuerso luna speculo alium à tergo stantem lunam intueri iusserit; is leget omnia scripta in speculo, quasi in lunâ scripta essent.* Valere autem militum testamenta sanguine scripta in clypeis suis

aut vaginis, sanxit Constantinus Leg. Milites. xv. De testam. militar. lib. vi. C. titul. xxi. Fortasse etiam sanguine iussit Deus ab Angelis scribi Tau in frontibus seruandorum, Ezechielis cap. i x. sicut sanguine agnino iussit signari domos Iudeorum in Ægypto, Exodi cap. xii.

Sed ne quidquam de literarum materiâ prætermittam, non abs re fore existimo, indicare etiam quomodo subinde ex materiâ non liquidâ literæ sint fabricatæ. Igitur de buxo & ebore; dicit Hieronymus epist. ad Lætiam, quæ est xv. libri i i. *Fiant ei literæ vel buxæ, vel eburnæ, & suis nominibus appellentur. Ludat in eis, ut & lusus ipse eruditio sit; & non solum ordinem teneat literarum, ut memoria nominum in canticum transeat; sed & ipse inter se crebro ordo turbetur; & mediis vltima, primis media misceantur, ut eas non sono tantum, sed & visu nouerit.* Et Quintilianus libro i. cap. i. *Ad discendum irritanda infantia gratiâ, eburneas etiam literarum formas in ludum offerre, notum est.*

De ferro. Suetonius in Octau. cap. vii. *Nactus puerilem iconculam eius arcam veterem, ferreâ, ac ferè iam exolescentibus literis inscriptam.*

De argento. Cicero Verrin. v i. *Signum Apollinis pulcherrimum, cuius in femine literulis minutis argenteis nomen Myronis erat inscriptum.*

De auro. Macrobius lib. vlt. cap. v. *Cæsari Dictatori à Senatu decreti honores literis aureis in columnas argenteas inscripti. Quamquam & de auro fusili seu ductili non pauca etiam sunt vestigia; apud diuum Hieronymum in primis Prologo in Iob: Habeant libros auro argentoque descriptos. apud Sueton. cap. x. Neronis: Carmina eius aureis literis scripta.*  
Capit.



*Capitolino Ioui dedicata.* Apud Sidonium Apoll. li. i. epist. ad Sidonium Mont. *Dignum poemâ quod apicibus peremendum auratis.* In vitâ D. Nicolai, Constantinus Cæsar, Nicolæo Euangelium aureis litteris scriptum transmittit.

De bysso, eaque omnicolore, aliûsve generis licio, mentio est apud diuersos, Martialis libro ix. epigram. xiv.

*Quod Cytheræa suâ scribere gaudet acu.*

Ausonius epigram. xcii.

*Hermiones zona textum læzior erat.*

*Qui legis hunc titulû, Paphie tibi mandat, ames me.*

*Exemploq, tuo neminem amare vetes.*

item Epigr. xxxvii. ad Sabinam:

*Versibus inscripsi quæ mea texta meis.*

Boët. lib. i. De Consol. Philosoph. *Harum vestium in extremo margine  $\pi$ , in supremo verò  $\varsigma$ , legebatur intextum.* Ovidius vi. Metamorphos. De Philomelâ quæ Terei corruptoris sui nomen (cùm ab eolinguâ sibi esset exsecta) liciis intexuit, misitque ad Progenem sororem. Plinius denique lib. xiii. cap. x. versu ult. *Nuper circa Babylonem in Euphrate nasci papyrum intellectum est, & eundem usum habere charta; & tamen adhuc malunt Parthi vestibus literas intexere.*

Hic me conuiuat ut hominem siccum non iniuriâ accusent, si de suo more taceam; faciunt hi enim literas etiam ex vino. ita Ovidius:

*Blanditiasq, leues tenui præscribere vino,*

*Ut dominam in mensâ se legat esse tuam.*

Tibul. Eleg. vi. lib. i.

*Nes te decipiat nutu, digitove liquorem*

*Ne trahat, & mensa ducat in orbe notas.*

G. S.

idem

idem Elegiâ x.

*Vel nubi potanti possit sua dicere facta**Miles, & in mensâ pingere castra mero.*Vnde scitè legem illam tulit Modius Imperator  
mensæ Lipsianæ, lib. 111. Antiquitatum:*Dicta, indicta; facta, infecta, vino inscribuntor.*Planè sicut Græcorum Paræmiâ dicitur, femi-  
narum iuramenta esse vino inscribenda vel aquæ.  
Athenæus lib. x.*Τὸν γὰρ γυναικὸς ὄρκον εἰς οἶνον γέζει.**Inscribo vino si qua iurat femina.*

quod perinde est ac si dicas cum Catullo:

*— Cupido mulier quod dicit amanti,**In vento & rapidâ scribere oportet aquâ.*nam & Lucianus in Tyranno, Plato in Phædro,  
Xenarchus in Pentathlo apud Athenæum lib. x.  
vtuntur hac formulâ prouerbialis: *Scribere in aquâ.*  
De lacrymis autè quod Catullus dicit, hyperbo-  
licum est:*Conscriptum lacrymis mittis epistolum.*

## CAPVT XIII

*De epistolis, & earum variis generibus.***E**PISTOLÆ, ab ἐπιστάλλω, mitto. vnde Latinis  
æuo lapsante vocatæ *missa* & *missina*. Isidorus  
lib. vi. cap. viii. Epistolam Græci vocant, quod inter-  
pretatur Latine *missa*. *Missina* nomen apud Cassio-  
dorum est. cuius loci me admonuit Amplissimus  
Archiducum Consiliarius & Historiographus  
Erycius Puteanus, cuius etiam libris aliquot in  
hoc opusculo vsus sum.Varia autem numerantur epistolarum nomina  
à Car-

à Cardinale Baronio Tomo II. ego hîc adferam longè plura, & si possim, omnia.

*Apostolica litera*, quas item Breuia Apostolica vocamus, epistolæ sunt à Romano Pontifice Apostolicâ auctoritate scriptæ.

*Clerica litera*, à D. Cypriano vocantur epistolâ quartâ editionis Pamelianæ, illæ quæ à Clero scribi solent Sede vacante.

*Canonica*, vt scribit Atticus Tom. II. Conciliorum post Concilium Chalcedonense, eedem sunt quæ Communicatoriæ, seu Formatæ, de quibus mox.

*Caballicata* sunt, quas cursores in caballatione, hoc est in cursu publico deferunt. ita Luidbrandus Ticinensis appellat apud Lazium lib. II. De Repub. Rom. cap. XIV.

*Circulares* seu *Encyclica*, quæ à Synodo vel Papâ scribuntur ad totam Ecclesiam, & hæc etiam vocantur *Catholicæ*.

*Captiuorum litera* nominantur in Concilio Lugdunensi Secundo cap. II. quæ ab Episcopis dabantur pro redemptione captiuorum.

*Confessoria*, quæ ab incarceratis ad Episcopos scribebantur pro lapsis. Fit earum mentio in Conciliis Eliberitano & Arelatensi Primo.

*Commendatoria*, quæ Clericis peregrinantibus dabantur à suo Episcopo. quemadmodum & Romani magistratus dabant commendatitias suis mercatoribus proficiscentibus in Prouincias, vt Freigius notat ad illud Verrinæ IV. *Apud illum non tabulas commendatitias, sed tributarias multum valuisse.* Tributariæ autem sunt quibus Magistratus imperabat tributa Prouincialibus.

*Formata*

*Formata* seu *Formales*, vt eas Suetonius nominat Domitiano cap. xiii. dictæ quoddam certâ formulâ conciperentur, quia in legem erant transiituræ. ita Torrentius docet ex illo Suetonij capite xx. Domitian. *Epistolas alieno formabat ingenio.* Dabantur Episcopis ad Parochias suas redeuntibus Româ, quod fuerant euocati, vt constaret scilicet de eorum cum Romanâ Ecclesiâ consensu & vnitâte: quod scribunt Augustinus epistolâ c l x i i i. ad Eleus. epist. c l i i. ad Glorium; & Optatus lib. ii. contra Parmenianum.

Igitur ne qua fraus hæreticorum intercederet, Formatarum scribendarum formula certa concepta est à Synodo Nicenâ cap. x v i i i. eaque expressa est apud Iuonem part. v i. cap. cccxxxiv. & cccxxxv. item apud Burchardum lib. ii. titul. ccxxvii. hoc exemplo quod transcripsit Petrus Gregorius lib. xvi. de Rep. cap. ii.

π. 80. id est, πτης. υ. 400. id est, υς.

α. i. id est, α'ηθ. π. 80. id est, π'εζς.

Debebant enim quatuor primæ literæ significare Patrem, Filium, Spiritum sanctum, & Petrum Apostolum. zifra autem adiectæ notant numerum quem quæque litera Græcis significat. Mox subiungebatur litera initialis quæ inchoabat nomen vel Pontificis, vel Episcopi mittentis suum subditum. verbi gratiâ: si Episcopus vocabatur Petrus, vel Ratholdes:

π. 80. id est, π'εζς. ρ. 100. id est, ρ'αθολδης.

Deinde post nomen Episcopi mittentis, scribebatur secunda litera ex nomine Episcopi ad quem subditus mittebatur. verbi gratiâ: si vocabatur Robertus, α. 70. id est, ρ'εβ'ητθ.

Deni-

Denique tertia litera ex nomine ipsius subditi missi, verbi gratiâ :  $\mu$ . 40. id est, Θωμας.

Tum iterum quarta litera ex nomine loci ad quem mittebatur. v. g.  $\nu$ . 400. id est, Τριύτες.

Rursum numerus Indictionis quæ erat illius anni 906. quo tempore Burchardus misit hanc formulam. θ. 9.

Extremæ verò epistolæ semper addebatur,

$\alpha$ . 1.

$\mu$ . 40.

$\alpha$ . 8.

$\nu$ . 50.

} 99. id est,  $\lambda$ .  $\mu$ . 99.

Ad singulas autem literas adiciebatur is numerus quem quæque literæ significant Græcis; fortè ad maiorem obscuritatem ignorantium. Tamen has *Formatas*, ad illudendum Catholicis Episcopis Iulianus Cæsar imitari cœpit, vt scribit D. Nazianzenus contra Iulianum; & ex eo Sozomenus lib. vi. cap. xvii. & lib. 8. cap. iiii.

De *Formatis* autè varij generis, *Pacificis*, *Comendaticijs*, *Dimissorijs*, &c. libellum integrum conscripsit Geraldus Rodolphus Grauiensis. Obseruat verò Budæus in *Commentarijs* lingue Græcæ, *Formatam* intellectam esse à D. Hieronymo, cum sic scripsit epist. ad Iulianum: *iam dimisso synthemate equus publicus sternebatur*. quamquam sint nonnulli qui  $\sigma\omega\theta\eta\mu\alpha$  putant esse vexillum, vel tesseram aliquam cursorum; quod mihi indicauit R. P. Heribertus Rosvveydus noster.

*Decretales*, quibus Romani Pontifices ad interrogata respondebant, & vitanda sequendæve decernebant.

*Dimissoria*,  $\delta\iota\mu\iota\sigma\sigma\iota\alpha$  &  $\delta\iota\mu\iota\sigma\sigma\iota\alpha$  etiam dicebantur,

tur, vt Lazius notauit de Repub. Romanâ. erant autem literę quibus scribebatur Clericum de voluntate sui Antistitis aliquò esse profectum.

*Laureate*, quę lauro inuolutę in victorię signum à Romanis Imperatoribus mittebantur ad Senatum. De his Liuius lib. v. *Litera à Posthumio laureata, sequuntur victoriam populi Romani.* Claudianus item De Bello Gildonico; & Panegy. in vi. Consulatum Honorij.

— *Laurea belli.*

*Memoriales* seu *Commonitoria*, quibus instruebantur Legati de singulis ad quę mittebantur agenda.

*Metatoria epistola* à Sidonio nominatur lib. viii. ad Lupum Papam, quę nihil est aliud interprete Baptistâ Pio, quàm *Odxporicon*, hoc est *Itinerarium*. Scaliger autē in Lectionibus Aufonianis ait, metatoriam esse id quod Aufonius vocat *ἀποδυστική*, & Martialis *Aduentoriam*. De quâ docent Turnebus lib. xxx. cap. xxviii. & Cælius lib. xxviii. c. iiii. esse epistolam quę obuiam mittebatur aduentanti amico: id quod eruditè confirmant.

*Pastorales*, quę pro instructione ad diuersas Ecclesias mittebantur; quales Paulinę aliquot, & Ignatianę.

*Synodica*, quę ad Synodos scribebantur, vel ab ipsis Synodis mittebantur.

*Systatica litera*, quandoque pro Commendatitiis, aliàs pro literis com meatu ponuntur, vt obseruat Petrus Gregorius lib. xv. De Repub. cap. i. Pro Commendatitiis, cap. xxxi. Apostolorum: *Nemo Episcoporum peregrinorum, aut Presbyterorum, aut Diaconorum suscipiatur sine literis systaticis.*

*tici*. Pro literis commeatus. Nouell. Iustinian. vi. cap. IIII. *Non autem aliter aliquem præsumere dirigere se ad hanc ciuitatem statuimus, prius quàm literas acceperit, quæ secundum diuinas regulas συστατικὰ ἀγαγούσα, testimonium perhibentia necessitatis, &c.*

*Pragmatica*, quibus aliquid faciendum præscribitur.

*Tractatorie*, quibus Episcopi certiores faciebant alios rerum gestarum. Augustinus Concione II. in Psalmum xxxvi.

*Tractoria*, eadem quæ olim Commendatorie. Iis euocabantur Episcopi ad Concilium eum auctoritate vtendi cursu & statuis publicis, inquit Baronius Tomo III. ex epist. Constantini ad Ablaium. est item Titulus de Tractoriis & Statiuis lib. viii. cap. vi. Cod. Theod. Vide Cuiacium C. lib. xii.

Denique, ne longum faciam, communia alia epistolarum nomina qui omnia scire vult, legat libros Erasmi & Lippi Brandolini De conscribendis epistolis, & libellum qui inscribitur *ἑπιστολικὸν τύπον*, quem Aldus præfixit epistolis Synesij in volumine Epistolarum Græcarum, vbi de Laconicis, eroticis, conuiualibus, familiaribus, &c. differitur copiosè. Quamquam sunt & quædam epistolæ, quæ quo nomine appellari, aut quâ in classe censeri debeant, non scio. Tales sunt illæ Theodosij Iunioris literæ scriptæ ad Chrysostomum mortuum; quæ statim atque impositæ fuere sancti cadaueris pectori, cadauer quod antè nullâ vi poterat loco moueri, vectoribus suapte sponte quasi morem gessit. Quidam etiam è Societate nostrâ mihi amicissimus, narrauit mihi,

foro-

sororem suam, decennem puellulam, quo nescio instinctu, epistolium scripsisse patri suo iam demortuo, in cælum; & paucis post diebus eam abiisse è viuis ad patrem.

Ille verò literæ D. Thaumaturgi admirabiles sunt quas dæmoni his verbis inscripsit: *Gregorius Satana. Ingredere.* & ingressus denuò est dæmon in locum vnde fuerat depulsus.

Stultissima autem & risu digna Xerxis epistola, quam, nescio quâ irâ accensus, scripsit ad montem Athos.

Quid quodd mortui subinde respondisse & scripsisse legantur; apud Niceph. lib. viii. cap. xxiii. vbi Chrysanthus & Musonius Episcopi defuncti in Synodo Nicenâ, nomina sua Synodalibus Actis post mortem inscripserunt.

*Vria litera*, abierunt in Prouerbum; de iis quæ ab eo in quem scriptæ sunt deportantur; sicut Vrias ferebat literas Dauidis, quibus ipsemet iubebatur necari, 11. Reg. cap. 11.

Illud fortè non ita omnibus obseruatum: certum fuisse epistolarum initium, certam item clausulam. Initium Platoni fuit antiquissimum χαίρειν, *gaudere*; vel *benè agere*, & πέρττειν, vt patet ex epistolâ eius tertiâ ad Dionysium, aliisque pluribus exemplis quæ colligit Lucianus. quam formulam Pythagoras & Archytas, mutarunt in ὁμαίρειν, hoc est, *saluere*. Cleon primus, pro initio scripsit χαίρειν, auctore Luciano De saltat. quemadmodum Latine utramque formulam expressit Horatius epist. ad Celsum:

*Celso gaudere & benè rem gerere Albinouano  
Musa rogata refer. —*

Iam



Iam vulgò, *saluere, & salutem plurimam dicere*; item *suo, vel suis*, teste Martiale, dicimus:

*Omnes ista solet charta vocare suos.*

Clausula Græcis, *Pax*; quæ item adhibita omnibus ferè rebus finiendis. Ausonius in Versibus monosyllabis:

*Totum opus hoc sparsum crinis velut Antiphila. Pax.*

Hanc tamen praposterè aliam fecit scribendo in extremâ epistolâ *χαίρειν* Ptolomæus Lagi, ad Seleucum. Latinis clausula est, *Vale*; vt in omnibus Ciceronis epistolis. Amplius verò Augustus Cæsar, ad epistolas omnes, etiam horarum momenta, nec diei modo, sed & noctis, quibus data significarentur, addebat. Suetonius August. cap. l. Vnde *Datum*, à barbaris vsurpari cœptum vicè clausule illius Ciceronianæ A. D. id est, Ad diem, vel Ante diem, vt interpretatur Simeon Bosius Commentariis in epist. i. ad Atticum.

#### C A P V T X I V.

*Oeconomia cursus publici, seu ratio mittendarum epistolarum.*

**Q**UONIAM res grauiissimæ solent epistolis commendari, pro iis vltro citro mittendis celeriter ac tutò, excogitata ratio est; de quâ, quia hucusque quòd sciam non est omnino in lucem protracta, & maximè facit ad rem scriptoriam, duxi necessariò mihi esse tractandum. Igitur ad eam rem variæ excogitatæ sunt artes. Nuntij pedites, equites, curules, nauales.

De pedestribus nuntiis, exemplo sunt Heraclitus, Indacus, & Philippides, homines velocif-

H simi

simi cursus, apud Suidam : adeoque ipse deorum nuntius Hermes seu Mercurius, qui ad velocitatem talaribus uti fingitur; & Ladas, quem Solinus cap. vi. scribit, inter currendum ne vestigia quidem arenæ impressisse. Anistius item Lacon & Philonides, Alexandri Magni cursores, à Sycione Elin usque mille ducenta stadia vno die transierunt. O Græca fides! Est item de pedestribus cursoribus factum illud Vespasiani responsum apud Suetonium: *Vespasianus enim Classarios qui ab Hostiâ & Puteolis Romam pedibus cursitant, petentes constitui sibi aliquid calcearij nomine; quasi parum esset sine responso abegisse, iussit post hæc excalceatos cursitare; & ex eo ita cursitant.*

De equestribus cursoribus, Martialis:

*Parcius utaris, moneo, rapiente veredo.*

Ausonius:

*Vel celere manu, vel ruptum terga veredum.*

Isidorus verò ait, *Veredos dictos, quod currant per publicas vias, per quas rhedis etiam curri est solitum.* & Græcis sanè equi veredi, à cursu, Dromanarij, ut etiam Cassiodorus eos vocat lib. iv. Variar. qui ibidem eos quoque appellat *equos cursuales*, epistolâ ad Godiscalcum Saionem. Iurisconsultis dicuntur subinde *Paraueredi*, & *Parangari*. quemadmodum à quodam cursore Palladio, equi Palladij sunt nominati. *Is enim, auctore Cassiodoro lib. xiv. Histor. sacræ, tantâ velocitate veredos egit temporibus Theodosij, ut tribus diebus veniret ad terminos Persarum & Romanorum, & rursus totidem remearet ad Constantinopolim.*

Curribus usus subinde esse cursores, testes sunt, Isidorus suprâ citatus de Rhedis, Iulianus  
qui

qui sic in epistolis scribit: *Ducet te publico cursu vno  
vntem vehiculo.* Suetonius in Augusto: *Iuvenes pri-  
mò modicis interuallis, dehinc vehicula disposuit.* Hero-  
dianus lib. 11. *Commilitones ingenti studio vehicula  
vrgebant, quasi Macrino adhuc rerum potiente, de ma-  
gnis rebus mitterentur.*

De nauigiis curforum, Sidonius Apollinaris:  
*Typhm cursoriam nauim conscendi.* Seneca epist. 122.  
v111. *Tabellarias naues* vocat, quæ aduentum vicinæ  
iam classis prænuntiabant.

Hicce quadruplex curforum vsurpation, voca-  
ta *cursus publicus*, item *caballatio* lib. x11. Cod. titul.  
De annona militari. *Cursus fiscalis*, quod eius cautio  
ad quæstorem fisci pertineret, in Hadriano Lam-  
prid. *Cursus clauicularis*, apud Ammianum lib. xx.  
& leg. 11. & v. Cod. Theod. pro quo in Cod.  
Iustiniano mendosè legebatur *Ambularis cursus*,  
obseruatè Cuiacio, qui ait *Clauicularem*, seu *Clabu-  
larè* dici à elabulâ, quod est vehiculi genus. Bris-  
sonius in Caluini Lexico, fatetur nescire se quid  
sit Clauularis cursus; putatque non grauitè aber-  
raturum eum qui legeret Caballarem cursum;  
nam & Caballicationes & Caballicatas legimus,  
inquit, apud Luitprandum in Historiâ suorum  
temporum. Turnebus lib. v1. Aduers. c. xxx1v.  
Clauularem cursum vocat cursus publici genus,  
quod militibus caligatis concedebatur; eorum  
enim caligæ erant clauulis confixæ.

*Parangaria* apud Persas, quia Angari Persis nun-  
tij, auctore Lazio; qui id habet ex Suidâ. Hoc pu-  
blico cursu primis temporibus soli Magistratus  
vtebantur: neque poterant Tabelliones operam  
dare perferendis sarcinulis aut literis vulgi. Ita

persuadeor, quia apud Cassiodorum lib. iv. Theodoricus Rex epistolâ ad Godiscalcum prohibet cursoribus plures res vno simul cursu peragere. Nullum, inquit, *praterâ saionum discursus facere patiaris, sed ad causam ad quam directus fuerit, vno tantum itinere permittatur accedere, vel redire.* & paulò superiùs: *Nostrorum suggestionem comperimus cursuales equos frequenti usurpatione fatigari.* Docet autem eam sententiam clarissimè Ioannes Corass. lib. i. Miscellan. Iuris ciuil. cap. xi. *Solis Imperatoribus licebat vti veredariis in epistolis transuehendis: aliis tantum impetrata facultate, quam vocant Tractoriam.* Et certa omnino res est; nam nec Ecclesiastici iis vti poterant, sed nuntiis tantum Ecclesiasticis. Verba sunt D. Ignatii epistol. xi. *Decet, beatissime Polycarpe, concilium cogere sacrosanctum; & eligere, si quem habetis, qui possit diuinus cursor appellari.* quibus gemina sunt illa D. Cypriani, epistol. xxi v. *Quoniam oportuit me per clericos scribere, &c. necesse fuit novos aliquos constituere, qui mitterentur.* & ritum hunc alibi obseruauit Cardinalis Baronius Tomo i. Annal. Eccl.

Igitur populo cursus publici copia fiebat per facultatem Tractoriam; quæ (vt eam definit Cælius lib. xxi. cap. xxi v.) *est licentia vtendi equis publicis cursorum.* Dabatur porrò hæc licentia scriptis *tabellis testimonialibus*, vt Vegetius loquitur libro i i. cap. i i i. à quibus cursores inuenerunt nomen Tabellionum & Tabellariorum. Communius verò eæ tabellæ apud Scriptores vocantur diplomata, hoc est duplices tabellæ. Cicero lib. x. ad Atticum: *De diplomate admiraris?* &c. ego autem, *quia scripseras te proficisci cogitare (etenim audieram nemini aliter licere) eò te habere censebam, & quia pueris*  
diploma

*diploma sumpferas. Capitolinus in Pertinace: Præfectus cohortis à M. Aurelio Imperatore, &c. quòd sine diplomate cursum vsurpauerat, ab Antiochiâ ad legatum suum ire coactus est. Et rectè Capitolinus de pœnâ non accepti diplomatis: nam & grauissimam eam fuisse docet Cassiodorus libro v. his verbis: Excedentium improbam presumptionem tali te precipimus districtione refecare, vt sine Cothus sit aut Romanus, qui sine nostrâ aut eorum quorum interest euectione, veredum presumit attingere per vnum equum, centum statim solidos à te cogatur exsoluere. Et de illis pari quoque seueritate censemus, qui supra euectionum numerum cursuales equos vsurpare presumunt. Hæc igitur ineunda erat ratio: accipiendum à Principe aut Præfecto fisci diploma: hoc ostenso, parochi apud quos per viam dispositi stabulabantur equi, statim novos equos recentesque suppeditabant ad conficiendum cursum; vt tradit Lazius lib. 11. de Repub. cap. xiv. & hæc erat auctoritas publica, sine quâ nemini licebat vti publico cursu, aut esse Tabellario. Ad hæc autem omnia ritè obseruanda, talis fuit instituta Oeconomia.*

Præerat curtoribus omnibus Præfectus fisci, quem corrupto sæculo vocarunt *Curiosum*, quòd curram gereret cursus publici, & ad Curiam nuntios omnes referret, auctore Lazio; cuius meminit etiam Tertullianus lib. De fugâ, cap. xii. quem in locum Pamelius ex Notitiâ Orientis & Occidentis scribit, sub *Magistro Officiorum*, *Curiosum* cursus publici fuisse vnum; & *Curiosos*, per omnes prouincias. Extat item Titulus de Curiosis & Stationariis lib. xii. Cod. Iustiniani, & Titulus x. libro xii. Theodosiani. Porrò quem illi *Curio-*

sum olim, nos nunc appellamus Magistrum generalem Postarum: Græci eleganter, *Λογιστὴς καὶ Φορτιστὴς τῶν ὑποπόλων*. Huic generali Magistro, seu fisci Praefecto, suberant alij minoris auctoritatis, per singulas prouincias distributi, quos Theodoricus Rex in epistolis suis apud Cassiodorū vocat Saiones. Hi Saiones rursus per certa viarum interualla stabulis singulis assignabant suos Hippocomos seu Parochos. Sunt autem Parochi, ij qui salem, & ligna, & cetera praeberere debebant proficiscentibus pro Repub. ait Porphyrio ad illud Horatij: — *Et parochi, qui debent ligna salemq.* nam & equos, & fœnum, & annonam curabant; cursores fatigatos hospitio accipiebant; recentes recentibus equis imponebant. Hippocomi verò nomen habetur Leg. *Non patimur*; lib. xli. Codicis. Iam denique Cursores non poterant hippoperas suas (vt Seneca loquitur) implere onere maiori quàm centum librarum, ex constitutione Theodorici apud Cassiodorum lib. i v.

Talis erat maioribus nostris in cursu politia: quæ quando primū obseruari cœpta, non satis constat. Xenophon libro iv. Pædiæ narrat Cyrum, captandis orbe toto rumoribus, diurni itineris intercapedine stabula constituiſſe, & equorum curatores, certosque homines, qui literas eò perlatas inde ad proximum stabulum deferrent, ex quo ad vicinum denuò transferrentur; neque vllum hoc Rege anteriorem inuenio. Quare existimo ab aliis, quibus ea inuentio tribuitur, fortè cursus rationem factam tantū fuisse magis expeditam, vt à Xerxe, quod scribit Herodotus lib. vii. in Vran. ab Augusto, quod scribit Tran-

Tranquillus: nam de seipſo ſcribit Iulius Cæſar libro 111. qui Auguſtum præceſſit: *Niſi nuntij de victoriâ Cæſaris per diſpoſitos equites eſſent allati.* De aliis item ante Cæſarem Dictatorem, Liviſ Decad. iv. lib. vii. *Titus Sempronius per diſpoſitos equos propè incredibili celeritate, die tertio ab Amphibiſâ Pellum peruenit.* Decad. v. lib. 11. *Legati qui repente aliquò mitterentur, ſingula iumenta per oppida, quâ iter faciendum erat, imperabant.* Decad. 111. lib. vi. *Tragillanus nuntius, diem noctemq; itinere continuato.* Ergo ante vtrumque Cæſarem Romæ Curſus publicus notus; & poſt vtrumque non adeò neglectus: ſeruatus ſub Macrino, vt Herodianus lib. 11. ſub Constantio, vt Ammianus extremo libro xxi. ſub Constantino, vt in eius Virâ Eufebius; ſub Zenone, ſub Anaſtaſio, vt Caſſiodorus lib. v. Variar. inſtauratus denique perfectiſſimè ſub Maxamiliano Imperatore, vt in eius Virâ.

Iam obiter de Curſorum nominibus & cultu, hoc obſeruo. Perſæ vocarunt eos *Angaros & Aſtandas*, auctore Suidâ. Prior vox etiam integra ad Græcos tranſiit. Eufſtathius in Ælio Dionyſ. ἄγγελοι ſunt οἱ ἐν διαδοχῇς χειματοδόροι: qui ex ſucceſſione literas perferunt. Poterant autem hi, inquit Stephanus, obuios quoſque viatores, aut etiam eorum equos vel naues ad vſus ſuos deriuare, ſicut etiamnum poſſunt Zauſij ſeu Poſtæ Turcarum, quando ita res ferunt. Id quod apud nos non ſit ab iſtis Poſtis ſeu Curſoribus, ſed iure cuiuſdam vectigalis quod ἀγγελία vocatur, inquit Briſſonius De ſignific. verb. quo certi aliqui cogi poſſunt ad præſtandos angaros iſti Reipublicæ, quando eſt vſus. De quo vectigali Pandectæ

lib. I. De vacat. & excusation. muner. & Herodotus libro V I I I. Latine vulgò *cursores* vocantur. Martialis :

*Cursorem sextâ tibi Ruse remisimus horâ.*

*Tabellarij* & *Tabelliones* passim; sicut & *Veredarij*. Olim verò *Gerones* à gerendis epistolis: apud Festum, & *Bruttiani gerones*. in quæ verba Iosephus Scaliger : *Hæc est prima nostra coniectura de Bruttianis. sed vt ingenuè fateamur, putamus potius dictos, quia gerones literarum, & publici cursores erant.* Scribit verò Gellius lib. x. cap. I I I. *Bruttios Italia populos primos descivisse ad Hannibalem; eoque Italiâ depulso, eos semper à Romanis habitos pro servis & apparitoribus; & per contemptum vocatos Bruttianos.*

Casaubonus in Notis Suetonij, vbi de *Classariis* Vespasiani : *Classarij, non iidem qui Dromonarij, sed omnino similes tamen.*

*Mittendarij.* in epistolâ Theodoricæ Regis apud Cassiodorum libro IV. *Expeditos properare mittendarios volumus.*

*Postea*, quod certis locis positi ad mutandos equos. Eorum habitus olim erat singularis. Scribit Budæus eos gessisse quoddam insigne, quod ipse *armillam* vocat : *Nostrates caduceatores*, inquit, *spinthere utuntur quæ armilla dici potest : Blasonum linguâ vernaculâ vocant.* Nescio quid velit Budaus, nisi dicat scutulum æreum aut argenteum, cui gerunt insculptum urbis ex quâ veniunt insigne, quod iuxta sinistrum humerum in pectore suspendunt. *Nostrates* verò *cursores* præterea lituum gerunt è cornu bubulo, cuius cantu prænuntiant aduentum suum, vt interea temporis recentes equi apparentur. Gerunt & scuticam capulo cauo & fistulato,



stulato, quo veluti per canalem, ne exscendere cogantur, deriuant vrinam. Olim pinnas in capite gestabant, teste Dione Cassio; idque etiam velut quidam commentator obseruat ad illud Iuuenalis Satyrâ I v.

*Anxia præcipiti venisset epistola pennâ.*

& hinc Πτεροφόρος Græci cursores vocarunt; vt Dionysius Halicarnass. & Plutarchus in Othone. Mos ductus fortè à Mercurij Deorum nuntij exemplo; quem non solùm ita depingere audent, verùm etiam inter Poëtas Plautus ita loqui facit Prologo suæ Amphitruonis:

*Ego has habeo hucusque in petaso pinnulas.*

quo loco ita Lambinus: Pinnulas, id est, pennulas. pictores enim non solùm in pedibus, verùm etiam capite, pennas tribuebant Mercurio. Arnobius lib. vi. *Mercurius pinnatus.* Augustinus li. vii. De Ciuit. *Ideò alas Mercurio in pedibus & capite ponunt,* &c. Apuleius lib. x. De Asino: *Inter comas eius aurea pinnula.* & fortè huc Cicero adspexit, cùm Tabellarios *Pegasos* appellauit. certè Ælius Verus Imperator cursoribus pennatas alas imposuit; & variis eos ventorum nominibus appellauit pro cursus pernecitate, vt Spartianus scribit in eius Vitâ. At ô mores temporum nostrorum! Ita subinde cursores in reddendis literis socordes sunt & tardi, vt iam Mercurius alas amisisse videatur.

Galerus cursorum, *Petastus*, à latâ extensione dictus, contra cæli iniurias: vnde Suetonius Augustum cap. viii. *petastatum* scribi solitum ambulare. nunc bardocucullis vtuntur; imò & vaginis quibusdam laneis & specillis ad oculos

lib. I. De vacat. & excufation. muner. & Herodotus libro V I I I. Latinè vulgò *cursores* vocantur. Martialis:

*Curforem sextâ tibi Rufe remisimus horâ.*

*Tabellarij* & *Tabelliones* passim; sicut & *Veredarij*. Olim verò *Gerones* à gerendis epistolis: apud Festum, & *Bruttiani gerones*. in quæ verba Iosephus Scaliger: *Hæc est prima nostra coniectura de Bruttianis. sed vt ingenuè fateamur, putamus potius dictos, quia gerones literarum, & publici cursores erant.* Scribit verò Gellius lib. x. cap. I I I. *Bruttios Italia populos primos descivisse ad Hannibalem; eoque Italiâ depulso, eos semper à Romanis habitos pro servis & apparitoribus; & per contemptum vocatos Bruttianos.*

Casaubonus in Notis Suetonij, vbi de *Classariis* Vespasiani: *Classarij, non iidem qui Dromonarij, sed omnino similes tamen.*

*Mittendarij.* in epistolâ Theodorici Regis apud Cassiodorum libro IV. *Expeditos properare mittendarios volumus.*

*Postea*, quòd certis locis positi ad mutandos equos. Eorum habitus olim erat singularis. Scribit Budæus eos gessisse quoddam insigne, quod ipse armillam vocat: *Nostrates caduceatores*, inquit, *spinthere vtuntur quæ armilla dici potest: Blasonum linguâ vernaculâ vocant.* Nescio quid velit Budaus, nisi dicat scutulum æreum aut argenteum, cui gerunt insculptum urbis ex quâ veniunt insigne, quod iuxta sinistrum humerum in pectore suspendunt. *Nostrates* verò *cursores* præterea lituum gerunt è cornu bubulo, cuius cantu prænuntiant aduentum suum, vt interea temporis recentes equi apparentur. Gerunt & scuticam capulo cauo & fistulato,

stulato, quo veluti per canalem, ne exscendere cogantur, deriuant vrinam. Olim pinnas in capite gestabant, teste Dione Cassio; idque etiam velut quidam commentator obseruat ad illud Iuuenalis Satyrâ 1 v.

*Anxia præcipiti venisset epistola pennâ.*

& hinc Πτερόδρους Græci cursores vocarunt; vt Dionysius Halicarnass. & Plutarchus in Othone. Mos ductus fortè à Mercurij Deorum nuntij exemplo; quem non solùm ita depingere audent, verùm etiam inter Poëtas Plautus ita loqui facit Prologo suæ Amphitruonis:

*Ego has habeo hucusque in petaso pinnulas.*

quo loco ita Lambinus: Pinnulas, id est, pennulas. pictores enim non solùm in pedibus, verùm etiam capite, pennas tribuebant Mercurio. Arnobius lib. vi. *Mercurius pinnatus.* Augustinus li. vii. De Ciuit. *Ideò alas Mercurio in pedibus & capite ponunt,* &c. Apuleius lib. x. De Asino: *Inter comas eius aureæ pinnula.* & fortè huc Cicero adspexit, cùm Tabellarios *Pegasos* appellauit. certè Ælius Verus Imperator cursoribus pennatas alas imposuit; & variis eos ventorum nominibus appellauit pro cursus pernecitate, vt Spartianus scribit in eius Vitâ. At ô mores temporum nostrorum! Ita subinde cursores in reddendis literis socordes sunt & tardi, vt iam Mercurius alas amisisse videatur.

Galerus cursorum, *Petastus*, à latâ extensione dictus, contra cæli iniurias: vnde Suetonius Augustum cap. viii. *petastum* scribit solitum ambulare. nunc bardocucullis vtuntur; imò & vaginis quibusdam laneis & specillis ad oculos

contra arenarum volatum, & nares vultuinque contra hybernum frigus vindicanda.

Coronâ subinde redimitti currebant, cum lætos adferebant nuntios: ita apud Sophoclem Trachiniis Chorus viso nuntio fausta adferente Deianiram alloquitur:

Εὐνημίαν νῦν ἴχ'· ἐπεὶ κατὰ σέθεν

Σπρίχονδ' ὅς ποιν' ἀνδ' ἐξ ἀφ' ἡμετέρων λόγων.

cui geminus locus est apud Aristidein in Panathenaico. Illud verò facetillimum est vestimenti genus, quo Menippum Cynicum Inferorum nuntium indutum facit Suidas voce Φαίδι: *Furiâ habitu utebatur*, inquit, *& se ab inferis inspectorem esse se delictorum missum, eaq; illo renuntiaturum esse dicebat: fuit autem illa vestis pulli coloris ad talos vsque demissa; astricta cingulo Persico: pileus Arcadicus in capite, duodecim elementa (Zodiaci signa) habens intexta: calcei Tragicæ, barba ingens, baculus in manu fraxineus.*

## CAPVT XV.

### *De occulta literarum missione.*

**D**UPLEXI artificio occultata epistolâ; clanculariâ missione, vel scriptione clandestinâ.

Missionis occultæ isthæc ferè sunt exempla, ordine per tabellam digesto, quam anonymus quidam adiunxit operibus Ioannis à Porta Neapolitani: quam ego etiam exemplis aliquot nondum observatis augebo.

Occulta

|   |  |                                 |  |   |   |
|---|--|---------------------------------|--|---|---|
| Occulta<br>fit epi-<br>stolarum<br>missio<br>triplici<br>modo:<br>vel | Ratione<br>materiæ<br>occultæ<br>cui inclu-<br>duntur<br>vel in-<br>scribun-<br>tur epi-<br>stolæ, | lignum                          | { Excauatione viri-<br>dis corticis.                       |   |   |
|   |  |                                 | { Excauatione sicci ligni, e-<br>iusq; iteratâ oppletionē. |   |   |
|   |  | ouum.                           |  |   |   |
|   |  | marmor.                         |  |   |   |
|   |  | pomum , in quo                  |  | { scriptura incisa.<br>charta inclusa.                    |   |
|   |  | panis.                          |  |   |   |
|   |  | placenta.                       |  |   |   |
|   |  | lepus exenteratus:              |  |   |   |
|   |  | falciæ pectorales.              |  |   |   |
|   |  | thorax. calceus. baltheus.      |  |   |   |
| Tabellarij oc-<br>culi tectâ veste,                                   | tectâ ra-<br>tione iti-<br>neris,  | vaginæ.                         |  |   |   |
|   |  | cutis humana.                   |  |   |   |
|   |  | caput nuntiorum sub capillis.   |  |   |   |
|   |  | candela cerea.                  |  |   |   |
|   |  | tabella noua, mox cerâ oppleta. |  |   |   |
|   |  | viscera canis.                  |  |   |   |
|   |  | scytale.                        |  |   |   |
|   |  | fungus.                         |  |   |   |
|   |  | venatoris.                      |  |   |   |
|   |  | mendici.                        |  |   |   |
| animantis alicuius.   |  |                                 |  |   |   |
| »   | »  | terrâ,                          | per canem.   |   |   |
|   |  |                                 | mari   |   | { per vrinatores.                       |
|   |  | { per milites vectos vtribus.   |  |   |   |
|   |  |                                 | { per sagit-<br>tas  | { literis incisis telo.<br>epistolis telo alli-<br>gatis. |   |
|   |  | { per aues                      |  |   | { columbas.<br>hirundines.<br>cornices. |

Singu-

Singul-

Singulorum verò membrorum istæ sunt historiæ:

*Viridi cortice* introrsum excauato, quantum ad epistolam abdendam satis est, occuluntur ita literę intra arbores, vt successu temporis cortex denuò cum reliquâ arbore concresecat. Cardan. De variet. rerum lib. xii. cap. lxi. ex Theophrasto.

*Intra siccas tabellas* aliquantulum excauatas, & glutine denuò compactas, secretissimè possunt literæ abscondi. Ioannes à Porta librò i i. De Notis, cap. xx i.

*Ouo perforato*, & rursus occluso agglutinatione chartæ; glutine confecto ex albumine oui, cerussâ & cerâ. A Porta ibidem.

*In marmore fracto*, partibus iterum iunctis, ibid.

*Pomo* inscriptæ literæ, ab Acontio, vt Cydippen deciperet:

*Iuro tibi sacra per mystica sacra Diana,*

*Me tibi venturam comitem sponsamq; futuram.*

*Pomo* includi possunt epistolæ paruo facto hiatu, qui mox suapte sponte claudatur.

*Pani* incoxit codicillos arbitrariis notis scriptos Laurentius Medices Florentinæ Reipub. Princeps; & per nobilem quemdam mendici habitu tectum, misit ad Regem Ferdinandum Neapolitan. iisque eum de filij salute certum faciebat. Brutus lib. viii. Hist. Florent.

*Placenta* plumbæam epistolam inseruit Polycrates capta à Drogneto Duce Erythræorum, misitq; ad fratres suos. Polyænus lib. viii.

*Lepori* inclusit epistolam Harpagus ad Regem Cyram, quâ eum excitauit ad oppugnandos Medos. Polyænus lib. v i i. Herodotus libro i. & Iustinus.

*Fasciis*

*Fasciis pectoralibus abdi posse, indicat Ovidius:*

*Conscia cum possit scriptas portare tabellas*

*Quas regat in tepido fascia lata sunn.*

*Calceis. ibidem:*

*Cum possit soleâ chartas celare ligatas,*

*Et vincto blandas sub pede ferre notas.*

In *Calceo* item è ramis arboris appenso, Ioannes Nouius à Lusitano Rege Calecutum missus, literas inuenit Petri Atardæi admonentis Lusitanos omnes, vt Calecutanum portum declinarent ob Regis perfidiam. Oforius lib. 11. Emanuel.

*Thorace* Tabellariorum abdidit epistolas suas Andronicus senior ad Cralem Sueuiæ Præfectum. Gregoras lib. 1 x.

*Baltheo* abdidit transfuga quidam qui à Campanis per Romanorum castra veniebat ad Pœnos. Frontinus lib. 111. cap. x111.

*Vaginarum interiora* à quibusdam fuisse inscripta narrat Frontinus lib. 111. cap. x111. & Marcellin. Ammian. lib. xv111.

*Cutis humana* quomodo pro epistolâ esse possit, docet Ovidius:

*Hoc caueat custos pro chartâ conscia tergum*

*Præbeat, inq, suo corpore verba ferat.*

de quo ritu latè infrà, vbi de Notis encausticis.

*Capiti humano* sub capillis inscriptæ literæ, ab Histryæo Milesio, qui mancipio suo ægro, factâ curationis spe, capillos rasit, & capiti eius stigmata inscripsit; itaque postquam crines excreuissent, ad Aristagoram misit, hoc dato imperio, vt ad reliquam sui curationem se raderet. rasit mancipium Aristagoras, & capiti eius inscriptam reperit hanc sententiam: *Histryæus Aristagoræ. Ioniam*

*ad*

*ad defectionem sollicita.* Polyænus libro primo, Gellius lib. xvii. cap. ix.

*Cerea candela* inclusam epistolam miserunt ad Buciacium Camenecix vrbi Præfectum Tencinius & Dreuicius Poloni per puerulum cum hoc mandato; vt quando Cameneciam puer venisset, iuberet verbis suis Buciacium ex eâ candelâ accipere lumen. Buciacius suspicatus quod erat, dissectâ candelâ epistolam inuenit, quæ magnam rebus eius lucem adferebat. Cromerus lib. xx.

*Tabella noua* inscripsit literas Demaratus exul ad Spartiatas; & mox eius sulcis vacuum ceram induxit. Polyænus lib. i i. cui geminum stratagemata cuiusdam alterius refert Gellius lib. xvi. capite i x.

*Canibus* deglutiendas cum esculento quopiam literas obiciunt quidam tempestate nostrâ, vt ex eorum interfectorum visceribus postmodum nuntius exigatur. A Porta lib. i i. cap. xxi.

*Scytale Laconicâ* secretissima quæque olim indicata sunt. De hac ita Gellius lib. xv i i. cap. ix. ex Lyfandro Plutarchi: *Surculi duo erant teretes, scytalus vocant, oblonguli, pari crassamento, eiusdemq; longitudinis. Vnus Imperatori in bellum proficiscenti dabatur: alterum domi Magistratus cum iure atque cum signo habebant, &c. circum cum furculum lorum complicabant, volumine rotundo & simplici, ita vt ora adiuncta vndique & coherentes lori quod plicabatur, coirent. Literas deinde in eo loro per iuncturarum oras, versibus à summo ad imum proficiscentibus inscribebant. Id lorum literis ita perscriptis reuolutum ex furculo, Imperatori commenti illius consilio mittebant. Resolutio autem lori, literas truncas ac mutilas reddebat, membraq; earum & apices in partes diuer-*



diuersissimas spargebat. Propterea si id eorum in manus hostium inciderat, nihil quidquam coniectari ex eo loro quibant. Sed ubi ille, ad quem erat missum, acceperat, compari surculo, quem habebat, capto, ad finem perinde, ut debere fieri sciebat, circumplicabat: atque ita litera per ambitum eundem surculi coalescentes, rursus coibant, integramq; & incorruptam epistolam & facilem legi præstabant. Ridet meritò hanc artem Iulius Scaliger, & exercitat. cccxxvii. ad Cardan. vocat *Laconica nugalia*. Athenæus lib. x. cap. xvi. ait ex Achæo Erythriensi vocatam fuisse *Cyrbim Spartanam*: hoc est, inquit Iunius lib. iv. Animadu. cap. xiv. quia quemadmodum in *κύρβις*, publicis videlicet tabulis, Leges exaratae erant; ita in scytale, præcepta ad Duces & Imperatores militia scribebantur: Spartanam verò à ciuitate. Sunt deniq; de scytale elegantissimi illi Aufonij versus, ep. ad Paulinum:

*Vel Lacedæmoniam scytalen imitare, libelli  
Segmina pergamei tereti circumdata ligno  
Perpetuo inscribens versu; qui deinde solutus,  
Non respondentes sparsò dabit ordine formas,  
Donec consimilis ligni replicetur in orbem.*

De fungo, Xiphilinus in Traiano: *Fungus ingens ad Traianum allatus est, in quo scriptum erat Latinis literis; Barros sociosq; omnes à Traiano petere, ut pace factâ domum reuerteretur.*

Hactenus de celandis peregrinâ materiâ literis; nunc de astu Tabellariorum.

Harpagus non contentus literas suas in leporem exenteratum abdidiſſe, misit eas præterea per domesticum suum aliquem indutum habitu venatoris, ad Cyrum regem; auctoribus Iustino, Herodoto, & Polyæno.

Men-

*Mendici simulato habitu* nobilis quidam pertulit epistolas Laurentij Medicæi ad Regem Neapolitan. Ferdinandum. Brutus suprâ.

*Canum pellibus vestitos*, canatimque reptantes per noctem Iosephus Galilæus à Vespasiano in vrbe Iotapata obsessus tabellarios cum literis misit per vigillum custodias, neque ea res, nisi serò observata est. Iosephus lib. III. De bello Iud. c. VI II.

Denique etiam itineribus occultandis adhibitæ cautio est. *Terrestri* in primis *itinere*. Catellam à Tingitano ciue in oppido Arzilæ relictam, Menesius ad Præfectum Tingitanum alligatis inter pilos literis, misit, hoc actu: In litore catellam verberibus multis multavit, fecitque ut ab se velocissimè diffugiens, postridie ante crepusculum staret cum literis ad portas Tingitanas. atque ita terrestri itinere tutò nuntium misit. Orosius libro II. De reb. Emanuelis.

Scutellæ flumine per *Vrinatores* Hircius Consul ad Decium Brutum Mutinæ obsessum ab Antonio, plumbeas literas eorum brachiis alligatas misit. Frontinus libro III. cap. XIIII. Addit Dio Cassius lib. XLVI. eadem viâ à Decio literas remissas.

*Vtribus* verò quibus insutæ erant literæ, Lucullus gregarios milites imposuit, qui marinorum monstrorum specie velut portento quodam stationarios terrerent, itaque ad Cyzicenos à Mithridate obsessos nuntium perferrent. Frontinus lib. III. cap. XIIII.

Per *aërem* epistolæ missæ; telis inscriptæ vel alligatæ. Inscriptæ; à Cleonymo Lacedæmonum Rege, dum Træzenem obsideret, hac sententiâ:

tentiâ : *Venio vt ciuitatem in libertatem asseram.* A Porta libro I I. cap. x x I. Alligatæ telis ab Artabazo & Timoxeno , apud Herodotum lib. v I I I. à Cæsare cùm scriberet ad Ciceronem obsessum his verbis : *Cæsar Ciceroni fiduciam optat; expecta auxilium.* apud Polyænum lib. v I I I. & Dionem lib. x x x I x. ita proditum Zeuminum est Romano exercitui à propriis militibus & ciuibus. Nicetas Choniates in Annalibus.

*Auium* denique volatu perlatae per aërem literaræ non infrequenter. De *hirundinibus* id scribit Plinius libro x. cap. x x I v. *Cecinna Volaterranus equestris ordinis quadrigarum dominus , comprehensas hirundines in urbem secum auferens, victoria nuntias amicis mittebat , in eundem nidum remeantes , illito victoria colore.*

De *Cornice* quâ vsus est Marrhes Ægypti Rex pro curfore, Alexander Neapolit. lib. I. cap. xxvii. ex Æliani historiâ animal. lib. vi. cap. vii. cuius hæc verba : *Marrha Aegyptiorum regis cornix fuit animal oppidò mansuetum & cicur , ita vt epistolas quod ille vellet , facile perferret , essetque omnium nuntiorum multò celerrima , &c.* eam itaque pro huiusmodi officiis , defunctam Marrhes & columnâ & sepulchro honorauit.

De *columbis*, Plinius lib. x. cap. xxxvii. *Magnis in rebus fuere internuntia, &c. Quid vallum, & vigil obsidio, atq; etiam retia anne pratenta profuere Antonio, per calum eunte nuntio?* Loquitur Plinius de Hirtio, qui ad Decium Brutum Mutinæ ab Antonio obsessum literas mittebat per columbas, quas fame & tenebris confectas vicino mœnibus loco emittebat, vt facilius ad escam à Decio rerum conscio exposi-

tam aduolarent, atque ita Decius literas eis demeret; auctore Frontino, lib.<sup>1</sup> 111. cap. x111. Columbam item cum literis Sultanus, dum à Gallis Venetisque obsideretur Ptolemais, eò misit; quibus significabat se tridui interuallo cum copiis adfuturum. Sed Veneti columbam conspicati, militari clamore ita eam deterruerunt, ut ex aëre delaberetur; moxque ei alligatis fictis epistolis, Sultani nomine scriptis, quibus indicabat scilicet se obsessæ vrbi opem ferre non posse, miserunt Ptolemaidem; quæ desperato auxiliorum aduentu, ante triduum se suaque hosti dedit in potestatem. Sabellicus lib. vi. c. vi. Egnatius lib. vii. cap. iv. Columba etiam, dum Godefredus Bullonius Ierosolymam obsideret, à Barbaris in urbem cum epistolis missa, ab accipitre supra ipsa Bullonij castra in terram deturbata est, literæque sub eius alis repertæ. Æmilius lib. 111. De Iani Douzæ columbâ, quam ille ex obsessâ Leidâ dimisit, geminum carmen, Græcum alterum, alterum Latinum, scripsit Daniel Heinſius in Manibus Douzæ.

## CAPVT XVI.

*De inuisibili literarum ſcriptione.*

**P**ARVUM fuit humanæ vaſritiæ modum excogitaſſe quo literæ clanculùm mitterentur; niſi etiam regendæ ſcriptionis aſtus inueniretur. Igitur triplici id ratione factum eſt: Literis planè fallentibus aſpectum, vel certis literis poſitis loco aliarum literarum, vel notis. De prior modo hîc ago, qui inuiſibilem facit ſcriptio-

ptio-

ptionem. Id autem fiebat his artificiis :

Nocte tantum legi possunt literæ scriptæ aquâ distillatitiâ nitedularum , vel aquâ salicis putrefactæ.

Aspectum fugiunt literæ omnes scriptæ aceto , vrinâ , lacte , lacte herbæ tithymalli , adipe , sepo , pinguedine , gummi , donec puluere aspergantur ; tum protinus fiunt visibiles.

Scripta item omnia succo mali citrij , cæparum , ceraforum , cyclamini , aliûsve cuiuspiam pomi acris , sale denique ammonico , solo igne admoto legentur.

Gummi , sale , & calce scripta , legi non possunt , nisi papyrus in quâ scriptum est , cremetur.

Alumine aut chalcantho scripta tantum legi possunt postquam charta in aquam demersa est , aut vinum certo modo paratum.

Quædam legi non possunt nisi interposito lumine siderum aut candelæ : quædam affusâ aquâ hydrargyri ; de quibus singulis latè Ioannes à Porta libro 1. capite vltimo. quodd verò de lacte tithymalli interposui , habeo ex Plinio libro xxvi. cap. viii.

## CAPV.T XVII.

### *De descriptione per transpositionem literarum occultandâ.*

**M**IRE sibi gratulabantur veteres , insigni scilicet , vt ipsi putabant , inuento epistolarum occultè scribendarum pèr transpositas literas ;

teras: sed profectò id artificium facillimè à quouis sagaciorè deprehendi potest, vt non iniuriâ Iulius Scaliger Exercitat. cccxxvi. id vocet delirium, & imposturam. Referam tamen paucula eius exempla, veneratione solius antiquitatis. Recentiores omnes id genus technas relinquo apud Neapolitanum quærendas lib. 1. De notis furtiuis: quamquam Amplissimus Consiliarius Puteanus epistolâ quadam ad Plouuierium de *κρυπτογραφία*, rationem ostendit occultissimam scribendi per transpositionem, quam nec Oedipus diuinare possit. de quâ ita numquam locuturus fuisset Scaliger, vt de veterum facili commento.

Iulius Cæsar, inquit Dio lib. xxxix. *consueuerat, si quid secreti cuiquam per literas significaret, quartum semper elementum in scribendo, pro eo quod sumi debebat, sumere; ne obuia literarum lectio cuius esset.*

Augustus autè (verba sunt Suetonij c. lxxxviii.) *quoties per notam scribit, ponit B pro A, C pro B; ac deinceps eadem ratione sequentes literas; pro X autem, duplex A A.* Sed hæc scriptio non rectè à Suetonio vocatur *Scriptio per notam*, seu *per notas*, vt loquitur etiam cap. lv. in Iulio Cæsare: quia literæ, etiamsi transpositæ, non tamen sunt notæ; neque etiam per transpositas literas scribere, idem est quod *notare*: nam quæ per transpositas literas scripta sunt, omnino perscripta sunt; seu, vt barbari loquuntur, ad longum omnibus necessariis literis scripta sunt; notata autem, seu notis scripta, compendio, & per abbreviationem (vt vocant) scripta sunt. Paulus verò Iureconf. De milit. testam. & Cicero in Catil. & ipse Suetonius, hæc duo ita sibi opponunt: *Notata, non perscripta erat*

erat summa. quæ sunt ipsius Suetonij verba ; sicut hæc Ciceronis : *Nondum est perscriptum Senatusconsultum*. Et certa omnino res est : nam quæ notis scribebantur, breuissimè & velocissimè erant scripta ; quæ autem per transpositionem, totidem constabant literis, quot recto ordine perscripta constare solent, vt patet ex Probo Grammatico, quem Gellius libro xvi i. cap. ix. narrat fecisse commentarium de occultâ significatione literarum in epistolis C. Cæsaris.

Igitur Varro rectiùs quàm Suetonius scriptiorem hanc appellat lib. i v. Etymolog. *Tractationem* ; vbi malè quidam legunt *arctationem*, vti bene adnotarunt Turnebus lib. xx i v. Aduer. c. xxix. & Scaliger Coniectan. in Varronem.

Porro D. Hieronymus commentariis in c. xxv. Ieremiæ, meminit apud Hebræos literas ita transponi solitas, vt prima, loco vltimæ ; secunda, loco penultimæ ; atque ita deinceps ponerentur. censetq; ita ab Ieremiâ scriptum esse שפס, selsach, pro בבל Babel ; ne Rex irritaretur in captiuos Israëlitas ; quod genus illi vocant אֲתַבְשָׁח athbasch. cum videlicet Aleph א loco Tau ת ponitur, & Beth ב loco Schin ש, &c. Imò etiam planè inuersis verbis ad occultationem scribi solitum, narrat Isidorus. Vtuntur autem præterea Hebræi numeris loco literarum inquit Bibliander : vt ט, pro י, quod est nomen Dei ; nam vtraque literarum colligatio notat quindecim.

## CAPVT XVIII.

*De occultâ scriptione per notas.*

**M**ULTA sanè sunt quæ de notis longâ & curiosâ lectione obseruauî; & faciunt quidem omnia ad hanc de scriptione tractationem. Tamen ne molestior sit aut inuolutior obscurior-que ea res, dispertiar hanc omnem materiem in aliquot sequentia capita. Hic agam primum, quid notæ sint, quando, & ad quid inuentæ.

*Nota*, inquit Festus Pompeius, *aliàs significat signum; ut in pecoribus, tabulis, literis, singula litera, aut bina; aliàs ignominiam.* Amplius Brissonius De signific. verborum: *Notæ item, inquit, in L. 2. ff. De seruis fugit. signa, stigmata, puncta seruis inscripta atque iniusta significant.* Clariùs dicerem: Notæ sunt, vel quælibet signa seu scriptilia elementa, ut loquitur Marcellinus; vel literæ solitariæ positæ pro signis. Duplicis enim generis notæ sunt: Notæ non literæ seu zifræ, & Notæ literæ.

De notis, seu zifris non literis, passim sunt scriptorum testimonia, qui eas vocant *σημεῖα*, signa, imagines, &c. Cicero libro x i i. ad Atticum: *Quod ad te de legatis scripsi, parùm credo intellexisti; quia διὰ σημείων scripsi.* Plutarchus in Catone & Cicerone: *Σημεῖα ἐς μικροῖς καὶ μεγάλαις τύποις πολλῶν πραγμάτων δυνάμει ἔχοντα.* Ita signa quoque appellantur notæ ab Ouidio iv. Trist. Eleg. iv.

Scis benè cui dicam positis pro nomine signis?  
ab Horat. lib. i i. Sat. iv.

— non est mihi tempus, auenti



Ponere signa. —

à Sido-



à Sidonio Apollinare libro 1 x. *Comprehendebant signis quod literis non tenebant.*

*Imagines* vocantur à Quinctiliano li. xi. cap. ii. *Zifre* nunc dicuntur notæ, inquiunt Spiegel. De signif. verb. Turnebus lib. xiv. cap. xx i v. & à Porta De furtiu. notis lib. i. cap. xi i i. qui postremus refert à Cicerone conscriptû esse Dictionarium, cuius singulis verbis signa quædam ipse præfixit, significantia id verbum cui præfixa sunt. verbi gratiâ: **W** mundum, **M** modum, **T** tempus signant. & hæc signa, aliaque id genus. Apuleius lib. xi. De Asin. vocat *ignorabiles literas*; Theodoricus Imperator apud Cassiodorum libro 111. in quadam epist. 11. *quasi literas*. aperte nimirum indicantes Notas quasdam, præsertim tales, non esse literas, sed quasi literas, & imagines potius ac signa. Id quod ex variis item auctoribus doctissimè obseruarunt Barnabas Brillon. docens *Notas non esse literas*, ex Leg. 33. ff. Ex quib. caus. maior. Leg. 9. §. 1. ff. De hered. instit. Leg. 41. ff. De milit. testam. & Leg. 6. in fin. ff. De bon. possess. Quâ de causâ etiam à literis separantur notæ, in Leg. 1. §. Ludi. ff. De var. & extr. cogn. & Paulus ex Pedio, in Leg. Sed cum patron. 6. §. fin. ff. De bon. possess. & Leg. Lucius 40. ff. De test. milit. Petrus Gregorius ex Paulo, lib. xvi. De Repub. cap. 1. qui adfert hæc eius verba, *Notas literas non esse Pedius lib. x x v. ad edictum scribit.* Franciscus Polletus libro v. De foro Roman. cap. x i i. affirmans ex iisdem Legibus *Notas non esse literas*. Cuiacius lib. x i i. cap. x. *Notæ*, inquit, *non sunt literæ: quod ut demonstrem exemplis, Senatû Populûm Que, Rom. ita scribebant singulis: S. P. Q. R.*

notis hoc modo,  . *Senatusconsultum per singulas sic, S C. per notas sic,  . & lib. i i i. Obseru. cap. i i i. Note, inquit, non erant literæ, sed compendia literarum. Gruterus in xc. epist. Senecæ, li. xiv. Sauaro ad lib. i x. Sidon. epist. i x. Bernartius ad i. Siluar. Statij, pag. xiv. Iuretus ad epistolam Symmachi xxxv i i. lib. v. Raderus noster in libro x i v. Martial. Epigram, cc i i. Torren- tius in Galbâ Suetonij.*

Igitur has notas seu zifras, propriè vocabimus Sigla, vel *σῆγλαι* cum Iustiniano, opistol. ad antecessor. §. Illud autem, 8. vetus enim Lexicon habet *σῆγλαι*, & Stephanus ait se legisse *σῆγλαι* in Pandectis. Sed utcumque scribatur in Lexico aut Pandectis; existimo verissimam esse sententiam Petri Gregorij Tolosatis lib. xvi. De Repub. c. i. paragrapho 6, *Sigla Latinum esse vocabulum contra- ctum ex sigillo, quasi dicas; Siglam, paruum sigillum: quemadmodum enim sigillum est parua icuncula, seu nota quâ literas obfirmamus; ita siglum est nota quâ intelligitur plus esse intelligendum, quam expressè ad longum, ut dicunt, scriptum sit. Id quod mihi magis probatur quàm quod Cuiacius scribit lib. x i i. cap. x. Sigla nimirum dici non à sigillo, sed à voce singula; tunc enim non sigla, sed singla (sicut à vinculis, non vicia, sed vincla) fuisset dicendum.*

Iam verò aliud est genus notarum; quæ sunt notæ simul & literæ. de his Festus suprâ: *Notæ erant literæ, sed singula, vel binæ.* eodemque nomine eas appellant Suidas cent. xii. prou. lxxxv i i. in Paræmiis Andreæ nostri Schotti. & Cicero Oratione pro Murenâ, *Singulas literas.* Gellius, *Singularias*, lib. xvi i. cap. ix. Has verò singulas, seu

sen singularias esse quidem notas, sed à prioribus illis siglis diuerſas, obſeruarunt Spiegelius De verbor. ſignific. Petrus Gregorius lib. xvi. De Repub. cap. i, Torrentius in Galbâ Sueton. & omnium accuratiſſimè Raderus noſter loco antè citato. vbi in hæc verba concludit ſententiam ſuam: *Auctores non pauci ſeparant omnino literas ſingulas, ſive quæ vno verbo, ſingula appellantur, à notis; ita vt notæ non ſint literæ.* Vnde miſor cur Cuiaciſ ſingulas, quæ literæ ſunt, voluerit eſſe ſigla, quæ, vt iam oſenſum, non ſunt literæ. Porro hæ poſteriores notæ, ſeu literæ ſingulariæ, quandoque ponebantur pro puris notis, non literis ſeu ſiglis; perinde atque ipſa ſigla pro meris ſignis.

Quandoque vtræque notæ, & ſigla nempe & ſingulæ ponebantur pro verbis tantum, quandoque pro totis etiam ſententiis. Pro verbis tantum, vt patet ex notis à Cicerone inuentis, quæ erant notæ, non literæ: ¶ pro tempore. De ſingulariis autem verbi alicuius loco poſitis, ita Ammianus lib. xvi. *Apud Aegyptios ſingula literæ ſingulis verbis ſeruiebant.* Sed impropriè loquitur Ammianus: non enim Aegyptiorum notæ erant ſingulæ literæ, ſed ſigla mera & notæ, non literæ: igitur meliùs, Singulæ pro verbis ſingulis ponuntur toto libello Probi Grammatici, quem ſcripſit de Notis Romanorum. verbi gratiâ, S. P. Q. R. id eſt, Senatui Populoque Romano. & ſic etiam ſcribi ſolent omnia Romanorum prænomina. Pro ſententiis integris ponebantur omnes ferè notæ Hieroglyphicæ Aegyptiorum, & modernæ literæ Sinenſes, auctore Trigaultio noſtro. & notæ item Cabbaliſtarum, quorū tota in harum ex-

I 5

plica-

plicatione ars est, indeq; habet nomen Cabbala.

Fuere autem tam varia per notas scribendi artificia, ut dicat Aufonius :

*Innumeras posim calandi ostendere formas,*

*Et clandestinas veterum referare loquelas.*

Neapolitanus verò à Porta Notarum faciendarum modos cum novos tum veteres adfert circiter CLXXX. in lib. De notis furtiu. Quò spectant etiam tria illa scribendi genera, quæ Trithemius prodidit initio lib. De polygraphiâ, Dermatium, Hyphasinaticum, Aleoticum: adeoque totus liber sextus continet vigintiquatuor Alphabeta ignota, ad vsum notarum; & lib. quinto programma proponit variæ literarum transpositionis.

Vsus enim notarum olim omnibus familiarissimus fuit, non infimis modò & ancillis ipsis, ut de quadam refert Marcellinus, quæ nomine Assyriæ epistolam notis scripsit ad Barbationem Præfectum peditû; verum etiam summis quibusque; ut Tito Cæsari, qui solitus notis velocissimè excipere, auctore Suetonio cap. III. & Octavio Augusto, qui nepotes suos & literas, & notare docuit; ut monent legendum esse Lipsius & Torrentius, pro *notare*. Quamquam ornatissimus, vir Erycius Puteanus libello suo De natatu quem parat extrudere, ex Græco Dionis Cassij planè me conuincat legendum esse *notare*, ut olim legebatur, non autem *notare*. Neque pauca aut parua causæ sunt tam frequentis usurpationis. Primùm enim notæ Hieroglyphicæ à Phœnicibus aut Ægyptiis excogitatæ sunt ad celanda sua mysteria, ne vulgus ita facilè in adyta sacrarum scientiarum irreperet. Quamobrem & Persæ Magos, Indi Gymnosophistas,

phistas, Celtæ Druidas habuere mysteriorum suorum interpretes, quæ plebi proposita esse nolebant; sicut & Hebræorum Legem fuisse scribit D. Gregorius Nazianzenus in Apolog. fugæ suæ, quâ libros sacros vulgo communicari vetabant. Imò Romani huius rei gratiâ Notarios adhibebant, auctore Suidâ: Τὸν τ' ἀπορήτων χαμματαίαν, ἀπὸ κρήνης καλῶσι τὸ ἀξίωμα Ρωμαῖοι. id est: *Scribam qui notat res, quas non licet propalare, à Secretis vocant, quæ dignitas est apud Romanos.* Et Trithemius scribit, Ciceronis Lexicon De notis, à diuo Cypriano auctum, vt Ecclesiasticis iuxta prodeisset atque profanis ad arcana celanda. Hebræi verò teste Bibliandro, eo scribendi genere plurimum vtuntur, quo initialis sola litera ponitur loco totius dictionis; vocantque *Raschei theboth*, hoc est, *Initia dictionum*. Ita etiam Iurisperiti ad tegendos astus suos, inquit Cicero pro Murenâ, notas inuenerunt, ne plebs sciret quibus diebus fas nefasve esset Lege agere: *Itaque, inquit, Iureconsulci, ne dierum ratione peruulgatâ & cognitâ, sine suâ operâ posset Lege agi, notas quasdam composuerunt, vt ipsi omnibus in rebus interessent.* vnde Manilius de Notario:

—— Hic Legum tabulas & condita Iura  
 Nouerit, atque notis leuibus pendentia verba,  
 Et licitum sciet & veritum.

In pecude verò, seruis, & milite, stigmatum notæ ad internoscendum inuentæ sunt; sicut & notæ Grammaticorum seu posituræ, obeli & asteriscai: in communi autem scriptione ad breuitatem & celeritatem, & secreti cautelam, vt notauit Ioannes à Porta lib. 1. cap. 11. 111. & 14. De breuitate, testatur Solinus cap. v 1. narrans Iliadem

coram

totam notis scriptam adeò fuisse breuem, vt nucis vnus testulis geminis tota clauderetur. quo in artificio excelluissè Myrmecidem Milesium, & Callicratidem Lacedæmonium, scribit Ælianus lib. i. Variar. hist. quos fama fuit in sesamo (quod minutissimum genus est seminis, simile milio aut panico) distichon vnum Elegiacum aureis literis scripsisse; sed per notas & signa, inquit Henricus Salmuth comment. in Pancirollum. Ingeniosius tamen Bauhusius noster lib. i i i. fol. 55. de Iliade ludit ad Paul. Palmerinum:

*Iliadem magnam parua in nuce Paule videbis,  
Hac duo si patiens carmina nostra legis.  
Atridæ gemini, Laërtius, Hector, Achilles,  
Aeneas, Priamus, Troia, Lacæna, Paris.  
Ilias en nuce clausa vnâ est: nisi, Paule, negabis,  
Aut hanc Iliadem, aut carmina nostra nuces.*

Celeritatem autem scribendi per notas refert Aufonius fuisse tantam, vt Notarij ferè præuenterent dictantium verba, Epigram. cxxxv i i i.

*Puer notarum præpetum  
Sollers minister aduola  
Bipatens pugillar expedi, &c.  
Euoluo libros vberes,  
Instarq; dense grandinis  
Torrente lingua perstrepo.  
Tibi nec aures ambigunt,  
Nec aucupatur pagina,  
Et mota parçè dextera  
Volat per aquor cereum.  
Cum maximè nunc proloquor,  
Circumloquentis ambitu:  
Tu sensa nostri pectoris*

*Et*

*Vix dicta, iam ceris tenes, &c.*

*Et prapetis dextra fugâ*

*Me tu loquentem prauenis?*

*Quis, oro, quis dixit tibi*

*Qua cogitabam dicere?*

*Qua furta corde in intimo*

*Exercet ales dextera? &c.* Nec absimi-

liter, sed breuius Martial. lib. xiv. Epigram. cci i.

*Currant verbalicet, manus est velocior illis;*

*Nondum lingua suum, dextra peregit opus.*

Quæ si fortè sint hyperbolicè dicta, at saltem sine ampullis & vento dicta sunt illa Boëtij lib. v.

*Vt quondam celeri stylo*

*Mos est aquore pagina, &c.*

Illà Sidonij lib. ix. Epist. ix. Tribuit & quoddâ dicta-  
re celeranti scribarum sequacitas saltuosa compendium.

Illà Senecæ ad Lucil. Epist. x c. Celeritatem lingua  
manus sequitur. Illà Prudentij de Cassiano:

*Raptimq; punctis dicta prapetibus sequi.*

Illà D. Hieronymi lib. i ii. comment. in Epist. ad  
Galat. Notario dicto aut quidquid in buccam venerit; aut si  
paululùm voluero cogitare, melius aliquid prolaturus, tunc  
me tacitus ille reprehendit, frontem rugat, manū contrahit,  
& se frustra adesse toto gestu corporis contestatur. Insignis  
sanè, & percommoda scribendi velocitas: quam  
tamen, quantacumque fuerit, dicendi copiâ atque  
impetu præuertit Proceresius, qui (vt de eo narrat  
Eunapius) tantâ celeritate perorabat, vt Notarios  
præcurreret; verbis tamen ita conceptis, vt cum  
ingenti omnium admiratione, eandem quam ex  
tempore habuerat orationem, denuò absque om-  
ni hallucinatione integram recitaret. Omnium  
item etiamsi perniciosissimas manus retardauit

Orige-

Origenes Adimantius, qui septem notarios vicissim scribentes lassabat; vt de eo scribit Eusebius lib. v. 1. cap. xvi. 1.

Quod vltimum est huius capitis, de notarum origine est; in quâ, vt in literarum origine, video plerosque hallucinatos esse. Sanè non scio quis ante Mattheum nostrum Raderum eâ in re veritatem attigerit. Alij enim notarum inuentionem Mæcenati & eius liberto Aquilæ tribuunt; inter quos est Dio lib. lv. Ciceroni sub tempus Catilinariæ coniurationis Plutarchus assignat. Eusebius in Chronico adscribit Tironi liberto Ciceronis: Seneca Mæcenatis & Ciceronis seruis. Isidorus lib. 1. cap. xxi. & ex eo à Porta libro 1. De notis furtiu. cap. 111. Ennio vt primo auctori acceptas fert huiusmodi notas mille & centum; quas post auxerit Tiro, deinde Persannius Philargyrus, & Aquila libertus Mæcenatis, denique Annæus Seneca; ita vt numerus excreuerit ad quinque notarum millia. Ego, postquam expendere cœpi illum versiculum Dauïdis Psal. xli. v. *Lingua mea calamus scriba velociter scribentis.* postquam excutere cœpi antiquitatem Hieroglyphicarum notarum, non aliud potui suspicari, quàm longè antiquiùs notarum originem esse indagandam. neque tamen primus id audebam apertè affirmare, donec comperi Patrem nostrum Raderum, & ex eo Patrem etiam Lorinum in Psal. xlv. id docuisse. pretium operæ erit audire Raderi verba: *Multis annis ante Ciceronem Iudæa notarum videtur artem inuenisse; captatâ ex Danielis interpretatione huius compendij occasione. Daniel enim illa celesti digito exarata verba, Mane, Thecel, Phares, sic est inter-*



interpretatus, vt singula verba singulas obseruarent orationis sententias. Magistri ergo & Diuinarum literarum interpretes genus inde interpretandi nouum inuenerunt, quod Cabbalisticam appellant; quâ non tantum sententias & integras Scriptura diuina orationes explanant, sed etiam syllabas, & singulas quasque literas separatim expendentes, quasi lateat in singulis aliquid mysterij, excutunt, &c. & coniectura est, hinc à Iudeis manasse rationem hac methodo non interpretandi tantum, sed & scribendi.

Igitur pro veriori hanc sententiam amplectemur, donec à quopiam certiùs refutetur. neque enim contigit mihi hucusque videre Octavianum Ferrarium, qui in Originibus suis Romanorum fertur quâdam de notis attigisse.

## CAPVT XIX.

*Quàm varia notarum genera? ac primò, de notis seruilibus seu stigmatibus Threiciis.*

**C**AUSSAM accuratè tractandi hanc materiam præbuit mihi Isidorus libro primo, capitibus XXI. XXII. XXIII. & sequentibus, agens de variis generibus notarum.

Diuido igitur notas in Seruiles, Pecuarias, Iuridicas, Iudiciarias, Suffragatorias, Censorias, Tesserarias, Sortiarias, Grammaticas, Arithmeticas.

Seruiles notæ sunt, quas Cicero Threicias appellat lib. I I. Offic. hoc est, stigmata seu signa quibus seruorum vultus aut manus inurebantur, vt scribit Artemidorus libro primo Onirocrit. Threicias autem vocat; quia, etiam si apud Thrac-

ces,

ces, eiusmodi notæ erant insigne nobilitatis, non  
 seruitutis, auctore Herodoto lib. v. & Boëtio  
 prosâ iv. (quemadmodum & apud Dacos & Sar-  
 matas, vt Plinius scribit lib. xx i i. apud Britan-  
 nos item, vt testatur Herodianus lib. i i i. qui  
 tota corpora pungebant) tamen à Thracibus ad  
 pistrinenses, ad ergastulos, & ad fugitiuos vene-  
 runt, pro signo infamiæ & probri. Vocantur hæ  
 notæ diuersimodè apud diuersos. Apud Sene-  
 cam i. De Tranquill. *seruiles litera*; apud Boë-  
 tium libro i. Ciceronem i i. Offic. Aufonium  
 epist. xv. Valerium Maximum lib. vi. cap. viii.  
 vocantur *nota*. Plinius in Panegy. vocat *notas &*  
*puncta*. Vocantur *stigmata* à Suetonio in Caligulâ  
 cap. xxvi i i. à Senecâ lib. iv. De Benef. à Quin-  
 ctiliano lib. vi i i. cap. iv. à Iustiniano Leg. i i i. De  
 fabricens. lib. xi. à Scribonio Largo cap. ccxxx i.  
 ab Herodiano lib. v i i. Columella in Hort. ap-  
 pellat *signa fororum*, vel, vt ingeniosè Scaliger,  
*signa fugarum*. Similiter hinc serui nominantur  
*stigmatia* à Nonio & Cicerone, item *notis com-*  
*puncti*. *στυγνῆς καὶ στυγματίας* à Polluce lib. i i i.  
 cap. viii i i. de Seruis. *Varij attagenes* ab Aristophane  
 in auibus, propter maculas, opinor; sicut  
*Istriani* à more gentis illius quæ se punctis inu-  
 rebat, inquit Cælius lib. viii i i. cap. xxx i. & *po-*  
*pulus Samiorum*, *Σαμίων ὁ δῆμος*, apud Suidam ex  
 Aristophane. quia, inquit Suidas, dicunt Samios  
 ab Atheniensibus captos noctuâ, Athenienses ve-  
 rò à Samiis *samenâ* (hoc est, biremis vel numi  
 caractere) à Syracusiis autem equi imagine fuis-  
 se compunctos: sicut hodieque fures insignibus  
 urbium, in quibus plectuntur. Ex quibus apparet,  
 tripli-

triplicis ferè generis fuisse hæcæ seruales notas; nimirum vel puncta, vel imagines, vel literas; De literis enim Seneca suprà laudatus; *Seruiles literas.* & hinc scribere apud Vlpianum, est *notam inuere*, in Instit. tit. 1. & Leg. xvi 1. Cod. De pœn. vt Brissonius obseruat lib. De signific. verb. & *quatuor inscripti*, apud Martialem: *Vultus scriptus*, apud Aufonium & Plinium. *Inscripta ergastula*, apud Iuuenalem Sat. x 1 v. *Literati*, apud Plautum & Apuleium. *Calati*, apud Propertium lib. 1v. Adeoque literis illis causticis, crimen ipsum vulgò exprimebatur. Plato vi 11. de Legibus: *Si quis sacrilegium commiserit, &c. in facie manibusq; crimen inscriptus, & flagellatus, extra fines patrios prouciatur.* & quidem non paucis literis; sed quandoque perscribebatur crimen per totum vultum. Petronius in Satyr. *Impleuit Eumolpus frontem vtriusque ingentibus literis, & notum fugitiuorum epigramma per totam faciem liberali manu duxit.* Erat id Epigramma fortè huiusmodi, inquit Lipsius: *Cave a fugitiuo.* Ita quoque Zonaras 111. Annalium, duos monachos (quod liberiùs Theophilum Imperatorem monuissent) Epigrammate duodecim versuum conscriptos fuisse narrat. Et D. Ambrosius lib. De virginit. refert, *iuenem quemdam cum propter admirandam oris pulchritudinem, in amorem incenderet feminas, vultum exarasse stigmatibus, ne qua eum amare posset.* Quamquam communiùs, non totæ sententiæ, sed singulæ tantùm literæ imprimebantur; vt K, Kalumniatoribus; ita enim olim Kalumniam scribebant, vt Lipsius obseruat 11, Elect. cap. xv. Et de hac Kalumniatoriâ notâ Cicero pro Rosc. Amerin. *Crua quidem nemo vobis suffringet; sed si ego*

K

hos

hos bene noti, literam eam cui vos usque ad inimici estis, &c. ita vehementer affigunt ad caput. Quem locum egregiè explicat Turnebus. Ita D, delatori- bus, T, furibus, apud Lucianum, & Polyd. Virgilium lib. xxvi. Histor. Angl. qui scribit ab Henrico VII. esse statutum, ut furibus (qui Theese vocantur) T inureretur in palma sinistra manus sub pollice: homicidis verò (quos appellat *Murdure*) M. quam consuetudinem docet à Gallis esse sumptam. At ego, si primam originem quærimus, scio eam manasse à Syris, qui stigmata manibus aut ceruicibus, non frontibus inurebant; ut narrat Lucianus in Deâ Syriâ; & hanc manuum inscriptionem, inter pœnas omnes, solam retinuit Constantinus Imperator, vetitâ vultus inustione, sic scribens ad Eumelium: *Si quis, &c. fuerit pro criminum qualitate damnatus, minime in eius facie scribatur, dum & in manibus & in suris possit pœna damnationis vnâ scriptione comprehendere; quò facies, qua ad pulchritudinis celestis similitudinem est figurata, minime maculetur.* Leg. 11. de pœn. Cod. Theodos. Sed hanc piam sanè Constantini Legem antiquauit Theophilus Iconoclasta, inustis denuò vultibus sanctorum martyrum Theophanis & Theodori, ut refert Cedrenus. Verùm ut illud obiter addam; non seruis modò aut reis, sed etiam militibus aliquando, & sacris etiam hominibus huiusmodi literæ fuere inustæ. De militibus Aëtius lib. viiii. capite xii. *Στίγματα καλεῖται τὰ ὅτι τῇ χειρὶ τοῦ ἡρώου ἢ ἄλλῃ πινὸς μέρις τῶ σώματος ἐπιχρησθῆναι, εἴα τῇ σεαυτοῦ μέρις ἐν ταῖς χερσὶ.* & Vegetius lib. i. cap. viii. *Sed non statim punctis signorum scribendus est tiro.* libro 11. cap. v. *Nam victuris in cute punctis milites scripti.* Quæ puncta Liplius

Lipſius lib. 1. De milit. cap. vltimo, ait fuiſſe notas nominis Imperatorij, ex teſtimon. Chryſoſt. ex Cod. De Aquæduct, & Cod. De fabric. quas omnes auctoritates in eam rem antea attulit Turnebus libro XXIY. cap. XI I. De ſacris hominibus auctor eſt Prudentius :

*Quid cum ſacrandus accipit ſphragitidas?  
Acies minutas inferunt fornacibus,  
His membra pergunt vttere; vtq; igniuerint,  
Quancumque partem corporis feruens nota  
Stigmatit, hanc ſic conſecratam prædicant.*

Porro hoc ſupplicij genus Seneca lib. III. De Irâ, cap. I I I. vocat *Inſcriptionem frontis*. Ferrum verò quod fiebat inſcriptio, Palladius & Hippocr. *καυτήρ* appellant, Lucianus & Plutarchus *καυτήριον*. Notam ipſam inuſtam Plato in Timæo, *ἐγκαύμα*: vnde *ἐγκαυσε* apud Martialem libro I VI. Epigr. XLVII. apud Athenæum lib. III. ſub fin. ex poetâ quodam Aſio, de Cniſolæcho :

*Claudus; notis compunctus ac inuſtus.*

& lib. VI. ex Diphilo :

*Inuſtam punctis frontem capillo obuelat.*

apud Valerium Max. lib. VI. cap. V I I I. *Seruus inexpribili notâ per ſummam oris contumeliâ inuſtus*, apud Iuuenalem :

*Vritur ardenti duo propter lintea ferro.*

Denique poſt inuſtionem, atramentum ſubinde caſticis ſulcis infundebatur. ita apud Zonaram ſuprà; monachis illis non ſolùm Iambi inuſti, ſed & atramentum in notas infuſum eſt; quemadmodum & fugitiuis illis in Satyr. Petronij. Quæ res fortè originem habet ab uſtoriâ arte, ſeu *καυστήρ*, quâ pictores omnicolore m ceram lique-

factam in strias infundunt, dum pingunt; aucto-  
ribus Plinio lib. x x x v. cap. x i. & Varrone li-  
bro i i i. De re Rusticâ, cap. x v i i. & Ouidio  
i i i. Fastorum;

*Quid, moues calum, tabulasq, coloribus vris.*  
i v. Fastorum:

— & picta coloribus vñlis  
*Celestem matrem concava puppis habet.*  
Anacreonte item:

*Si fert & ipsa cera,  
Vnguenta pinget olentes.*

vnde hoc artificium *κατοχρηστικόν* appellat Callixen.  
apud Athenæum lib. v. & Turneb. lib. viii. ca-  
pite ix. *Cauteris*, inquit, *sunt*, quibus pictores olim  
*ceris pingentes*, *picturam tabularum inurebant*. vide  
eundem lib. xxi v. cap. xvi i. lib. xxi x. cap. xxi i.  
& Isidorum lib. xx. cap. vltimo; qui characterem  
coloratum vocat, stylum ipsum vñstorum. Mo-  
net autem Raderus noster in Martial. lib. i v. Epi-  
gram. xxxvi. hoc picturæ genus in nauibus, *nec*  
*sole, nec sale, nec vento corrumpi.*

## C A P V T X X.

### *De notis pecudum.*

**V**T hominibus ad pœnam aut notitiam, ita  
etiam pecudibus ad internoscendum eas  
inscriptæ notæ.

*Signare*, ait Feltus, *significat*, etiam pecora signis no-  
tare. alibi: *Dignorant*, *signa imponunt*, vt fieri solet in  
pecoribus. vbi sic Scaliger: *Glossarium*, *dicorat*, *δια-  
γνώσκει*; lege *dicnorat*. Ita etiam Næuius apud Pri-  
scianum lib. vii.

*Signare oportet frontem caldâ forcipe.*

Cal-

Calpurnius in Bicolis:

*Impressurus oui tua nomina. —*

Virgilius 1. Georgic.

*Aut pecori signum, aut numeros impressit aceruis.*

& 111. Georgic.

*Continuòq; notas & nomina gentis inurunt.*

Anacreon:

*Equi solent inustum*

*Coxis habere signum.*

Meminit eiusdem ritus ex Ariano Titius lib. vii. loc. cap. x x. docens, *Sibas Indorum gentem consueuisse bubus claua notam inurere, in Herculis memoriam, qui illuc penetrauit.* & huc spectauit Aufonius in Alexandria, vt notat Scaliger:

— illa Seleucum

*Nuncupat, ingenium cuius fuit amphora signum,*

*Qualis inusta solet generis nota certa. —*

vbi ingenium signum (quod est à naturâ scilicet inditum) opponit signo inusto.

Suidas, prope Phasidem, narrat equis solitam inuri Phasianam auem: & Sisyphum quemdam solitum vngulis suorum animalium, singulas literas inscribere. Athenæus item libro xi. ex Aristophane in Nubibus scribit equos, quibus Σ inscriptum erat, vocatos *σαμβόες*: sicut & ab eodem equi vocantur *κοππατίαι*, quibus κόππα seu κάππα inurebatur; vt referunt Cælius & Stephanus ex Eustathio & Hesychio. Sed hunc vtrumque & illos item falli, verè ostendit Scaliger in Notis Eusebianis, ex Alphabeto Ionico vetere, & Phœnicio; vbi post literam Π, hæ notæ, non literæ, Ϡ Λ: *ὀπίσμιον σάνπι*, vel *Σάν Πι*, vel *ἀντισήμα* 111; vel *ὀπίσμιον ἐννεακόσια*. Hæc enim

K 3

nota,

nota, Θ, nongenta significat; à quâ equi quibus ea inusta, vocantur σαμπόραι ἢ σαμπούραι, vel σαπφόροι, quemadmodum & κοππατίαι, quibus Kophe seu Koppa inustum; non autem χαππατίαι: κόππα enim & κάππα valdè distant.

Instrumentum quo notæ hæ imprimebantur, Cælius ait vocatum esse τρυσίππον, vel ἵππου τρυχόν, quod erat velut rotula, quæ candens malis equorum inurebatur. Isidorus lib. xx. ultimo capite vocat χαρκινῆα, & ferrum coloratum, quo pecudibus nota inuruntur. Sed & victimæ immolandæ cultro notabantur in fronte, vt Scaliger scribit epist. postumâ ad Puteanum; vnde Herodotus & Diodorus ἀσσεράζοντες vocant victimam, cuius frons nondum cultro signata est.

## CAPVT XXI.

*De notis Inyeconsultorum.*

SCRIPSIT de hoc argumento libellum integrum Magno ad Carolum Regem, his versibus dedicatum:

*Hæc Iuris omnia lubens Rex accipe Carle,*

*Offert deuotus quæ tibi Magno tuus.*

Non est instituti mei huc adferre earum exempla; qui volet, ad libellum illum adeat, quem simul cum veteribus Grammaticis excusum nuper vno Tomo ediderunt quidam de literis benemeriti. Illud tantum moneo, bono fuisse fine eas notas inuentas, sed in Iurisprudentiæ libris longè perniciosius quàm in vllis aliis disciplinis vsurpatas, quorundam Leguleiorum fraude rem optimam pessimè auertente. Tot enim, temporis successu,



et hisce notis earumq; augurandâ significatione  
 exitere circumventiones, vt Iustinianus Impera-  
 tor Lege sanxerit, ne quis iis omnino in Iure vte-  
 retur, sed omnia perferberentur. Lib. i. Cod. ti-  
 tul. 17. De veteri iure enucleando, Lege primâ:  
*Ne per scripturam aliqua fiat in posterum dubitatio, iube-  
 mus non per siglorum captiones, & compendiosa enigmata*  
*(quamultas per se & per suum vitium antinomias indu-  
 xerunt) eiusdem Codicis textum conscribi, etiamsi netherus*  
*librorum significetur, aut aliud quidquam. Nec enim hac*  
*per pecialia sigli numerorum manifestari, sed per litera-  
 rum consequentiam explanari concedimus. & eodem ti-  
 tulo Leg. 2. Eamdem poenam falsitatis constituimus ad-*  
*uersus eos qui in posterum Leges nostras per siglorum ob-*  
*scuritates ausi fuerint conscribere. Omnia enim, id est, &*  
*nomina prudentium, & titulos, & librorum numeros, per*  
*consequentiam literarum volumus, non per sigla manife-*  
*stari; ita vt qui talem librum comparauerit, in quo sigla*  
*posita sunt, in quocumque loco libri vel voluminis, sciat in-*  
*utilis se esse codicis dominum: neque enim licentiam aperi-*  
*mus ex tali codice in Iudicium aliquid recitari, qui in qua-*  
*cumque sui parte siglorum habet malitiam, &c. Quod*  
*etiam ante Iustinianum in Oriente sancitum à Ba-*  
*silio Imperatore lib. ii. Iuris Oriental. num 11.*  
*titul. Περὶ τῶν σιγῶν καὶ ἀπομνησίων. vbi imperat loco no-*  
*tarum arithmeticarum, reponi literas quas etiam*  
*rustici facillè legere possent. Quâ Lege ferendâ*  
*quàm benè de posteris meriti sint Imperatores, ita*  
*commendat Foquelinus, titul. Instit. De vulg.*  
*substit. Quis, si eiusmodi velut stigmatum notis defor-*  
*matis Iuris veteris libros Iustinianus ad nos transmisisset,*  
*earum sese liqueis expedire potuisset? aut quis illis reddend-*  
*is exprimendisq; litium altercationumq; finis fuisset; cùm*

in earum interpretatione Trebonianus ipse frequenter hifisseprehendatur? id quod præter Foquelinum multis exemplis demonstrat Ioannes Thomas Freifius in ep. Pand. Planè vt non inſcitè Iulus quidam Prouano Arloro, in facetiis vulgari lingua editis (cùm in Prouerbiam abiiflet, *Et ietera Notariorum*) rogatus, quid quotidie Deum oraret? reſponderit, orare ſe quotidie tria: Primò, *Segnor mo, guardate me da furia de villani*. Secundò, *Dagualzambaglio di Medici*. Tertiò, *Da gli & cetera de Notai*. Notarij enim per vnã aliquam huiusmodi notam, &c. res ſapè ſignificant diuerſiſſimas; vt apparet ex lepidiſſimâ illâ historiâ, quam Rutilius in vitâ Rutilij Iureconſulti narrat his verbis: *Scaurus abſolutus crimine ambitus, in Rutilij accuſatoris ſui tabulis oſtendit has literas, A. F. P. R. eaſq; ſic interpretabatur, Actum Fide Publij Rutilij. Rutilius contrâ, ſic: Antè Factum, Poſt Relatum. C. Cannius verò, qui Rutilio aderat, exclamauit neutrum ſignificari; ſed illud: Aemilius Fecit, Plectitur Rutilius. Cui gemina eſt illa Æſopi diuinationo ex literis cippo inſcriptis, ter ingenioliſſimè variata, vt ſcribit Planudes in eius vitâ. quemadmodum & illud Sibyllinum, *Salua Populum Quem Redemiſti*; tandem ad Romanam Rempublicam eſt tranſlatum hac formulâ: *Senatui Populo Que Romano*. Quanto autem damno & periculo in re præſertim pecuniariâ fuerit uſus notarum, vel illo apophthegmate manifeſtū eſt, quod Macrobius inter iocos Auguſti refert lib. 11. Saturnal. his verbis: *Solebat Licinius libertus eius inchoanti opera patrono magnas pecunias conferre: quem morem ſecutus, centum promiſit per libellum, in quo virgula ſuperducta pars ultra pecunia deſectionem protendebatur, vacante infra loco.**

Cæſar

*Cæsar occasione vsus, priori alterum centies suâ manu iunxit, spatio diligenter expleto, & affectatâ literâ similitudine; geminatamq; accepit summam, dissimulante liberto: qui postea cæpto alio opere, leniter factum suum Cæsari obiecit, libello tali dato: Confero tibi, domine, ad noui operis impensam quod videbitur.*

Porro etiamsi seuerissimè notarum vsu Inreconsultis à Iustiniâno Cæsare fuit interdictum; non tamen illud vñquam effici potuit, vt duæ illæ notæ ff & **D** à Iurisprudentiæ libris exularent. Prima apud nostros Iureconsultos significat Digesta, vel etiam Pandectas, inquit Ioan. Corass. lib. v. Miscel. Iur. cap. xv. & Alciatus, qui refert apud veteres pro hac nostrâ notâ ff, solitum scribi hoc siglum  $\pi$ ,  $\pi$  cum accentu circumflexo; vnde tandem formatum ab indoctis librariolis ff. Digesta autem eodem Pandectarum siglo fuisse significata, quod Latini olim Digesta, Pandectarum nomine complectebantur. At anonymus quidam interpret Ioannis à Porta scribit Digestorum notam, antiquitus non fuisse  $\pi$ , sed **D** vel **D**, Delta confixum veru curuo, vel lineâ rectâ; quales visuntur in nummis. notam autem illam neotericam ff corruptam esse non ex  $\pi$ , sed ex  $\theta$ , quâ literâ notabant Thematâ Iuris, vt ea vocari cœperunt, postquam à Constantino Romani Imperij sedes tralata est in Orientem, indeque orta Iurisprudentia Græca.

## CAPVT XXII.

*De notis Iudiciariis.*

**I**N grauioribus caussis Iudices non pronuntia-  
bant sententiam de tabulis, sed eam in iis no-  
tabant, teste Afcon. in Diuin. Verrin. *Singuli, in-  
quit, Iudices sententiam de tabulâ pronuntiabant in le-  
uioribus caussis; & ob id neque notâ, neque custode opus  
fuit.* Item docet Sigon. lib. 11. de Iudic. cap. xxii.  
*Prætor Iudicibus tabellâ dabat, & ut sententiam ferrent, in  
concilium mittebat. Mittere autem in concilium, erat, iu-  
bere illos ad urnas ire, atque in eas, tabellâ sententiam con-  
tinentes conicere. Vna verò, siue cistâ, tot fuerunt, quot  
Iudicum ordines qui iudicabant: tres quidem cum omnes  
adhibiti sunt; una Senatorum, altera Equitum, tertia Tri-  
bunorum ærariorum. Tabellâ verò qua data erant Iudici-  
bus, quarum vnâ in urnam mitterent, erant tres: vna ab-  
solutionis, altera condemnationis, tertia ampliacionis; eâq;  
omnes cerata erant. Nota absolutionis fuit A. condemna-  
tionis, C. ampliacionis, N. L. Non liquet.*

Igitur hæ tres præcipuæ Iudicum notæ, nam  
Suetonius præter hæc tres tabellas scribit capi-  
te xxxiii. ab Augusto, cum de falso testamento age-  
retur, non tantum damnatoriam & absolutionariam cogno-  
scentibus datam esse; sed tertiam quoque, quâ ignosceba-  
tur iis quos fraude ad signandum vel errore inductos con-  
stitisset. cuius tabellæ nota non potuit fuisse vlla ex  
præcedentibus, sed fuerit fortasse I. id est, Igno-  
sco. Crinitus etiam lib. vi. cap. vi. scribit θ & κ  
fuisse etiam condemnationis notas; nam κ Græ-  
cum, est Latinorum C, significans κατὰ δίκην, *scilicet  
quâquam Britannicus Persij commentator scribit  
κ fuisse*

• fuisse notam absolutionis, & significasse καλὸν, id est, pulchrum. θ autem significat θάνατον, id est, mortem. vnde Martialis lib. vii. Epig. xxxvi.

*Nosti mortiferum Pratoris Castrice signum,*

*Est opere pretium discere Theta novum.*

& Aufonius in Eunum Epigram. cx x.

*Miselle doctior, • tibi sit obscuro:*

*Tuumq; nomen Theta scitilis signet.*

vbi Scaliger: • erat signum suspendij, refert enim laqueum collo inuolutum: θ, litera condemnatoria, quin & in castris militem ex cohorte morte diffundum, hæc nota significabat. Quod postremum Isidorus scribit libro i. Etymolog, addens è contrario per T in militiâ significari superstitē, sicut mortuum per θ. Quare Romanis sospitalis litera erat T, quam Tribuni plebis, auctore Valerio Maximo, Senatusconsultis, quorum ipsi aut populus fundus factus erat, subscrivebant. Erat & felix litera apud Hebræos, vt constat ex Ezechielis cap. ix. *Om-nem super quem videbitis Tau, ne occidatis.* De quo videndi, D. Hieronymus in eum locum & in c. lxx. Gretzerus cap. li. de Cruce, Foquelin. ad iv. Satyr. Persij, Brodaus lib. i. & Christianus xui nostri Martialis, qui ita cecinit lib. i. Epigrammatum, pag. 58.

*Infelix multis Theta est; mihi litera felix,*

*Si θάνατον scribit; scribit & illa θείν.*

De aliis præterea absolutionis & condemnationis notis apud Suidam hæc reperio: Μακρά γραμμή ἢ γραμμάς, &c. Longa linea condemnationem, brevis absolutionem significabat. De quibus forte Plautus capiendus, cum longam quamdam literam infelicem vocat; quam alij aiunt esse I, alij L,  
alij

## CAPVT XXII.

*De notis Iudiciariis.*

**I**N grauioribus caussis Iudices non pronuntia-  
bant sententiam de tabulis, sed eam in iis no-  
tabant, teste Afcon. in Diuin. Verrin. Singuli, in-  
quit, Iudices sententiam de tabulâ pronuntiarunt in le-  
uioribus caussis; & ob id neque notâ, neque custode opus  
fuit. Item docet Sigon. lib. II. de Iudic. cap. XXII.  
Prætor Iudicibus tabellus dabat, & vt sententiam ferrent, in  
concilium mittebat. Mittere autem in concilium, erat, ut  
bere illos ad urnas ire, atque in eas, tabellus sententiam con-  
tinentes conicere. Vna verò, siue cistâ, tot fuerunt, quot  
Iudicum ordines qui iudicauerunt: tres quidem cum omnes  
adhibiti sunt; vna Senatorum, altera Equitum, tertia Tri-  
bunorum ærariorum. Tabella verò qua data erant Iudici-  
bus, quarum vnam in urnam mitterent, erant tres: vna ab-  
solutionis, altera condemnationis, tertia ampliacionis; eaq;  
omnes cerata erant. Nota absolutionis fuit A. condemna-  
tionis, C. ampliacionis, N. L. Non liquet.

Igitur hæ tres præcipuæ Iudicium notæ, nam  
Suetonius præter hæc tres tabellas scribit capi-  
te XXXIII. ab Augusto, cum de falso testamento age-  
retur, non tantum damnatoriam & absolutoriam cogno-  
scentibus datam esse; sed tertiam quoque, quâ ignosceba-  
tur iis quos fraude ad signandum vel errore inductos con-  
stitisset. cuius tabellæ nota non potuit fuisse vlla ex  
præcedentibus, sed fuerit fortasse I. id est, Igno-  
sco. Crinitus etiam lib. VI. cap. VI. scribit θ & κ  
fuisse etiam condemnationis notas; nam κ Græ-  
cum, est Latinorum C, significans καταδικάζειν,  
quamquâ Britannicus Perlij commentator scribit  
κ fuisse

x fuisse notam abolitionis, & significasse καλὸν, id est, pulchrum. θ autem significat θάνατον, id est, mortem. vnde Martialis lib. vii. Epig. xxxvi.

*Nesci mortiferum Pratoris Castrice signum,*

*Est opera pretium discere Theta novum.*

& Ausonius in Eunum Epigram. cx.

*Misile doctor, tibi sit obsceno:*

*Tuumque nomen Theta scitilis signet.*

vbi Scaliger: x erat signum suspendij, refert enim laqueum collo inuolutum: θ, litera condemnatoria, quoniam & in castris militem ex cohorte morte disjunctum; hæc nota significabat. Quod postremum Isidorus scribit libro i. Etymolog. addens è contrario per T in militiâ significari superstitē, sicut mortuum per θ. Quare Romanis sospitalis litera erat T, quam Tribuni plebis, auctore Valerio Maximo, Senatusconsultis, quorum ipsi aut populus fundus factus erat, subscribebant. Erat & felix litera apud Hebræos, vt constat ex Ezechielis cap. ix. *Om-nem super quem videbitis Tau, ne occidatis.* De quo videndi, D. Hieronymus in eum locum & in c. lxx. Gretzerus cap. li. de Cruce, Foquelin. ad iv. Satyr. Persij, Brodaus lib. i. & Christianus xui nostri Martialis, qui ita cecinit lib. i. ii. Epigrammatum, pag. 58.

*Infelix multis Theta est; mihi litera felix,*

*Si θάνατον scribit, scribit & illa θείν.*

De aliis præterea abolitionis & condemnationis notis apud Suidam hæc reperio: Μακρὰ γραμμή ἢ κατὰ σκάλα, &c. Longa linea condemnationem, brevis abolitionem significabat. De quibus fortè Plautus capiendus, cum longam quamdam literam infelicem vocat; quam alij aiunt esse I, alij L,  
alij

alij, vt Asconius & Cælius, T. Vt vt sit, absolutionis literam, Cicero pro Milone, vocat *solutarē*; condemnationis verò *tristem*; sicut Liuius, *tristiorē*. Porro pro hisce Iudiciariis literis, alibi calculos, nigrum, condemnationis; album, absolutionis; usurpatos fuisse scribit Aristoteles in Problem. & Ouid. lib. xv. Metamorph.

*Mos erat antiquis, niueis atrisq; lapillis,*

*His damnare reos, illis absolvere culpa.*

Aut fortè cretâ & carbone fiebant notæ; vt apertè Horatius I. I. Serm. Satyrâ I I I.

*Quorsum abeant sani? cretâ an carbone notandi?*

Et Perlius Satyrâ v.

*Quæq; sequenda forent, & qua vitanda vixissim,*

*Ille prius cretâ, mox hac carbone notasti.*

Quâ de re hæc accuratè obseruauit Iunius lib. ii. Animaduers. cap. v. Testulis in urnam coniectis, si sex millium numerum explerent, reus solum vertere cogebatur, quod *ὀστρον* appellabant, &c. Neque illud reticendum est; veteres loco calculorum Iudiciariorum vsos fuisse conchulis marinis, quos *χελύες* vocabant, vt testatur Pollux libro viii. ad quarum modum postea fabricata fuerunt anea, quas *σφύρες* & *σφύροες* nominarunt. Porro Iudicum calculi duplices fuerunt, vt ex Vlpiani Annotationibus in Demosthenem constat; quidam perforati & nigri, qui condemnabant; alij qui absoluebant, albi & integri. Duas verò urnas, priorem mortis, posteriorem misericordiae appellatam annotatur ab Aristophanis Scholiaste in Vespis.



## CAPVT XVIII.

*De notis Censoriis.*

**P**ROVERBIO nobiles sunt Censorum notæ: non solum si per notam, intelligas ignominiam; vt Festus accepit; sed etiam si pro notâ, siglum capias, aut literas singularias. Vnum Liuium testem laudare possum lib. xxxix. cuius verba apertè de notis propriè dictis; cùm omnium ferè aliorum testimonia magis faciant pro notâ μεταφορικῶς significante infamiam. Sic habet Liuius: *Patrum memoriâ institutum fertur, vt Censores motis à Senatu adscriberent notas.* Quamquam & Suetonius satis clarè scribit, Claudium adhuc Censorem, rogatum vt notam alicui appositam deleret; respondisse, *Ita tamen vt maneat litura:* vbi manifestè alludit ad notam à Censore scriptam. Hinc celebrantur Caritum tabulæ vulgari adagio: apud Horatium lib. i. Epist. vi.

———— & Caritæ cerâ

*Digni.* ———

Erant hæ tabulæ, in quas à Censoribus referebantur ij qui fuerant priuati suffragio. Quemadmodum Carites primi quidem fuerant facti Romanorum municipes, sed sine iure suffragandi, vt auctor est Gellius. Extant & apud Græcos moris non absimilis quædam vestigia, cùm nempe improborum nomina ad infamiam in publicis columnis adnotabant; vnde συλοκοπεῖν Hesychio est idem quod infamiâ notare. & apud Athenæum lib. vi. Polemon quidam vocatur συλοκοπᾶς, hoc est, columnæ ad probum inscriptus.

CA-

## CAPVT XIV.

*De notis Suffragatoriis.*

**E**x quo, Consulibus Mario & Flacco, perlata est Lex tabellaria à Luc. Cass. Longino, De suffragiis non voce aut hastarum sonitu, aut *χρυσία*, sed tabellâ ferendis, cœperunt notæ suffragiorum: vt apparet ex Cicer. lib. 111. de Leg. oratione pro Planc. & in Rullum. Erant verò eæ notæ, aut puncta, aut singulæ literæ. Ratio autem suffragandi talis, vt scribunt Turnebus, Tiraquelus, Gruchius, Budæus in post. Adnot. ad Pand. Comitia habebantur in Campo Martio, intra locum tabulis depalatum, quem Septa & Ouilia ab ouilis similitudine vocarunt: Ouid. 1. Fastor. Iuuenal. Satyrâ v. 1. Martialis lib. 1x. Epigr. 1x. Strabo lib. v. Liuius Decad. 111. lib. vi. Plinius lib. xvi. cap. 1v. Suetonius Augusti cap. xlii. Aufonius in Panegy. Tum Rogatores obibant centurias vel tribus ( iam enim curias à Romulo institutâs Rex Seruius in centurias verterat, & Tribuni denique in tribus) rogantes ecquâ singuli tabellam vellent? Erant enim duplicis generis tabellæ; aliis inscribatur A. id est, Antiquo; aliis V.R. Vti rogas. Post hæc, Diribitores diribebant, id est, distribuebant eam tabellam, quam quisque velle se Rogatori respondebat. Deinde suffragatores cum suâ singuli tabellâ ibant per pontes tumultuario opere extructos, in quibus *αὐτὸς νόμος*, hoc est, sitellæ erant positæ, vt Plautus; vel urnulæ seu cistæ, vt loquitur Plinius. His urnulis, coram appposito custode ( ne qua fraus fieret)

ret) singuli tabellam suam iniiciebant. Denique tabellæ simul omnes excernebantur à custodibus, qui ex iis suffragiorum omnium inibant numerum, eumque in tabulâ (ad quam positi dicuntur à Cicerone) punctis adnotabant. Hinc passim apud Latinos scriptores, elegantes & priscæ illæ formulæ: Puncta ferre, Tribum ferre; pro, Habere suffragia.

Quando autem pro candidatis ibatur in suffragia; primam tantum literam è cuiusque cui suffragabantur nomine, in tabulâ adnotabant suffragatores; vt scribit de Comitibus Nicolaus Gruchius.

## CAPV T XXV.

*De notis Tesserariis.*

**T**ESSERAM, inquit Turnebus libro xix. cap. xxvi. à Græco *τέσσερες* dictam puto, id est, quatuor: erant enim tessera olim frustilla lignea quadrata. Idem asserunt Lambinus in Cistellar. Plauti, Brissionius De signif. verb. Cælius Rhodiginus libro xx. cap. xxvii. Alexander lib. iii. cap. xxi. ibidem Tiraquell. Et quidem de materiâ tesserarum lib. xvi. cap. xvi. Plinius: *Tesseris aptissimum ligustrum*. Dio scribit ab Hadriano *tesserulas ligneas sparsas*. à Tito Vespasiano *σφαίρια ξύλινα*, globulos ligneos. Polybius, *ξυλίνους* vocat tesseram militarem, quod Lipsius eleganter *ligellum* vertit.

De formâ verò quadratâ ex vocis etymologiâ constat; quamquam & lusorix tessera, sicut aleæ nostrates, sex lateribus constabant, quo differabant à talo, qui quadrilaterus erat; vt ex Mar-

tiali

tiali Calius & Turnebus admonent. Et subinde rotundas tesseras quasdam quidam fecerunt, ut Dio de Tito, Vespasiano, & Nerone, & Hadriano, & Domitiano.

Fuere autem varii generis tesserae: Militares, Frumentariae, Numariae, Vestibulares, Lusoriae, Variariae, Hospitaliaes.

*Militaris tessera*, auctore Polybio, cuiusque seu *παράσηρον*, tabella erat latacula *αυτογραφή*: inscripta certis notis aut formis, inquit Turnebus libro x i x. cap. xxvi. ) quae sole occurrente a Triumvis accepta, ferebatur ad signorum principes, cuiusque, ad Triumviri tegebatur; unde is omnibus esse *ἐκείνη* signum cognoscebat. Ita Marius pro signo tesserae fuit viatorum Panem Deum, Nero Optimam Matrem, Sylla Apollinem Delphicum, Caesar Venerem genitricem: alij verò verba, aut verius: ut de Claudio Suetonius cap. xlii. qui utebatur illo Homérico:

*Ἀρδ' ἀντιφύλαξ ἐστὶν ἐν οὐρανῷ χαλκήρεα.*

Præter hæc signa, cuique tesserae inscribatur nota Ordinis, verbi gratia: H, Hastatorum, P, Principum, T, Triariorum: quod Livius lib. v. De Militia, ex eo colligit, quod Polybius dicat, semper fuisse ex inscriptione deprehensum, cuius partis seu Ordinis tessera non esset perlata. Plurima verò alia de Militari tessera, quæ huc non spectant, scripsit Godescalcus ad hanc secundum Vegetij, cap. vii.

*Frumentaria tessera*, certo frumenti numero inscripto, gratis dabatur populo. Hoc enim solo disert à stellaturâ, inquit Livius libro secundo, capite ultimo, quæ non gratis, sed vice stipendij dabatur, stellis notata, vade nomen accipit.

pit. De illâ Persius :

— *emeruit scabrosum tessera lã far.*

De hac I ampridius in Alexandro , Spartianus in Pescennio, Iustinian. Leg. Septem diebus. lib. xii. Cod. De erogat. milit. ann.

*Numaria tessera*, symbolum erat, quo ad Quæstorem allato, nummi promissi congiario ( hoc est dono Imperatoris ) reddebantur. Suetonius capite xli. Octau.

*Vestiaria*, cui vestium promissio certis notis erat inscripta. Suetonius de Nerone; & Dio: *Aurum, argentum, variam vestem; hac dabat per symbola quedam & tesseras, &c. & reipsa mox dabatur, quod quisque eorum in tessera haberet.* idem Dio de Tito: *Globulos ligneos iaciebat, qui symbolum haberent; hic alicuius esculenti, ille vestis, &c.*

*Lusoria tessera* ( quas, quia in tabulâ subsiliunt, lepusculos vocat Isidorus lib. xvi. cap. lxi. ) oscilla sunt punctis seu signis notata, quibus binis simul aut ternis in pyrgo seu fritillo luditur. Dixi, binis aut ternis; quia semper paucioribus, quàm talis, vt monet Cicero in Diuinat. & Martialis lib. xiv. epigr. xvi.

*Non sum talorum numero par tessera.* —

Erant autem hæ tesserae sex laterum auctore Cælio lib. xx. cap. xxvi. Habebant enim binarium & quinarium amplius quàm tali; sicut asphalum erat octonum laterum: de quo Alexander Neapolit. lib. iii. cap. xxi. Porro huic ludo tesserarario ( de quorum integrum scripsit Clandius Imp. teste Sueton. ) non absimilis fuit grâmisinus, in quo sexaginta calculi, partem albo, partem nigro notati, per *spatulas*, hoc est lineas, fritilli iaciebatur.

L

Vialis

## CAPVT XXII.

*De notis Iudiciariis.*

**I**N grauioribus caussis Iudices non pronuntiant sententiam de tabulis, sed eam in iis notabant, teste Ascon. in Diuin. Verrin. *Singuli, inquit, Iudices sententiam de tabulâ pronuntiarunt in leuioribus caussis; & ob id neque notâ, neque custode opus fuit.* Item docet Sigon. lib. 11. de Iudic. cap. xxii. *Prator Iudicibus tabellâ dabat, & vt sententiam ferrent, in concilium mittebat. Mittere autem in concilium, erat, iubere illos ad urnas ire, atque in eas, tabellâ sententiam continentes coniicere. Vnâ verò, siue cistâ, tot fuerunt, quot Iudicum ordines qui iudicant: tres quidem cum omnes adhibiti sunt; vnâ Senatorum, altera Equitum, tertia Tribunorum ærariorum. Tabellâ verò quæ data erant Iudicibus, quarum vnâ in urnam mitterent, erant tres: vnâ absolutionis, altera condemnationis, tertia ampliætionis; eaq; omnes ceratæ erant. Nota absolutionis fuit A. condemnationis, C. ampliætionis, N. L. Non liquet.*

Igitur hæ tres præcipuæ Iudicum notæ. nam Suetonius præter hæc tres tabellas scribit capite xxxiii. ab Augusto, cum de falso testamento ageretur, non tantum damnatoriam & absolutoriam cognoscantibus datam esse; sed tertiam quoque, quâ ignoscebatur iis quos fraude ad signandum vel errore inductos constitisset. cuius tabellæ nota non potuit fuisse vlla ex præcedentibus, sed fuerit fortasse I. id est, Ignosco. Crinitus etiam lib. vi. cap. vi. scribit θ & κ fuisse etiam condemnationis notas; nam κ Græcum, est Latinorum C, significans κτάρσις, quamquā Britannicus Perlij commentator scribit  
κ fuisse

• fuisse notam absolutionis, & significasse καλὸν, id est, pulchrum. θ autem significat θάνατον, id est, mortem. vnde Martialis lib. vi. i. Epig. xxxvi.

*Nesci mortiferum Pratoris Castrice signum;*

*Est opera pretium discere Theta novum.*

& Ausonius in Eunum Epigram. c. x. x.

*Misile doctus, tibi sit obscuro;*

*Tuumq; nomen Theta scitilis signet.*

vbi Scaliger: • erat signum suspendij, refert enim laqueum collo inuolutum: θ, litera condemnatoria. quoniam & in castris militem ex cohorte morte disjunctum, hæc nota significabat. Quod postremum Isidorus scribit libro i. Etymolog, addens è contrario per T in militiâ significari superstitē, sicut mortuum per θ. Quare Romanis sospitalis litera erat T, quam Tribuni plebis, auctore Valerio Maximo, Senatusconsultis, quorum ipsi aut populus fundus factus erat, subscribebant. Erat & felix litera apud Hebræos, vt constat ex Ezechielis cap. i. x. *Om-nem super quem videbitis Tau, ne occidatis.* De quo videndi, D. Hieronymus in eum locum & in c. lxx. Gretzerus cap. li. de Cruce, Foquelin. ad iv. Satyr. Persij, Brodaus lib. i. & Christianus xui nostri Martialis, qui ita cecinit lib. i. ii. Epigrammatum, pag. 58.

*Infelix multis Theta est; mihi litera felix,*

*Si θάνατον scribit, scribit & illa θεόν.*

De aliis præterea absolutionis & condemnationis notis apud Suidam hæc reperio: Μακρὰ γραμμή ἢ γράμμα σκιάζον, &c. Longa linea condemnationem, brevis absolutionem significabat. De quibus fortè Plautus capiendus, cum longam quamdam literam infelicem vocat; quam alij aiunt esse I, alij L, alij

alii, vt Afconius & Cælius, T. Vt vt fit, abfolutionis literam, Cicero pro Milone, vocat *ſalutarē*; condemnationis verò *triftem*; ſicut Liuius, *triftiorem*. Porro pro hiſce Iudiciariis literis, alibi calculos, nigrum, condemnationis; album, abſolutionis; viurpatos fuiſſe ſcribit Ariſtoteles in Problem. & Ouid. lib. xv. Metamorph.

*Mos erat antiquis, niueis atrisq; lapillis,*

*His damnare reos, illis abſoluere culpa.*

Aut fortè cretâ & carbone fiebant notæ; vt apertè Horatius I. Serm. Satyrâ I I I.

*Quorſum abeant ſani? cretâ an carbone notandi?*

Et Perſius Satyrâ v.

*Quæq; ſequenda forent, & quæ vitanda vicifſim,*

*Ille prius cretâ, mox hac carbone notaſti.*

Quâ de re hæc accuratè obſeruauit Iunius lib. ii. Animaduerrſ. cap. v. Teſtulis in urnam coniectis, ſi ſex millium numerum explerent, reus ſolum vertere coge-  
batur, quod *ὁς ἐκτίστωρ* appellabant, &c. Neque illud reticen-  
dum eſt; veteres loco calculorum Iudiciariorum uſos fuiſ-  
ſe conchulis marinis, quos *χιτῶνας* vocabant, vt teſtatur Pollux libro viii. ad quarum modum poſtea fabricatae fuerunt anea, quas *σφαιρίδες* & *σφαῖρες* nominarunt. Porro Iudicum calculi duplices fuerunt, vt ex Vlpiani An-  
notationibus in Demoſthenem conſtat; quidam perforati & nigri, qui condemnabant; alij qui abſoluebant, albi & integri. Duas verò urnas, priorem mortis, poſteriorẽ miſericordiæ appellatam annotatur ab Ariſtophanis Scholiaſte in Veſpu.



## CAPVT XVIII.

*De notis Censoriis.*

**P**ROVERBIO nobiles sunt Censorum notæ: non solum si per notam, intelligas ignominiam; vt Festus accepit; sed etiam si pro notâ, singulum capias, aut literas singularias. Vnum Liuium testem laudare possum lib. xxxix. cuius verba apertè de notis propriè dictis; cùm omnium ferè aliorum testimonia magis faciant pro notâ μεταφορικῶς significante infamiam. Sic habet Liuius: *Patrum memoriâ institutum fertur, vt Censores moti à Senatu adscriberent notas.* Quamquam & Suetonius satis clarè scribit, Claudium adhuc Censorem, rogatum vt notam alicui appositam deleret; respondisse, *Ita tamen vt maneat litura:* vbi manifestè alludit ad notam à Censore scriptam. Hinc celebrantur Caritum tabulæ vulgari adagio: apud Horatium lib. i. Epist. vi.

———— & Carite cerâ

*Digni.* ———

Erant ex tabulæ, in quas à Censoribus referebantur ij qui fuerant priuati suffragio. Quemadmodum Carites primi quidem fuerant facti Romanorum municipes, sed sine iure suffragandi, vt auctor est Gellius. Extant & apud Græcos moris non absimilis quædam vestigia, cùm nempe improborum nomina ad infamiam in publicis columnis adnotabant; vnde συλοκοπεῖν Hesychio est idem quod infamiâ notare. & apud Athenæum lib. vi. Polemon quidam vocatur συλοκοπᾶς, hoc est, columnæ ad probum inscriptus.

CA-

## CAPVT XIV.

*De notis Suffragatoriis.*

**E**x quo, Consulibus Mario & Flacco, perlata est Lex tabellaria à Luc. Cass. Longino, De suffragiis non voce aut hastarum sonitu, aut *ἁπορία*, sed tabellâ ferendis, cœperunt notæ suffragiorum: vt apparet ex Cicer. lib. 111. de Leg. oratione pro Planc. & in Rullum. Erant verò eæ notæ, aut puncta, aut singulæ literæ. Ratio autem suffragandi talis, vt scribunt Turnebus, Tiraquelus, Gruchius, Budæus in post. Adnot. ad Pand. Comitia habebantur in Campo Martio, intra locum tabulis depalatum, quem Septa & Ouilia ab ouilis similitudine vocarunt. Ouid. 1. Fastor. Iuuenal. Satyrâ v1. Martialis lib. 1x. Epigr. 1x. Strabo lib. v. Liuius Decad. 111. lib. v1. Plinius lib. xvi. cap. 1v. Suetonius Augusti cap. xli111. Ausonius in Panegy. Tum Rogatores obibant centurias vel tribus ( iam enim curias à Romulo institutas Rex Seruius in centurias verterat, & Tribuni denique in tribus) rogantes ecquâ singuli tabellam vellent? Erant enim duplicis generis tabellæ; aliis inscribatur A. id est, Antiquo; aliis V.R. Vti rogas. Post hæc, Diribitores diribebant, id est, distribuebant eam tabellam, quam quisque velle se Rogatori respondebat. Deinde suffragatores cum suâ singuli tabellâ ibant per pontes tumultuario opere extructos, in quibus *ἁδίστοι*, hoc est, sitellæ erant positæ, vt Plautus; vel urnulæ seu cistæ, vt loquitur Plinius. His urnulis, coram appposito custode ( ne qua fraus fieret)

ret) singuli tabellam suam iniiciebant. Denique tabellæ simul omnes excernebantur à custodibus, qui ex iis suffragiorum omnium inibant numerum, eumque in tabulâ (ad quam positi dicuntur à Cicerone) punctis adnotabant. Hinc passim apud Latinos scriptores, elegantes & priscæ illæ formulæ: Puncta ferre, Tribum ferre; pro, Habere suffragia.

Quando autem pro candidatis ibatur in suffragia; primam tantum literam è cuiusque cui suffragabantur nomine, in tabulâ adnotabant suffragatores; vt scribit de Comitibus Nicolaus Gruchius.

## CAPV T XXV.

*De notis Tesserariis.*

**T**ESSERAM, inquit Turnebus libro xi. cap. xxvi. à Græco τέσσαρες dictam puto, id est, quatuor: erant enim tessera olim frustilla lignea quadrata. Idem asserunt Lambinus in Cistellar. Plauti, Brissonius De signif. verb. Cælius Rhodiginus libro xx. cap. xxvii. Alexander lib. iiii. cap. xxi. ibidem Tiraquell. Et quidem de materiâ tesserarum lib. xvi. cap. xvi. Plinius: *Tesseris aptissimum lignustrum*. Dio scribit ab Hadriano *tesserulas ligneas sparsas*. à Tito Vespasiano σφαίρα ξύλινη, *globulos ligneos*. Polybius, ξυλίνιον vocat tesseram militarem, quod Lipsius eleganter *ligellum* vertit.

De formâ verò quadratâ ex vocis etymologiâ constat; quamquam & lusorix tessera, sicut alex nostrates, sex lateribus constabant, quo differebant à talo, qui quadrilaterus erat; vt ex Marciali

tiali Calius & Turnebus admonent. Et subinde rotundas tesseras quasdam quidam fecerunt, vt Dio de Tito, Vespasiano, & Nerone, & Hadriano, & Domitiano.

Fuere autem varij generis tesserae: Militares, Frumentariae, Numariae, Vestiariae, Luforiae, Viariae, Hospitales.

*Militaris tessera*, auctore Polybio, σῶμα seu πᾶσις, tabella erat latiuscula inscripta ( inusta certis notis aut formis, inquit Turnebus libro x i x. cap. xxvi. ) quae sole occiduo à Tribuno accepta, ferebatur ad signorum principes, rursusq; ad Tribunum redibat; vnde is omnibus esse datum signum cognoscebat. Ita Marius pro signo tesserae suae vsurpauit Panem Deum, Nero Optimam Matrem, Sylla Apollinem Delphicum, Caesar Venerem genitricem: alij verò verba, aut versus; vt de Claudio Suetonius cap. xlii. qui utebatur illo Homérico :

Ἀνδ' ἀπαμύνασθ' ὅτε τις παρ' ἐπεὶ χαλκίῳ.

Præter hæc signa, cuique tesserae inscribatur nota Ordinis, verbi gratiâ: H, Hastatorû, P, Principum, T, Triariorum: quod Lipsius lib. v. De Militiâ, ex eo colligit, quòd Polybius dicat, semper fuisse ex inscriptione deprehensum, cuius partis seu Ordinis tessera non esset perlata. Plurima verò alia de Militari tessera, quæ huc non spectant, scripsit Godescalcus ad librum secundum Vegetij, cap. vii.

*Frumentaria tessera*, certo frumenti numero inscripto, gratis dabatur populo. hoc enim solum differt à stellaturâ, inquit Lazius libro secundo, capite ultimo, quæ non gratis, sed vice stipendij dabatur, stellis notata, vnde nomen accepit.

; pit.

pit. De illâ Perſius :

— *emeruit ſcabroſum teſſerulâ far.*

De hac I ampridius in Alexandro , Spartianus in Peſcennio, Iuſtinian. Leg. Septem diebus. lib. xii. Cod. De erogat. milit. ann.

*Numaria teſſera*, ſymbolum erat, quo ad Quæſtorem allato, nummi promiſſi congiario ( hoc eſt dono Imperatoris ) reddebantur. Suetonius capite xli. Octau.

*Veſtiaria*, cui veſtium promiſſio cærtis notis erat inſcripta. Suetonius de Nerone, & Dio : *Aurum, argentum, variam veſtem ; hac dabat per ſymbole quedam & teſſeras, &c. & reipsâ mox dabatur, quod quiſque eorum in teſſerâ haberet.* idem Dio de Tito : *Globulos ligneos iaciebat, qui ſymbolum haberent ; hic alicuius eſculenti, ille veſtis, &c.*

*Luforia teſſera* ( quas, quia in tabulâ ſubſiliunt, lepuſculos vocat Iſidorus lib. xvi. cap. lxi. ) oſcilla ſunt punctis ſeu ſignis notata, quibus binis ſimul aut ternis in pyrgo ſeu fritillo luditur. Dixi, binis aut ternis ; quia ſemper paucioribus, quàm talis, vt monet Cicero in Diuinat. & Martialis lib. xiv. epigr. xvi.

*Non ſum talorum numero par teſſera.* —

Erant autem hæ teſſeræ ſex laterum auctore Caio lib. xx. cap. xxvii. Habebant enim binarium & quinarium ampliùs quàm tali ; ſicut aſphalum erat octonũ laterum : de quo Alexander Neapolit. lib. iii. cap. xxi. Porro huic ludo teſſerario ( de quo ſuperius integrũ ſcripſit Clandius Imp. teſte Sueton. ) non abſimilis fuit grâmiſinus, in quo ſexaginta calculi, partem albo, partẽ nigro notati, per ſpaciũ, hoc eſt lineas, fritilli iaciebãtur.

L

Vialis

*Vialis tessera* ( vt eam Lipsius appellat lib. v. *De Milit.* ) quâ iubebantur adornare itinera. Ammianus lib. xxi. *Per tesseram edicto itinere.* & lib. xxi i i. *Missâ per Prouinciales numeros expeditionali tessera, cunctos transire iussit Euphratem.* Silius de Asdrubale :

———— *tacitum dat tessera signum;*

*Dimissâ in colles pugnâ siluasq, ferantur*

*Dispersi.* ———

*Hospitalis tessera.* quâ ostensâ tamquam veteres hospites & amici, in maiorum suorum hospitia posteri accipiebantur, vt definit Stuckius lib. i. *Conuiual.* De hac Plautus in *Pœnulo* :

*Deum hospitalem ac tesseram mecum sero.*

*Hac mihi hospitalis tessera cum illo fuit.*

*Ergo hîc apud me hospitium tibi præbebitur.*

quæ eadem ab eodem, & ab interprete Lactantij vocatur *fidei tessera*: à Tertulliano verò *contesseratio hospitalitatis*, lib. *De Præscript.* cap. x x. eratque signum, vt Baronius docet Tomo i. *Annal.* quo Christiani instructi passim ab aliis Christianis hospitio accipiebantur; quod cùm hæretici per fraudem imitarentur, sæpè nouis formis & notis mutatum fuit; ac tandem literis commissum, quæ à Patribus Concil. Nicæni, vt docuimus suprà, vocatæ sunt literæ *Formatæ*. Vide Zasium in *Leg. i i. ff. De Orig. Iur.* & Budæum *Leg. Sed etli. ff. De Iudic.*

## C A P V T X X V I.

### *De notis Sortiariis.*

**S**ORTIIVM notæ, eruditæ non sunt ignotæ. Accuratissimè de iis egit Martinus Antonius Del

Del Rio noster, qui vniuersim earum vsum ait fuisse vel ad diuinandum, vel ad diuidendum. Sed meliùs Lessius noster lib. 11. de Iust. cap. 43. Dub. 1 x. addit etiam, ad consulendum. Sunt igitur triplicis generis sortes; Diuinatoriæ, Diuitoriæ, Consultoriæ. Quid sint sortes, quales, è quâ materiâ, describit Lipsius lib. 11. Elect. cap. xii. *Sortes, taleola, aut surculi è ligno fuere, non grandes, quibus litera inscripta siue nota.* Benè de ligno & notis. ita enim Cicero 11. De Diuin. *Perfracto saxo sortes erupisse, in robore insculptas priscarum literarum notas.* & Plautus Casin.

*Num ista aut populina fors aut abiogna est tua?*

A ligno autem, quod Græcè *κάλον*, fors dicta est Græcis *καλὴ*, vt ea voce vsus est Homerus Iliados v 11. ait Iunius lib. 11. Animaduers. cap. v. A notis, fors dicta *χαμματαῖον* apud Plutarchum in Fabio, inquit Cælius lib. xxi 1. cap. xv 11. Vt autem dicam de singulis. Diuinatoriæ, inquit Lessius loco citato, quibus inquisitio fit de rebus futuris. Diuitoriæ, quibus quæritur quid cuique tribuendum, siue illud sit res possessa, siue honor, siue pœna. Consultoriæ, quibus inquiritur Diuinum consilium. Alius cuiusdam generis sortium quoad materiam meminit Tacitus lib. De moribus German. *Virgam, inquit, fructifera arbori decisam, in surculos amputant, eosq; notis quibusdam discretos super candidam vestem temerè ac fortuitò spargunt. Mox paterfamilias aut sacerdos precatu deos, calumq; suspiciens, ter singulos tollit; sublato secundum impressam notam interpretatur, &c.* Fiunt hæc per *παρόμηναι*, inquit Del Rio. spectant autem vel ad diuinatoriam, vel ad consultoriam.

Huic artificio affinis est ἀλεκτρομαγνητα, quâ certum aliquem locum in quatuor partes æquales describunt, & partibus singulis singulas inscribunt literas; literis singula imponunt grana; tum observant quo literarû ordine gallinaceus oscen introductus grana depascatur. Ita Valens Imperator cûm de suo successore quæreret, quia gallinaceus depastus erat grana notata literis Θ.Ε.Ο.Δ. occidi iussit omnes Theodoros, Theodulos, Theodatos: successit tamen illi Theodosius magnus, auctore Zonarâ Tomo 3. Sed hanc pullariam diuinationem non esse ἀλεκτρομαγνητα, ut putauit Zonaras, eruditè ex Ammiano ostendit Del Rio, quò Lectorem remitto.

Hucusque de notis sortium Diuinatoriarum. *Diuisoria autem sorte*, inquit Del Rio, *Romani olim in Iudiciis legendis, prouinciisq; sortiendis utebantur, nec non in familiâ herciscundâ, in militariis aliisque negotiis.* quam ipsi rationem ab Atheniensibus accepere, ut ex Asconio Sigon. lib. 11. de Iudic. cap. x11. docet, ubi iam olim in Areopago coniectis in urnam variis literis sortiebantur, testibus Luciano, Demosthene, Scholiaste Aristophanis, Cælio libro xx11. cap. xv11. & Sigon. lib. 111. De Repub. Atheniensium. Neq; verò Iudices tantum, sed & athletæ quoque suos aduersarios literariâ fortitione constituebant, ut scribit idem Lucianus. quod & Syracusanos fecisse, in iis sortiendis qui concionem essent habituri ex Plutarchi Problem. docet Cælius lib. xx11. cap. xv11. Indeque Dionysium, cûm fortè literam μ esset sortitus, acri scommate vocatum μωρολογον, retorsisse; Monarcha ero.

Qui



Qui autem plura volet de variâ gentium fortitione per literas , legat Adrianum Iunium libro 11. Animaduers. cap. v.

Denique Consultoriæ sortes , quibus consilium exquiritur, vsui sunt subinde sine peccato etiam inter Christianos. quando, verbi gratiâ, queritur in militiâ, cuius nationis miles primus facturus sit impressionem : item tempore pestis, quis Sacerdos mansurus sit inter pestiferos, vt faciendum esse scribit diuus Augustinus epistolâ CLXXX.

## CAPVT XXVII.

*De notis Grammaticorum.*

GRAMMATICORVM notas vniuersim appello accentus, seu *περσφδίας*, notas item sententiarum, quas Græci *σημας ἡ δέσεις*, Latini *posituras*, quia punctis positis adnotantur, appellant; auctore Isidoro lib. 1. cap. XIX. De his Nicanor Grammaticus librum scripsit, ideoque dictus *σηματίας*; auctore Eustathio. Scripsit & Diomedes diligenter libro secundo maximè de notis distinctionum, de quibus accuratè quoque I. Lipsius epistolâ ad Hubertum Audeiantium : omnium verò absolutissimè vir clarissimus Erycius Puteanus in Faculâ, vt appellat, Distinctionum ; quam ego non ab alio quàm illo sole eram speraturus. Omnem autem distinctionem notis factam, Græci vocant *διάστιξιν* seu *διαστολήν* : & *κατασίζω*, notis distinguo, in Epist. Basilij ad Notarium suum : *ἀστικτον χαρίων*, ager non notatus cippo, apud Pollucem.

Prima seu minima distinctio est Comma, quod Incisum vocant, cuius hæc nota, . sequitur distinctio paullo maior, Hypocolon, cuius hæc figura ; . deinde Colon, quod membrum quoddam est sententiæ, & gemino puncto signatur. postremo Punctum, quo ipsa Periodus definitur.

Alia verò olim interpungendi ratio: vno enim puncto variè collocato, omnes distinctiones notabant. Ita Diomedes lib. 11. & Donatus Grammatic. cuius postremi hæc verba: *Distinctio est, ubi finitur plena sententia: huius punctum ad summam litteram ponimus. Subdistinctio est, ubi non multum superest de sententiâ: huius punctum ad imam litteram ponimus. Media est, ubi ferè tantum de sententiâ superest, quantum iam diximus, cum tamen respirandum sit: huius punctum ad mediam litteram ponimus.*

Porro neque ea interpungendi lex omnino vetus est. constat enim veteres singulas voces punctis utrimque includere solitos, neque ullam habere distinctionem aliam. ergo diuinari hoc potest; nam qui sciuerit, quando ea consuetudo inuecta, neminem scio. Cassiodorus ait, *id acceptum à maioribus.* magna lux à Cassiodoro! quibus maioribus? Hic omnes Daui sumus.

*Parenthesis*, signum est interpositionis; huiusmodi ( )

*Tēdr*, signum coniunctionis in vocibus compositis, quando proxima manet immutata, ut, *semper-florentis* apud Lucretium. scribunt autem & Hebræi eodem modo hanc notulam, & *qēz* Maccaph vocant.

*Αποσποφς*, nota deficientis alicuius litteræ, ut, *viden'.*

*Diasta-*

*Diastasis*, Signum diuisionis cùm verbi alicuius pars vna in extremâ lineâ, altera initio alterius versus rescribitur, vt

*homines*. quem morem Augustus repudiauit, qui reliquum quod supererat verbi, malebat parti scriptę in extremâ lineâ subscribere, narrante Suetonio, quàm alterius versus initio perscribere, cap. lxxxv i i. *Notauit & in chirographo eius illa præcipue; non diuidit verba, nec ab extremâ parte versusum abundantes literas in alterum transfert, sed ibidem statim subiicit, circumducitque.*

*Diarefis*, nota diuisionis literę aut syllabę, vt *Aulai*, *Poëta*.

*Accentus*, seu *νεγοσδίας*, veteres docti, notas vocum, fastigia, cacumina, voculationes, moderamenta vocabant, ait Gellius lib. xiiii. cap. vi. Inuenit eos in Græciâ Pherecydes Pythagorę magister, auctore Laërtio. Nam ante Pythagoram Græcis ignotę fuere hæ notę, vt ex priscis marmoribus probat Gyraldus Dialog. i. de Poëtis. Neque iam ita Latinis vsurpantur ac Græcis; quamquam priscis Latinis fuere vsitatissima, vt notauit Scaliger Iulius lib. i. i. De causs. ling. Latin. cap. lxi i. ex Quinctiliano. Apud Hebręos verò, accentus quos ipsi Masoreth appellant, multò quàm apud Græcos & Latinos recentiores sunt. Falsum enim est, puncta seu accentus à Moysè vnà cum Lege Hebręis esse tradita, quando constat ea ferè quingentis annis post Christum à Tiberitis in Morsia Paphlagoniæ (quos nunc Thalmudistas & Masorethas vocamus) esse excogitata, vt demonstrant Caninius in Grammat. Syriacâ, Elias Leuites in Præfatione lib. Masoreth, Munsterus in

pro aspirationis notâ acceperunt à Græcis. Hebræi his non indigent, quod eorum voces suos secum spiritus adferant.

Sunt præterea metricæ quædam notæ, syllabarum quantitatibus signandis apponi consuetæ. Ita longæ syllabæ symbolum est -. Breuis syllabæ nota o, quæ quidem debebat esse linea recta, sed altero tanto breuior prior: verum ne inter scribendum error excurrentis manus falleret; eò ventum est, vt notula quæ circumflexo accentu aduersatur, aduersam quoque ei figuram haberet, vt argutè obseruat Scaliger. Prior nota *καρὸς*, altera *βραχὺς* dicitur Isidoro. qui illud etiam habet de notulâ Sicilico, quod non faciliè apud alium inuenias, lib. 1. Origin. cap. xxv 1. *Vbi litteræ consonantes geminabantur, Sicilicum superponebant: vt sel'a, ser'a, as'eres; pro sella, serra, asseres. Veteres enim non duplicabant litteras, sed suprà Sicilicos apponebant. Dictus autem Sicilicus, quia in Sicilia inuentus est.* Rectius tamen à siciliendo, id est secando, inquit eruditissimus Puteanus.

Nec prætereunda sunt Platonis notæ, de quibus Scholiastes Aristophan. Hortibonus, aliàs Casaubonus, in Notis Laërtij, Sixtus Senens. libro 111. Bibliotheco. Pythæus lib. 11. Aduers. cap. 111. quas Isidorus vocat *notas sententiarum*, & appositis figuris recenset singulas his nominibus, lib. 1. cap. xx. Asteriscus, Obelus, Limniscus, Antigrahus, Paragraphus, Positura, Cryphia, Antiligma, Diple octuplex, Versa, Ceraunion, *κρίσιμον*, vel vt Hortibonus scribit *χρήσιμον*; Phi & Rho, anchora duplicis generis, *καρῶνις*, *ἄλωρον*. Illud autem de obelo obseruandum; eius

notam solitam vocari Culpam; sicut ei contraria dicebatur Laus, De quâ vtraque Horatius epist. ad Pisones:

—— vitæ denique culpam,

*Non laudem merui.* ——

Et Aufonius in ludo septem Sapient. ad Drepan. Pacatum:

*Possum ego censuram lectoris ferre seueri,*

*Et possum modicâ laude placere mihi.*

*Pone obelos igitur spuriorum stigmata Vatum,*

*Palmas non culpas esse putabo meas.*

Quæ fuerit nota culpæ, præter θ, & obelum —— non reperio. De θ autem extra militiam, etiam in Grammaticorum castris vsurpato, Persius testis est:

*Et potis es nigrum vitio præfigere Theta.*

Et Sidonius Apollinaris in Hendecasyllab. ad Felicem:

*Isti qui valet exarationi*

*Districtum bonus applicare θ̄ta*

*Novi, sed benè non refello culpam.*

Vnde in Prouerbiū abiēre; ὁ ἐλίζων Ciceroni vsurpatum; obelo, vngue, censoriâ virgulâ notare apud D. Hieronymum & Quinctilianum: Aristarchum agere apud Ciceronem, qui sic Atticum compellat; quod is sua scripta quæ ei non probabantur miniatulâ cerâ notaret; epistolâ x v i. ad Atticum.

De laudis verò notâ, obseruatio est Scaligeri in Varronem De re Rusticâ: *Pauimenta q̄, L faciunt.* L inquit, nota est quam olim solebant inferere ad designandum locum laudabilem; quod patet ex Commentario, vbi L L exponitur *Locus Laudabilis.*

Plura

Plura de similibus vide apud Wouuuerium in Polymath. & Robertum Titium lib. x. cap. xiv. Erant enim olim Grammatici plerique proiectissimæ audaciæ, vt impunè in omnium scripta obelis suis & asteriscis velut ferro grassarentur, sicut Cresconius ille allatrator Augustini. in quos facetissimi sunt hi versus Herodici Babylonij apud Athen. lib. v. sub finem :

*Aufugite Aristarchij per maris spatiosa terga,  
E Graciã, flauis ceruorum hinnulis pauidiores,  
In' angulis murmurantes bombyces ; monosyllabi,  
quibus cura est  
Σειν & σιωπην an dicatur, altercari, & πιναν νιν?  
Hoc vos numquam non torqueat, ô morosi ac tempestuosi.*

## CAP. V T XXVIII.

*De notis Arithmeticis.*

**P**RISCÆ numerorum notæ non iniucundam habent narrationem, adeoque huc pertinentem; etenim cùm apud Latinos, tum apud Græcos & Hebræos, literæ etiam singulariæ numeros significarunt, vt Gyraldus Dialcg. i. Poët. & Petrus Gregorius lib. xv. Artis mirab. cap. i. & Matth. Hostius De Numeris. Ac Hebræi quidem & Græci, librorum numerum præfixis literis censent. Librum Α primum, Librum Β secundum vocant, &c. Atque hinc apud Homerum versus ἰσόληροι. De quibus ita Muretus l. xiv. Variar. cap. xiii. Cùm literæ Græcorum etiam ad numeros significandos adhibeantur, quorum versuum omnes literæ pro numeris acceptæ, eundem

dein numerum efficerent ac constituerent, eos  
versus *ισόλητοι* vocabant. Sunt autem *ισόλητοι* pla-  
nè nomina: *δυνατότης* & *λειμὸς*, vt è subiectâ de-  
scriptione perspicui potest.

|       |      |       |      |
|-------|------|-------|------|
| Δ     | 4.   |       |      |
| α     | 1.   |       |      |
| μ     | 40.  |       |      |
| α     | 1.   | λ     | 30.  |
| γ     | 3.   | ς     | 70.  |
| ο     | 70.  | ι     | 10.  |
| ρ     | 100. | μ     | 40.  |
| α     | 1.   | ο     | 70.  |
| ς     | 200. | ς     | 200. |
| <hr/> |      | <hr/> |      |
| 420.  |      | 420.  |      |

Apud Hebræos quoque obseruauit Rabbini  
Esther & Susanna Grammatica nomina esse *יסי-*  
*לפא*.

|       |      |       |      |
|-------|------|-------|------|
|       |      | ש     | 300. |
| נ     | 1.   | י     | 6.   |
| ו     | 60.  | ש     | 300. |
| ל     | 400. | נ     | 50.  |
| י     | 200. | ה     | 5.   |
| <hr/> |      | <hr/> |      |
| 661.  |      | 661.  |      |

Huius vtriusque loci admonuit me pro insigni  
suâ in me beneuolentiâ Pater Otho Zylus è So-  
cietate nostrâ, cùm autographum huius libelli  
ei legendum dedissem.

Latini verò vnitatem literâ I notabant; quo-  
niam (inquit ex Prisciano & Valerio Probo Sca-  
liger lib. 1. ling. Latin. cap. xli.) minimo spatio  
esset

esset virgula, sicut vnitas nullo: ac repetebant sanè vnitates vsque ad quinque, I I I I. Quinarium scribebant per V. non propterea quòd ea nota dimidium esset X, quo denarium designarent; neque idcirco, quia olim scripserant Q V, & postea Q sustulissent; sed quoniam esset quinta vocalis; cum quâ repetitis atque apposis vnitatibus, ducebantur ad numerû denarium; quem idcirco X literâ notauere, quia in vulgari ordine Alphabeti statim post V subsequitur. quo consilio etiam, Centenarium numerum cùm statuisent per C; sequenti elemento scilicet D, quingenarium deponere. vel quia proximè post C, sequitur D, inquit Probus; vel, vt aliis placet, quia inter hanc & M, quod mille significat, quinque literæ intercedunt, quæ dimidium millenarij innuant. vel, quod magis placet, quia sit capitalis litera huius nominis, Dimidium. quod dimidium Millenarij significet; vel potius quia antiqui hunc numerum per sinistram partem literæ M, sic notarent, Λ, quæ nota pænè similis est D. Ratio autem Centenarij à primâ literâ ipsius nominis accepta fuit, sicut & Millenarij per M. Quingenarij verò notam non à nomine, sed à Græcorum instituto excogitarunt; nam cùm illi per N pingerent quinquaginta, prisci Latini qui huius elementi loco ponerent identidem L, vt Lymphæ, pro Nymphæ, in hunc quoque vsum L pro N substituere. Verùm hæc omnia displicent Matthæo Hosto, qui lib. De num. cap. v. longè hæc aliter explicat, neque sanè ineruditè: sed non lubet hîc adscribere, ne sim longior.

Quidquid hac de re sit, Romani ante vsum horum-



horumce numerorum annos Consulares notabant clavis fixis; sicut & Volsci in templo Nortia deæ Hetruscæ, ut Plinius scribit lib. vii. c. xi. *Annales*, inquit, *antè in clavis fuerunt, & per numerum clauorum fixorum fuerunt anni numerati, quòd ræra litera eo tempore fuissent, idcircoq; clauum ex Lege vetustâ fugebat Prætor Maximus; dehinc à Consulibus ad Dictatorem, &c.* De quo ritu vide VVouuerium in Petron. Notis, Rosinum, Alexandrum, Cælium.

At verò Barbaricæ Arithmeticonum notæ, quibus hodieque utimur, ante trecentos annos tantum ad nos venere ab Arabibus, inquit Scaliger in Explicat. numi Constantini. Hispani primum eas accepere à Mauris: Latini deinde omnes ab Hispanis. Fertur autem priscorum numerorum inuentor primus Theut, seu Theutates, auctore Plinio. Zifra autem vocantur ab Hebræo Zepher, quod est scribo, sicut Cariat-Zepher, hoc est, ciuitas literarum, in Scripturâ sacrâ, quòd ibi literarum studia flourerent.

Iam finem facio dicendi de notis; nam quæ de Astronomiæ signis dici possent, pauca sunt, sicut & de notis ponderum & mensurarum, de quibus partem Probus, partem Pet. Diaconus, partem Isidorus scripserunt. Digitorum autem notæ (de quibus Tractatulum conscripsit Beda) quia non scriptione, sed gestu exprimuntur, non faciunt meo instituto. Spero interim neminem mihi succensurum, quòd tam minutis reculis tantum impenderim scriptionis; quando & Isidori & Bedæ, aliorumque eruditorum hominum me defendit exemplum; & multa, nisi fallor, dicta sunt, quæ parum antè obseruata.

C A-

## CAPVT XXIX.

*An literis, notis, & numeris arcana  
aliqua insit vis.*

**D**VPLICEM literis, notis, & numeris inesse vim nemo negare potest; vim nempe significandi, & vim obligandi; quæ vtraque moralis quædam vis est, communi hominum arbitrâtu atque consensu iis attributa. De hac non ambigimus: de vi quadam physicâ atque arcanâ nobis quæstio est; qualem tribuere literis & notis ij videntur, qui Notariam exercent, quæ ars Magica censetur à quibusdam, apud D. Thomam, & Antonium Del Rio. Illi item qui phylacteriis quibusdam & schediasmatis, veluti amuletis, tutos se præstant à vulneribus & globis tormentorum. Ac sanè in Magiâ variæ sunt diuinandi artes per mysteria quædam literarum.

Est *ὀνομαντία* per quam futura exquirunt ex nomine consulentis; illius nempe literis veluti anagrammatismo quodam variè collocatis. Atque ita Philostratus lib. i v. narrat Romæ puellam quamdam mortuam, ab Apollonio suscitaram per *σοι χειρομαντίαν*, quam Cocles cap. i. de Sortileg. rectè Literomantiam vocat.

Est & *λεθμαντία*, quâ Græci valorem literarum expendentès diuinant de illius victoriâ, cuius nomen maiores habet numeros; quâ item Chaldæi Alphabetum diuidentes in tres decades, singulas literas planetis singulis assignant. Cui affine est illud commentum diuinandi ex literis paginæ alicuius in libro quopiam fortuitè aperta; quo

pro aspirationis notâ acceperunt à Græcis. Hebræi his non indigent, quod eorum voces suos secum spiritus adferant.

Sunt præterea metricæ quædam notæ, syllabarum quantitatibus signandis apponi consuetæ. Ita longæ syllabæ symbolum est -. Brevis syllabæ nota o, quæ quidem debebat esse linea recta, sed altero tanto breuior priore: verum ne inter scribendum error excurrentis manus falleret; eò ventum est, vt notula quæ circumflexo accentu aduersatur, aduersam quoque ei figuram haberet, vt argutè obseruat Scaliger. Prior nota *καρὸς*, altera *βραχυς* dicitur Isidoro. qui illud etiam habet de notulâ Sicilico, quod non faciliè apud alium inuenias, lib. 1. Origin. cap. xxv 1. *Vbi litteræ consonantes geminabantur, Sicilicum superponebant: vt sel'a, ser'a, as'eres; pro sella, serra, asseres. Veteres enim non duplicabant litteras, sed suprà Sicilicos apponebant. Dictus autem Sicilicus, quia in Sicilia inuentus est.* Rectiùs tamen à siciliendo, id est secando, inquit eruditissimus Puteanus.

Nec prætereunda sunt Platonis notæ, de quibus Scholiastes Aristophan. Hortibonus, aliàs Casaubonus, in Notis Laërtij, Sixtus Senens. libro 111. Bibliotheco. Pythæus lib. 11. Aduers. cap. 111. quas Isidorus vocat *notas sententiarum*, & appositis figuris recenset singulas his nominibus, lib. 1. cap. xx. Asteriscus, Obelus, Limniscus, Antigrahus, Paragraphus, Positura, Cryphia, Antiligma, Diple octuplex, Versa, Ceraunion, *κρίσιμον*, vel vt Hortibonus scribit *κρήσιμον*; Phi & Rho, anchora duplicis generis, *καρᾶνις*, *ἄλογον*. Illud autem de obelo obseruandum; eius

notam solitam vocari Culpam; sicut ei contraria dicebatur Laus. De quâ vtraque Horatius epist. ad Pisones:

— vitæ denique culpam,

*Non laudem merui.* —

Et Aufonius in ludo septem Sapient. ad Drepan. Pacatum:

*Possū ego censuram lectoris ferre seueri,*

*Et possū modicâ laude placere mihi.*

*Pone obelos igitur spuriorum stigmata Vatum,*

*Palmas non culpas esse putabo meas.*

Quæ fuerit nota culpæ, præter θ, & obelum — non reperio. De θ autem extra militiam, etiam in Grammaticorum castris vsurpato, Persius testis est:

*Et potius es nigrum vitio præfigere Theta.*

Et Sidonius Apollinaris in Hendecasyllab. ad Felicem:

*Isti qui valet exarationi*

*Distictum bonus applicare θ̄ta*

*Novi, sed benè non refello culpam.*

Vnde in Prouerbiū abiēre; ὁσελίζεν Ciceroni vsurpato; obelo, vngue, censoriâ virgulâ notare apud D. Hieronymum & Quinctilianum: Aristarchum agere apud Ciceronem, qui sic Atticum compellat; quod is sua scripta quæ ei non probabantur miniatulâ cerâ notaret; epistolâ x v i. ad Atticum.

De laudis verò notâ, obseruatio est Scaligeri in Varronem De re Rusticâ: *Pauimenta q̄ L faciunt.* L inquit, nota est quam olim solebant inferere ad designandum locum laudabilem; quod patet ex Commentario, vbi L L exponitur *Locus Laudabilis.*

Plura

Plura de similibus vide apud Wouuuerium in Polymath. & Robertum Titium lib.x. cap. xiv. Erant enim olim Grammatici plerique proiectissimæ audaciæ, vt impunè in omnium scripta obelis suis & asteriscis velut ferro grassarentur, sicut Cresconius ille allatrator Augustini. in quos facetissimi sunt hi versus Herodici Babylonij apud Athen. lib.v. sub finem :

*Aufugite Aristarchij per maris spatiosa terga,  
E Graciâ, flauis ceruorum hinnulis pauidiores,  
In' angulis murmurantes bombyces ; monosyllabi,  
quibus cura est  
Σὸν & σὸδὸν an dicatur, altercari, & πὺρ ἀν' ὕδρ  
Hoc vos numquam non torqueat, ô morosi ac tempestuosi.*

## CAP.VT XXVIII.

*De notis Arithmeticis.*

**P**RISCÆ numerorum notæ non iniucundam habent narrationem, adeoque huc pertinentem; etenim cùm apud Latinos, tum apud Græcos & Hebræos, literæ etiam singulariæ numeros significarunt, vt Gyraldus Dialog. i. Poët. & Petrus Gregorius lib. xv. Artis mirab. cap. i. & Matth. Hostius De Numeris. Ac Hebræi quidem & Græci, librorum numerum præfixis literis censent. Librum Α primum, Librum Β secundum vocant, &c. Atque hinc apud Homerum versus ἰσὶ φησὶ. De quibus ita Muretus l.xiv. Variar. cap. xiii. Cùm literæ Græcorum etiam ad numeros significandos adhibeantur, quorum versuum omnes literæ pro numeris acceptæ, eundem

dem numerum efficerent ac constituerent, eos  
versus *ισολέως* vocabant. Sunt autem *ισολέως* pla-  
nè nomina: *δισμαγόρος* & *λειμὸς*, vt è subiectâ de-  
scriptione perspici potest.

|       |      |       |      |
|-------|------|-------|------|
| Δ     | 4.   |       |      |
| α     | 1.   |       |      |
| μ     | 40.  |       |      |
| ε     | 1.   | λ     | 30.  |
| γ     | 3.   | ς     | 70.  |
| ο     | 70.  | ι     | 10.  |
| ρ     | 100. | μ     | 40.  |
| κ     | 1.   | θ     | 70.  |
| ς     | 200. | ς     | 200. |
| <hr/> |      | <hr/> |      |
| 420.  |      | 420.  |      |

Apud Hebræos quoque obseruarunt Rabbinī  
Esther & Susanna Grammatica nomina esse *ισο-*  
*λέως*.

|       |      |       |      |
|-------|------|-------|------|
|       |      | ש     | 300. |
| נ     | 1.   | י     | 6.   |
| ו     | 60.  | ש     | 300. |
| מ     | 400. | ז     | 50.  |
| ל     | 200. | ה     | 5.   |
| <hr/> |      | <hr/> |      |
| 661.  |      | 661.  |      |

Huius vtriusque loci admonuit me pro insigni  
suâ in me beneuolentiâ Pater Ortho Zylus è So-  
cietate nostrâ, cùm autographum huius libelli  
ei legendum dedissem.

Latini verò vnitatem literâ I notabant; quo-  
niam (inquit ex Prisciano & Valerio Probo Sca-  
liger lib. 1. ling. Latin. cap. xli.) ininimo spatio  
esset

esset virgula, sicut vnitas nullo: ac repetebant sanè vnitates vsque ad quinque, IIII. Quinarium scribebant per V. non propterea quòd ea nota dimidium esset X, quo denarium designarent; neque idcirco, quia olim scripserant QV, & postea Q sustulissent; sed quoniam esset quinta vocalis; cum quâ repetitis atque apposis vnitatibus, ducebantur ad numerû denarium; quem idcirco X literâ notauère, quia in vulgari ordine Alphabeti statim post V subsequitur. quo consilio etiam, Centenarium numerum cùm statuisent per C; sequenti elemento scilicet D, quingenarium deposuère. vel quia proximè post C, sequitur D, inquit Probus; vel, vt aliis placet, quia inter hanc & M, quod mille significat, quinque literæ intercedunt, quæ dimidium millenarij innuant. vel, quod magis placet, quia sit capitalis litera huius nominis, Dimidium. quod dimidium Millenarij significet; vel potius quia antiqui hunc numerum per sinistram partem literæ M, sic notarent, Λ, quæ nota pænè similis est D. Ratio autem Centenarij à primâ literâ ipsius nominis accepta fuit, sicut & Millenarij per M. Quingenarij verò notam non à nomine, sed à Græcorum instituto excogitarunt; nam cùm illi per N pingerent quinquaginta, prisci Latini qui huius elementi loco ponerent identidem L, vt Lymphæ, pro Nymphæ, in hunc quoque vsum L pro N substituère. Verùm hæc omnia displicent Matthæo Hosto, qui lib. De num. cap. v. longè hæc aliter explicat, neque sanè ineruditè: sed non lubet hîc adscribere, ne sim longior.

Quidquid hac de re sit, Romani ante vsum  
horum-

## CAPVT XXIX.

*An literis, notis, & numeris arcana  
aliqua insit vis.*

**D**VPLICEM literis, notis, & numeris inesse vim nemo negare potest; vim nempe significandi, & vim obligandi; quæ vtraque moralis quædam vis est, communi hominum arbitrato atque consensu iis attributa. De hac non ambigimus: de vi quadam physicâ atque arcanâ nobis quæstio est; qualem tribuere literis & notis ij videntur, qui Notariam exercent, quæ ars Magica censetur à quibusdam, apud D. Thomam, & Antonium Del Rio. Illi item qui phylacteriis quibusdam & schediasmatis, veluti amuletis, tutos se præstant à vulneribus & globis tormentorum. Ac sanè in Magiâ variæ sunt diuinandi artes per mysteria quædam literarum.

Est *ὀνομαντία* per quam futura exquirunt ex nomine consulentis; illius nempe literis veluti anagrammatismo quodam variè collocatis. Atque ita Philostratus lib. 1 v. narrat Romæ puellam quamdam mortuam, ab Apollonio suscitatum per *σοιχομαντίαν*, quam Cocles cap. 1. de Sortileg. rectè Literomantiam vocat.

Est & *ἀριθμαντία*, quâ Græci valorem literarum expendentes diuinant de illius victoriâ, cuius nomen maiores habet numeros; quâ item Chaldæi Alphabetum diuidentes in tres decades, singulas literas planetis singulis assignant. Cui affine est illud commentum diuinandi ex literis paginæ alicuius in libro quopiam fortuitè apertæ; quo



quo uti solitum Hadrianum Imp. Spartianus, & Claudianum Trebel. Pollio scribunt; & Socratem sic ferunt intellexisse sibi esse moriendum.

Spectat huc etiam Iudæorum recentiorum Kabbala, & Platonis Arithmeticum varicinium, reprehensum ab Aristotele lib. v. Polit. Item Pythagoræ somnium dicam an inuentum, quod ei Plinius tribuit; quo docet ex pari vocalium numero in nominibus felicitatem, ex impari infelicitatem portendi & diuinari.

Quid quoddam dementiæ venerit quidam C. Bassus ( ut cum Philastrius nominat libro De hæresibus, vel potius Marcus & Colarbasus; ut Irenæus De hæres. item lib. i. & Tertullianus De præscript. eos vocant ) ut dicerent tantam Alphabeto Græco inesse vim, ut sine istis literis veritas non possit inueniri; imò. totam plenitudinem & perfectionem veritatis in istis literis esse dispositam. propter hanc causam enim dixisse Christum, Ego sum Alpha & Omega: quam hæresim confutauit toto ferè libro primo Irenæus.

De vi auerruncatoriâ, multi opinati sunt eam inesse literis ac notis. Ita Conradus Wimpina cap. penultimo & ultimo lib. De superst. scribit vsitatum esse apud Magos genus quoddam characterum peregrinorum, in quibus sunt nouem caldariz, & nomina Principum quatuor huius mundi cardinum; feruntque eos inuentos à Germone Babylonio, Hermete Ægyptio, & Thore Græco. Fundaturque hic error, inquit Del Rio lib. i. cap. i v. qu. i. in magno illo aphorismo libri impij, qui inscribitur Arbatiel in Septennâ i i. ubi traditur, quod Deus quando rebus nomina

nomina imposuit, simul cum nominibus vires & officia quædam illis distribuit; & ita characteres habeant vim non ratione figuræ vel pronuntiationis, sed ratione virtutis seu officij illius, quod Deus ad tale nomen vel characterem ordinavit. Neque ab hac opinione alienus fuit Origenes libro 1. & v. contra Celsum; aliiq; medici, Qu. Serenus, Aëtius, Trallianus, Paracelsus, & Plinius lib. xxv i i i. cap. i i. qui docent notas & scripta quædam verba facere curandis morbis; sicut & Cabbalists, qui docet literis ac syllabis quædam esse cum sideribus cognationem; adeoq; illas habere maiorem vim, quæ rem sanctiorem significant, aut à sanctiore lingua descendunt; quorum auctoritate forsan persuasus Picus de-  
cui in position. Magic. nomina barbara & nihil significantia, plus habere efficacitatis. Sanè sic apud Iudæos fuere phylacteria characteribus inscripta, quibus ipsi se præservari putabant. Apud Romanos res turpiculæ inscriptæ (præfiscini, ut dicebant) suspensæ de collis puerorum: de quibus Gellius. Apud Græcos Ephesæ literæ, quas Diogenianus scribit fuisse quædam notulas, quibus vtentes, in omni certamine victoriâ potirentur, quarum mentio apud Athenæum lib. x i i. ex Anaxilâ Poëtâ:

*In consutis sytariis (id est, minutis coriis) literas Ephesias, ferens.*

Quales fortè erant R & A, quas quidam collo appensas gerebant, apud Plinium libro xxv i i i. cap. i i. sub finem. Suidas scribit eas fuisse carmina quadam obscura, quæ & Cræsus in rogo recitavit; & Olympia, Milesio & Ephesio certantibus, Milesium

M

lesium

*lejum luctari non potuisse, propterea quod alter iuxta talum Ephesias literas habebat; quibus compertis & demptis, concidisse Ephesium ferunt. quo loco liber meus in margine habebat has notas, AIN. SE GEN. FV-  
RALLES. VNGLYCK. Calius lib. xvi. c. xiv. refert hæc verba, Asi. Catasci. Aex. Damnameneus. Æsion. Tenebra. lumen. Sol. ipse. verum.*

Amaterias autem notas refert D. Hieronymus cap. xvi. in Vitâ D. Hilarionis: Erat iuuenis emporij Gazensis, qui virginem vehementer deperibat; is Memphim profectus, post annû magicis artibus instructus rediit, & subter limen domus puella, tormenta quadam verborû & portentosas quædam figuras sculptas in aris Cyprij laminâ defodit, & illicò amore infaniuit puella. & mox facit D. Hilarionem hæc respondere dæmoni, dicenti se ob vim harumce literarum non posse exire: *Grandis fortitudo tua qui licio & laminâ strictus teneris.* Quo loco Rosvveydus noster ex Taciti Annal. libro xi. obseruat huiusmodi notas plumbeis lamellis fuisse nonnumquam incisas, & ab Ammiano lib. xxviii. huiusmodi inuenta vocari *artes prauas.*

Igitur vt ad hæc omnia respondeam; dico generatim, nullam omnino vim physicam arcanam inesse literis vllis aut notis, ad aliquem huiusmodi effectum produçendum, vt mecum docent omnes Patres, & scholastici Doctores, D. Thomas, Gerson, &c. Antonius Del Rio, Tyræus, nostri; ipse etiam Vlpianus I. C. Leg. i. D. De extraord. cog. & Hippocrates medicus lib. De Sacro morbo, Galenus lib. vi. & x. Simplic. medicam. Langius, Valesius, Fernelius, Ferrerius, Petrus Gregor. Tolosanus, Scaliger, &c.

Talis

Talis autem est ratiocinatio Antonij Del Rio, lib. 1. Disquisit. Magic. cap. IV. qu. 111. quâ sententiam illâ confirmat: Notæ, literæ, verba, nullam habent vim, neque artificialem, neque naturalem, neque supernaturalem ad huiusmodi effectus; igitur, &c. De artificiali nemo dixerit, aut etiam de supernaturali; non enim Deus, aut boni Angeli ad præstigias operam suam locant. Naturalis nulla vis esse potest; quia verba scripta & notæ sunt quid mortuum, & expers omnis energix, nisi forte à chartâ aut atramento vim hauriant, &c. Igitur notæ, literæ, verba, nihil faciunt ad morborum auerruncationem, amoris excitationem, vulnerum defensionem, &c. Atque ob huiusmodi rationes damnantur hæc *magica* characteribus magicis insignita à diuo Basilio homiliâ in Psalm. XLV. & meritò phylacteria hæc vocantur ab Isidoro *Ligatura execrabilium remedium*. imò irrita fuere olim ab ipso Luciano in Dialogo De moribus Philosophorum. adeoque Antoninus Caracalla, auctore Spartiano, grauissimis suppliciis eorum superstitionem compescere decreuit.

Quamquam *seu* amuleta seu amuleta illa quæ Catholica Ecclesiæ consensione probantur, notis aut literis insignita, vim suam habent, non naturalem illam ex numero figurarum, aut lineis ipsis, aut re quapiam simili; sed supernaturalem ex ope diuinâ. Talia autem sunt Euangelium D. Ioannis, Davidis Psalmi, sententia aliqua sacre Scripturæ, Agni cerei inscripti: quorum effectus supernaturales sunt, Deoque assignandi, si quando eueniunt. Quicumque autem effectus producitur

usu aliarum chartularum, dæmonis paciscentis artificio existit. ita patuit in virgine illâ Gazensi, quæ non vi philti, sed machinatione dæmonis, philtro tantum pro signo vtentis, ἐρωταλμῆα correpta est; neque aliter de aliis omnibus existimandum est. Quod verò attinet ad diuinationem, quæ ex nominum literis aut notis numerorum capi solet; ea quia nullo Dei aut Scripturæ sanctæ promisso nititur, quia semper incerta, quia plerumque fallax, quia semper dæmoni locum aliquem tribuere videtur, anathematis pœnâ prohibita est, cap. Sortes. xxvi. qu. v.

Alioqui licet subinde exquirere rerum nomina notis inuoluta: verbi gratiâ, Antichristi nomen quod Apostolus in Apocalypsi his siglis numerorum textit, DCLXVI. quodq; nonnulli se fuisse afsecutos putarunt, texendo nomen ex literis eodem simul numeros continentibus, quale est, D I C L V X. quod legere me memini in glossario quodam manuscripto Heriberti nostri Rosvveydi. Et multa sanè de illo nomine curiosè scribunt Ribera noster in Apocalypf. Pater Alcaçar, Sanderus de Antichristo, Feuardent. & Raimundus item de Antichristo: nec id malè faciunt. At credere magna quædam mysteria ac vim singulis inesse numeris, vt Pythagoræi & Cabbalistæ traderunt, ne insignis insania est, helleboro purganda; de quâ eruditè multa obseruauit Petr. Gregorius Tolosanus lib. xv. Artis Mirabil. cap. x. Cornelius Agrippa lib. ii. De occultâ philosoph. cap. iiii. & x. Galatin. lib. iiii. contra Iudæos cap. ix. Philostratus De Vitâ Apollonij cap. ix. lib. i i i. & Cælius Rhodigin. lib. xx i i. cap. vi.

Deni-

Denique non damnauerim erroris eos, qui piâ quadam consuetudinis simplicitate, libri alicuius sacri pagellam aliquam fortuito arreptam legunt, vel dogmatis vel solatij alicuius capiendi causâ. quod diuo Aurelio Augustino sedenti & de vitæ mutatione cogitanti vñ venit, vt diuinitus sibi dictum arbitraretur quod primâ fronte in Paulinis Epistolis sibi offerebatur. Et multos dicere frequenter audiui solitos se ex libello Thomæ à Kempis sic querere in mœrore consolationem, neque ferè vñquam falli. Sanè Pater Ioannes Dauid è Societate nostrâ vir liberalissimi ingenij & acuti, Veridico suo Christiano extremo rotulam adiecit variis numeris illusam, alteri folio fenestrato suppactam; cuius circumuolutione, noui semper & noui numeri apparêt, nouarum, sed incertarum sententiarum (quibus totus liber relictus est) indices; vt quæ cuique sententia sorte ceciderit, eam sibi dictam esse inspiratamque existimet. Sed futura velle coniiicere ex verliculis ita fortunâ oblati, vt fecêre Heraclius Imperator apud Cedrenum, Andronicus apud Gregoram lib. viii. damnata superstitio est, cap. Aliquantum, & cap. Si quis Clericòs. xxvi. qu. v.

## CAPVT XXX.

*De vi obligandi quam habent literæ*

**I**NITIO capitis superioris dixi literas moralem quamdam habere vim obligandi. Auctor mihi est Iustinianus lib. i i i. Instit. tit. xiv. De obligationibus: *Obligationum ex contractu, quatuor*

sunt species: aut enim re contrahuntur, aut verbis, aut literis, aut consensu. Dixi autem esse moralem vim. Ita enim scribit Paulus Iureconf. L. xxxviii. ff. De obligat. & action. *Non figurâ lucrarum, sed oratione, quam exprimunt, obligamur; quatenus placuit, non minùs valere quod scripturâ quàm quod vocibus linguâ figuratis significaretur.* vbi clarissimè ostendit, omnem illam vim ex placito esse hominum. Rectè autem addit, non minùs valere scripturæ fidem quàm vocis, quia Leg. xv. Tit. xxi. Cod. lib. i v. sanxit Constantinus Imperator, *quòd eamdem vim obtineant tam fides instrumentorum quàm depositiones testium.* Imò lib. viii. Cod. Tit. xxxix. Lege xiv. *Meliùs quidem si per scripturam.*

Porro hæc obligatio quæ ex literis oritur non est naturalis, sed civilis, vt Modestinus in L. Obligamur, li. versu pœnult. De action. P. & §. i. De liter. obligat. habet enim scriptura vim obligandi tantum ex Lege civili, aut summum ex Iure gentium. Et optandum quidem esset cum Senecâ lib. iiii. De Benef. *Vtinam nulla stipulatio emptorem venditori obligaret, ne pacta conuentaq; signis impressis custodirentur; fides potius illa seruaret, & æquum colens animus, &c.* adhibentur ab utraque parte testes: ille per tabulas plurium nomina interpositis parariis facit, ille non est interrogatione contentus, nisi rem manu suâ tenuit. O turpem humani generis & fraudis ac nequitia publica confessionem! sed ex quo cœpit esse,

*Nusquam tuta fides, ———*

& promissiones ac pacta passim perfidiâ eludi, cœpit illud Cicer. lib. i. epist. xiv. ad Atticum esse verissimum: *Nervos atque artus esse sapientiæ, non temerè credere.* Optimum verò Epicharmi consilium:

lium : Νῆες γὰρ μέγιστος ἀνιστῖν : Sobrius eslo , & me-  
mento nulli fidere.

Quia verò tam stricta ex scripto nascitur obli-  
gatio , non nisi presenti prudentique animo ad  
syngraphas , cautiones & fiducias scribendas ac-  
cedendum est : Si quis enim debere se scripserit , quod si-  
bi numeratum non est , inquit Imperator libro 111.  
Institut. Tit. XXI1. De literarum oligar. is de pecu-  
niâ minimè numeratâ , post multum temporis , excep-  
tionem opponere non poterit. Atque adeò memorabile  
exemplum est , quo Pulcheria Augusta , pruden-  
tissima femina , fratrem suum Theodosium Imp.  
Iuniorum ab incautâ imprudentique syngrapho-  
rum subscribendorum consuetudine deterruit , vt  
de eâ refert Socrates lib. VI1. cap. XXI1. Theodo-  
retus lib. V. cap. XXXVI. & Nicephorus Callistus  
lib. XIV. Histor. Eccles. cap. XXI11. his verbis :  
Theodosius quod naturâ apertus & simplex esset , & om-  
nibus benignè facere cuperet , sapè etiam literis quibus mi-  
nimè oportuit , sententiâ earum non perspectâ , subscripsit.  
Quæ verò ei diuinitus quasi fidelis custos data erat in rebus  
omnibus magnifica , moderata & sapiens Pulcheria Augu-  
sta , id ipsum quoque morem absurdum coarguens , cor-  
rexerit. Syngrapham enim inter eum & se vendita coniugis  
eius raptim compositam ei proposuit , eamq; ille scriptu-  
ra vim nesciens , confestim manus sua annotatione confir-  
mauit. Postridie eius diei Imperator coniugem ad se voca-  
uit , quam Pulcheria se ei reddituram plurimum negauit ;  
emptionis libellum vt testem ( qui accusari aut reiici non  
posset ) pratendens . Tantâ illa prudentiâ ac festiuitate  
fuit . Atque illa negligentiam eius arte quadam arguens ,  
moderatione mirâ improuidam literarum subscriptionem  
sic in eo emendauit.



Hinc etiam è contrario tanta est Legum seueritas, in eos qui aliorum scripturam cum fraude imitantur, vt apud Ægyptios ambè iis manus amputentur, teste Diodoro Siculo lib. 1. Bibliothec. cap. vi. Quod & fecisse Claudium scribit Suetonius: *Proclamante quodam, praeidendas falsario manus; carnificem statim accipi cum macherâ mensâq; lanionâ flagitauit.* Et vix aliquanto initiùs consuluit Alexander Seuerus in *Tabellarium, quem, quia falsum causse breuem retulerat, incisis digitorum nervis deportauit.* vt Auentinus scribit lib. 11. Annal. Boiorum, ex Lampridio in Alexand. Seuero.

Solitus tamen est Titus Vespasiani filius, cum amanuensibus suis per ludum iocumq; certando, imitari chirographa quacumque vidisset, ac sepe profiteri se maximum falsarium esse potuisse. vt Suetonius in Tito. quemadmodum & Alexis puer, Attico à manibus, studiosissimè Attici ægrotantis manum imitabatur, ne Cicero visâ alienâ literâ, de Attici morbo posset suspicari. vt Pet. Victorius lib. xvi 11. Var. cap. x. explicans illa verba lib. vi 11. epist. 11. ad Attic. *Alexidis animum amabam, quòd tam propè accederet ad similitudinem tuam litera; manum non amabam, quòd indicaret te non valere.* Sed hic astus pro ingenuo ludo habendus est, quando sine dolo malo adornatur. Alioqui vt huiusmodi fraudes tollerentur, temporibus Neronis Claudij, inquit Suetonius cap. xvi 11. *aduersus falsarios primum repertum, ne tabula nisi pertusa ac ter lino per foramina traiecto obfignarentur.* (quarum tamen aperiendarum tres occultissimas artes recēset Lucianus in Alexandro.) Et à Iustiniano Imperatore grauius cautum, ne facile comparationes literarum instituantur li. iv. Titu-

Titulo XXI. De Fide instrum. Leg. XIX. Que Lex  
 vtinā aduersus apocryphos scriptores seuerè fuisse  
 exercita; neque aliter libri alicui attributi fuisset,  
 nisi auditis testibus, & concepto iuramento  
 illo Iustiniareo : non inuentus fuisset Leucius  
 quispiam qui falsa Apostolorū Acta conscriberet,  
 sub nomine Matthiæ, Iacobi minoris, Petri &  
 Ioannis; non eò processissent Hexocarides & Leonides  
 philosophi, qui eadem extruserunt, nomine  
 Apostoli Thomæ, vt scribit Innocentius epist. III.  
 ad Exuperium : non fuissent eā audaciā Manichæi,  
 & Priscillianistæ, & Ebionitæ, auctoribus  
 Augustino lib. De fide contra Manichæos cap. IV.  
 Orosio epist. ad Augustinum de erroribus Priscillianistarum,  
 Epiphan. hær. xxx. non hodieque tot  
 impuri infamesque libelli, bonorum subinde nominibus  
 ad fraudem personati volitarent : quorum  
 ego auctoribus nihil imprecor grauiusquā  
 Valentis Imperatoris supplicium ; hoc est, vt vel  
 calami illis inter scribendum rumpantur, aut ob-  
 rigescant brachia (quod Valenti tertium contigisse  
 narrant historiæ, cū Basilium vellet scripto  
 libello exturbare in exilium) aut certè vt ipsi,  
 sanctā scelerum suorum pœnitudine ducti,  
 optent, cū hæc scriberent, illud Neronianum :  
*Vitam nescissem litteras!*

## CAPVT XXXI.

*Varia scripturarum nomina.*

**E**RIT hoc caput instar Campanici belluati  
 tapetij varium & illusum ; fortè eā gratiā etiam  
 iucundum, iis maximè qui nihil volunt

chartariorum nominum ignorare. En syllabum literarum ordine digestum.

*Acta*, sunt narrationes scriptæ rerum gestarum; unde & *Gesta* appellata. Plautus Truculento:

*Quin accipias gesta tecum.*

Duplicis sunt generis: *Sacra*, & *Civilia*. *Sacra* sunt Martyrum *Acta*, quæ quod à Notariis publicis, in Prouinciis iussu Proconsulum adnotarentur, dicta *Publica*, & *Proconsularia*, vt Baronius Cardinalis cap. 1. de Martyrolog. Rom. ex D. Augustino; sicut *Præsidialia* à Præsidibus. Instituit ea per septem Diaconos primùm conscribi S. Clemens; mox D. Fabianus Pontifex per septem item Subdiaconos: vt habet liber Pontificum Damasi.

*Civilia Acta* fuere, in primis *Acta Iudicialia*, quorum crebra mentio in Iure, & *ὑπομνήματα* dicuntur à Theophilo §. ultimo, Institut. de Curat. Deinde *Proconsularia*; de quibus Apuleius libro 1. Floridorum; *Proconsul moderatâ voce rareret & sedens loquitur*, &c. *Proconsulis autem tabella, sententia est; qua vicumque recitata est*, ita Prouincia instrumento refertur.

Sunt & *Natalitiorum Acta*, sed obscurioris famæ: quam faciam auctoritatibus aliquot illustrem. Iuuenalis:

*Tollis enim, & titulis Actorum aspergere gaudes  
Argumenta viri.* —

Seruius 11. Georgicôn: *In templo Saturni reponantur Acta, quæ susceptis liberis faciebant parentes.* Huic ritui respondent libri quos Parochi apud Catholicos singuli in templis suis asseruare solent; inscriptis baptizatorum nominibus & parentum.

*Repa-*

*Repagularia Acta*, sententiæ sunt Repagulariorum disceptatorum, hoc est, commissariorum; qui ad fores curiæ ius dicunt, inquit Budæus in Forensib. fol. 39.

*Diurna Acta*, Suetonius in Cæsare: *Inito honore primus omnium instituit, ut tam Senatus quam populi diurna acta conficerentur.* Tacitus lib. XIII. *Diurnis vrbis Actis mandare.*

*Accepti & expensi tabula*, diurnis hisce Actis eo erant similes, quod quotidie item scriberentur. ita Afconius: *Moris erat vnumquemque domesticam rationem sibi totius vitæ suæ per dies singulos scribere, ex quâ apparet, quid quisque de redditibus suis, quid de arte, fœnore, lucrôve seposuisset quoque die, & quid item sumptus damniue fecisset.* Erant verò eo dissimiles, ut obseruat Iosephus Scaliger libro De chartâ contra Guilandinum, quod in aduersâ parte scriberetur ratio expensi; in auersâ, ratio accepti; vnde vtramque paginam facere dicebatur, quando rationes accepti & expensi congruebant; siue cum aduersa pars quadrabat auersa, quod item vocant paria facere, seu pariri: cui contrarium est, reliquari.

*Aduersaria* sunt chartæ, in quas leui manu ea coniiicimus, quorum veremur obliuisci, donec seriò describantur. Aufonius vocat *Chartas literarias*. Fiebant enim ex chartâ deletitiâ, seu pagellis gypfatis, ut Scaliger contra Guilandinum: quæ deletili spongiâ tergebantur. De his Cicero pro Rosc. Comœd. *Quid est quod negligenter scribantur Aduersaria? quid est quod diligenter conficiamus tabulas? quâ de causâ? quia hæc sunt menstrua, illa aterna; hæc sunt deiecta (ut Budæus, coniecta) illa in ordinem confecta.* Dicta sunt Aduersaria, non quod animum

legen-

legendibus aduertant, vt putarunt nonnulli apud Corass. lib. 1. Miscellan. Iuris, cap. xviii. sed quòd aduersâ etiam in parte quasi per neglectum scriberentur. Veteribus enim mos fuit, scribendi res serias, vnâ tantùm in facie. vt ex illo Iunenat. Sat. 1. colligi potest:

*Scriptus, & in tergo nondum finitus Orestes.*  
quem versum & morem refert Sidonius lib. vii. epist. ad Constantinum. vnde & ab eodem Poëtâ secundùm Cælij lectionem lib. xi. cap. xxi. vocantur *Transuersa*:

—— *longi relegit transuersa diei.*  
quò spectasse etiam Cicero videtur ad Attic. lib. v. *Venio ad transuersum illum epistola tua versiculum.* & Martialis lib. iv. Epigr. lxxxvii.

*Inuersâ pueris arande chartâ.*  
& lib. vii. Epigr. lxvi.

*Scribit in auersâ Picens epigrammata chartâ.*  
Denique Theodorus Hermopolites ad L. notionem De verb. signif. apud Cuiacium lib. viii. Obseruat. ca. xv. *Ἀποχὰς ἀπὸ χειρογράφου*, vocat apocham scriptam à tergo chirographi. Scripta enim è duabus partibus, Plinius lib. iii. epist. v. ad Marcum, vt Cælius adnotauit lib. vii. cap. xxi. vocat Commentarios Opisthographos: quos valere etiam in testamentis scribit Vlpianus; de quo Alciatus lib. i. Dispunction. cap. ultimo, Volateranus quoque lib. xxxiii. scribit in hanc sententiam: *Principes olim, sicut plerique hodie Reges, scribebant transuersâ chartâ. Primus autem Iulius Cæsar, teste Suetonio, epistolas in formam memorialis libelli redegit; cùm prius Duces & Consules transuersâ tantùm scriberent chartâ.* Notarij autem Aduersaria sua vocant

*αφωτόκωλα*, hoc est, schedas primas seu originales, quos Itali *Basylardellos* dicunt, vt Albericus scribit ad Legem contract. De fid. instrum. in Cod. Galli verò *Minutas*, quia minutis literis scribuntur; quæ quando seriò perscribuntur, dicuntur in mundum redigi, hoc est, sine lituris cum auctoritate scribi, & vocantur *Instrumentum ingrossatum*, vt Petrus Gregorius Tolos. in Syntagm. lib. XLVIII. cap. XLII. & alij in Tit. Cod. De fid. instrum.

*Adnotatio seu Annotatio.* Significat subinde rescriptum, propriâ Principis manu subscriptum; subinde breuem scripturam priuatim sine testibus factam, quâ quis sibi debitorem adscribit, inquit Brissonius De signif. verb.

*Album* fuit multiplex: *Pontificium*, de quo Cicero II. de Oratore: *Res omnes singulorum annorum Pontifex Maximus referebat in Album.*

*Prætorium.* tabula in quam reorum nomina referebantur: quales duo illi libelli erant quos Protopogenes Caligulæ seruus clàm circumferebat; alter nomine gladij, pugionis alter inscripti: vt Dio narrat lib. L I x. & Suetonius. vide Vlpianum libro 1. ff. de Albo, & Sigon. Quamquam habebant & Prætores album, in quo edicta sua proponebant, vt præmonerent ciues, scirentque quodd ius dicturi essent Magistratus. de quo Corass. libro IV. Miscellan. Iuris cap. VI.

*Album Decurionum.* Tit. in D. De albo scrib. Vlpianus L. primâ D. De albo scrib. Vide Corassium loco citato.

*Album Cytharædorum.* Sueton. in Nerone, c. XXI.

*Album Iudicum.* apud eundem Suetonium, Tacitum, & alios.

*Album*

*Album amicorum*, vulgari Prouerbio iactatum.

Porro *Album* vocatur non solum tabula, verum etiam ipse paries dealbatus, in quo Iudicum omnium nomina scribebantur; ita contra Alciatum Turnebus Præfatione in Plinium, & Gregorius Tolofanus lib. XLVI 1. cap. XX 1 v. ex Suidâ, qui ait: *Album* est etiam paries gypso illitus ad negotiorum politicorum descriptionem aptus. Vlpianus Leg. Si quis id quod. VI 1. De Iurisd. om. P. distinguit item *Album* à chartâ & tabellâ. Græci nunc *λευκώματα* vocant, olim *ἄλφοι*: vnde nostrum *Album*, inquit Festus; vel vt Sabini, *Alpum*; vnde Alpes, ob niuium albedinem. Lamprid. in Alexandro Seuero *Album Iudicum* vocat Pittacium *ἀντιγραφικῶς*, opinor, quia pittacium tabella nigra est, pice pro cerâ oblita ad inscribendum. *Nigrum* verò quod Iureconsulti vocant, & *Rubrum*; sunt Leges nigro seu atramento scriptæ, & earum tituli plerumque encauto rubricati.

*Annales* hoc differunt ab *Historiâ*, inquit Sérius, quod *Historia* sit temporum quæ vidimus, vel videre potuimus; dicitur enim ab *ἰστορεῖν*, videre: *Annales* autem sunt eorum temporum quæ atas nostra non nouit. quæ ferè habet Gellius libro v. cap. XVIII.

*Antigraphe*, seu *Antigraphum*, est Rescriptum, quod Latini exemplum, barbari Copiam appellant. Hinc qui huiusmodi exempla asseruant, à Græcis *ἀποδίκται καὶ ἀντιγραφεῖς*, à Cicerone *custodes dicti*, Oratione contra Rullum.

*Apocha* est *Acceptilatio*; hoc est, scriptura quam creditor facit soluenti debitori. Iureconsulti vocant *Securitatem*, barbari *Quitanciam*.

*Anta-*

*Antapocha*, de debito cautio facta creditori à debitore in præstationibus annuis. Leg. Plures. De fid. Instrum.

*Arrestum*, scriptum propriè quo vel persona alicuius, vel bona, ne loco moueri possint, retinentur. Spiegelius & Budaus.

*Authenticum*, quod cum auctoritate scriptum est. *Authenticum* enim potestas est. Petrus Gregor. libro XLV III. cap. XIV. Authenticum Brisson. De signif. verb. quod vulgò dicimus Originale.

*Auctionaria tabula.* apud Cicer. in Catilin. *Meo beneficio tabula noua proferuntur, sed Auctionaria.* quæ ab eodem vocantur *libelli*, Orat. pro Quinctio: *Libellos Sext. Alphenus detulit.* eos nempe quibus publicè affixis bona proscribebantur, & in certum diem vendenda edicebantur.

*Autographum*, propriâ manu scriptum. Corass. Spiegelius, Brissonius, &c.

*Breuis, Breue, & Breues* nominantur libelli, quibus & nomina debitorum & priuata quæque negotia annotantur. Brisson. Lazius, Spiegel. *Breuis* quidam inuentus asseneratur inter chartulas confiscati. Leg. ult. De conu. fisc. deb. lib. x. Cod. ita Lamprid. in Seuero: *Falsum breuem retulisset.* • *Breue nominum conscripsit.* Vopisc. in Aurel. & Liuius libro IX. Decad. IV. *In breue coacta causa.* *Milites suos sic sciuit, vt in cubiculo haberet breues, &c.* Lamprid. in Alexand. *Sic Breuia Apostolica dicta,* quòd olim imagine plumbeâ signarentur, nunc verò expediantur sub sigillo breuiori. Gregor. Tolos. lib. x v. cap. XLII.

*Breniarium* totius Imperij, Suet. August. cap. ci. *Breniarium* rationum Galbæ, cap. x i i. *Breniarium*



*rium* omnis culturæ. Plinius lib. xviii. *Breviationes*, apud Scæuolam, Leg. vlt. De pecul. legat. *Breuiulus*, apud Spiegel. in Comment. Prudentij, quam vocem quoque Alciatus restituit in Rubr. Cod. De sent. *ex breuiulo* (non periculo) *recitandis*.

*Bulla*, scriptura est in membranâ, plumbo, auro, argento, vel ære funiculis pendente, iure insignita. Rebuffus i. part. prax. benefic. Sunt enim *Bulle* Latinis res tumidæ, quales pueris de collo suspendi solent. vocantur autem *Plumbatores*, qui plumbeas hæc bullas membranis appendunt. Vestrius Octavianus libro i. Introductionis in R. Aul. act. cap. iii.

*Chirographum*, cautio est propriâ manu signata & scripta. vnde prouerbiū natū Ciceroni: *Agere tabellis obsignatis*, hoc est, ex fide chirographi.

*Cautio* autem generatim est omnis scriptura quæ seu ad liberandum seu ad obligandum datur pro chirographo. Briss. lib. i. De verb. signif.

*Commemoratorium*, inuenitur apud Augustinum contra Crescon. lib. i. cap. xxi. apud Optatum contra Parmen. lib. i. pro *Inuentario* quo censæ erant bona Ecclesiastica. Baron. Tom. ii.

*Commentarius* & *Commentarium*, in quo rerum capita tantum ad iuuandam memoriam scribuntur. Budæus. ita *Diurni commentarij*, apud Suetonium in Augusto cap. lxiv. *Pontificum commentarij* apud Ciceronem De claris Oratoribus. Barbari *Registrum* vocant. Festus ait appellari solitos *Monitoria*. Symmachus *Monitoria*. Fuisse & *Commentarios* in quibus notabantur nomina captiuorum obseruat Hothomann. qui verò hos seruabat, dicebatur

ET REI LITERARIÆ ANTIQVIT. 193  
batur Commentariensis L. iv. Cod. De custod.  
reor. vide præterea Budæum & Briffon. lib. 111.  
De signif. verb.

*Condicta* erant eadem quæ programmata publice fixa, ita vocata, inquit Festus, *quòd in commune dicta ac decreta sint*. Spartianus in Hadriano: *Laborabat ut condicta militaria diligenter agnosceret*.

*Commonitorium* legitur Leg. vnic. Cod. De suffrag. significat scripturam conventionis apud Calliodorum lib. v 11. Variarum. Pro commentario ad memoriam iuvandam accipitur ab Auguftino epist. cxxix. & clviii. à Vincentio item Lyrinensi lib. Contra profan. Nou.

*Diarium* (interpretamentum est Sempronij Afellionis, ait Gellius libro v. cap. x v 1 1 1.) idem quod *ionæus*.

*Digestum* nomen primum inuentum à Saluio Iuliano, qui Ius ciuile, cum olim confusum traditum esset, tamquam in quamdam artem illud digessit. ita Alciatus Rubric. Cod. De edendo.

*Diplomata* sunt literæ patentes, ut nunc loquimur, ait Budæus in Pand. cuiusmodi sunt Bullæ Pontificum & Regum: ita dicta, quòd sint chartæ complicatæ & lino trajectæ. Tales erant & Codicilli, Principum signis notati; quibus visis hipparchi vehicula & equos cursorios præstabant iis qui utebantur cursu publico. ita Lazius de Rep. Rom. & Bud. Annot. poster. in Pandect.

*Editum*, ut Halicarnass. scribit lib. v. Romani appellabant *τὸν τ' δῆμιον καὶ ἀδίκων διαγγελίον*. nam ut scirent ciues quòd Ius de quaque re Magistratus dicturi essent, edicta proponebant. ita Briffon. lib. v. De signif. verb.

N

*Elogium*

*Elogium* subinde significat causſam datæ vel negatæ hereditatis, testamento expreſſam. Exemplum datæ est apud Senecam i i. Controu. Reliquit heredem, & *elogium* adiecit; quia pudicam comperi. Negatæ, apud Ciceronem pro Cluent. *Elogium* recitaſti, &c. idcirco se exheredasse, &c. apud Quintilianum lib. vii. cap. iv. Si exheredatum pater à se filium *elogio* fuerit testatus, propterea quod is, &c. Subinde *Elogia* ſumuntur pro notoriis, seu indiciis criminum, quæ vulgus vocat *Informationes*. ita Tertullianus Apolog. cap. xli v. Tot à vobis nocentes, variis criminum *elogiis* recensentur. & Sueton. Calig. cap. xxvii. Nullius inspecto *elogio*. ad quæ verba Turnebus lib. xvi i i. cap. v. Multis nomen hoc suspecti sermonis est; in causâ est, quod extritâ vnâ literâ c, pro *Eclogio*, *Elogium* dici animaduerti: *Eclogium* autem ab *Eclogæ* deducitur, hodieq; ἐκλογίων apud Suidam reperitur. Alij quasi *Ellogium* interpretantur, deriuantes ab ἔλλογον, quod titulus & testatio sit commemorans vitia & virtutes. vide ibidem Torrentium.

*Ephemeris*, Diarium seu Diurnum, vt Budeus legit illud Iuuenalis: — relegit transacta diurni. Gellius lib. v. cap. xvi i i. Cum non per annos, sed per dies singulos res gesta scribuntur, ea historia Græco vocabulo ἐφημερίς dicitur, &c. Latine Diarium. vt supra. Propertius:

Forte iacent duras inter *Ephemeridas*.

*Eulogia* erant breues chartulæ eorum qui dabant militibus stellaturam, hoc est, tesseram annonariam loco stipendij. Lazius lib. i i. Repi. c. vlt.

*Faſti* & *Fastus*, libri quibus festiuitatum dies, & earum causæ explicantur. à Græcis ἡμερολόγιον vocantur, vt Scaliger in Festo. De Fastis Christianorum

rorum Tertullianus lib. De coronâ milit. *Habes tuos census, tuos fastos, nihil tibi cum gaudiis sæculi.* Hosce primus scripsit non Eusebius Cæsariensis, vt contra Bed. Walfrid. & Molanum docet Cæsar. Baronius Prolegom. Martyrologij sui cap. v i i i. sed ignotus quispiam ante tempora D. Gregorij Magni. Romanorum Fastos elegantissimè complexus est Ouidius libris tribus: Ecclesiasticos autem totidem quidam Nouidius, sed omnino ingratiis & auersis Musis, vt memini olim arguto carmine lusisse Bernardum Bauhusium, quod nondum adspexit lucem. *Consulares Fastos* doctissimè scripserunt Michaël Beuterus Gallus, Onuphrius Panuinus, & Stephan. Pighius. olim Verrius, qui eos prope statuam suam fecit incidi; vt Sueton. lib. De claris Grammaticis.

*Imbreuiatura* apud Bald. ad Rubr. De fid. instrum. & Albericum ad Leg. Contract. De fid. instrum. idem est quod *πρωτοκαλον*.

*Indigumenta*, *ἱεργικὰ βιβλία*. Gloss. nam quod in Festo legitur aliter, ex Paulo Diac. est, ait Scaliger.

*Instrumentum*, omne scriptum quod ad instruendam causam pertinet. Spiegelius & Brissónius, & Petrus Gregor. in Syntagm.

*Inuentarium*, seu *Repertorium*. Leguntur in Leg. Tutor. De adm. tut. P.

*Kalendarium*, liber pecuniæ fœnebris. solebant enim in Kalendas fœnerari. Martial. lib. v i i i.

*Centum explicantur pagina Kalendarum.*

Seneca in epistol. *Diuitem illum putas, quia magnus ei Kalendarij liber voluitur.* Ouid. ii. de Rem. Am.

*Qui puteal, Ianumq; timent, celeresq; Kalendas,  
Torqueat hunc aris mutua summa sui.*

*Libelli* sunt, quos vulgus vocat *Requestas*, seu *Libellos supplices*. varia autem libellorum genera alia quærenda apud Iureconsultos.

*Laterculum*, liber erat continens totam officiorum ac dignitatum administrationumque ciuiliū ac militarium rationem, inquit Brissonius lib. x. Βιβλίον ἐφ' ἡμῶν τῶ ἀκριβοῦς παρόντων, inquit Appianus. *Maius Laterculum* apud Principem, *minus* apud Quæstorem erat. Sic verò dicitur, quòd in eo lateant arcana; vt Lazius de Repub. Vide de eodem Notas Casauboni ad historiam Augustam.

*Mandata libera*, erant chartæ signatæ, quibus vires alicui mandabantur rerum cum auctoritate gerendarum. Liuius lib. vii. Decad. i. v. *Legati ab Aetolis, cum mandatis liberis ad Consulem venerunt.*

*Matrices & Matricula*, quarum mentio in poster. lib. Cod., libelli in quibus nomina militum, & eorum qui fisco pendunt. Rhenanus in Notis Tertulliani.

*Notitia*, libellus in quo descriptio status, & totius administrationis vocatur ab Imperatoribus iunioribus, inquit Brissonius.

*Notorium*, pro indicio criminis sumit Lex v. i. §. Nuntiatores. ff. ad S. C. Turpil. Leg. vii. Cod. De accus. Augustinus epist. clx. ad Aprignium vocat *Notariam*. quemadmodum & Apuleius libro vii. de Asin. & Trebell. in Claudio, quamquam Baronius Tom. ii. obseruat ab Augustino epistolâ c. l. ad Marcellinum non *Notariam*, sed *Notoriam* dici.

*Pandecte*, Comprehensorius liber, quasi omnia continens, inquit Spiegel. vnde Iustinianus Digestū vocat *Pandectas*, quòd in eo omnes ferè Leges.

*Poliptici*,

*Poliptici*, non sunt chirographa vel apochæ (vt malè Alciatus) inquit Cuiacius lib. iv. Obseruat. cap. xxv i i. sed rationes publicæ, vt constat ex Veget. lib. xi. & Cassiod. lib. v. Variar.

*Programma edictale* apud Cassiodorum lib. i. in epist. Theodorici ad Pop. Rom. item libro i i. epist. ad Senat. Rom. Libro autem v. epist. i i. ad Stabul. vocat *Titulum*. pro eo quod nos dicimus *Edictum valvis affixum*.

*Rationarium*, ait Cælius lib. x i i. cap. xx i. inuenias pro libro in quo vel contractuum vel gestarum rerum rationes comprehenduntur. vnde *Rationarius apparitor*, Marcellino; *Ratiocinator*, Columellæ, qui præest rationibus: *Rationales* vocantur Lampridio. *Rationarium imperij* Suetonius nominat Augusti cap. xxv i i i. *Rationes imperij*, in Caligul. cap. xvi. *Rationes libitina*, in quas peste mortui referebantur, in Nerone. quas Scaliger in Eusebij Notis vocat *Ephemeridem libitinariam*.

*Rescriptum*, ait Spiegelius, videtur significare id genus quo Imperatores aut Pontifices summi consulentibus eos respondent. cuiusmodi sunt, quas vocant *Literas decretales*. idem ferè Briffon.

*Sacralitera* sunt, quæ & Codicilli dicebantur; & inclinante Imperio, *Indictiones*; nunc verò *Litera credentia*. meminit earum Symmachus lib. i i. Epistolar. Sidonius epistolâ ad Papianillam vocat *Codicillos*: Cassiodorus lib. v. in epist. Theodorici ad Cyprianum, *Indictiones*.

*Scheda* & *Schedia*, tabellæ quibus supputatores vtuntur ad scribendos numeros; vt mox deletili spongiâ detergi possint.

*Signatura*; Scriptum summi Pontificis papyra-

N/3

ccum,

ceum, sine sigillo. hoc enim differt à Bullâ quæ membranacea: Pet. Gregorius lib. xvii. cap. xv. & à Diplomate, quod in chartâ signatum. ibidem.

*Summarium.* Auctor est Seneca in Epistolis antea vocatum fuisse *Breuiarium*.

*Syngrapha* Latinè sonat *Conscriptionem*, quod utriusque manu conscripta utrisque partibus tradi soleat. ita Spiegelius. Freisius verò in Verrin. i. *Syngrapha*, inquit, *tabella est in quâ perscribitur pactio, utriusque paciscentis manu obsignata.* Syngraphæ autem tantum in Græciâ fiebant; nam Romæ pactiones huiusmodi referebantur, in Cod. accepti & expensi. Hoc porro discrimen est inter Syngraphas & Chirographum, ait Asconius Verrin. iii. quod in Chirographis tantum quæ gesta sunt, scribi soleant, in Syngraphis etiam contra fidem veritatis pactio venit, & non numerata pecunia, aut non integrè numerata pro temporariâ voluntate hominum scribi solent, more institutoque Græcorum. Malè igitur Spiegelius & Alexand. Neapolitanus cum Budæo faciunt syngrapham uno ex latere scriptam; vt benè Tiraquellus. qui addit syngraphas tantæ fuisse auctoritatis, vt eas abnegare, summæ haberetur perfidiæ. Inde tamen natum illud in falsarios dictum apud Suidam: *Non est idem scriptura & Leucippus.*

*Συνδέματα ἐπιστολιμαία*, ait Budæus in Comment. esse notas quasdam epistolares, indices & commendatrices eorum qui eas reddebant: item diplomata quæ iis dabantur, qui cursu publico utebantur.

*Tituli*, programmata, vt suprâ ex Cassiodoro: dicti non à tutando, vt Varro; sed ὅτι τὸ τίειν καὶ τίλει

τὸ πῦλόν, inquit Scaliger lib. 1. Poëtic. cap. ix. & lib. 111. cap. vltimo. differt ab Elencho, quòd hic non sit vnus titulus, sed multi.

*Translatitia edicta* sunt, quæ Prætores ex aliorum edictis vel integra, vel partem transferebant in sua edicta noua. Asconius Verrin. 1.

## CAPVT XXXII.

*De Scribis, & variis eorum generibus.*

**S**CRIBÆ nunc dicuntur, ait Festus, *Librarij, qui rationes publicas scribunt in tabulis*. Eorum munus vocatur *Scribatus*. Leg. Si adscribat. C. De appellat. Exercitium, *facere scriptum*. Liuius lib. ix. & Gellius lib. vi. cap. ix. *Ordo*, olim vilis apud Græcos iuxta ac Romanos, inquit in Syntag. Petrus Tolosan. lib. xlvii. cap. xli. & *Mercenarius*, vt appellatum Æmilius Probus in Vitâ Eumenis; sed mox cœpit honestus haberi, vt liquet ex Cicer. Verrin. v. & Iustinian. Nouel. x v. & lxxxi. Tandem etiam adeò excreuit, vt fuerit in decurias descriptus; teste Sigonio libro 11. De iure Roman. cap. 1 x. A variis autem Magistratibus quibus apparebant, vocati *Quæstorij*, *Prætorij*, *Ædilitij*; imò & à rationibus suis, *Ærarij*, *Portorij*, *Nauales*, aiunt Franciscus Polletus libro v. De foro Roman. cap. x i i. & Turnebus lib. xxx. cap. xxiv.

*Scribæ* verò Hebræorum, vt passim vertunt Interpretes nostri, non fuere propriè Scribæ, sed Lectores & Doctores Legis, vt clarè demonstrant Serrarius noster & Sigonius in Repub. Hebræorum. Fuere autem præterea multa Scribarum



nomina quæ recenset Lazius libro 11. cap. 1 v.  
De Republicâ.

*Epistolares*, hodie Copistæ. De quibus Iustinian. Leg. final. §. In his aut. Cod. De Temp. appell. Idem, *Scripturarij* & *Grossista Cancellorum*. Græcis *γραμματοῖς*. Idem etiam *Librarij* Plinio lib. v 11. de Cæsare: *Epistolas quaternas aut septenas pariter distabat librarius*. *Librarioli* Ciceroni lib. 1 v. ad Atticum epist. 1 v. & Vegetius lib. 11. cap. v 11. inter castrensia officia ponit Librarios, qui militum rationes scribebant.

*Libellorum magistri*. Libellenfes, qui requestas, hoc est, libellos scribebant. Brissonius. Sunt autem longè alij *libellatici*, de quibus Baronius Tomo 11. Annalium. erant enim hi, qui vel per se, vel per nuntium indicabant Magistratui se abnegare Christum; in cuius rei testimonium à Magistratu libellum impetrabant: quo muniti, persecutionum pœnas euadebant; ut colligitur ex epistol. LIX. D. Cypriani ad Antonian.

*Actuarij*, qui acta scribebant. *Abbreuiatores*, maioris & minoris Parc; quorum primi diplomata signant; alij pecuniam pro signandis accipiunt. Octavianus Vestrius Introductione in Aulam Roman.

*Rescribendarij*, qui taxant Scribarum mercedem. ibidem. Sicut *Summistæ Apostolici*, qui decernunt quid à Secretariis oporteat registrari. Tolofanus lib. xv. Syntag. cap. xlii.

*Notarij*, à *notis*, quia verba dictantis per notas & compendia scribebant, inquit Ammonius, & Paulus De milit. testam. Modestinus, Brissonius, Spiegelius. *Antiquarios* eos appellat Ausonius epist. xv 1. ad

Pro-

Probum; Græci *καταγράψας, συνιστάσας καὶ τελε-  
γάζας*; Suetonius in Iul. Cæs. cap. LV. *Actuarios*:  
sicut & Trebellius Pollio & Seneca. *Singulares*,  
à singulis vocari inquit Scaliger li. II. cap. XIII.  
in Notis Aufonij, & Raderus in Martial. lib. XIV.  
Epigram. CC I I. Horum natales felicissimi sub  
Astro Virginis, si Dîs placet, auctore Manilio  
lib. IV. Astronom.

*At quibus Erigone duxit nascentibus aum, &c.*

*Hic & scriptor erit velox cui litera verbum.*

Ordo primùm vilis, teste Petro Tolosano li-  
bro XLVIII. Syntagm. cap. XLII. vtpote om-  
nium seruitio expositus. Gloss. in Leg. Vniuersos.  
De Decurion. lib. x. Cod. adeò vt etiam Notarij  
munus suscipiens, perderet priuilegium officij.  
Leg. II. de tabul. lib. x. Cod. nequè liceret Ec-  
clesiastico exercere munus Tabellionatus laici.  
cap. Sicut ne Clerici. cap. Offic. de hered. in. 6.  
Alioqui Notarij Ecclesiastici & Apostolici sem-  
per fuere in honore; sicut etiam post ipsi Notarij  
laici. Sunt enim in Romanâ Curiâ Protonota-  
rij septem, ita dicti, vt à laicis Notariis distin-  
guantur, qui originem habent à Notariis illis pri-  
mis, qui Acta Martyrum excipiebant. De quibus  
initio capitis præcedentis. Ciuium verò No-  
tariorum hæc sunt genera à Laziò numerata li. II.  
Reip. Rom. cap. IV.

*Princeps Notariorum* apud Ammianum lib. XXV.  
& Lampridium in Alexandro: *Primicerius Notario-  
rum* apud Marianum in Cod. Præfecturæ. is erat  
qui nunc vocatur Cancellarius, & olim *Princeps  
laterculi*, Leg. In agr. §. de acquir. Iur. do.

*Tribuni Notariorum*, qui nunc Secretarij. de illis

mentio apud Symmachum epist. ad Arcadium Imperatorem, Marcellin. libro xvii. & Cassiodorum lib. vii. qui appellat *Tribunum chartariorum*.

*Notarij militantes*, qui nunc Secretarij castrenses nominantur apud Ammianum libro xxi. & xxx. à Vegetio dicti *Librarij militarium rationum*, libro ii. cap. vii.

*Notarij decurionum*, apud Sueton. in Claud. qui *Censuales* apud Capitolini. in Gordiano.

*Notarij Secretorum*, apud Vopisc. in Aureliano.

*Notarij Principum*, Leg. vnicâ. Cod. De mand. Princip. & soli dicuntur habere dignitatem: nam ceteri nuncupantur *Servi publici*. Leg. ii. Re. pupil. fal. form. ita Spiegelius.

Hoc verò Lazium fugit, quòd *Notarij frumenti constituebantur in frumenti distributionibus*. Pollux libro viii. cap. ix.

*Logographi*, hodie Taxatores, qui scribebant in lib. rationum.

*Mediogrammatèi*, quos Scribæ consulebant, hodie Correctores, à Græcis *Diaistolæ*, quasi Interpunctores.

*Symbolographi*, nunc Registratores; qui ordinem Cancellorum tenent.

*Subadiuvæ*, Græcis *ἀντίγραφοι*, nunc Contrarotularij, qui ex opposito ad maiorem fidem acta transcribunt.

*Boëthi*, qui aliis in scribendo assistunt; unde fortè Seuerino Boëthio nomen. quæ quinque postrema nomina sunt in Leg. final. Tit. De Tabel. scrin. & logogr. lib. x. Cod. Titul. lxi.

*Formularij*, qui formam scripti concipiebant; iidem.

*Patarij*,

*Pararij* apud Senecam II. & III. De Benef. vt interpretatur Gruterus. quamuis Raxardus libro III. Variar. cap. 1. Pararios vocat *Obfignatores*; de quibus Cicero pro Cluentio.

*Chartulani*, in Codice Præfecturarum. *Chartularij*, apud Iustinian. & Paul. lib. XVI.

*Exceptores*. Scribæ priuilegiiorum.

*Prochiri* & *Mesoprochiri*. Amanuenses ita vocantur à Suetonio. Prius nomen habetur libro XII. Cod. Leg. Iubem.

*Hypomnematographi*. Instituti primùm ab Augusto, post Ægyptum redactam in prouinciam. Strabo. Iidem sunt qui Commentarienses. Hypomnema enim est Commentarius. Cic. lib. xv. epist. CCLXV. *Multum mihi eripitur operæ in scribendis hypomnematis.*

*Regerendarios* Marianus nominat, pro Notariis seu Singulariis.

*Scripturarij*, inquit Nonius cap. 1. quos nunc Tabularios dicimus, qui nomina omnia urbium & prouinciarum complectebantur.

*Scriptores*, qui dictaturam minutam in formâ literarum conscribunt. Notarij enim numquam, nisi minuto charactere scribebant, vt obseruat Ianus Mellerus Palmerius in Spicilegiis: *Veteres omnes*, inquit, *maiusculis literis totos perscribebant libros*; minusculas Notarij relinquebant, quarum vsum Papyrianus non nisi occupatis & negotiosis indulgebat. Maiusculæ autem erant, quas cum Petronio vocamus *quadratas*, vel *unciales*, vt diuus Hieronymus in Præfat. ad Iob; vel *Apices*, vt Sidonius, notante I. Baptista Pio.

Præter hæc de Scribis scripta, remitto ad ea quæ

quæ Læuinus Torrentius scripsit accuratè de ordine scribendi libro I. Comment. Horat. Satyr. v. vers. LXVI.

## CAPVT XXXIII.

*De rarioribus quibusdam inscriptionibus.*

**C**OMMUNES rerum ferè obuiarum inscriptiones negotioso labore nonnulli diligenter obseruarunt; inter quos insignis opera est Raimundi Fuggeri, Gruteri, & illorum qui in Bataviâ nuper Inscriptiones cum Auctario Lipsij ediderunt: Nathanis item Chythræi, & Francisci Svertij, qui ambo scripsere Delicias; hic, orbis, ille variorum in Europâ Itinerum: hoc est, Inscriptiones sepulchrorum in templis, Nidorum in Bibliothecis, Imaginum in compitis, Cipporum in triuiis, Fontium, Hortorum, &c.

Nolo hoc loco semel appositas delicias iterùm inferre. Illud vnum proposui, secretiores quasdam & non obuias inscriptiones protrudere. Quæ an caput cœnæ inter delicias illas esse possint, an bellaria, nihil laboro; imò nec pro deliciis vendendo, sed propono Lectori vt emat, aut contemnat.

Igitur domorum ianuis olim inscribi solitum, *Caue canem*. Lambinus in Mostell. Plautin. obseruat. Imò & canem appingi solere, auctores sunt Varro apud Nonium, voce Præbitio; & Petronius, cuius postremi hæc verba: *Non longè ab offiarij cellâ canis ingens catenâ vinctus in pariete erat pictus; superq; quadratâ literâ scriptum, Caue canem.*

Scaliger in Festo, notat, ianuis solere etiam inscribi, *Arse verse*, ad auerruncandum incendium.

*Viuus*

*Vivis arboribus amantes inscribebant.* Virgilius  
Eclogâ x.

*Certum est in silvis inter spelea ferarum  
Malle pati, tenerisq; meos inscribere amores  
Arboribus: crescent illa, crescetis amores.*

Ovidius Oenone:

*Et quantum trunci, tantum mea nomina crescent;  
Crescite, & in titulos surgite rûe meos.*

Vide Pontanum nostrum in Ovidium. Nostrum  
item De la Cerda in Virgilium, & Meursium in  
Theocritum.

*Pomo & florum foliis fuisse quædam inscripta di-  
ximus suprâ, vbi de materiâ in quâ.*

*Amicarum ianuis proci inscribebant earum lau-  
des.* Plaut. Mercat.

*Impleantur mea fores eclogiarum carbonibus.*

Aristophan. de Pyrilampe formosissimo in Vespis:

*Καὶ νῦν Δι' αὖτ' ἰδὼν γέ που μεγαμύκρον,  
Τὸν Πυριλάμπου ἐν Δύραι δῆμον καλόν:  
Si fortè scripta vidit ad quasdam fores  
Hæc verba: Bellus Pyrilampus vicus est.*

*Formosorum tumulis, quod à diis rapi crede-  
rentur: Sol me rapuit.* Vide Meursium De fu-  
neribus.

*Tricliniorum & diatarum foribus, S* litera inscripta;  
ad imperandum silentium maledicentiæ in ab-  
sentes. Pierius lib. xxxv 1. Hieroglyph. Ita di-  
uus Augustinus intra triclinium fertur mensæ suæ  
habuisse versus duos adscriptos, ad compescen-  
dos calumniatores.

*Ciborum nomina* in tabellâ scripta Regi mensæ  
dabantur à coquo. Lipsius lib. 111. Antiquar. le-  
ction. cap. 1. ex Athenæo. Cibi autem ipsi sub-  
inde

inde literarum etiam ordine seruato inferebantur, ita vt omnia eiusdem missus fercula eadem initiali literâ inchoarentur. Spartianus id narrat in Antonino Getâ, qui simul pro vno missu inferri iubebat perdices, porcellos, pullos, phasianos, pernas; alio missu, ficedulas, ficus, farta.

Pocula, scyphos, cultros, cochlearia, & lances subinde reperio literis notata.

De poculis, Athenæus lib. xi. apud quem Eubulus in Neottide: *Μισὸν κάκιστον γεφύματικὸν ἔκπομα*: *Pessimum odi literatum poculum*. Talia erant, inquit Cælius lib. vi i i. cap. i. illud apud Athenæum, in cuius ambitu scriptum, *Δίδε σὺ τῇ ᾠδῇ*, & quod Capuæ fuisse legimus Dianæ sacrum ex Homeri carminibus concinnatum; qualia multa habuisse Neronem refert Suetonius: *Vltimis suis rebus scyphos gratissimi vsus, quos Homericos ab calaturâ carminum Homeri vocabat, solo illisit.*

Scutellæ inscriptæ apud Petronium: *Tegebant a-sellum due lances, in quarum marginibus nomen Trinal-cionis inscriptum erat, & argenti pondus.*

De cultro literato Plautus Rud. Scen. Serid.

*Ensiculus est aureolus literatus.* —

*In eo ensiculo literarum quid est? &c.*

Cochlearia inscripta apud Lampridium in Heliogabalo: *Sortes sanè conuiales scriptas in cochlearibus habuit tales: vnus exhiberet decem camēlos, alius decem muscas.*

Lagenæ scriptis pittaciis signari solitæ; & multa sunt eius rei indicia. Horatius lib. i i. epist. ii. Petronius: *Statim allata sunt amphoræ vitreæ diligenter gypsata, quarum in ceruicibus pittacia erant affixa*  
cum

cum hoc titulo, Falernum Opimianum annorum centum.  
Plautus Pænulo Scen. Satis.

*Ibi tu videas literatas fictiles epistolas*

*Pice signatas, nomina insunt cubitum longis literis.*  
Erant autem hæc nomina Consulium sub quibus  
diffusa vina fuerant, vt patet ex Horat. Epod.  
Od. xiiii. lib. iiii. carm. Odâ xxi. & xxviii.  
& multis locis Martialis.

*Merces*, etiam scriptis tabulis (quas Scaliger libro  
iii. Poëtic. cap. vltimo Titulos vocat) ve-  
num prostabant. Ita in postibus Bibliopolarum  
scripta erant nomina eorum quorum vendebant  
libros. Martial. lib. i. Epigr. cxviii.

*Contra Caesaris est forum taberna*

*Scriptis postibus hinc & inde totis,*

*Omnes vt citò perlegas Poëtas.*

& pisces quidem adscripto in tabulis pretio ve-  
nibant, teste Athen. lib. vi. apud quem ita Alexis  
in Lebe de Aristonico Legislatore :

*Nunc autem legem quamdam edixit nouam*

*Auream, ne sedentes vendant piscarij,*

*Sed recti stent perpetuò.*

*Deinde vt appensis tabulis pretium scribant in po-  
sterum,*

*Quo citius mercaturi reuertantur domum.*

Est apud Senecam lib. x. cap. vi. Titul. contro-  
uersiæ de inscriptis mercibus.

Alias item merces, sed quas emisse statim po-  
nitet. Pudorem, inquam, muliercularum venalem pro-  
stitisse in fornicibus, titulo pudoris ac libidinis pretio tabulis  
inscripto, inuenio apud complures. Seneca Con-  
trou. i. Meretrix vocata es, in communi loco stetisti, su-  
perpositus est cella tua situlus. Ibidem : Nomen tuum  
pepen-



*pendit in fronte, pretia stupri accepisti.* Petronius :  
*Video quosdam inter titulos meretricésque spatiantes.*  
 Marialis :

*Intraſti quoties inſcripta limina cellæ.*

De quo ritu plura vide apud Briffonium de Iure  
 connubiorum: Caſell. Durantium, lib. 1. cap. 11.  
 Variar. & x. Douſam Præcidan. lib. 1. cap. 1v.  
 ad Petronij Satyricon.

*Servi venumdabantur appenſis collo titulis.*  
 Propertius :

*Et quorum titulus per barbara colla pependit,  
 Calati medio cùm ſalière foro.*

Erat autem in titulis ſcriptum,quemadmodum  
 Gellius refert ex verbis ediſti Ædilitij : *Quid*  
*morbi vitiiq; cuique fiet. Quis fugitiuus, erròve fiet, noxá-*  
*ve ſolutus non fiet.* Id quod Vlpianus confirmat  
 Leg. 1. Digefſt. De Ædil. ediſt. his verbis: *Qui*  
*mancipia vendunt, certiores faciant emptores quid morbi*  
*vitiiq; cuiq; fiet.*

Dum agebantur Comædiæ aut Tragædiæ, *Au-*  
*ſtoris* nomen in tabulâ ſcriptum proponebatur,  
 vt Scaliger lib. 1. cap. 1x. notat de Poët. quem-  
 admodum Romæ nomina ſingularum populi Cu-  
 riarum in foro deſcripta titulis figebantur, quan-  
 do Curia dies ſuos feſtos agitabant. Ouid. 11. Fa-  
 ſtor. De feſto ſtultorum:

*Inq; foro multâ circumpendente tabellâ.*

*Signatur certâ Curia quaq; notâ.*

*Stultaq; pars populi, quæ ſit ſua curia, neſcit:*

*Sed facit extremâ ſacra relicta die.*

De reorum tabellis apud Suetonium in Caligulâ  
 cap. xxxi 1. in Domit. cap. x. apud Dionem li-  
 bro Lix. apud Euſeb. lib. v. cap. 1. ex epiſt. Mar-  
 tyrum

tyrum Lugdunensium, vbi hæc verba : *Cùm vndique per Amphitheatrum circumduceretur , tabulâ (in quâ Latinis literis hac inerat inscripto, HIC EST ATTALVS CHRISTIANVS) illum pracedente.* Attingit de hoc more pauca Petrus Faber Semestr. libro 11. cap. v 111: qui ait Christo morienti fuisse titulum superpositum ex eodem more. De quo titulo vide Gretserum nostrum Commentariis doctissimis de Cruce.

*Res amisse scriptis & affixis vndique programmatris quærebantur expresso nomine amissoris.* vide cap. x x 11. in Mantissâ Ioannis Wauvverij,

*Hermæ & cippi* in compitis ad vias monstrandas inscripti. ita adnotavit Torrentius libro 1. Satyrâ v 111. Horat. §. x 11. & Budæus agens de Cippo. Firmatur testimonio Martialis libro 1. Epigram. x 111.

*Rura nemusq, sacrum, dilectaq, iugera Musis,*

*Signat vicinâ quartus ab vrbe lapis.*

Fertur primus huius inuenti auctor C. Gracchus, auctore Plutarcho. Vide Raderum nostrum loco dicto Martialis, qui ait, ab hisce inscriptionibus milliaria Græcis dicta esse *σημεῖα*.

*Naues inscriptæ*, & locus inscriptionis dictus *πυλὴς καὶ ὀρθαλμὸς* apud Pollucem & Athenæum libro quinto.

*Picturis* olim, dum colores nondum habebant, nomina pictarum rerum adscripta, narrat Plinius lib. xxxv. cap. 111. Vocabantur autem hæ picturæ *Sublestæ*, hoc est *lineatæ*, ἀλίστα, quod *χαμῖν*, & *μονόχαμμοι*, inquit Scalig. in Copâ.

*Tropæis* inscripta cæсорum nomina. Plutarchus De fortun. Roman. agens de Syllâ: Tacit. lib. 11.

O

Diony-

Dionysius & Plinius; Seruius item in illud Virgilij libro x i.

—— inimicâq; nomina figi.

*Vexillis* inscripta Ducum nomina. Sueton. *Vespas.* cap. vi. *Nomenq; eius vexillis omnibus sine morâ inscripserunt.* Vide Lips. De milit.

Denique vt facetâ narratione finiam hoc caput; Traianus Imperator, muris, & cippis, & ædificiis ferè omnibus nomen suum inscribi iubebat; vnde insigni ioco appellatus est *Herba parietaria*. Dignus sanè, cuius nomen ob insignem suam sæuitiam in Christianos è cippis omnibus expungeretur, aut luto tegeretur, quemadmodum Domitiano factum esse ad Traianum ipsum scripsit Plinius in Panegyri suâ, ritu in Tyrannos olim obseruato. De quo vide Ioan. Castalionem Variar. cap. xx.

#### C A P V T X X X I V.

##### *De inuentione Typographiæ.*

**Q**UIA de scripturâ nata est Typographia, ex re esse duxi de eâ hoc loco agere. Est enim Typographia scriptura quædam inuersa, quæ literas ordine contrario exprimit atque ipsæ literæ compositæ sunt. Hanc non iniuriâ Cardanus lib. xvi i. De Artibus, vocauit Artem nulli nec vtilitate, nec dignitate, nec subtilitate secundam. Sed iniuriarum agere possem cum Henrico Salmuth, interprete Pancirolli, qui quòd Germanos, gentem suam, maximi subtilissimique inuenti laude ornare vellet, nimis indigne tulit

tulit à nostro Ioan. Petro Maffeo eam lauream Sinensibus vindicari lib. vi. Histor. Indicarum; quando tamen cum Maffeo sentiunt ( quos ipsemet Salmuth testes laudat ) Garzias ab Horto, Ioannes Gonzaluus Mendoza, Iouius : addam ego, Petrus Gregorius Tolosas lib. xv. De Repub. cap. 111. & Nicolaus noster Trigaultius, qui recens è Sinâ in Europam rediit; exque ipsis Sinensium Annalibus, quos, ipse se excussisse diligenter affirmat, ita de typis scripsit lib. i. cap. iv. *Typographia apud Sinas antiquior est aliquanto quàm apud Europaos : nam à quinque retrò sæculis certum est ab iis vsu receptam: neque desunt qui asserunt, prius eâ Sinas fuisse vsos, quàm in hanc mortalitatem immortalis sese Deus abiecisset.* Quam verò diuersa sit, quantoque facilior illorum quàm nostra imprimendi ratio, ibi qui volet, legat. Pro certo igitur & explorato hoc habendum est. An autem à Sinensibus ad Germanos hæc ars delata sit; an fortè (quod fieri potuit) apud Germanos diuinâ quadam ingeniorum similitudine denuò inuenta sit, disputent Germani & Sinenses, ne mihi nimium succenseat Salmuthius, qui pro se adfert Polydorum, Guilandinum, Cassanæum, Ramum, & Beroaldum. Certè Iunius in Baruiâ suâ vindicat Harlemiensibus primam typorum inuentionem: ita omnes mirantur & exosculantur eam artem, vt singuli velint eam suam fuisse filiam.

Porro quomodo hoc artificium exercendum sit, accuratissimè scripsit Christophorus Milæus libro 11. Histor. vniuers. rerum, quò remitto Lectorem.

## CAPVT XXXV.

*De ornatu librorum.*

**L**ITERARVM typorumque nitor fecit libros maiori esse in pretio; paulatimque varius iis cultus adhibitus est.

Primum libri omnes compingebantur in volumen; hoc est, folia omnia vno ex latere intra bacillos duos complanatos consuebantur traiecto filo, ac tum circum bacillos voluebantur instar fasciarum. Volumen enim à voluendo dictum, scribit Isidorus lib. vi. cap. xiii. sicut pagina à literis quæ in chartâ panguntur aut cerâ. id quod etiam Horatius insinuat epist. xx. lib. i.

——— & scis

*In breue te cogi.* ———

& Martialis lib. xi.

*Vadas, sed redeas ineuolutus.*

Imò volumina Græci cylindros eâ re vocarunt, vt patet in Epicuro Laërtij.

Mox bacilli illi non è ligno, sed è cornu polito fieri cœpti, vnde cornua vocati à Martiali libro xi. Epigr. cviii.

*Explicitum nobis vsque ad sua cornua librum.*

De iisdem lib. v. Epigram. vi.

*Nigris pagina creuit vmbilicis.*

Communitè enim dicti vmbilici, quòd in medio essent ipsius voluminis circumuoluti, instar vmbilici, qui medius est in corporibus; cuius etiam formam referebant, præcipuè quando ad ornatum iis vtrunque affigebantur bullæ quædam, seu poma cornea aut eburnea foris extra volu-

voluminis oras prominentia; vt Pierius obserua-  
uit libro xxxiv. & Porphyrio in Notis Horatij.  
Hinc Martialis lib. i. Epigr. lxxii.

*Nec vmbilicis cultus, &c.*

Lib. i i i. Epigram. ii.

*Pictis luxurietis vmbilicis.*

Lib. v i i i. Epigram. lxi.

*Nec vmbilicis quiddam decorus & cedro.*

quamquam vmbilicus subinde pro libri fine ac-  
ceptus est Martiali & Horatio, vt Raderus notat.

Tum chartæ ad libros faciendos cœperunt ma-  
gis quoque expoliri. A Fannio Romæ primùm  
malleari charta cœpit, vt Plinius scribit lib. xiii.  
capite xi.

Deinde etiam pumicibus læuigari, ne scabri-  
ties manum scribentis aut legentis oculum of-  
fenderet: vnde Martialis libro viii. Epigram-  
mat. lxxii. ad librum suum:

—— asperoq;

*Morsu pumicis aridi politus.*

quod ferè Carullo descripsit lib. i. carm. i.

*Arido modò pumice expolitum.*

item Horatius:

*Scilicet vt prostes Sossorum pumice mundus.*

& lib. i. Epigr. lxxii. Martialis.

*Sed pumicatâ fronte si nondum est quisquam,*

*Nec vmbilicis cultus atque membranâ.*

vbi indicat non solùm chartam, sed & librorum  
inuolucra membranacea, quæ frontes sunt, pumi-  
cibus fuisse læuigata. quod & Ouidius innuit:

*Nec fragili gemina poliantur pumice frontes,*

*Hirsutus sparsus vt videre comis.*

*Nec titulus, minio nec cedro charta notetur,  
Candida nec nigra cornua fronte gerat.*

Et Catullus lib. i. ad Varum:

*Noui umbilici, lora rubra, membrana  
Directa plumbo, & pumice omnia aquata.*

Ergo membranæ fuere voluminum tectoria, & quidem diuersicolores: rubra, ut iam ex Catullo; nigra, ut ex Ouidio; lutea, ut Tibullus:

*Lutea sed niueum inuoluat membrana libellum.*

Purpurea, ut Statius lib. iv. Siluar,

*Noster purpureus nouusq; charta  
Et binis decoratus umbilicis  
Liber, &c.*

Ouidius lib. i. Trist. Eleg. i.

*Nec te purpureo velent vaccini i succo.*

D. Hieronymus in Prologo Iob: Habeant qui volunt veteres libros membranis purpureis, auro argentoque descriptos, vel vncialibus, ut aiunt, literis onera magis exarata quam codices.

Postquam verò libri desinere esse volumina, cœperunt frontes è tabellis, purpurâ, auro argentoque textis, ac solidis componi. Causam dat Martialis lib. xiv. Epigr. lxxxiv.

*Ne toga barbatos faciat vel penula libros,  
Hac abies chartis tempora longa dabit.*

De colore verò lib. iii. Epigr. ii.

*Et te purpura delicata velet.*

Lib. viii. Epigr. lxxii.

*Nondum murice cultus. —*

Lib. v. Epigr. vi.

*Qua cedro decorata purpuraq;  
Nigra pagina creuit umbilicis, &c.*

*Vltra*

*Vltro purpureum petet libellum.*

Tum folia etiam accisa, vt æquales essent chartarum oræ. quod primùm in Sicilia factum Isidorus scribit libro vi. Etymolog.

Porro quod de cedro ab Ouidio dicitur, ita se habet. Cedria, seu olcum è cedro arbore expressum, vt Cassius Hemina docet apud Plinium libro xiiii. cap. xiiii. chartis illitum, tineas ab iis arceret. vnde apud Horatium :

———— *Speramus carmina fingi*

*Posse linenda cedro.*

Martialis lib. iiii. Epigram. ii.

*Cedro nunc licet ambules perunctus.*

Ausonius ad libellum suum :

*Huius in arbitrio est seu te iuuenescere cedro,*

*Seu iubeat duris vermibus esse cibum.*

De literis autem aureis, argenteis, muriceis iam sæpius dictum est, quibus libri scribebantur. Illud pro clausulâ appono, quod libris extremis & summis appingi solitum scribit ex Ausonio Turnebus lib. xxi. cap. x. Veteres, inquit, vt in calce librorum coronidem appingebant; ita, suspicor, in fronte lunulam ad ornatum designabant. Huius suspicionis nobis causam Ausonius præbet Epigr. xxvi. De Professor. Burdegalenf.

*Quos legis à primâ deductos menide libri,*

*Doctores patria scito fuisse mea.*

Menis autem lunula est, quæ corniculata sit; idcirco & cornua, ea ornamenta Latini vocauère. Hic libri mei erit coronis, ne quis mihi Callimachus dicat : *Magnuui librum, magnum esse malum.*



# S Y L L A B V S

## C A P I T V M.

### C A P V T I.

Quid scribere? unde dictum? varix item eiusdem vocabuli significationes, & voces nonnullæ contrarium significantes.

Pag. 29

**S**CRIBO, vel esse originarium verbum, vel à *γράφω*, (*γράφω* autem non à Cymbrico Graff) vel ab Hebraeo *כתב*. Quid fata scribere? dicam, libertatem, tutorem, heredem scribere? Scribere pro pingere, gestibus loqui, & arare. Ager scripturarius quid? Patres conscripti, unde? Quid subscribere, praescribere, conscribere, Pingere, arare, effodere, sulcare, illudere, illinere, ducere, lineare, pro scribere. Contraria sunt; liturare, liturâ coercere, delere, stylum vertere, abolere rubricis, cancellare, inducere, expungere, dispungere, spongiâ effingere, in spongiâ incumbere. ubi illustratus vetus mos utendi spongiâ.

### C A P. II.

Quid literæ? & unde dictæ?

36

Vocari Othiōth Hebrais, id est, signa; Gracis *σημαῖα*, *σηματα*, *τύποις*, *χαρτῆνες*, *χαράματα*, id est, signa, & formas, & sculpturas: quia visus obiectum sunt. Latine vocatas literas, quasi lineaturas, à lineis: sicut Gracè *σηματα*, non à lituris, non à Cymbrico let-ter-em, non ab iterato legentium itinere quasi legitera. Scribendum, litera, simplici t, non littera. Unde litera dicta elementa?

C A P.

## CAP. III.

Quæ literæ, à quibus, & quando scriptio inuenta? 40

Ostensa origo erroris, in quem lapsi plurimi, de antiquitate literarum. Dissensiones auctorum pugnantium conciliata. Literæ Hebraica ab Hebraeis inuenta, omnium prima asserta; ante Moysen & Abrahamum inuenta primum, & scripta ab Adamo, & ab Enos, aliisque filiis Seth: ea opinio testibus & argumentis firmata. Quomodo ab Hebraeis literæ ad alios, velut in colonias deductæ; & à quibus? De litigio literarum coram vocalibus apud Lucianum.

## CAP. IV.

De numero literarum.

55

Hebraica primò tantum decem; deinde excreuerunt ad viginti septem, cum duplicibus & finalibus; alioqui omnes omnino sunt viginti duæ. Dictum de auctoribus aliquot Græcarum & Latinarum literarum: nam Græci primò vel sexdecim, vel octodecim; Latini item primò tantum duodecim, deinde octodecim literas habuere. Quæ tres nouæ literæ Claudij? Quomodo scribendum digamma Aëolicum? Nuba populi literas habent quadraginta septem, Sinenses octoginta millia.

## CAP. V.

De ordine literarum.

62

De meliori ordine Hebræorum & Græcorum, quàm Latinorum. Item de ordine qui pro naturâ rei videretur debere obseruari.

## CAP. VI.

De figuris literarum.

64

Quomodo ea apud Hebræos ex literâ Iod; apud Latinos & Græcos orta ex lineâ rectâ & curuâ, vnâ vel pluribus

O 5

variè

variè iunctis. Item ex perpendicularibus, diametralibus, vel inordinatè curuis. Denique de simplicibus literis & compositis; subiectâ omnium formarum Alphabeticâ tabellâ.

## CAP. VII.

De nominibus literarum, & eorum significatione & causis. 65

Hic dictum ex occasione de episcopo seu notâ numerariâ triplici Græcorum,  $\Xi$ .  $\Gamma$ .  $\Delta$ . De Sigmate, seu Stibadio vetere,

## CAP. VIII.

De quadruplici scribendi modo: Hebræo vetere, Hebræo nouo, seu Græco & Latino vetere; Communi nostro, Syriaco, Indico, Sinico, Æthiopico. 76

Hic ostensum quomodo excogitari possent modi scribendi per lineas rectas, omnino viginti quatuor: octo in latum, octo in longum per lineas perpendiculares, octo in longum per diametrales. Hebræorum vetus modus etsi antiquissimus, non tamen optimus. Omnium commodissimus modus, est communis noster. Scribere per versus, modus recentior Hebræorum, Græcorum & Latinorum vetustissimus. Quid Cuspondor? quid versus? quid Tapocor? Tabula cum viginti quatuor scribendi modis.

## CAP. IX.

Quibus instrumentis scriptum. 84

De stylo ferreo, qui antiquissimus; de osseo, qui inuentus ad calandam ceram. De saxeo stylo Arithmeticorum. De selte ex cap. x i x. lobi. De adamantino stylo vitrariorum. De digito & vngue styli loco usurpato. Calamus non inuentus ad scribendum, ante vsum membranae aut

aut charta. Penna auum recentior. Penicillus pictorum & Simensum est calamus. Styli simul & atramenti vicem obeunt, carbo, creta, rubrica, plumbum.

## CAP. X.

In quâ materiâ antiquissimè scriptum. 89

De latere ac lapide qua prima materia. De foliis arborum; palma, malua, olea. Scriptum in pomo, in fungo, in corio, in frondibus florum, in libris seu tunicis corticeis arborum, in corticibus viuis. In ligneis tabellis qua dicta codices & codicilli à caudice, quando. In linteis voluminibus; in plumbeis, non voluminibus, sed tabellis. Quid scheda? Vnde dicti pugillares? qui pugillares cerei, citrei, eburnei, membranei? duplices seu διπλοὶ? triplices seu τριπλοὶ? quincuplices πεντάπλοοι? Quando scriptum in aere, argento? Quando inuenta membrana? vnde sic dicta? vnde appellata pergamenum? De multicoloribus membranis; de intestinis in quibus scriptum. Scriptum in puluere, in terrâ, in aquâ, in vino, in humanâ cute, & corde; in omni denique materiâ.

## CAP. XI.

De primo vsu chartæ, eiusque variis generibus & appellatione. 98

Charta & chartus: dicta non à Chartâ vrbe Tyri; non quod carptum papyro decerpatur; sed à χαίρειν, quod epistolis prescribi solum, vnde Salutaris charta, Martiali. Que charta noua & deletitia Vlpiano? quid palimpsestus? Charta vsus diu ante Alexandri tempora. Chartarum varia nomina ex quinque capitibus orta: locis, auctoribus, materiâ, formâ & officio. Elegantes denique aliquot metaphora in rem scriptoriam comportata à variis auctoribus.

## CAP.

## CAP. XII.

Ex quâ materiâ scriptæ literæ. 101

De atramento, milto, minio, synopide, cinnabari, encausto. Cur capita Legum rubricis miniata? Sanguine scriptum à quibus? Litera facta è buxo & ebore; litera ferrea, argentea, aurea, ex auro solido & liquido. Byssina in vestibus. Litera vino, aquâ, lacrymis scripta.

## CAP. XIII.

De epistolis &amp; earum variis generibus. 106

De vocis etymo. Vnde Latinis epistola dicta missa & missua. Quid Apostolica litera? quid Clerica, Canonica, Circulares, Captiuorum, Confessorie, Commendatorie, Formata? Vnde dicta Formata & Formales? Exemplum epistola Formata, συνθηματα. Decretales epistola, Dimissoria, Apostoli, Laureata, Memoriales, Metatoris, Aduentoria, Aspasticon, Pastorales, Synodica, Systatica, Pragmatica, Tractatoria, Tractoria. Epistola ad mortuos scripta, à mortuis scripta, ad diabolum scripta, ad montem Atho scripta. Litera Vria. Initium literarum; Gaudere, Bene agere, Χαίρειν. Salutem P. D. Suo vel Suis. Clausula Gracorum, Pax; Latinorum, Vale. De addendo scriptionis die & horâ. Quid Cicero pro barbarorum Dato?

## CAP. XIV.

Oeconomia cursus publici, seu ratio mittendarum epistolarum. 113

Nuntiorum alij pedites, alij equites, alij curules & navales. Veredi & veredarij vnde dicti. Qui dromanarij, cursuales, & palladij equi? Quid cursus publicus? fiscalis, clabularis, & caballatio? Angari & Parangaria. Cursus

*ſus publicus quando plebi communicatus. Qui curſores Eccleſiaſtici. Quid facultas tractoria? Qui Parochi? Quid Curioſus? Quid Saiones? Quid Hippocomi? Quis auctor primus curſus publici? A quibus inſtauratus? Qui Aſtlanda apud Perſas? Vnde Γεαμματοπόροι? Qui Gerones? Vnde Bruttiani? Claſſarij qui? Qui, & vnde dicti Poſta? Quis olim habitus Curſorum? Vnde illis pinna in capite? Cur Aelius Verus Curſores appellauit nominibus ventorum? Cur dicti à Cicerone Pegafi?*

## CAP. XV.

De occultâ literarum miſſione. 122

*De occultâ materiâ, Tabellariis, Viâ. Hiſtoria & modi vniuerſim triginta duo.*

## CAP. XVI.

De inuiſibili literarum ſcriptione. 130

*De vario humore, quo ſcripta litera non niſi certo artificio legi poſſunt.*

## CAP. XVII.

De occultandâ ſcriptione per tranſpoſitionem literarum. 131

*De Iulij & Octauiani inuento. Suetonius auctoritate Varronis correctus. Quid ſcribere per Tractationem apud Varronem.*

## CAP. XVIII.

De occultâ ſcriptione per Notas. 134

*Quid Nota? Nota litera, & Nota non litera. Nota non litera vocantur omnia, ſigna, imagines, zifra, ignobiles litera, quaſi litera, compendialiterarum, πύλαι, vel ſigla. Siglum deſcendere à ſigillo. Nota litera vocantur ſingule & ſingularia. Ammianus notatus quoddam Egyptios characteres vocet ſingulas, cum ſint ſigla. Plurima*

rima per notas scribendi artes, eaq̃, olim vulgares. Causa ob quas inuenta Nota, quatuor: secretum, distinctio, breuitas, celeritas scriptionis; hac postrema quanta, quam velox. Notas inuentas esse, non à Mecenate, Aquilâ liberto, Cicerone, Tirone liberto, Ennio, Phylargyro, aut Persannio, sed ab Hebrais circa tēpora Danielis Propheta.

## CAP. XIX.

Quæ alia Notarum genera? ac primò, de seruilibus. 143

De Notis, insignibus nobilitatis apud varias gentes; cur stigmata dicta nota Threicia, puncta, signa focorum aut fugarum? Serui *στυματῖαι*, *στυγῶν*, varij attagenes, Istriani, notis compuncti, inscripti, calati, literati, encausti. Seruiles nota, partem litera singula, partem sigla. Crimen, reis nonnumquam inscriptum, per manus & totum vultum: sapius tamen non perscriptum, sed singulis tantum, aut bis literis expressum. Ita K inustum Kalumniatoribus, D delatoribus, & T furibus, M homicidis apud Anglos, ritu à Syris mutuato. Vultum inscribi vetuit Constantinus; denuò iussit Theophilus Iconoclasta. Militibus & sacrificulis inusta etiam nota & puncta. Stylus vstorius, *καυτῆρ καὶ καυτῆριον*. In sulcos causticos atramentum infusum. Per transfennam dictum de Caustice seu picturâ vstoriam cerarum apud veteres.

## CAP. XX.

De notis pecudum. 148

Quid signare? Signum ingenuum apud Ausonium. Equi *συνόμογε*, non à literâ Σ inusta, sed ab epifemio *Θ* Σάν Πι. *Κοππατῖαι*, ab inusto Kophe seu Koppa, non à *Κάππα*. Ferrum vstorium *πρωσίππος* vel *ἱπποῦς*, *χρὸς*, vel *χαρακτήρ*. Quid *ἀσπαρῖσος*.

CAP.

## CAP. XXI.

## De notis Iureconsultorum. 150

De his Magno librum conscripsit. Iustinianus & Basilus Imperatores earum vsu omnibus interdixere: bonum factum, ad vitandas fraudes. Et cetera Notariorum, Prouerbio celebratum. Ostensam quanta subinde ab his notis damna accepta; quam variè earum interpretatio diuinata. Vnde ff & D, pro notis Digestorum, seu Pandectarum.

## CAP. XXII.

## De notis Iudiciariis. 154

Sententia à Iudicibus per notas scripta. A. Absoluo. C. Condemno. N. L. Non liquet. Alia tabella ab Augusto data ad ignoscendum. θ & x, nota item condemnationis. Tau, nota superstirum in Militiâ, litera sospitalis, à Tribunis adscripta Senatusconsultis. Longa & breuis linea; hac absolutionis, illa condemnationis nota, apud Suidam. Litera longa Plauto, quæ? Iudicum calculi, nigris & albis notis insigniti.

## CAP. XXIII.

## De notis Censoriis. 157

De Tabulis Caritum. Quid *συλοκοποι* Athenao.

## CAP. XXIV.

## De notis Suffragatoriis. 158

Quando ea orta? Quales? Qualis suffragandi ratio? Duplices tabella. A. Antiquo. V. R. Vti rogat. Suffragia punctis adnotata ad ineundum numerum.

## CAP. XXV.

## De notis Tesslerariis. 159

Tessera vnde dicta? cuius materia, cuius forma, quo diuersa à talis? Tessera rotunda. Quid militares?



res? Qua militarium tesserarum signa & nota? Quid frumentaria? Quomodo differant à stellaturâ? Quid numaria? vestiaria, lusoria? viales, & hospitales?

## CAP. XXVI.

## De notis Sortiariis.

162

Triplacis sunt generis. Sortes è ligno; vnde à κάλον, κληρῶ, sors. Quid παρδομάτια? De pullis literas depascentibus diuinationi adhibitis. Sortitio ludicum & Athletarum per literas apud quos?

## CAP. XVII.

## De notis Grammaticis.

165

Ha dicta θέσεις καὶ εἰρημαί, καὶ προσώδια: Latinis Accentus & Positura. Comma, hypocolon, colon, punctum. Quid Sicilicus? Quando inuenta distinctionum notæ? Quàm diuersa veteres à nouis? Parenthesis, hyphen, apostrophos, diastasis, diarexis. Quando apud Græcos & Latinos cœperint accentus? Quid Masoreth, & quàm recentia apud Hebræos? Vnde & quomodo nata accentuum forma? Quales & quæ spirituum notæ? Quæ notæ metricæ? Quæ Platonica? De obelo qui notæ est culpa. De notâ laudis ex Varrone.

## CAP. XXVIII.

## De notis Arithmetis.

171

Litera olim vsurpata pro numeris. Dictum de versibus ἰσολόγοις, & nominibus Gametricis Rabbiorum. Cur Ivnitatem; V quinarium, X denarium, L quinquagenarium, C centenarium, D quingentenarium, M millenarium, significant? Dictum de Clauo annali. Theut inuentor priscorum numerorum; Arabes Zifrarum recentiorum. Vnde Zifra dicta? Quæ ciuitas literarum?

CAP.

## CAPVT XXIX.

An literis, notis, numeris arcana

aliqua infit vis?

176

Inest vis duplex; altera significandi, altera obligandi; nulla tamen Physica, vt probatum ratione & auctoritate.

Quid Ὁρομένηα? Στοιχειομένηα, & Α'ειδμένηα?

Quid Kabbala? Qualis Marci & Colarbasti hæresis de vi literarum? Quis error Origenis, & quorundam Hebraeorum? De Ephesiis literis ex Suidâ. Nota amatoria nullam habent vim, nisi ex pacto demonis. Antichristi nomen qui & quale diuinarint, ex numeris DCLXVI.

## CAP. XXX.

De vi obligandi quam habent

literæ.

181

Vis moralis est, subinde maior quàm testium; ex Iure ostensum. Vnde id factum? Quanta in scribendo chirographo adhibenda cautio, monstratum documento Pulcheria Augusta in Theodos. fratrem. Quæ pœna falsariorum? Cur à Iustiniano vix permissa comparatio literarum? Qui olim falsa Apostolorum acta scripserint? Quomodo punitus Valens dum Basilio vellet scribere sententiam exilij? Quod Neronis votum, quando abs se quidam capite damnandus?

## CAP. XXXI.

Varia scripturarum nomina.

185

Acta seu Gesta. Sacra acta primùm Clementis, deinde Fabiani iussu scripta. Acta Natalitiorum quæ? Repagularia, Diurna acta. Accepti & Expensi tabule. Aduersaria qualia, & vnde dicta? cur Transuersa appellata? Quid ὁμολογήματα? Quid Minuta & ὑποτάγματα? Annotatio. Quid album? quàm multiplex? Quid ubrum & nigrum Iureconsultis? Quid Pittacium?

P

Anna-

*Annales quo differant ab Historiâ? Antigraphe, Apocha, Antapocha, Arrestum, Authenticum, Autographum, Auctionaria tabule, Breuia, Breuiarium, Breuiculus, Bulla, Plumbatores, Chirographum, Cautio, Commemoratorium, Commentarius, Monitores, Monitoria, Condicta, Diarium, Digestum, Diplomata, Edictum, Elogium, Ephemeris, Eulogia, Fasti sacri & profani, Imbreuiatura, Indigitamenta, Instrumentum, Inuentarium, Repertorium, Kalendarium, Libellus, Laterculum, Mandata libera, Matrices, Notitia, Notorium, Pandecta, Poliptici, Programma, Rationarium, Rescriptum, Sacra litera, Litera credentia, Scheda, Signatura, Summarium, Syngrapha, Tituli, Translaticia edicta.*

## CAP. XXXII.

De scribis & variis eorum generibus. 199

*Librarij qui? Scribe appellati à Magistratibus, Pretorij, Aedilitij, &c. ab officio. Nauales, Epistolares, Libellenses, &c. Actuarij, Abbreviatores, Rescribendarij, Summistæ, Notarij, Antiquarij, Singularij, καλλιγράφοι, σημειογράφοι, ταχυγράφοι. Qui Protonotarij? quæ eorum origo? Quàm varia Notariorum ciuiliū genera? Logographi, Mediogrammatæ, Symbolographi, Subadiuua, Boëthi, Formularij, Pararij, Chartulani, Chartularij, Exceptores, Prochiri, Hypomnematographi, Regerendarij, Scripturarij, Scriptores. Quales litera Notariorum. Quàm ab aliis diuersa? Quæ litera maiuscula, quadrata, vnciales? Quid apices?*

## CAP. XXXIII.

De rarioribus quibusdam inscriptionibus.

204

*Ostius inscriptum, Caue canem; &, Arse verse. Laudes*

*des ianuis amicarum inscripta, & earum nomina viuis arborum corticibus, floribus item & pomis, & arulis tumulorum. Sigma inscriptum foribus tricliniorum, ad quid? Ciborum nomina, Modi imperatori à coquo in tabellâ tradita, cibi literarum ordine in fercula dispositi, Pocula inscripta, vnde yegumanna & literata dicta. Inscripti cultri, scyphi, lances, cochlearia & lagena appensis pittaciis. Merces inscripta, & earum pretium in tabulâ expressum. Lupanaria inscripta nominibus prostibulorum, & pretio stupri. Serui appensa pretij & morbi tabellâ venditi. Tragædiarum nomina & auctoris proposita in titulo, dum agebatur. Curiarum nomina in foro scripta. Tabellæ reis appensa cum inscriptione criminum. Res amissa, fixis programmatis quaesita. Lapides miliarium & itinerum signatores ab inscriptione quædam dicti. Nauibus appicta nomina, & veteribus picturis. Tropæis occisorum nomina inscripta, vexillis, Ducum. Traianus cur dictus herba parietaria? Quo ritu expuncti tituli tyrannorum.*

## CAP. XXXIV.

*De inuentione Typographiæ. 210*

*Sinensibus ea assignata. Diuersa & faciliior illorum quàm nostra.*

## CAP. XXXV.

*De ornatu librorum. 212*

*Quid volumen, & vnde dictum? Quid cylindri? Vnde pagina? Libri omnes olim volumina. Quid cornua in volumine? Quid vmbilici? A quo primum malleata charta? Libri vbi primum circumcisi. Quid frontes librorum? Charta & frontes pumice lauigata. Librorum inuolucra è membranâ diuersicolore; mox è tabellis purpurâ vestitis; ne libri barbati, hoc est villosi, fierent. Charta contra tineas cedrino oleo delibuta. Quid menis & coronis in libris, ex Ausonio.*

## APPROBATIO SUPERIORVM.

**C**AROLVS SCRIBANI Præpositus Pro-  
uincialis Societatis IESV per Flandro-Bel-  
giatn. Cùm opus De primâ scribendi origine,  
eiusque vniuersâ antiquitate à P. Hermanno  
Hugone Societatis IESV Sacerdote conscriptum,  
designati eiusdem Societatis Patres legerint, pro-  
barinque; potestate ab admodum R<sup>do</sup> Patre no-  
stro Generali MYTIO VITELLESICO ad hoc mihi  
factâ, vt typis excudatur, permitto. In quorum  
fidem has literas manu meâ subscriptas, officij  
mei sigillo muniui. Antuerpiæ, xxvi i. Iulij, anno  
Domini M. DC. xvi.

*Carolus Scribani.*

## APPROBATIO CENSORIS.

**L**IBRI hî De origine scribendi & totâ lite-  
rariæ rei antiquitate, R. P. Hermanni Hu-  
gonis è Societate IESV industriâ & accuratâ dis-  
quisitione compositi, digni sunt qui in literato-  
rum omnium manibus versentur. Datum Antuer-  
piæ, x x v i i. Iulij, anno Domini M. DC. xvi.

*Egbertus Spitholdius Plebanus  
Antuerpiensis.*

## SVMMA PRIVILEGII.

**A**LBERTI & ISABELLÆ CLARÆ EVGENIÆ, Archiducum Austriae, Ducum Burgundiæ, Brabantiae, &c. Serenissimorum Belgicæ Principum Priuilegio cautum est: ne quis Librum, cui titulus est, *De primâ scribendi origine, & vniuersâ rei literaria antiquitate, ad Reuerendum Patrem CAROLVM SCRIBANI Societatis IESV Prapositum Prouincialem in Prouincia Flandro-Belgica, scribebat Hermannus Hugo eiusdem Societatis IESV*; præter Balthazaris & Ioannis Moretorum fratrum voluntatem intra sexennium excudat, aut alibi excusum in Inferioris Germaniæ ditiones venalem importet. Qui secùs faxit, confiscatione librorum, & aliâ graui poenâ mul-  
tabitur, vti latius patet in literis datis Bruxellæ, xvi. Augusti, M. DC. xvi.

Signat.

I. Cools.









